

OPTICA
PHILOSOPHIA
EXPERIMENTIS
ET RATIONE

A fundamentis constituta,
NICOLAI ZVCCHII PARMENSIS
E SOCIETATE IESV,
Olim in Romano Collegio Matheseos Professoris:

Ad Sereniss. LEOPOLDVM GVILIELMVM
AVSTRIÆ ARCHIDVCEM;
Belgij, & Burgundiæ Gubernatorem, &c.

Biblioth. Schol. PARS PRIMA. *Part. I. P.*
De Visibilibus, & eorum Representariis.



LVGDVNI,
Apud GVILIELMVM BARBIER, Typogr. Regium.

TRACTATUS OPTICVS.

DE Lumine, aliisque visibilium Re-
præsentatiuis:


Eorum progressionibus, Directis, Re-
fractis, Reflexis:

Assignatis legibus, causis, effectibus,
Tam in sublunaribus, quàm in cælestibus,
Quorum apparentiæ per Telescopium
solutis obiectis stabiliuntur;

Colores Veri, & Apparentes exponuntur:

Artificio Prismatis Trigoni ex vitro,
& mirabilibus illius per multa Problemata
interpositis.

*Totus Tractatus suis partibus digestus
sub initium exhibetur.*





erra del VTROOVE POTENS



SERENISSIMO PRINCIPI
LEOPOLDO GVILIELMO
AVSTRIÆ ARCHIDVCI,
BELGII, ET BVRGVNDIÆ
Gubernatori, &c.

NICOLAVS ZVCCHIVS F.

Paruos non Aquilis fas est educere foetus
Ante fidem Solis, iudiciũque Poli.



*HEROICÆ Virtutis, & eximie Pie-
tatis Ferdinandi II. Imperatoris Hæres,
in Solem eductus, rebus piè, fortitèrque
gestis, dignum te tanto Parente filium Christiano
Orbi, hostibus autem Imperij, luminis & fulminis
Arbitrum comprobasti. Tùm verò victricibus alis
ultra Imperij fines elatus, Leoni Belgico superno-
litans, bellatrices illius vires, & excubantem pro
Pietate vigilantiam munis, & promoues. Quibus
cùm omnium in Te oculos, animosque conuerteris;
quidni ab iis potissimùm suspiciendus, & unicè*

colendus sis, quos ex auitâ Domus Austriaca, &
tuâ beneuolentiſſimâ, & magnificentiſſimâ pro-
pensione foues, & protegis? Mihi certè ſemper haſit
in animo ſingularis inſcientias & ſapientes Amor;
Forma, Pietasque Imperio digna, quas in Austria-
ca indole tua, in nido patriarum Coronarum plu-
meſcente, ſpectaui Vienna anno ſaeculi huius 23.
At nunc adulta decora, nouis ſemper incrementis
aſſurgentia; & Virtutis, felicitatiſque pennis li-
bratam in ſublimi Gloriam ut libentiſſimus lego,
& audio; ita ultra anni, Soliſque vias proue-
dam, votis & admiratione proſequor. Patere igitur
inter Virorum Principum praconia, planſuſque
papulorum, Tibi à me nullius nota homine. in ad-
dictiſſima tamen Celſitudini tuae Societate adſcri-
pto, quacumque humillimi obſequij teſtificatio-
nem exhiberi; & Philoſophiam Opticam tuâ ma-
gniſcentiſſimâ largitate, & Moderatorum meorum
iuſſu prodeuntem, tuo Auguſtiſſimo nomine conſi-
gnari; in qua monumentum ære perennius, om-
nium luminum radiis, omnium colorum venuſtati-
bus, Tua glorie exprimere contendo; quod non im-
ber edax, non Aquilo impotens diruere poſſint:
Approbante verò Te, non innumerabilis annorum
ſeries, aut fuga temporum valeat abolere.

LECTORI.

LECTORI.



ROMISSAM, in noua de Machinis Philosophia, fidem exsoluturus, saltem ex parte, Primam tibi Philosophiæ Opticæ Partem, in integro tractatu de Visibilibus, & Visibilium Repræsentatiuis, exhibeo: Secundam, si Scientiarum & vitæ Dominus dederit, subinde perfecturus; in qua de Visionis organo, suis ritè partibus instructo, & adscitis per artem præsidij ultra connaturales metas promotio; de Visionis Apparentijs ad veteris Opticæ normam, ab erroribus vindicatam, & Determinatione illarum per veras causas agetur.

Vt autem consilij mei rationem tibi candidè aperiam: Non fuit animus Opticam nouis designationibus augere; sed eius structuram labantem, collocatis in solido fundamentis erigere. Arguar fortasse, quòd Philosophantium bene consulturus, onus tantum humeris imparibus inconsultò subierim: sed id à me factum, ea spe subnixo; quòd opus à me attentatum meliores perfecturi sint: interim verò Physici, in mathematicis minùs exercitati, mitiorem pro suo Genio veritatem extra multiplicium linearum ambages inueniant; & Matheseos studiosi causas Physicas
Progres

Progressionum in Radiationibus, Determinationum
in Apparentijs, vltra lineas progressi, assequantur.
Mitte quærere apud me, quid alij senserint; licet enim
iunior, legendi avidus, commissa chartis à priscis, &
recentioribus euoluerim, veras causas irritò, saltem
vt plurimum, labore, apud illos venatus: postea tamen
experimentis naturam excutere, & ex illis, adhibita
in consultationem ratione, veritatem eruere, laten-
tesque eius causas introspicere conatus sum; simplici
stylo, non concertatorio, audire volentibus exposi-
turus. Id ipsum modò, maxima saltem ex parte præ-
stabo; dum iussus eam lectori typis expressam exhi-
beo. Typographis errata, si quæ occurrant, benignè
condonato; Authori sua, dum superuiuit, corrigenda
exhibeto; ambigua in meliorem partem accipito;
certus, quòd his in lucem edendis nemini tenebras
offundere voluerim, nec vltra studiosos, ad limina
Opticæ consistentes, alios multò me in ea prouectio-
res docere tentauerim. Extremum addo; in Visione
Summi Veri, Boni, Pulchri, totam mercedem studio-
rum, laborumque cumulatissimam constitutam esse,
quam non nisi mundo cordis oculo assequemur; asse-
quuti, sine erroris suspitione sapientissimi, sine defec-
tus timore fœlicissimi, æternitatis die, ab inoccidua
luce illustrato, perfruemur. Viue Deo, vt æternùm
viuas.

INDEX CAPITVM
ET
SECTIONVM.

CAPVT PRIMVM.



*VID intelligatur nominibus Perspicui, Terminati,
Lucidi, & Colorati.*

pag. 1.

CAPVT II.

*Dantur similes colores in corporibus lucidis & coloratis; illi ta-
men, qui spectantur in coloratis, sunt magis mixti ex alieno, li-
cet vere ex parte illorum sint proprij.*

pag. 3.

CAPVT III.

*Tam lucida, quam colorata illustrata propagant representatiuum
sui, extensum per diaphanum ad corpora terminata: represen-
tatiuum autem, quod dicitur lumen, diuersum est à representa-
tiuo coloris, quod cum ipso propagatur ab illustratis.*

P. 5.

CAPVT IV.

*Representatiua sunt diuersa natura à qualitatibus visibilibus, seu
in illustribus, seu in illustratis, & illis nullo modo formaliter
similia; nec cum illis, aut vice illarum terminatiua visionis.*

p. 7.

CAPVT V.

Representatiua coloris lucentis, & illustrati non sunt corpuscula

††.

Index Capitum

substantialia, ab illis diffusa, aut genita in medio, aut excitata.

pag. 9.

CAPVT VI.

Non sunt qualitates à lucidis, & illustratis transeuntes in Diaphanum; sed ab illis in Diaphano productæ.

P. 13.

CAPVT VII.

Singularia de Propagatione representatiuorum.

SECTIO I.

Intra spheram propagationis, quodlibet signabile representabilis propagat representatiuum sui in totum Diaphanum, & totum representabile in quodlibet signabile talis Diaphani.

P. 17.

CAP. VII. SECT. II.

Datur propagatio representatiuorum per medium similiter; immò perfectius affectum.

P. 20.

CAP. VII. SECT. III.

Non alligatur Propagatio representatiuorum per Diaphanum raritati, vel Densitati subiecti; sed aliquando rarefit in Densò, densatur in Raro; nec in eodem medio decrescit solum secundum mensuram distantie à Propagante.

P. 22.

CAP. VII. SECT. IV.

COROLLARIUM.

De intensione qualitatis secundum partes intra partes, & quidem homogeneas, & de Agente per reflexionem.

P. 24.

CAP. VII. SECT. V.

Propagatio representatiuorum lucidi, & illustrati per Diaphanum in tota sphaera actiuitatis, quantum est de se, fit sine successione; de facto tamen successiue, & cum aliqua dependentia à presenti influxu primi Propagantis: impeditur autem conuenienter tum in directum, tum aliquomodo ad latera; ab interposito opaco.

pag. 27.

CAP.

& Sectionum.

CAP. VII. SECT. VI.

Dependentia representatiuorum ab obiectis visibilibus non est, nec esse debuit tanta, ut iis amotis statim desinant; neque tanta independentia, ut sine illis diutius perseverent.

Quâ occasione agitur de varia rerum naturalium conseruatione, & causa determinationis illius, De Chamaleonte, De lapide Bononiensi.

P. 30.

CAP. VII. SECT. VII.

Representatiuum in tota sphaera Propagationis rationabilis dicitur non pendere immediate à visibili.

P. 37.

CAP. VII. SECT. VIII.

Partes intenssionis in obiecto visibili non habent singula aliquid sibi determinatè correspondens in representatiuo; sed illud per totam sui, & quamlibet sua intenssionis partem, totius perfectionis eius intenssua representatiuum est, sicut à tota propagatur.

pag. 38.

CAP. VII. SECT. IX.

Partes extensionis in obiecto habent sibi correspondentes distinguibiles aliquomodo in representatiuo; ita ut quod uni illarum seruit, non seruiat alteri in eodem.

P. 39.

CAP. VII. SECT. X.

Sicut particulare representatiuum non habet ex suis intrinsecis in ratione representatiui connexionem cum hoc potius indiuiduo representabili, quàm cum alio prorsus in apparentia simili; ita nec determinationem in ratione producibilis ab illo precisè, pra aliis effectibus indiuiduis ad causas indiuiduas comparatis.

pag. 41.

CAP. VII. SECT. XI.

Determinatio sphaera propagationis representatiuorum absolutè loquendo de illa, habetur à gradibus intenssionis qualis aitis primò propagantis; loquendo verò de sphaera propagationis ad sufficientem aliterationem sensorij ad visionem, aut ad alios effectus, ha-

Index Capitum

betur etiam ex determinatione secundum partes extensionis
eiusdem. pag. 42.

CAPVT VIII.

De connexione lucis, & luminis cum calore.

SECTIO I.

Nihil in Vniuerso cognoscitur propriâ luce lucere, quod non sit for-
maliter calidum. P. 44

CAP. VIII. SECT. II.

Lumen à luce proueniens non est calor; est tamen productiuum calo-
ris in subiecto apto. P. 49.

CAP. VIII. SECT. III.

Quomodo lumen calorem augeat in aërate, peculiariter ex densitate
luminis in oppositione minus obliqua horizonis. P. 50.

CAP. VIII. SECT. IV.

Cur lumen Solis aliqua calefaciat, alia non, ut vocata candida.
P. 55.

CAPITIS VIII. SECTIO V.

An lumen contineat in se, ipsam perfectionem essentialem caloris; an
verò essentia perfectiori illius debeat virtus productiua luminis
& caloris, ut dici debeat solum virtute calor: qua occasione in-
dicatur, quid sit sentiendum de iis, quæ vulgò dicuntur virtua-
liter calida, &c. pag. 58.

CAPVT IX.

De varia progressionem Radiationum.

SECTIO I.

De Radiationibus directis, pag. 63.

CAPVT IX. SECTIO II.

De Radiationibus refractis. pag. 65.

CAPVT IX. SECTIO III.

De Radiationibus reflexis, pag. 66.

CAPVT

& Sectionum!

CAPVT X.

*Quam apud Finibus in natura insentis varia progressionis Radiatio-
num deseruiant.*

SECTIO I.

*Qui fines propagationis in directum, & quomodo per eam obti-
neantur.* pag. 67.

CAP. X. SECTIO II.

*Qui fines propagationis refracta per media diuersa densitatis, &
quomodo per eam obtineantur.* pag. 71.

CAP. X. SECTIO III.

*Qui fines propagationum reflexarum, & quomodo per eas obtinean-
tur.* pag. 73.

CAPVT XI.

De legibus Refractionis, & causis earum.

SECTIO I.

De tribus legibus Refractionis. pag. 73.

CAP. XI. SECTIO II.

*Non proportio Agentis ad resistentiam passi determinat leges Re-
fractionum; sed ille determinant modum agendi, & pa-
tiendi in ulteriori propagatione representatiuorum per diuersa
media.* pag. 80.

CAP. XI. SECTIO III.

*An, & quomodo ex Fine per se propagationis representatiuorum de-
terminata sint leges Refractionum.* pag. 82.

CAPVT XII.

De legibus Reflexionis.

Index Caputum

SECTIO I.

Experimentis haberi, aliquam servari aequalitatem inter angulos incidentia, & reflexionis in speculis planis. p.86.

CAP. XII. SECTIO II.

Quæ sit vera causa aequalitatis inter Angulos incidentia & reflexionis, & quomodo in omni reflexione speculari servetur. p.87.

CAP. XII. SECTIO III.

Æqualitatem inter angulos incidentiæ, & reflexionis servari, etiam cum radiationibus opponuntur corpora aspera.

Quâ occasione solvantur aliqua Problemata de iis, quæ experimur in variâ terminatione radiationum ad Aspera, & conuincitur non dari, præter lumen, aliud representatiuum sui, diffusum à lucido. p.91.

CAPVT XIII.

De mensura Reflexionum.

SECTIO I.

Quæ sit mensura intensiōis in reflexione, & à quo determinetur. pag. 96.

CAP. XIII. SECTIO II.

De mensurâ extensionis, & multiplicatione Reflexionum. pag. 98.

CAPVT XIV.

Corollaria ex legibus Propagationum.

SECTIO I.

Representatiua nullam habens ex se determinationem, ut sensibiliū communium sint representatiua. pag. 108.

CAP. XIV. SECTIO II.

De figuratiōe illustrationis aliquomodo conformis obiectis, ex dire-
ctâ

& Sectionum.

Et traiectione radiationum per nudum foramen cuiusvis figurae.
pag. 110.

CAP. XIV. SECTIO III.

De multiplicatione determinata imaginum obiecti ex traiectione radiationum per foramina exigua in oculum, & varia ex traiectione per multiplices Refractiones.
pag. 117.

CAP. XIV. SECTIO IV.

De conformatione illustrationis cum facie obiecti, ex refractione in medio densiori, superficie conuexa terminato.
P. 119.

CAP. XIV. SECTIO V.

De conformatione cum facie obiecti illustrationis excepta ex speculo cauc.
pag. 124.

CAPVT XV.

De Difformitate illustrationum ab obiectis ex legibus Refractionis.
pag. 127.

SECTIO I.

Ex legibus Refractionum in caelestibus, ascendentibus & descendentibus pro aliqua ad horizontem vicinitate, notabiliter mutantur, ratione sphaerae vaporosae, secundum apparentiam, diametrem altitudinis non verò latitudinis.
ibid.

CAP. XV. SECTIO II.

Mutata Solis apparentia in varia supra horizontem elevatione, probat assertam à nobis determinationem refractionum; & leges refractionum causam dant talis mutatae apparentiae.
P. 131.

CAP. XV. SECTIO III.

Cur spectanti oculo libero, Sol & Luna tantò maiores appareant in horizonte, tantò minores prope meridianum.

Qua occasione explicatur mutatio oculi, ex qua plura in Opticis, & peculiariter in Astronomicis explicanda.
P. 133.

CAPVT XVI.

De mutatione situs apparente in lucidis eleuatis à Terra ratione propagationis

Index Caputum.

pagationis tam directæ, quàm refractæ ad oculum spectator is.

SECTIO I.

Iaciuntur fundamenta mutationis sitûs secundum apparentiam.

pag.143.

CAP. XVI. SECTIO II.

De mutatione sitûs secundum apparentiam ex refractione in lucidis, & illustratis inclinatis ad horizontem.

P.151.

CAP. XVI. SECTIO III.

De mutatione sitûs in iisdem ex Parallaxi.

P.155.

CAP. XVI. SECTIO IV.

Quomodo mutatâ distantîâ obiectorum, mutanda sit distantia excipientis imaginem illorum, per refractionem ex globoso densiori consignandam; & magnitudo ipsius imaginis immutetur ex vi Tertiæ legis refractionum.

Quæ hac occasione, explicatis per eam experimentis, & solutis contrâ eam obiectis, stabilitur.

P.161.

CAP. V. SECTIO XVII.

De iis, quæ ex constitutis apparentiis determinanda sunt in cælestibus, iuxta leges propagationibus representatiuorum assignatas.

pag.170.

SECTIO I.

Quatenus fidendum sit Telioscopio in constituendis Apparentiis. ib.

CAP. XVII. SECTIO II.

Satisfit argumentis, quibus obiectum est; ex constitutione intrinseca Telioscopij observationes esse fallaces.

P.175.

Prima difficultas in usu Telioscopij; An & quomodo Refractio, quæ in illo necessario interuenit, reddere possit suspectas Apparentias cælestium ope illius constitutas.

pag.176.

Secunda difficultas in usu Telioscopij; An & quomodo applicatio utriusque axis oculorum per illud possit eiusdem obiecti apparentias multiplicare.

pag.183.

Tertia difficultas in usu Telioscopij ad cælestia directi; An & quomodo ex incertitudine Figura Regularis, & homogeneitatis in transparentia Virorum illius, possint observationes reddi incertæ.

pag.185.

CAP.

& Sectionum.

CAP. XVII. SECTIO III.

Ex apparentiis ope Telioscopij ritè constitutis convincitur Solem, & Lunam mutare suas distantias à Terra. p.189.

CAP. XVII. SECTIO IV.

De mutatione illustrationis apparente in Marte, Venere, & Mercurio, & quomodo ex ea inferatur, hos Planetas non semper supra Solem moveri, & caelestium motus in sphaeris solidis non posse ordinari. pag.192.

CAP. XVII. SECTIO V.

De Ioue, & Saturno, eorumque affectis. p.197.

CAP. XVII. SECTIO VI.

De radiatione obiectis illustribus apparenter circumfusa. p.203.

CAP. XVII. SECTIO VII.

De apparentibus in Sole. p.217.

Convincuntur Paralogismi Demonstrationes allatae contra argumenta collocantium maculas, in Sole visas, supra Lunam, ex non passa Parallaxi lunari. p.218.

Convincuntur Paralogismi Demonstrationes allatae ad probandum maculas in Sole apparentes non esse assignas Soli, immo esse infra Lunam ex projectione Umbrae in oculos observatorum, & Discos observationum. p.226.

CAP. XVII. SECTIO VIII.

An macula in disco Solis apparentes servent identitatem, quae sufficiat ad notandam in eis Parallaxim. p.230.

CAP. XVII. SECTIO IX.

De apparentibus in Luna, & deductis ex illis. p.239.

Statuuntur apparentiae Luna. ibid.

Corollaria ex Apparentiis de Affectionibus Luna.

COROLLARIUM I.

Lunam inter corpora terminata, & Opaca censendam esse. p.244.

COROLLARIUM II.

Alborem, qui cernitur in parte Luna à Sole aversa, esse ex reflexione luminis solaris à Terra ad illam. p.247.

Reflexionem luminis Solis à Terra ad Lunam legibus opticis non aduersari. p.253.

Index Capitum

COROLLARIUM III.

Lunam in suis partibus, vel situs, vel illustrationis diuersitate à nobis internoscibilibus, non esse specularem.

Lumentamen Solis ad nos reflectere, & in hoc cum inferioribus conuenire. P. 257.

COROLLARIUM IV.

De eleuatione notabili aliquarum Lune partium supra alias. p. 260.

Datur inaequalitas notabilis secundum eleuationem à centro Lune inter paries eius; & licet maiorem referentes illustrationem magis eleuentur supra proximas pallore suffusas in maculis: non potest tamen talis eleuationis certa mensura assignari; multò minus aliquarum supra periphoriam, corpori lunari assignatam, eleuatio determinari. p. 260.

COROLLARIUM V.

Irrationabilis est apparentis globi Luna cum globo ex Terra, & Aqua integrato comparatio, siue partes illustriores tribuantur humido, macularum verò corpori consistenti; siue è contra. p. 262.

COROLLARIUM VI.

Non eleuantur vi luminis Solis vapores è Luna, sicut eleuantur ex globo ex Terra, & Aqua integrato.

Neque datur circa lunam sphaera vaporosa vlla, qualis circa dictum globum deprehenditur. p. 264.

COROLLARIUM VII.

Varietas quae in illustratione Lune partibus apparet, potest sine diuersa coloratione, quae illis conueniat ex propria natura, immò debet explicari sine illa. p. 166.

COROLLARIUM VIII.

Varietas illustrationis, & colorationis, apparens in facie Lunae eclipsata, si. ut benè consistit sine aliqua luce propria illius, ita sine varia coloratione, quae à principijs intrinsecis ei conueniat. p. 167.

COROLLARIUM IX.

Tractus illustres, quibus aliqua partes in Luna videntur coronari, non sunt ex illis velut specularibus reflexiones. Neque per Diaphanum diuersa rationis refractiones; sed sunt partes in corpore lunari tali ductu assurgentes, & à Sole illustratae, p. 168.

CAP.

& Sectionum.

CAP. XVII. SECTIO X.

De Apparentia partium in Caelo albescentium.

p. 270.

Ratio Dictorum.

p. 272.

CAPUT XVIII.

Quid conferant Reflexio, & Refractio ad mixturam Representativorum, pro variis colorum apparentiis exhibendis.

SECTIO I.

De mixtura, qua fit etiam per reflexionem, internenientem in Visione, quae communiter vocatur Directa.

p. 273.

Experimenta ex perspicillis coloratis Soli expositis.

p. 278.

Experimenta per Prisma Trigonum ex puro vitri.

p. 279.

CAP. XVIII. SECTIO II.

De mixtura reali representativorum, & apparenti colorum in Visione, qua agnoscitur communiter ut reflexa.

p. 277.

CAP. XVIII. SECTIO III.

Corollaria ex experimentis pro confirmatione assertorum in precedentibus.

COROLLARIUM I.

Radius reflexus non provenit ab impedimento.

p. 282.

COROLLARIUM II.

Corpora tingentia radiationem reflexam omnia, ut Diaphana secundum quid, admittunt aliquomodo intra se lumen, & multiplicata distinctè reflexiones habent partem saltem minus admittentem praecomparibus, & sic impediunt aliquomodo propagationem ad captam directionem.

p. 283.

COROLLARIUM III.

Praeter representativum coloris illustris, quod est in corpore lucido, radiis ad opaca illustranda diffusum, dari representativum coloris opaci.

p. 286.

COROLLARIUM IV.

Representativum coloris opaci omnino dependere in sui propagatione à receptione representativi coloris lucidi intra illud.

p. 287.

COROLLARIUM V.

Corpora, quae censentur opaca, & tingunt illustrationem à se reflexam, omnia esse aliquomodo Diaphana, & admittere lumen.

Index Caputum

intra se.

P. 288.

CAP. XVIII. SECT. IV.

De mixtura reali representatiuorum, & apparenti colorum, qua fit cum refractione radiorum illustrantis Diaphanum secundum quid, peculiariter figuratum per Artem.

Experimenta traiectionis radiorum per Prisma Trigonum ex puro vitro ad opacum oppositum excipiens.

P. 289.

Experimenta traiectionis representatiuorum cum Refractione per Prisma Trigonum ad oculum.

P. 295

CAP. XVIII. SECT. V.

De reali mixtura Representatiuorum, & apparenti colorum, per refractionem, & reflexionem simul in crassioribus Diaphanis.
pag. 300.

CAPVT. XIX.

De constitutione colorum, qui videntur in corporibus opacis.

SECTIO I.

Accipiuntur aliqua ex premissis, & stabiliuntur ad statuendum in re propofita.

P. 303

SECTIO II.

Quomodo omnes colores, qui non lucidis attribui solent, in particulari albedo, sint apparentes in illis.

P. 306

CAPVT. XX.

De contemperatione representatiuorum realium ex traiectione per crassius diaphanum peculiariter arte formatum, ad varietatem colorum mediorum apparenter exhibendam.

SECTIO I.

Quid conferat ad illam artificium Prismatis Trigoni ex puro vitro.
pag. 314

CAP. XX. SECT. II.

Quomodo perficiatur contemperatio realium representatiuorum, ad apparentiam mediorum colorum exhibendam, ex progressu, & terminatione radiationum extra Prisma Trigonum ex vitro.
pag. 319.

CAP.

& Sectionum.

CAP. XX. SECT. III.

Qua causa varia colorationis in traiectione radiationum ex Prismate vitreo Trigono. P.325

CAP. XX. SECT. IV.

An, & quomodo certa partes illustrantur, & determinant incidentia radiationum ab illis in facies Prismatis Trigoni ex vitro requirantur ad certos colores medios exhibendos. P.331.

CAP. XX. SECT. V.

Vnde, & quomodo prater tres colores medios, ex traiectione radiorum per Prisma Trigonom, primo & communiter spectabiles, alij medij in opaco excipiente appareant. P.334

CAP. XX. SECT. VI.

Vnde, & quomodo Prismate Trigono secundum binas facies illustribus, & illustratis oblique exposito, & oculo ad versiam admoto appareant obiecta coloratione peregrina tincta. P.336

CAP V T XXI.

De colorationibus occurrentibus in natura, ex varia luminis contemplatione. P.341.

SECTIO I.

De apparentiis colorum Iridis in sparsis per aërem aqua guttis illustrantur Sole. ibid.

SECTIO II.

De coronatione integra, Iridi aliquomodo concolori, quae circa lucida, vel insigniter illustrata apparet, colorum zonis continuatis. pag.344.

SECTO III.

De apparentiis varia colorationis in corona integra, sed in radios dispersita. P.346.

SECTIO IV.

De coloribus seorsim apparentibus ex varia traiectione radiorum per vapores. P.348.

Index Capitum .

CAPVT XXII.

De causis predictarum Apparentiarum.

P. 349.

SECTIO I.

De causis colorum apparentium in Iride etiam multiplicata.
P. 350.

Prima Conuenientia cum Disconuenientia, in preparatione radiorum ad colorationes, inter Prisma Trigonum, & globum ex crasso diaphano. P. 351

Secunda Conuenientia cum Disconuenientia. Ibid.

Tertia Conuenientia cum Disconuenientia. P. 354

Quarta Conuenientia cum Disconuenientia. P. 355

Quinta Conuenientia cum Disconuenientia. P. 358

Sexta Conuenientia cum Disconuenientia. P. 359

CAP. XXII. SECTIO II.

De causis varia colorationis in Corda: sine illa colorum zoni continuatis, sine in radios dispersitis appareat circumposita lucidis, vel insigniter illustratis, dum illa precise oculo patent. P. 368.

CAP. XXII. SECTIO III.

De causis colorationis continuata in apparentia circa lucida & insigniter illustrata persuerante, etiamsi talia oculum lateant. P. 373.

CAP. XXII. SECTIO IV.

De causis colorum, sine certa serie, & sine figura à subiecto uapore diuersa, apparentium. P. 382.

CAPVT XXIII.

De configurationibus propriis colorationum apparentium, & causis illarum. P. 385.

SECTIO I.

De quibusdam insignioribus experimentis Configurationum in Apparentibus per Prisma Trigonum ex vitro, & causis illarum. P. 385.

Ratio.

& Sectionum.

<i>Ratio I.</i>	pag. 386.
<i>Ratio II.</i>	pag. 387.
<i>Ratio III.</i>	pag. 395.
<i>Ratio IV.</i>	pag. 399.

CAP. XXIII. SECTIO II.

<i>De configurationibus propriis Apparentiarum coloratarum in humi- do aquo.</i>	P. 401
--	--------

CAP. XXIII. SECT. III.

<i>De causis configurationum propriarum in Iride.</i>	P. 403.
---	---------

CAP. XXIII. SECTIO IV.

<i>De causis configurationis propriae in Corona & Pareliis.</i>	P. 411.
---	---------

*Goswinus Nickel Societatis IESV, Vicarius
Generalis.*

CUm primam partem Philosophiæ Opticæ, à *P. Nicolao Zucchio* nostræ Societatis Sacerdote, conscriptam, aliquot eiusdem Societatis, Philosophiæ, & Matheseos Professores recognouerint, & in lucem edi posse probauerint, facultatem facimus, ut typis mandetur, si ita iis, ad quos pertinet, videbitur; cuius rei gratiâ has literas manu nostrâ subscriptas, sigillôque nostro munitas damus. Romæ, 1. Ianuarij 1652.

GOSWINVS NICKEL.

Imprimatur, si videbitur Reuerendissimo D. S. P. A. Magistro.

ASCANIUS RIVALDVS Vicesgerens.

EGo Fr. Conrhadinus à Carpo Sacræ Theologiæ Lector, Ordinis Prædicatorum; Ex commissione Reuerendissimi S. P. A. Magistri, partem primam Philosophiæ Opticæ, ab adm. *R. P. Nicolao Zucchio* Societatis IESV compositam, diligenter legi, nihilque in ea reperi aut dissonum Fidei, aut contra bonos mores; quare in lucem edi posse diiudico. Romæ 19. Ianuarij 1652.

Ita est, Fr. CONRHADINVS, qui suprâ manu propriâ, &c.

Imprimatur. Frater VINCENTIVS FANVS Magister &c. Socius Reuerendissimi D. M. S. P. A.

TRACTATVS.



TRACTATUS OPTICI, DE VISIBILIBVS, ET VISI- bilibum repræsentatiuis,

CAPVT PRIMVM.

*Quid intelligatur nominibus Perspicui, Termini-
nati, Lucidi, & Colorati.*

I. **E**XPERIMVR dari corpōra, quæ, licet inter oculum & alia corpōra interponantur, non impediunt illorum aspectum; alia verò, quæ interpositione sui impediunt: in primis illud maximè excellit, quod, quantum est ex se, nullius tollit visibilis aspectum, & nisi aliunde cognoscere-mus ipsum esse interpositum, id nobis visus ex se non manifestaret; talem aliquomodo experimur puriorem aërem. Perspicuum igitur, seu diaphanum est corpus, quo intermedio alia videri possunt, & ipsum, quatenus tale, non videtur.

Vnde infertur omne visibile debere esse affectum dispositione, aliquomodo opposita perspicuitati, quam terminationem vocamus; quia, ratione illius, corpus ita obicitur visioni in ipsum tendenti, vt eam sistat, quatenus impedit, ne ad alia vltiora percipienda progrediatur.

Terminatum igitur oppositum Diaphano, quatenus tale, est quod ipsum aptum est videri, & interpositum, impedire ne alia videantur.

Possunt tamen rationes perspicui, & terminati, minùs perfectè sumpræ, in eòdem corpore contemperari; ita ut illud, quatenus aliquomodo terminatum, ipsum videri possit, & sui interpositione afferre aliquod impedimentum, ne alia ulterius posita videantur: quatenus verò aliquomodo diaphanum, dum ipsum videtur, alia ulteriora per ipsum sint aliquomodo spectabilia; cuiusmodi experimur aquam, & vitrum; dicuntur talia, Diaphana, & Terminata secundùm quid.

Constabit autem ex infrà dicendis, quid importet terminatio in corporibus visibilibus, & quomodo repræsentatiua visibilium rectè dicantur actus perspicui, ut perspicuum est.

2. Inter corpora terminata, seu visibilia experimur dari aliqua, quæ posito medio diaphano, & oculo ex parte sui benè disposito, ipsa sufficienter sine ope alterius provocant ad visionem sui; alia verò, quæ præter medium diaphanum, & oculum benè constitutum, necessariò requirunt ad id actione priorum iuvari, ita ut iis non cooperantibus mancant invisæ: prima vocamus Lucida, secunda verò præcisè dicimus Colorata.

Constabit autem ex mox dicendis, distinctionem inter Lucidum, & præcisè Coloratum, non posse esse ex eo, quòd Lucidum nullo modo sit coloratum; sed quia ipsum habet in se principium sufficiens sine ope alterius corporis ad propagandum repræsentativum sui, & est de se spectabile; Coloratum verò præcisè eget aliquo ad se diffusò à lucido, ut propaget repræsentativum sui, & ipsum aliquomodo spectetur.

C A P V T II.

Dantur similes colores in corporibus lucidis, & coloratis; illi tamen, qui spectantur in coloratis, sunt magis mixti ex alieno, licet verè, ex parte, illorum sint proprij.

Prima pars constat; tum quia lucida spectabilia variantur inter se secundum diuersas apparentias similes iis, quæ apparent in coloratis: videmus enim alia vt pallida, alia vt flaua, alia vt rubra, alia vt viridia, alia vt cærulea. Suggere materiam variè coloratam, flammæ, v. g. tincto variè oleo in fomitem lucernæ. Traice per Tubospicillum aprè solem in chartam nitidam, in debita distantia directè oppositam, lumine, aliundè quàm per vitrà Tubi proueniente, conuenienter impedito; & non raro, quauis temperie aëris etiam sereniorè, spectabis in facie solis secundum huiusmodi colores maculas variari, etiamsi ad vitandam suspensionem apparentis colorationis ex refractione notabili radiorum in vitris Tubospicilij, eas ad medium vitrorum, vbi magis directè est incidentia, traducas.

Tum quia aliquando materia suggesta in fomitem flammæ, antè exposita extrinseco illustranti exhibebat colorationem similem ei, quam exhibet accensa.

Secunda pars constat, quia cum lucida spectari possint secundum propria repræsentatiua præcisè; quæ verò dicuntur colorata spectari nequeant, nisi repræsentatiuis lucidorum diffusis, ad ipsa, & ex ipsis reflexis ad oculum; non enim videntur, nisi à lucido illustrentur; necessariò

fit, ut quod apparet in ipsis ad minimum sit mixtum ex colore lucidi, & colore proprio ipsorum: dum in eodem prorsus signabili organi visorij simul recipitur representativum eius, quod est in lucido, reflexum ab ipsis, & representativum eius quod habent in se, propagatum ad idem signabile oculi, necessario simul cum tali reflexo ab ipsis.

Tertia pars probatur, quia opacitas terminans colorata, opposita diaphaneitati, non est merum impedimentum transitus radiationis lucidorum, aut receptionis maioris intensificationis luminis: sed aliquid in se visibile; alioquin per terminationem illustrationis à lucidis ad colorata non posset exhiberi nisi apparentia eius præcisè, quod existit in lucido, magis, vel minus intensa; siquidem nihil aliud, ut obiectum proprium visus, admitteretur in illis: cum tamen de facto spectentur secundum alias, & alias colorum species, diuersas ab iis, quæ cernuntur in ipsis lucidis, quorum radiationibus illustrantur; quod euidentis signum est in eo, quod representatur per visionem contineri aliquid pertinens ad ipsa colorata, præter id, quod continetur in lucido, cuius representativum, per illustrationem propagatum ad coloratum, reflectitur ab ipso: miscere autem umbras, ut meras priuationes lucis, ad representandas varias colorum species, est miserè ineptire.

Confirmabitur ex dicendis de proprio representatiuo, quod producant colorata cum eo, quod reflectunt transmissum ab illustrante, & de reali mixtione representatiuorum, ex qua sola provenit apparens mixtio colorum, de quibus ex professo infra.

Dicta de coloribus lucidorum intellige, ut illa communiter se nobis offerunt spectabilia, materia nondum in omnibus suis partibus perfecte inflammata; ac proinde cum proprio lucis colore, quem suo loco dicemus esse candorem, miscere aliquid de sua fuscitudine.

C A P V T III.

*Tam lucida , quàm colorata illustrata propagant
representatiuum sui , extensum per diapha-
num ad corpora terminata : representatiuum
autem , quod dicitur lumen , diuersum est à
representatiuo coloris , quod cum ipso propa-
gatur ab illustratis.*

PRima pars probatur , quia habemus ex claris experi-
mentis intra loca alioqui obscura , per foramina in
corporibus opacis aperta traici radiationes à lucidis , &
coloratis illustratis , per quas repræsentantur illorum splen-
dores , colorationes , figuræ , situs inter se , motus , & sta-
tus ; immò per vitra aliquomodo conuexa , per humores
crystallinos ex oculis brutorum extractos , terminari eâ-
dem repræsentatione radiationes ad plana alba oppositas
denique per ipsas pupillas oculorum è capitibus humanis
exemptorum , & à tergo musculis , & sclerotide nudato-
rum , in retinam omnibus oculi humoribus subiectam ;
ita ut parte corporis lucidi , aut insigniter illustrati occul-
tata , dempra , vel mota , auferatur , vel moueatur pars in
repræsentatiuo illi correspondens ; & toto aliquo remoto ,
vel occultato , vel moto , repræsentatiuum pariter illius
totius auferatur , vel correspondenter situ immutetur :
quod euincit , repræsentatiua illorum ab ipsis prouenire .
& quidem intra oculos animalium determinatè consigna-
ri , ut iuxta talem determinationem possit illorum talis il-
lustratio , coloratio , figura , situs vitaliter exprimi .

Quòd autem tales radiationes ab ipsis per totum dia-
phanum inter ipsa , & corpora terminata , ad quæ pertin-

gunt, interiectum propagentur, euidenter constat ex eo, quòd, pro variatione densitatis, vel figurationis interpositi diaphani, variantur illarum propagationes, & consignationes, iuxta leges refractionum, de quibus infra suo loco, & ad varios effectus valdè notabiles apertè immutantur.

Secunda pars probatur, quia repræsentatiuum vnus, non potest ipsum immutatum fieri actu repræsentans diuerforum inter se, & ab illo in ratione repræsentabilis; & nunc illius præcisè, nunc cum alio, & alio sic diuerso: quòd si dicantur addi illi varia determinantia, pro diuersitate repræsentandorum, dum lumen repræsentatiuum directè lucideterminatur ad alia, & alia colorata, & reflectitur ab illis ad oculum; iam illud additum cum sit tale, vt per ipsum additum potentia determinetur ad apprehendendum id, à quo provenit, vt diuersum à lucido in ratione repræsentabilis, erit etiam ipsum repræsentatiuum, additum alteri repræsentatiuo: licet enim hoc additum ad determinandam potentiam ad apprehensionem coloris non illustris, per impressionem talem in organo factam, in produci, & seruari, & exercitio talis muneris dicatur per se pendere à lumine, quod est repræsentatiuum lucidi; hoc non impedit quo minùs sint plura repræsentatiua cum dependentia reliquorum ab vno: sicut sunt plura repræsentabilia sic subordinata.

Quòd si datur in lucidis proprius color splendens diuersus à coloribus non lucidorum, de quo infra ex professo agemus, vnicum est repræsentatiuum coloris illustris, quod dicitur lumen; licèt communiter putetur esse directè proprium lucis repræsentatiuum.

CAPUT IV.

Repræsentatiua sunt diuersæ naturæ à qualitatibus visibilibus, seu illustribus, seu illustratis, & illis nullo modo formaliter similia; nec cum illis, aut vice illarum terminatiua visionis.

TOta assertio ex suis partibus connexa probatur primò; quia dicta repræsentatiua afficiendo diaphanum, per quod solum propagantur, constituunt illud proximè medium aptum seruire visioni, & nullam inducunt de se in illud terminationem, siquidem in quacumque densitate, & intensiōe multiplicentur in illo, vt infra ostendemus, nullo modo impediunt propagationem, per illud idem, repræsentatiui alterius obiecti, quantumuis debilioris; ex quo constat conuenire aliquomodo omni tali repræsentatiuo esse actum perspicui, vt perspicuum est.

Econtrario verò tam color illustrium, quàm illustratorum de se terminationem inducit in subiecto quod afficit, & quidem maiorem pro maiori perfectione in suo genere, impediendo propagationem repræsentatiui alterius per ipsum, magis vel minùs in proportione suæ maioris, vel minoris visibilitatis.

Secundò, quia dicta repræsentatiua, visione directâ, nullo modo ipsa sunt visibilia: siquidem in medio sincero maiori, & maiori quantumuis multiplicata, nullam faciunt mutationem in obiecto repræsentato; nisi minuendo apparenter eius perfectionem, prout ipsa intra spheram suæ propagationis imminuuntur in esse repræsentatiuo. Econtrario verò, quæ sunt aliquomodo visibilia cum alio,

alio, multiplicata cum illo faciunt mutationem in repræsentato, augendo totum in tali genere repræsentati, sicut concomitantè augment terminationem in tali genere; ut agnosces superponendo vitrum quantumvis purum alteri, & multiplicando sic plura.

In visione verò reflexa, tum à speculo, tum à corpore aspero, id quod videtur non est repræsentatiuum ipsum illo modo, sed obiectum, à quo illud propagatur, perinde ac in visione directa: licet ex varia conditione reflectentis (iuxta dicenda infra de determinatione potentie visive, ad apprehensionem sitûs, & aliarum conformationum obiecti) nec situs, nec figuratio, nec ipsa determinatio colorationis illius discernantur, nec discerni debeant; sed videri in alia transisse: quod minùs animaduersum potuit esse aliquibus occasio deceptionis.

Ad agnoscendum autem certiùs, quomodo, non similia formaliter, possint vim sensitivam determinare ad apprehensionem sensibilis; adde quòd transacta sensatione, & impedita à multo tempore illuminatione, & omni propagatione repræsentatiuorum à talibus visibilibus etiam remotis; immò & destructis, remanent in spiritibus animalibus, vel etiam in alio subiecto interno repræsentatiua talium visibilium; sicut audibilium, & aliquomodo tangibilium, quæ sicut non sunt formaliter ipsæ qualitates audibiles, & tangibiles, ita nec formaliter ipsæ qualitates visibiles talium colorum illustrium, vel illustratorum; ita ut aliquo principio, vel præternaturali ex morbo alterante caput, vel superioris alicuius virtutis, admonente illa ad impressionem faciendam in organum sensûs communis, cuius est cum sensibus externis in connaturali dispositione sic tendere in sensibile præsens, ut operatio illius ab operatione sensûs externi, in eius apprehensione, communiter, non discernatur, ut constabit ex modò dicendis: in tali casu, obiecta illa sensibilia secundum suas determinationes visibilis, audibilis, tangibilis, ita apprehenduntur ut præsentia,

præsentia, vt ex vi talis apprehensionis, qui sic mouetur; certò asserat se videre talia, & talia obiecta; se audire hæc, & illa, huius, vel alterius verba; se hæc, & illa tangere, & consequenter agat, ac si videret, audiret, tangeret; cum verè nec videat, nec audiat, nec tangat aliquid huiusmodi: quod euenire tum ex febris alteratis in capite; tum ex malignis vaporibus ad caput alioqui debile ascendentibus; tum ab externo principio assistente agitatis, sæpius cum admiratione expertus sum, certus, quod illa non adessent, & qui ea vt præsentia sic se apprehendere dicerent, me, & alios cordatos viros præsentem decipere non intenderent: hoc autem valde animaduertendum, ne rursus, immò ne periculosè, & enormiter in perniciem etiam innocentium erremus, talia similiter, vt illi apprehendunt, & iuxta apprehensionem asserunt de facto euenisse arbitantes.

Ex quo saltem colligitur, à tam simili philosophando, determinationem ad apprehensionem visiuam, tactiuam, non necessariò esse à simili formaliter ipsis qualitativis visibilibus, & tangibilibus, nisi id aliunde probetur: quod ad rem nostram in visione, conformiter dictis, videtur improbabile.

CAPUT V.

Representatiua coloris lucentis, & illustrati, non sunt corpuscula substantialia, ab illis diffusa, aut genita in medio, aut excitata.

PVdet hanc crambem repetere: sed Vtinam ludibria quædam, è luxuriantibus ingenijs subnascencia extingueret: addamus igitur dictis. Si essent corpuscula diffusa; quomodo à congeneco extrusa, & quidem aliquando

tam tenui ad implenda omni ex parte spatia tam vasta, ex quorum omni parte obiecta talia sunt spectabilia?

Quæ esset vis motiua naturalis, quæ ea sursum, deorsum, & æquè in omnem positionis differentiam vrgeret? & quidem intra quoduis graue, quoduis leue, modò diaphanum sit, ea eodem modo agigaret? & quidem dum, vbi sunt, quiescere possent, licet superuenientibus alijs: vt patet, alio simili illustria similia ad idem spatium diffundente, vel excitante ipsis non recedentibus, cur ea vltèriùs vrgeret? cur postquam vrgerè cœpisset, in eodem medio sisteret?

Quæ vis omnia dura, densa, æquè ac flexibilia, & rara peruaderet? & licet omnia plena essent sparsis vacuitatibus, quomodocumque eis applicaretur, inueniret in directum præparatas vacuitates, quibus sine obsistentia, sine deflexu ea insinueret? nunquam, ex fortuito occurso vacuitatum, mutaret leges directionum tam constanter variandarum ad tam certos, & miros effectus pro qualitate non solum densitatis, sed figuræ mediorum per refractiones? & per chartam oleo, cerâ, & similibus obductam melius, quàm per eam solam ea introduceret? Quæ illa, eiusdem licèt rationis inter se, retineret semper cum tali directione, & subordinatione determinata ad partes obiecti, vt certis ex illis pereuntibus, vel occultatis, alia talia ex ipsis perirent, vel disparerent; vel ita ab ijs solueret, vt remanentia æquè ad alias partes, cum quibus connexionem antè non haberent certo situ, ac figura repræsentandas deseruirent? quomodo ea per quoduis foramen in opaco apertum intra diaphanum admissa vel excitata pro determinata distantia distribuet, vt figuram obiecti, à quo diffusa, vel primò excitata sunt, repræsentet?

Si pereunt, quæ vis ea toties pereuntia restaurat? dum sæpiùs clauso foramine disparent, & ex diaphano intra opacum clauso aliò non commigrant, nec regressum verò obiectum habere possunt, si cogitetur motus corporis
subin

subingredientis ad foramen intercludendum, & qui simul esset corpusculorum, quæ in directione, & distantia tam varia deberent simul agitari ad talem egressum, quomodo tot destructis, replicata sæpius, & sæpius appositione obstaculi ad foramen, continuari posset eodem modo illustratio à lucido? si enim illustrat transmittendo ex se corpuscula, quò plura, & sæpius exeunt, eò illud plus immittitur.

Neque dici potest talia corpuscula antè latentia prodijisse, vel postea occultata fuisse intra diaphanum: nam quomodo iis istæ apparentiæ, vel latebræ conciliantur? qua mutatione, quomodo, & à quo ex illis facta? agitatione certè non possunt nisi vniri, vel dissipari; verùm agitationibus diaphani, quomodocumque factis, non seruiunt illustrationi, nisi præsentè illuminante; nec cessant illustrare, nisi eo remoto, vel sic opposito illi opaco: dicere autem vitrum coloratum aliter agitare diaphanum, quàm perspicuum, & lamellam cupream, quàm simile vitrum oppositum foramini, est aperta figmenta figmentis addere, & dum agitatio diaphani non ponit in eo talia corpuscula, quomodo, præter tot suprà dicta contra istam vim, ea mouentur in proportionè, tanto plura semper occurrunt in vicinia lucidi, tanto pauciora in maiori distantia, vt semper cum eadem proportionè, in æquè diaphano sit incrementum & decrementum luminis in sphæra illustrationis circa lucidum, quomodocumque lucidum accedat vel recedat respectu earumdem, vel diuersarum partium diaphani? seruata tam certa lege, in tam vario, & fortuito accessu, vel recessu?

Dices accessu magnetis ad aceruum puluerum, in quorum ramenta ferri latebant, ea excitari, & inter se vniri, recessu concidere, & inter eundem occultari.

Ita sanè, sed conuincitur in Philosophia Magnetica, non nisi alteratione in ijs facta per impressionem qualitatis magneticæ, dicta ramenta prouocari à magnete; dif-

fundatur ergo illustratio à lucido : rursus ipsa excita magnetice , & vnita, illo remoto non disgregantur , & dissipantur , vt prius ; nisi id alia ratione , & quidem multo negotio procuretur : non sufficiet igitur remotio lucidi , vel occlusio foraminis , vt corpuscula prius illustrantia , quia vnita , ita dissipentur , vt nullum vestigium illustrationis relinquant. Magnes etiam in solo , vbi passim ferriamenta pulueribus sunt immixta , vt passim in agro Romano , non semper æqualiter illa reperit , quæ excitet , nec cum eadem proportionem multitudinis illo præsentem uniuntur ; sed nunc in maiori , nunc in minori , prout fors tulerit : sic euenisset lucido , cui tamen decrementum illustrationis non affert nisi oppositum opacum.

Neque reflexio representatiuorum quidquam corpusculis fauet , vt aperte constabit ex infra dicendis de illa. Asserere autem ea generari de nouo , non effugit instantias plures ex supra positis , & tot corpora substantialia contra rationem multiplicat ; cum præsertim sufficere possint multò aptius , & faciliùs tali muneri qualitates , quæ sint mera accidentia , vt ex dicendis constabit. Quod si cui displicent vniuersæ formæ , quæ sint accidentia à substantijs condistincta , is cum ex disputatis de qualitate magnetica , & dictis de representatiuis ; tum ex necessariò admitrendis præ actionibus vitalibus , & singulariter liberis , aperte reiicietur in Philosophia.

Quæ porro ratio philosophandi , & non potius ineptiendi , commentis vanissimis libros implere , nulla probabilitate subnixis ; sed sola præfidentia , quod non facile inuenietur , qui ea euidenti demonstratione conuincat falsitatis.

CAPUT VI.

*Non sunt qualitates à lucidis , & illustratis
transeuntes in diaphanum ; sed ab
illis in diaphano productæ.*

PRÆter qualitatem magneticam , per omnia media æquè diffusam , & perseverantem in certis subiectis, ad ea permotum sic agitanda , vel sistenda ad alia magnetica , & constituenda in proxima habilitate ad alteranda alia per similem diffusionem , vt dixi in Philosophia Magnetica , addita Nouæ de Machinis Philosophiæ , singulariter valent ad probandum , dari in natura formas materiales, quæ subiectis substantialiter completis præexistentibus accidant, & ea denominent qualia , tum repræsentatiua lucidorum , & illustratorum ; tum impetus , seu vis proximè addita corporibus , ad illorum translationem à virtutibus motiuis , tum animantium , tum inanimatorum , & ab impellente impressa propulso.

Nolim tamen existimare aliquem , eadem proportionem , & similibus fundamentis dici posse , lumen v. g. exire à lucido ad afficiendum Diaphanum , quibus videri potest impetus ab impellente , & proijciente exire in impulsum , & proiectum : non enim militant inter lucida , & illuminata , experimenta & fines , quæ viderentur id suadere posse in illis.

Nam animal , vt aliud impellat , producit in se per vim suam motiuam maiorem impetum , quàm partibus sui corporis conuenienter mouendis expediat ; à quo in tali mensura producto , ipsæ partes notabiliter paterentur agitationem , & distensionem violentam , si in illis debere

totus sistere, & consumi: cùm enim animal debeat non solum se, sed alia corpora mouere, quæ præter inclinationem virtutis motiua propriæ agitentur, necessario impetus, seu forma proximè exigens talem illorum translationem, non à virtute motiua intrinseca illorum provenire debuit, sed à virtute motiua animalis ea sic impellentis, quæ proindè tanto conatu producit in animali tantum impetûs, quantum sufficit ad ipsum, & aliud illi adiunctum agitandum: conueniens autem fuit finì, & bono animalis, vt in separatione tantum ex illo impetu cum propulso recederet, quantum intentæ agitationi illius, & leuamentopartium animalis, vt dictum est, conueniret.

Consentiunt factò discursui experimenta, quæ sicut ex illo solum sufficientem videntur habere explicationem, ita illum confirmare.

Primò enim si saxum manu teneas proiiciendum, tuæ virtuti proportionatum, iterabis centiès projectiones modica defatigatione, vix cum sensu distensionis: si verò nihil habeas in manu, & velut proiecturus, manum & brachium in anteriora iactes eo nisu, quo saxum proiecisti, magnam senties brachij ab humero, mánûs à brachio velut diuulsionem, paucis huiusmodi iactationibus valdè fatigandus; quasi in anteriora huiusmodi impetu abripiantur, quod non euenit saxo per impetum à te impressum in anteriora properante; ac si tua manu relicta in saxum transmissus impetus, eam in illo exerceat vim ad translationem, quam in brachio, & manu proiicientis non transmissus exercuisset; nisi ligamenti, inde distensionem patientibus, fuisset impeditus.

Secundò, in aliis viribus motiois inanimatorum indicantia eiusdem transmissionis impetus in expulsis experimur: si enim vtaris balista instructa arcu ferreo, cornibus illius intorto fune iunctis, & globum plumbeum, vel terream eius virtuti proportionatum ad medium funis aptè immittas, millies adducto arcu, & dimisso, iterabis huiusmodi:

modi globi proiectiones, sine vlllo periculo arcûs infrin-
gendi, vel funis disrumpendi: quòd si eodem nisu adduc-
to ad te fune sine globo, & mox laxato, curuatum arcum
dimittas, id non sine detrimento funis citò disrumpendi,
atque adeo arcûs, experieris, dum impetus, qui solet ad
globum, & cum globo dimisso ad vltiora transire, eo
non appposito, nimis violenter partes arcûs, & funis vrget,
dum in iis solis agitandis totus infumendus est.

Rursûs, si pilam ligneam, vel eburneam manu, vel
aliquo instrumento ita vrgeas in aliam similem, vt in eam
validè, & directè incurrat, alia magna velocitate ad eam
directionem procurrente, tua sistetur; alioqui ab impetu
in se existente longius deferenda: quòd si in eam non in
directo incurrat, alia segniùs mouetur, & tua vltiùs cum
illa, & post illam excurrit, sed non tanta velocitate, nec
pro tanto spatio, pro quo, & qua sola excurrisset.

Sed non potest dici, quod in primo casu tua pila cesset
à procursione, quia alia, in quam incurrit, ipsam sistat;
non sic cesset in secundo, quia alia non sic eam sistat;
quia in primo casu, alia celerius mora in anteriora, citiùs
etiam ei liberum spatium procurrendi relinquit, si in ea
impetus superesset ad procurrendum; quàm relinquat in se-
cundo, in quo iuxta mensuram impetûs in se remanentis,
segniùs cum alia tardiùs mora, etiam ipsa fertur in vltiora.

Videtur igitur in primo casu directè occurrens alteri,
& sic ei proportionatè admota, totum ferè suum impetum
in eam transfudisse, vt ea celeriter iuxta mensuram illius
procurrente, ipsa ab eo libera conquiescat; non sic in
secundo, parte tantum impetûs in aliam deriuata, reli-
qua in se remanente; & ita secundum proportionem vtra-
que sed lentius agitur.

Sed quidquid sit de transmissione impetus in alia; Tran-
situs luminis ad illuminata non commensuratur fini illu-
minationis, & iis determinationibus, quas de facto in illa
experimur.

Nam etiam si lux, & lumen confundantur in re sicut in voce apud Græcos, & dicatur forma lucidi non solum esse ad illuminandum ipsum, sed consequenter Diaphanum, ad representationem illius; ac proinde producere plus luminis in lucido, quàm ipsi tantum afficiendo conveniat, & ita quod lucido superabundat, in diaphanum effundendum esse.

Nihilominus contra est primò, quòd cum ipsa sit virtus limitata ad tantam diffusionem; medij verò illuminandi capacitas susceptiva luminis non sit proportionaliter limitata, cum tales partes illius homogeneæ non solum sint susceptivæ maioris luminis à pluribus illustrantibus illas simul; aut à lucidiori, sed etiam ab ipso, si plus, & plus accedat; euidenter sequitur, quod lumen ad se transmissum ab illo, priores partes medij retinebunt, & non dimittent ad partes vltiores eiusdem: cum tamen de facto priores & multò vltiores illuminentur.

Rursus, cum partes remotiores, & remotiores medij, sint eiusdem rationis cum vicinioribus, & lumen transmissum ad ipsas sit multò minus illo, quod de facto sibi retinere dicuntur viciniore; multò minùs illud, quod recipiunt, dimittent à se in vltiores, & sic brevissima erit sphaera diffusionis, quam de facto amplissimam experimur.

Secundò, lumen destructum maxima in extensione medij iam illuminata, ex interpositione opaci inter partes illuminatas, & lucidum, remoto tali impedimento centies millies vltiùs, & vltiùs restauratur, nulla facta observabili imminutione in partibus anterioribus vicinioribus lucido, inter quas, & consequentes nunc admovetur, nunc remouetur impedimentum; cum tamen ex lumine antecedenti in medio obscurato nihil remaneat, & quod in illo toties, pro tanta extensione restauratur ex anterioribus partibus, iuxta hanc falsam positionem, consequenter loquendo, necessariò sit deriuandum.

Denique

Denique, cū eadem ratio sit repræsentatiuorum coloris, quæ per diaphanum diffundi pariter cum lumine suprà probauimus, & ista ex ibi probatis sint diuersæ naturæ à coloribus, in diaphano vt subiecto proprio producta; idem de repræsentatiuis lucidorum dicendum est; in quibus nec maiores, nec nouæ difficultates occurrent, quæ non pariter soluantur, ac in illis.

Nec quemquam moueat toties iterata productio, & destructio luminis in diaphano; siquidem ex vna parte hoc postulat generaliter singularis dependentia repræsentatiuorum huiusmodi ab obiecto repræsentabili, vt paulò post ostendemus; ex alia virtutes ipsius productiux, & susceptiux, ex hac vicissitudine nullo modo vitiata, semper eundem effectum eadem facilitate iterare possunt. Conueniens autem fuit hæc fecunditas Luci in luminis productione, per quam omnis pulchritudo Vniuersi, vel exhibetur, vel completur; & simul omnis cælestium corporum virtus: sicut perficitur omnis inferiorum fecunditas, & vita per calorem consequentem ex lumine, vt mox ostendemus; immò videtur commendari ab Authore naturæ, qui per lucem suarum perfectionum eximiam pulchritudinem, & inexplebilem propensionem ad earum similitudinem aliquam communicandam rebus creatis, toties in suis oraculis expressit.

C A P U T VII.

Singularia in Propagatione repræsentatiuorum.

S E C T I O I.

Intra spheram Propagationis quodlibet signabile repræsentabilis propagat representatiuum sui in totum Diaphanum; & totum representabile in quodlibet signabile talis Diaphani.

Conuincunt hoc experimenta; nam patente foramine in opaco exposito, intra sphæram actiuitatis, alicui

repræsentabili, seu quod idem est, obuerso ad illud foramine in vœca oculi, traicitur per illud in chartam, vel retinam oculi, cuiuslibet signabilis in obiecto repræsentatiuum, & totius faciei obiecti obuersæ ad illud; ita ut licet in diaphano, quod est in foramine, omnium partium obiecti repræsentatiua confundantur, dum per illud traiciuntur; necessariò tamen in propagatione ultra foramen ita distinguantur, ut in proportionata distantia totum obiectum cum sua figuratone, & partibus ritè distributis consignent, & alijs partibus destructis, cuiuslibet relictæ repræsentatiuum remaneat; atque in opposito excipiente radiationes traiectas per foramen, si foramen cum opaco, in quo apertum est, situm variè commutet, potest in qualibet parte ipsius, in qua consignabatur repræsentatiuum vnius signabilis partis obiecti, cuiuslibet alterius repræsentatiuum consignari.

Similiter lentem vitream intra sphæram actiuitatis obiecti illustris, vel illustrati constitue in quauis parte expositi diaphani; sicut & humorem crystallinum oculi, & in modica distantia ab illis in exposita charta munda, ad quam debitè impediatur notabilis illustratio aliundè, agnosces consignari apparentiam distinctam totius talis obiecti, & partium designabilium in illo; itaut his, & alijs partibus desinentibus, vel impeditis, remaneat repræsentatiuum aliarum.

Et ne putes hoc ita conuenire maioribus partibus, vel minoribus, & minoribus non conueniat, si pro tali distantia, pro qua nec oculo, nec Tubospicilio mediocri illas minores discernis, potentior, & potentior adhuc beas, poteris illas distinguere: quod euidentè ostendit radiationes illarum de se repræsentatiuas ad diaphanum pro tali distantia, & ad eius partes signabiles, pro quibus cum qualibet mutatione sitûs Tubus applicari potest, cum tali manifestatione, fuisse diffusas.

Rursus, quamlibet minorem, & minorem partem ex obiecto

obiecto visibili separa, & nullam tam minutam separabis, quam non vt totum, in plures & plures partes adhuc distinguibiles bono Microscopio internoscas. Ex quo conuincitur, rationem propagatiui representatiui sui conuenire colori lucido, & illustrato, & ita conuenire cuilibet toti lucido, & illustrato, vt conueniat cuilibet signabiti in illo: similiter ratione diaphani, id est, susceptiui, & transmissiui representatiuorum, ita conuenire toti huiusmodi medio, vt conueniat singulis signabilibus in illo, ac proinde necessario in toto diaphano, intra sphaeram actiuitatis contento, & quibuscumque partibus signabilibus in illo, esse ita representatiuum totius obiecti, vt sit etiam cuiuslibet partis signabilis in illo.

An verò, & quomodo ex coniunctione plurium partium extensionis visibilium, singularum signabilium sphaera actiuitatis ulterius, & ulterius extendatur, non multò post explicabimus.

Interim aduerte hoc admirabile, quod tam confusa tot radiationum designabilium à singulis obiectis illustribus, & illustratis sufficienter praesentibus eidem medio, & à singulis signabilibus illorum in singulis partibus diaphani multiplicata, licet sit inepta prorsus in tali statu representationi distinctae, aut singulorum à se inuicem, aut secundum dispositionem partium cuiuslibet in se; aptissima est pro tali statu tum ad alium finem, ad quem, vt videbimus, luminis multiplicatio in eodem medij seruit in vniuersum vt posito foramine, vel etiam crassioris diaphani tali configuratione, tam intra, quam extra oculos animalium haberi possit sufficiens determinatiuum ad exercendam representationem, qua singula inter se, & conueniens dispositio partium extra partes in singulis internoscantur, vt ex dicendis aperte constabit.

CAPITIS VII. SECTIO II.

Datur Propagatio representatiuorum per medium similiter; immò perfectius affectum.

Non est eadem mensura agendi, & patiendi omnibus actiuis & passiuis, sed qualem determinat singulis peculiaris finis illorum.

Corpora naturalia, quibus debentur per se primæ qualitates actiue inter se contrariæ, agunt per illas, ut disponant subiectum ad formam substantialem suæ similem, & ex hoc fine mensuratur modus agendi illarum; ut scilicet non sint productiue in subiecto, in quo sunt, qualitatis sibi similis; sed solum in subiecto aliquo modo realiter distincto; & quidem dissimiliter secundum tales qualitates affecto: tale enim subiectum est illud, quod per se est aptum disponi ad formam similem formæ Agentis per se secundum illas; cum subiectum, cui illæ per se iam inexistunt, & similiter alteri est per se sic affectum, supponatur habere formam, ad quam illæ sunt dispositiones, & sic per se loquendo in talibus non adest finis actionis, quæ secundum illas per se intenditur in natura.

Constituta autem mensura proprii modi agendi ex eo, quod per se intenditur secundum illas in natura, non mutatur ex iis, quæ eueniunt illis præter intentionem talis finis: quare esto, calor sit in aqua, cui non per se conuenit, nihilominus in ea seruabit proprium modum agendi, ut non ulterius producat calorem in illa, nec sit illi virtus agendi in aliud similiter calidum: esto in subiecto, cui per se conuenit, sit per accidens imminutus in perfectione sibi conuenienti in tali subiecto, nec ad illam ulterius acquirendam agat in illo, nec erit illi virtus agendi in aliud affectum simili, cum eadem diminutione intensiōis.

Corpora

Corpora verò lucida, & illustrata, quæ sunt immutatiua diaphani, id habent ad propagandum repræsentatiuum sui; ex quo sine mensurant suum modum agendi in illud: vt in quocumque diaphano quantumcumque repræsentatiuis ab aliis affecto, sed per illa non completè disposito ad seruiendum repræsentationi illorum, ipsa sint actiua, quia caret complemento ad seruiendum repræsentationi illorum, cuius illa sunt productiua: quare ex suo fine agendi sunt actiua, non solum in diaphano similiter, immò quantumuis perfectiùs affectum repræsentatiuo simili.

Huic mensuræ agendi apertissimè concordant experimenta. Aperto foramine in fenestra, cæteroqui ad conciliandas cubiculo tenebras, occlusa, expone quoruis accensas lucernas similes, & omnium lumina per tale foramen traiciuntur in oppositam (pro aliqua distantia) foramini chartam, ad flammulas earum consignandas distinctè in illa; itaut quacumque illarum extincta cesset correspondens repræsentatiuum illius, remanentibus aliis, sine vlla immutatione obseruabili à prospectante accuratissimè per tales consignationes multiplices, & correspondentes in dicta charta: vel loco chartæ: admoue propiùs foramini pupillam oculi, & ex foramine ad illas sic dispositas internoscendas propria singularum repræsentatiua excipies, quod fit in ordinaria visione traiectis omnium, & singularum repræsentatiuis per foramen vuæ intra oculum.


Rursus, Sole meridiano illostrante aërem intermedium, sed non fenestram, nec obiecta alia illi opposita, pone è regione foraminis aperti in illa flammulam lucernæ, & ea per tale medium traiciet proprium repræsentatiuum sui, siue meridiano Sole illustretur viuidissimè, siue accedentibus nubibus, debilissimè.

CAPITIS VII. SECTIO III.

Non alligatur Propagatio representatiuorum per Diaphanum Raritati, vel Densitati subiecti; sed aliquando rarefit in Densō, densatur in Raro; nec in eodem medio solum decrescit secundum mensuram distantie à Propagante.

Primum peruincunt leges refractionum, quæ constantissime seruantur in natura, infra ex professo explicandæ, & stabiliendæ certis fundamentis.

Interim experire. Obuerte soli vitrum crassius, sed secundum cavitatem sphericam conformatum, qua parte



solem respicit; similiter vitream amphoram in orbem conformatam plenam aqua, vel globum ex pura massa Crystalli; & apertè cognosces in illo lumen vltèriùs intra ipsum ab aëre progrediendo dilatari, & debilitari illustrationem; ab hoc verò progrediendo in aërem notabilissimè constringi, & ad validissimam illustrationem, & effectus consequentes ex illa roborari; tum vltèriùs pergendo ab interfectione rursùm maximè rarefieri in eodem medio in quo fuerat sic antè densatum.

Secundum ostenditur; quia decrementum luminis in medio præcisè secundum mensuram distantiae à propagante, non potest dici conuenire singulis signabilibus in obiecto, quæ, vt suprà probauimus, & vltèriùs probabimus infrà, habent in quolibet signabili mediij propositi repræsentatiuum sui: nam lucidum decuplo maius alio, pro æquali distantia decuplo maius decrementum sui luminis pateretur, siquidem decuplo plura signabilia lucida contineret, quorum vnumquodque pro tali distantia haberet tantò minus repræsentatiuum sui, comparatione decuplo minoris, quod pro eadem tantò minus decresceret in illuminando, quanto in eo signabilia æqualiter sumpta pauciora præ illo reperirentur; tale autem maius decrementum pro æquali distantia respectu maioris lucidi, euidentibus repugnat experimentis.

Neque dici potest, conuenire toti lucido; nam si duplo maius lucidum, cæteris paribus, in distantia quatuor palmorum agens vt sex v. g. in distantia dupla palmorum octo, decrescat vno gradu, aget vt quinque: iam duplo minus in distantia quatuor palmorum agens vt tria, si in distantia duplicata similiter decrescat per vnum gradum, necessariò in distantia palmorum octo, non aget nisi vt duo; & consequenter medietati sic maioris, quæ est omninò illi æqualis, correspondebis plus luminis pro æquali distantia, id est, duo gradus cum dimidio. Atque ita non fiet decrementum luminis præcisè secundum rationem distantiae, sed aliundè.

CAPITIS VII. SECTIO IV.

COROLLARIUM.

De intensione qualitatis secundum partes intra partes, & quidem homogeneas; & de Agente per reflexionem.

EX multiplicatione partium designabilium luminis in eodem medijs, tum à pluribus lucidis eiusdem rationis, tum à partibus signabilibus eiusdem lucidi ad illustrationem validiorem, tam in se, quam in eius effectibus; & ratione peculiari assignata, cur in affectis secundum primas qualitates contrarias, non detur actio in similiter affectum, satis refutatur necessitas heterogeneitatis partium graduum eiusdem qualitatis intensæ, & stabilitur intensio per partes intra partes in eodem subiecti.

Rursus, quia lumen siue in minori, siue in maiori distantia à lucido; & ita siue in maiori siue in minori intensione, potest ita colligi; seu densari per talem reflexionem à speculo cauo, vel per talem refractionem in Diaphano crassiori convexo, ut in repræsentatione illustrationis ad oculum, & in effectibus consequentibus, prorsus æquivalet intensiori secundum partes intra partes existenti in eodem subiecti; non solum rectè colligitur homogeneitas partium luminis in extensione Sphæræ actiuitatis lucidi, sed etiam homogeneitas partium extra partes in medio illustrato per extensionem dispositarum cum partibus intra partes dispositis per intensiorem in illo. Ex quo solo explicabis plura experimenta, in quibus, quod oculo libero apparet ut intensè lucidum, si spectetur per Tubospicilium oblongum, videtur debilius lucere; cum interim ope refractionis in vitris illius secundum plus radiorum consignetur; similiter album

album illustratum, à longè visum, apparet insigniter album in maiori & maiori vicinitate videtur minùs, & minùs albescere: sicut enim apparens expansio partium lucidi, vel illustrati æquiualeat remissioni; ita velut densatio ex apparentia sub minori extensione æquiualeat intensioni.

Et cum lumen, siue à pluribus, aut paucioribus partibus eiusdem lucidi, pro varia partium illius occultatione, seu à pluribus, aut paucioribus lucidis eiusdem rationis, variè multiplicatum in eodem subiecti, secundum minorem, vel maiorem intensiorem distinguibilem in partes homogeneas intra partes, producat calorem secundum maiorem, vel minorem intensiorem; rationabiliùs maior, & minor intensio caloris ponitur secundum partes intra partes homogeneas, magis, vel minùs aggregatas in eodem medij, quæ adiunctis variis complexionibus aliarum qualitarum possit ad alia, & alia deservire.

Denique, per actionem similium lucidorum, vel similium partium eiusdem illustrantis, v. g. Solis per plura foramina radiationes ita traicientis, vt in excipiente opaco plures velut orbes illustrationis exceptæ secundum aliquid coincident, probata semel intensiõne luminis in eodem medij per additionem partis ad partem, & quidem homogeneam, non solùm in ordine ad visionem, sed ad alios effectus consequentes; videtur rationabile huiusmodi solùm intensiõnem agnoscere in lumine quomocumque producto.

Licet enim non videatur neganda absolutè possibilitas intensiõis virtualis, secundum quam aliqua qualitas, sine latitudine graduati distinguibili in partes intra partes existentes in eodem subiecti, ex maiori sua perfectione æquiualeat in proportionem habentibus dictam latitudinem gradualem: nihilominus semel probatâ, & admissâ tali intensiõne formali in lumine, asserendum est, ab eodem lucido plus illustrante partes medij viciniore, minùs remotiores, plus produci entitatis luminis diuisibilis in partes

homogeneas intra partes in medio viciniore, minùs in remotiori; non autem produci lumen diuersæ rationis formaliter indiuisibile in intensione, sed in sua entitate tali æquiualeus maiori, vel minori intensioni.

Siquidem non solum huius intensiõis virtualis, ab admissa, & probata diuersæ, nullum exhibent indicium experimenta; sed illâ admissâ, adhuc ex pluribus partibus per eam virtualiter intensis, deberet necessariò admitti formalis intensio in eodem subiecti; cùm non sit assignabilis pars medijs expositi illustranti, in quam non sit actio à pluribus partibus homogeneis, designabilibus vnâ extra aliam illustrante; & talis actio in tali parte medijs constituta in foramine opaci oppositi vteriori directioni illustrationis ab illo, sequatur necessariò per eam diuaticata, & propria cuiusque à partibus homogeneis, signabilibus in extensione illustrantis; ita vt, aliquibus occultatis, vel sublatiis, eodem modo sequatur propagatio ab aliis per idem medijs existentis in foramine, quomodo sequebatur, aliis per illud idem sibi coagentibus, & per illud pariter cuna illis correspondentes sibi radiationes traicientibus; nullo obseruabili discrimine in traiectione, vni, vel alteri parti respondente, siue notetur ipsa traiciens sola, siue ipsa cum alia per illud.

Præterea, factò quolibet motu, saltem notabili in illuminante, quod passim in Mundo agitur, non transeunte lumine de subiecto in subiectum, vt suprà probauimus, fieret perennis destructio totius luminis in ipsa sphaera illustrationis, & totius alia, & alia productio; siquidem quod existerat in parte signabili medijs, sic vicina illustranti, in ea per illius motum facta remotiore, vt improporcionatum seruari non posset; sicut nec quod existerat in parte remotiori, factâ per motum viciniore, & viciniore, seruari posset, consequenter tali positioni, & experimentis de lumine viuidiori in viciniorebus, languente in remotioribus: hoc autem non euenit in latitudine formali intensiua

tensua luminis producti; nam modico ablato, vel addito successiue, & proportionaliter iuxta recessum, vel accessum illustrantis, reliquum diutius perseverat.

Ex his etiam agnoscere potes, rationabilius in entitate representatiuorum admittendam esse intensiorem formalem, quam in primis qualitatibus actiuis; cum ex vna parte in his deficient rationes, quæ ex propriis assignatæ sunt in lumine; & ex alia ipsæ pariter numquam remaneant secundum esse imperfectum in aliquo subiecto, quin sufficienter adsit causa productiua talis esse imperfecti earum in illo, dato quod non remaneret ex intensiōe formali præcedente: semper enim adest pars non repassa in agente, quæ potest agere in repassam ad producendam in illa qualitatem proportionatam; in passo verò pars minus passa; in totis, quibus illæ connaturaliter debentur, ipsa forma substantialis illorum, reparatiua suarum virtutum accidentalium, pro tali mensura in talibus circumstantiis, ipso etiam ambiente aliquando iuante.

Colligitur denique, quod simile agens in simile, vel in se ipsum in reflexione, perinde se habet, quoad virtutem agendi commensuratam effectui à se producto; ac si propagaret lumen ad medium nullo modo illuminatum; ac proinde in tali actione, nullam esse peculiarem rationem, ut dicatur esse solum causa inadæquata in tali actione.

CAPITIS VII. SECTIO V.

Propagatio representatiuorum lucidi & illustrati per diaphanum in tota sphaera actiuitatis, quantum est de se, fit sine successione; de facto tamen successiue, & cum aliqua dependentia à presenti influxu primi Propagantis: impeditur autem conuenienter tum in directum, tum aliquomodo ad latera ab interposito opaco.

Primæ qualitates actiue contrariæ ex opposita resistunt in subiecto, in connaturali modo suæ productionis

succeſſiuè fiunt, & quidem celerius, vel tardius pro menſura reſiſtentis comparatæ ad virtutem actiuam: & fuit ita conuenientiſſimè diſpoſitum, ne tam facilis eſſet corporum corruptibilium deſtructio.

At cum repræſentatiua careant poſitiuo reſiſtente in ſubiecto capaci, per introductionem illorum expellendo ab eodem, quantum eſt de ſe, ſine ſucceſſione propagantur, pro menſura virtutis actiuæ applicatæ in totam Sphæram; quia tamen lucida, & illuſtrata vel applicantur ſucceſſiuè per motum localem ad alias, & alias partes medijs; vel generantur ſucceſſiuè, ſaltem ſecundùm partes ſuæ extensionis; ſecundùm quas plures, & plures in eodem medio intendunt huiusmodi repræſentatiua; id eo modo fit ſemper cum ſucceſſione ratione adiunctorum. Dixi *carere poſitiuo reſiſtente expellendo per introductionem illorum*; quia abſolutè qualitas terminatiui ſecundùm quid in imperfectè diaphanis obſiſtit propaganti, ne ſecundùm menſuram intenſionis ſuæ virtuti abſolutè adæquatam producat repræſentatiuum ſui in illis, vt experimentis conſtat, & diſtinctè oſtendemus infra, agentes de reflexione.

Expediebat autem viuentibus, in quorum gratiam iſta producuntur, & vlciorum effectuum ſunt productiua, vt tam valida, & tam diuturna illuſtratio ab illis impediri poſſet; & determinatè expediebat ſenſitiuis pariter, & ſenſibilibus, vt obiecta, à quibus proueniunt repræſentatiua, occultari poſſent: quare dari debuit in corporibus oppoſita diaphaneitati, & ſic ſuſcipiendæ ſecundùm illam illuſtrationi, terminatio, per quam illa non admitterent radiationes ab illuſtrante, vel abſolutè, vel ſecundùm tantam intenſionem intra ſuam profunditatem. De facto autem experimur per interpoſitionem huiusmodi corporum terminatorum priuari conſequens diaphanum illuſtratione, quæ alioqui à tali illuſtrante ad ipſum pertingeret, & oculum, determinatione ad viſionem talis obiecti, quam, remoto huiusmodi corpore, ſtatim obtinet.

Quia

Quia verò per repræsentatiua huiusmodi debent visibilia agnosci vt existentia, & præsentia in tali situ; & distantia, quantum necesse est vt à sentiente per conuenientem accessum quæri, vel per tempestiuum recessum, vitari possint; necessariò debetur tanta dependentia propagationis repræsentatiui à suo obiecto, vt eo sublato, vel per interpositum obstaculum ab influxu impedito, non perseveret, saltem diutius, impressio ab eo facta per propagationem sui repræsentatiui; quod etiam requirebat conueniens modus operandi potentix visivæ cum tali alligatione ad impressionem notabilem, cum aliqua dependentia ab obiecto in organo visorio factam; ne illa non impedita, & perseverante, non solum perseveraret repræsentatio tanquam præsentis, eius quod abesset, vel omnino non esset, cum magno damno videntis, & rerum perturbatione; sed etiam impediretur in organo sufficiens, & distincta impressio proprii repræsentatiui ab alio obiecto sufficienter præsentente, per quam illud posset internosci ab aliis, vt melius constabit ex infrà dicendis de reali mixtura repræsentativorum in oculo, & consequenter apparenti visibilibus extra ipsum. Conueniens itaque fuit conuenienti occultationi, & manifestationi visibilibus, & contemperacioni actionis lucidorum, vt perseverante eodem medio, radiationes, id est, propagationes repræsentativorum lucidi, vel illustrati, non diffunderentur, nisi secundum directionem respectu primi propagantis, & quidem præsentis; & quod medium aptum interposito opaco posset illis priuari; quæ omnia rectè dispositioni vniuersi, & finibus repræsentativorum, simulque experimentis conformia esse, sapiens naturæ inspector facile agnosceret.

CAPITIS VII. SECTIO VI.

Dependentia representatiuorum ab obiectis visibilibus non est, nec esse debuit tanta, ut iis amotis statim desinant; neque tanta independentia, ut sine illis diutius perseverent.

STatuenda videtur mensura conseruationis effectuum, qui fiunt à causis secundis ex fine illorum, ex quo sicut totum esse illorum, ita duratio mensuratur.

Substantiales formæ, materiales dictæ, licet non habeant contrarium, requirunt tamen ex qualitatibus contrariis, & consequentibus ad illas, dispositiones in subiecto, non solum ut sint, sed etiam ut possint operari in illo conuenienter suæ naturæ, & toti quod componunt: quare non nisi debitè illis secum existentibus exigunt conseruari, ne sint otiosè in natura; atque ita, illis actione contrariorum sublati, debent desinere esse; ad differentiam animæ rationalis, quæ potest habere operationes proprias intelligendi, & volendi, cum quibus non communicat actio corporalis, nisi ratione receptionis primæ determinatiuorum, & excitationis, cooperante phantasia ex connaturali modo existendi in corpore, & connaturali modo incipiendi, quæ illi debentur, ut veræ formæ constitutiue hominis cum corpore organico: quare licet actione contrariorum destructis dispositionibus organicis, cum quibus operationes gradus vegetatiui, & sensitiui exercebat in corpore, & acquirerat determinatiua ad alias, & alias operationes rationalis, ipsa desinat viuificare corpus, & existere in illo ut forma illius; quia tamen separata ab illo est simpliciter capax suarum operationum de se inorganicarum, ac proinde non esset simpliciter otiosè in natura, postulat iis dispositionibus sublati,

Sublatis, & destructo corpore organico, vlteriùs seruari separata à corpore, & semel producta, est naturâ suâ immortalis.

Formæ accidentales, quæ sunt qualitates contrariæ ad conuenientem dispositionem corporum corruptibilium, & totius vniversi, postulant seruari, donec ab agente contrario introducatur opposita, per quam subiectum immediatum illarum ad aliam formam, & nouum esse substantiale disponatur; vt hoc modo vicissitudini generabilium, & corruptibilium corporum in mundo conuenienter deseruiant, ad quæ aliæ, & aliæ, aliter, & aliter combinatæ disponunt.

Quæ verò sunt qualitates non habentes contrariam actiuam, sed ex suo fine, & natura connexæ sunt tali prædictarum primarum contrariarum dispositioni in subiecto, pro illarum tali dispositione sublata desinunt conseruari; talis est euidenter virtus magnetica, quæ passim tum in magneticis, tum in ferreis affectis actione magneticorum, vehementiori calefactione citò exterminatur ab illis.

Denique dantur qualitates non habentes contrariam propriè dictam, nec per se pendentes à dispositione subiecti secundum huiusmodi qualitates contrarias, quæ tamen ex proprio fine conuenienter naturæ suæ præstituto, non statim remoto producente cessare debent, nec sine illo semper durare; sed paulatim imminui, & tandem secundum totam sui entitatem desinere: huiusmodi sunt qualitates impetûs, proximè translatiuæ corporum, productæ à virtutibus motiuis, quarum finis exigit, vt non statim cessent; alioqui transferendo corpori ab impellente separato non deseruirent, nec collectis partibus antè productis cum productis consequenter in moto per vim motiuam sibi intrinsicam ad vincendam magis ac magis resistentiam medijs, vel occurrentis impedimenti iuuarent; quorum tamen vtrumque euidenter præstant; & de hoc secundo potes experiri, quod collectis in vna lance bilancis 50. pilis plumbeis,

beis, si eiusdem mensuræ vnicam, etiam non magno intervallo eleuatam supra alteram lancem vacuum, permittas laxatis digitis cadere, ea ex collecto impetu illas s. o. per incursum in lancem subiectam, superabit, quod agnosces ex sonitu, quem edet lanx plena ex illis, & quiescens super tabulam, dum vi incurrentis in alteram eleuata, super illam mox recidet.

Nihilominus idem finis exigit, vt in sua entitate sensim imminuantur, ac tandem prorsus desinant, vt desinenti succedat quies in loco destinato, & ita de facto euenito experimento constat; licet in subiectum non inducatur vllum positiuè contrarium, ex cuius tali impossibilitate ipsæ debuerint desinere in illo: vt agnosces, si quis ad te sursum existentem, proportionato impetu, proiciat saxum, quod, languente, ac penè nullo iam motu sursum, manu excipias, vel statim lanci impositum ponderes; senties enim nihilo plus præualere alteri æquiponderanti collocato in altera, quàm si quiescens, nullo præexistente impetu sursum dirigente, fuisset manui, seu lanci impositum; quod euidenter ostendit non cessasse impetum sursum dirigentem ex introductione impetûs inclinantis deorsum, factâ in illo à sua gravitate intrinseca, contra cuius inclinationem, prævalente priùs impetu impresso à vi motiua extrinseca, illud sursum ferebatur.

In hac tertia classe mihi videntur reponendæ qualitates repræsentatiuæ visibilium, quæ non sibi inuicem contrariantur in subiecto, in quo æquè quælibet illarum produciuntur, siue quælibet alia non adsit, siue adsit; etiam si sint repræsentatiuæ obiectorum, quæ videntur prorsus opposita, iuxta experimenta suprâ adducta. Neque vllò modo per se pendent à dispositione subiecti variabilis secundum qualitates actiuas contrarias; cùm per medium frigidissimum propagatz, quantumuis incalescat, perseverante diaphaneitate, & propagante præsentē, perseverant, & è contrario.

Ex fine autem ipsis conuenienter naturæ suæ præstituto, ut paulò antè aduertimus, non debuerunt primo propagante, obiecto videlicet, ablato, vel per interpositionem opaci impedito, diutiùs durare; & ita de facto euenire experientia quotidiana nos admonet. Quòd verò non statim desinant, sed breui morula perseuerent, exigit conditio potentiaè visuæ, quæ sicut non determinatur sufficienter ad visionem, nisi impressio facta repræsentatiui in organo sit alicuius notabilis intensiõis, & extensiõis, ut suo loco dicemus; ita requirit, ut aliquandiu duret: & sicut non discernit impeditum fuisse lucidum ab opaco velocissimè ante illud transeunte, ita nec lucidum eadem velocitate præteruolans agnosceret, nisi durantem aliquandiu impressionem per lumen relinqueret: quam ab eo relinquì experimur dum agitato velociter in orbem funiculo, ad cuius extremum sit aliquid accensum, oculo quantumuis applicato, & adhibita quauis attentione non possumus discernere, apparentem circulum Lucidum interrumpi, vel eius partes esse dissimiles, perseuerante per illustrationem facta impressione in organo in eo situ, à quo agitatum lucidum recessit, breui restitutum ad illud.

Dices, experimentis constare, non breui morula, sed diutiùs perseuerare impressionem repræsentatiuorum in oculo: siquidem, eo licèt amoto, & clauso ab insigni lucido, vel illustrato, perseuerat diutiùs cum ipsa configuratione repræsentatio illorum, ut impediatur aliorum obiectorum minùs lucidorum, vel illustrium, distincta repræsentatio, donec impressio ab illis sensim languescens vincatur ab impressione, quæ fiat ab obiectis post illa propositis.

Ex hac instantia occurrente, non censui affirmandum huiusmodi repræsentatiua impedita actione propagantis, diutiùs perseuerare; quia ex vno capite non sic durat apparentia omninò concolor ei, quæ antè existebat, licèt duret similis aliqua configuratio coloribus tincta, quos successiue apparenter mutat; ex alio ad partes retinae, ab im-

pressione notabili passas, accurrunt spiritus, quibus oculus abundat, & quibus, ut non multò post dicemus, inest lux apta ad varias per oculum, etiam clausum, & in tenebroso ambiente constitutum, colorum apparentias exhibendas; quare illis in aliqua copia remanentibus in partibus retinæ sub tali configuratione ab impressione prævia passis, & determinatis, potest dici continuari determinatio ad taliter figuratam apparentiam, quæ sensim illis evanescentibus colores ad fuscum magis, & magis vergentes mutet, & tandem cesset.

Sed quid, inquires, responderi potest ad experimenta quæ à viris eruditis referuntur de Chamæleonte?

Animalculum, Romam ex Palæstina delatum anno 1639. spectauimus curiosius plures, ex iteratis experimentis quid de illius apparentiis certò enuntiari possit, vnus inter plures hîc exprimam: de illo igitur, quæ ad mutationes colorum, & earum causas facere visa sunt, paucis excipe.

Complexionis est subfrigidæ, & humore abundantis, quæ in ambiente frigido collocata languescit, & stupet; Soli exposita excitatur: Timidum animal, & motu tardum, si linguam excipias, quam angustiori tramite productiorem, in extremo capitatam, & humore viscido illitam, ad muscas, & culices velocissimè vibrat, eique adherentes attrahit, ac demittit per guttur, ut aëre pasci fabulosum sit.

Cogita lacertam in pedes peregrinæ formæ cruribus longioribus assurgentem, capite maiore, quod ad occiput osseo tegmento munitur, & crescit; tumidiore multò ventre, & caudâ deorsum in gyrum retortâ.

Vestitur cute secundum quid diaphana, ad cinericium colorem vergente, quem dilutum subindè infuscat, aliquando etiam rubigini ferri assimilât; & humoribus per substantiam intus porosam nunc diffusis, nunc retractis, hos colores successiuè nouis inductis, & crescentibus maculis, inter se commutat, etiamsi nulla in circumpositis illi corporibus

corporibus fiat mutatio; quod videtur fieri cooperante apprehensione illius, & passionibus, anxio præsertim pauore, excitatis, proportionaliter, ut nobis facies modò in pallorem, modò in ruborem à consueto colore commutatur, & aliquando diffusionem bilis in flauum.

Colores corporum quibus insidet faciliùs assumit in ambiente calido constitutum: sed inter omnes tardiùs & imperfectiùs, nec sine signo molestiæ, rubrum; promptiùs, nec sine signo voluptatis alicuius, viride; ut inter folia arborum viridia locatum, velut omninò assimilatum, minùs distingueretur.

Ad rem nostram Aduerto primò, quòd sicut charta maderacta, vel imbuta oleo, faciliùs admittit, & transmittit representatiua colorum subiectorum, & videtur illis infici, at verò, traiectionis radiationibus per foramen fenestræ in locum alioqui obscurum, charta albà videtur, illis exceptis, & reflexis in anteriora; imò intra se refractis, & post se transmissis, velut suos fecisse colores obiectorum ante foramen prostantium; ita illa substantia bestiolæ, combibito humore per illam diffuso, fit apta recipere in se, & variè refracta transmittere ad oculos spectantium representatiua subiectorum colorum, ita ut colores ipsi in eà existere videantur, iuxta ea, quæ dicemus infrà de reflexione radiationum ex asperis, & exceptione illarum per foramen intra locum obscurum in charta.

Aduerto secundò, ut in nobis, ita in animalculo posse aliter, & aliter diffundi humores ex varia apprehensione obiectorum, quam consequatur variarum passionum excitatio.

Tertio denique, non haberi ex Chamæleonte (loquendo de coloribus, quos in se exhibere non potest, ex varia suorum humorum diffusionem ad partes, magis expositas oculis nostris; sed solùm velut imbibitis representatiuis circumpositorum corporum, representat) quod aliis corporibus ab eo remotis, ita concolor perseueret, ut ex hoc

perseuerantia repræsentatiuorum, etiam impedita actione obiectorum, colligi possit.

Notabis in materia inanimata, annis proximè lapsis, deprehensum esse à viris inter naturæ consultissimos habitis, perseuerare diutius luminis apparentiam. Lapilli enim in agro Bononiensi eruti, & per vstionem debitè præparati, dum lumini Solis directo, aut reflexo, aut etiam aëri sublustri in crepusculis exponuntur, & post aliquam moram in locum obscurum importantur, apertè instar carbonum ignitorum conceptum lumen spectantibus exhibent per aliquod tempus, donec sensim languescens dispereat. Hoc experimentum à me sæpius captum, vt agnosces ex modò dicendis; siquidem cum monerent non succedere nisi exponerentur aëri sublustri, aut lumini Solis languidiùs eos illustranti, ostendi palàm, quò plus viuido, etiam meridiani Solis splendori exponuntur, meliùs succedere, modò oculi eorum qui fulgorem in illis sunt inspecturi, aliquandiu in tenebris extiterint; nam valido Solis lumine, à circumpositis corporibus ad illos reflexo præoccupatis, lapillorum fulgor non potest facere notabilem impressionem, vt hoc ipsum experiri quiuisset poterit, & minùs animaduersum occasionem dedit prioribus negandi experimentum in iis succedere, si Soli validiùs illustranti exponantur. Rursus tentauì sæpius superpositis vitris varix coloratis capsulæ, in qua erant inclusi, vt nullo modo lumen ad illos perueniret, nisi cum repræsentatiuis colorum, quibus lumen exceptum corpore terminato ita notabiliter in apparentia tingebatur, vt tale corpus excipiens videretur, ac si ipsum colore rubeo, flauo, viridi imbutum esset, & nihilominus ex tali coloratione illustri tam varia sic excepta, nunquam variata est apparentia fulgoris, post illam spectabilis, in lapillis, qui nunc huic, nunc illi constituto in tenebris proponebantur, modò post illustrationem liberam, modò post admissam per vitra colorata, mutata subindè coloratione, & ipsis, de talis fulgoris apparentia pronuntiaturis,

tiaturis, huius variationis omninò insciis.

Ex quo visus sum posse constanter asserere, fulgorem in iis ex tali expositione ad illustrans apparentem, non esse ex repræsentatiuo ad illos transmissio in illis retento: sed (quod eorum per ignem præparatio, & odor sulphureus suadent, & tandem ineptitudo ad dictum experimentum flaccescente eorum massa) ex facta, apè ad notabilem in tenebris constituto fulgoris impressiõnem, substantiæ spiritosæ iis inclusæ excitatione, & vnione per illustrationem, eos secundum quid diaphanos peruadentem, quæ postea, illustratione intermissa, sensim dissipata ad fulgorem sensibilem exhibendum reddatur inepta.

Confirmabitur hoc totum ex dicendis paulo pòst de luce, & lumine huiusmodi substantiæ tenuioris calidæ.

CAPITIS VII. SECTIO VII.

Repræsentatiuum in tota sphaera Propagationis, rationabiliùs dicitur non pendere immediate à visibili.

PRimò enim hoc peculiare non est tribuendum Visibilibus ad sua repræsentatiua comparatis, quia hæc per se pendeant in fieri, & conseruari ab efficientia illorum, cum sine tali dependentia, vt vidimus, per aliquam moram seruentur.

Secundò, quia cum ex vno capite lumen productum in parte præcedenti, non sit magis improporcionatum producendo in consequenti, quàm aliæ qualitates homogeneæ, aliis à se consequenter productis: Ex alio verò pars repræsentatiui soni aliam producat, ita vt cessante sono penès resonans, expertus sim ex fundo præaltæ cisternæ, maxima ex parte exhaustæ, sæpiùs, ac sæpiùs interpolatis vic-

bus redire repræsentatiuum vltimæ notæ musicæ à me prolata, sufficienter determinatiuum auris ad illius apprehensionem; dum linea sonora cum tremore aëris subsequenter continuato replicaretur inter fundum, & fornitem cisternæ, & ad singulas directiones sursùm repetitas prodiret per os cisternæ repræsentatiuum soni. Quare ergo id denegabitur parti repræsentatiui Visibilis, collatæ ad aliam subsequenter? Sustine disparitates mox elidendas.

Tertiò, quia talis modus propagationis luminis in diaphano secundum directionem ad lucidum, & non ad latera, in eiusdem rationis diaphano ipsi immediato, quoties in directione ad lucidum, inter illud, & lucidum est interpositum opacum, sicut ex certo fine supra assignato tribui conuenienter potest virtuti agendi lucidi; ita dici potest conuenire virtuti actiue luminis, & sic in aliis seruata portione, & directione, quæ in gratiam primi propagantis, & bonum eorum, quibus deseruit, requiruntur in consequenter propagatis.

Denique, quia necessitas coagentiæ primi propagantis ad effectus agentium per reflexionem aperte refutata est in fine Corollarij, Sect. I V.

CAPITIS VII. SECT. VIII.

Partes intensiōis in obiecto Visibili non habent singula aliquid sibi determinatè correspondens in repræsentatiuo; sed illud per totam sui, & quamlibet sue intensiōis partem, totius perfectionis eius intensiua repræsentatiuum est, sicut à tota propagatur.

Probatur primò: quia talia repræsentatiua sunt in tali suo esse commensurata potentie, cui potest fieri repræsen-

præsentatio; potentia autem visiva non potest discernere partes alioqui absolute distinguibiles in intensione, sed totum per modum unius sic perfecti apprehendit: sicut non potest dignoscere, an obiecti visibilis perfectio sit secundum perfectionem formalem distinguibilem in partes intra partes, quam nos supra probauimus contra tot negantes; an solum per intensionem virtutalem pro eodem subiecti indiuisibilis, sit taliter perfectior in sui entitate, quam alia, quæ ut sic, dici possit minus virtualiter intensa.

Secundò, quia dum ex impuritate medij illustrandi, vel ex maiori, & maiori eius distantia ab illustrante minuitur intensio representatiui, non potest vna pars representabilis dici præ alia cessare representari, sed omnes per modum unius representantur perfectius, vel imperfectius pro maiori, vel minori perfectione representatiui. Quare consequenter asserendum, totam intensionem qualitatis visibilis in obiecto, per modum unius in agendo indistinguibilis attingere totum esse representatiui, quod ab obiecto producit in medio: quod etiam in aliis agentibus secundum gradus homogeneos intensis, respectu suorum effectuum, facile agnoscitur euenire.

CAPITIS VII. SECT. IX.

Partes extensionis in obiecto habent sibi correspondentes distinguibiles aliquomodo in representatiuo; ita ut quod uni illarum seruit, non seruiat alteri in eodem.

Ratio est, quia si quod uni representandæ seruit, seruiret etiam alteri, vna intra aliam representaretur: cum tamen in partibus extensionis, pars extra partem debeat representari, & de facto represententur non solum
in

in modica distantia minores, & minores, ex vi microscopij perfectioris, & perfectioris; sed etiam in distantia maiori per Tubospicilia perfectiora discernantur: quod esset impossibile, si plures partes, quæ pro tali distantia videntur minimæ in ratione repræsentabilis, haberēt indiscriminatim idem repræsentatiuum. Vim huic argumento contra proteruos addidit nostra ætas, in huiusmodi instrumentis excellentissimis elaborandis oculatissima. Rursus, si darentur huiusmodi partes, à quarum tota entitate, & quolibet absolute distinguibili in illa penderet esse repræsentatiui producti, sequeretur ablato aliquo non sensibili de se à parte, quæ dicitur minima sensibilis pro tali distantia, cessaret totum repræsentatiuum illius, quod à tota, & quolibet absolute distinguibili in illa, ut sua per se causa producente pendebat; & sic ablatis dictis non de se sensibilibus, v. g. instar grani pulueris à pluribus illarum, plures illarum statim redderentur inuisibiles in obiecto, siquidem illo ablato non computantur singulæ amplius inter minimas sensibiles proprii repræsentatiui productiuas, nec possunt vniri proximis in ratione visibilibus, cum singulæ proximarum, ut minimæ sensibiles, habeant proprium de se repræsentatiuum à se productum, ut nec illud ipsis facere commune possint, nec ipsis associari ad vtriusque repræsentatiuum producendum, quod solis minimis sensibilibus dicitur conuenire.

Cur autem pro aliqua distantia aliquæ partes videantur de se insensibiles, & tanquam vnum sensibile confundi cum aliis, est, quia pro tali distantia per foramen vutæ oculi, & per humorem crystallinum traicte radiationes sine notabili variatione situs, consignant imagines illorum in organo, immediatè per impressionem sui seruiente ad determinandam potentiam ad discernendum obiectum, quæ pro minori distantia, vel ope vitri sic figurati magis diuaticatæ, & ita cum notabili varietate situs in tali sensorio consignatæ, sufficienter determinant potentiam ad
tales

tales obiecti partes, antè de se indiscernibiles, aptè discernendas; quæ ex infrà dicendis apertissimè constabunt: & interim ex traiectione radiationum per varia huiusmodi instrumenta conuinci possunt, vt per ea, quæ magis dilatant imaginem, discernantur in obiecto, quæ per minùs dilatantia nequibant discerni.

CAPITIS VII. SECT. X.

Sicut particulare representatiuum non habet ex suis intrinsecis in ratione representatiui connexionem cum hoc potius indiuiduo representabili, quàm cum alio prorsus in apparentia simili; ita nec determinationem in ratione producibilis ab illo præcisè, præ aliis effectibus indiuiduis ad causas indiuiduas comparatis.

PRIMUM patet, quia licèt hoc repræsentatiuum de facto exerceat rationem repræsentatiui respectu obiecti huius determinatè, & non alterius quomodocumque similis, quatenus propagatum ab hoc, excitat videntem ad hoc apprehendendum hîc & nunc præsens: ita quæ determinatè cognoscuntur, verificantur de facto de hoc determinato repræsentabili, non de alio quantumcumque simili; & excitatur per talem visionem videns ad operandum circa hoc, hîc & nunc existens, quod sufficit ad finem intentum per illud.

Nihilominus tale repræsentatiuum indiuiduum nunquam determinat videtem ad apprehensionem distinctam huius, vt distinguitur ab omni alio perfectè simili; cum perfectè similia non possint ab inuicem discerni ex vi determinationis per visionem præcisè: sic spectans æquabili-

ter labentes aquas, nunquam dignoscet, an consistant ante se per easdem partes; an cum successione continua aliarum, & aliarum fluant: sic spectantes æquabiliter se habentem flammam lucernæ; nec agnoscimus in huiusmodi fieri mutationem, nisi ex aliquo discrimine sensibilis conditionis in iis animaduerso: quare repræsentatiuum determinat ad apprehensionem aliquomodo confusam, hoc est, applicabilem, quantum est de se, huic, vel alij simili: licet de facto sit apprehensio huius, non alterius, quatenus quæ secundum illam repræsentantur, verificantur de facto secundum existentiam huius hîc & nunc, & non similis illi; & operationes consequentes in vidente exercentur de facto circa hoc, & non circa aliud quomodocumque simile.

Secundum sequitur necessariò ex primo, & ostendit in comparatione indiuiduorum effectuum ad causas indiuiduas, quibus asserantur ex suis intrinsecis determinatè connexi, vel non connexi, frustra fieri exceptionem repræsentatiuorum huiusmodi ab alijs: similiter quomodo cognitio singularium tribui possit sensui.

CAPITIS VII. SECTIO XI.

Determinatio Sphæra propagationis repræsentatiuorum, absolutè loquendo de illa, habetur à gradibus intensiōis qualitatis primò propagantis: loquendo verò de Sphæra propagationis ad sufficientem alterationem sensorij, ad visionem, aut ad alios effectus, habetur etiam ex determinatione secundum partes extensionis eiusdem.

Primum suadetur, quia licet integra intensio luminis in medio, iuxta probata, proueniat à lucido agente

tam secundum gradus intensiōis, quàm secundum partes suæ extensiōis, conuersæ ad illud; nihilominus ex antè dictis, concurrit secundum omnes gradus intensiōis per modum vnius indiuisi principij ad lumen productum; singulis verò partibus signabilibus secundum extensiōem correspondent propriæ radiationes, secundum determinatum progressum, ab illis in directum prodeuntes per idem medium; & ita condistinguibiles à radiationibus sic connexis cū aliis: quare sicut quælibet inter radiationes huiusmodi signabiles habet suum esse à tali correspondente sibi signabili in obiecto agente, & non ab alio signabili in illo; ita determinatio omnis sui incrementi in tali passo mensuratur à virtute maiori, vel minori existente in tali suo principio, comparatè ad tale passum, & non ab aliis, iuxta se agentibus in eodem subiecto; quibus pariter propriæ radiationes sic condistinguibiles, & à propria virtute illorum mensuratæ, correspondent. Immo lumen cum aliis signabilibus in lucido connexum, esto sit in eadem parte medij secum, quod ad consequentem à se propagationem, est prorsus ac si non adesset: quatenus ad illam non procedentem vterius, secundum directionem à tali signabili in lucido vsque ad illud deductam, nullo modo potest concurrere posità determinatione agendi in directum per idem medium, & nullo modo ad latera, vt suprà congruenter fini, & experientiæ statutum est.

Ex quo sequitur, quod si lucidi palmi, sic intensi, sphæra actiuitatis absolutè terminaretur ad tale signabile medij; & accedentibus aliis, & aliis palmis substantiæ æqualiter in intensiōe lucidæ; ipsum ita cresceret; vt intra idem signabile medij plus, & plus luminis correspondentis toti sic aucto aggregaretur, proportionatè pro tali distantia; nihilominus absolutè sphæra actiuitatis vterius non extenderetur: sed aliquo modo similiter eueniret, ac si super basi palmari, quæ esset chorda arcûs in aliqua sphæra, erectæ essent secundum talem angulum duæ rectæ lineæ,

vt necessariò pro tali determinata distantia coinciderent in cuspide trianguli terminati ad centrum eiusdem sphæræ; & super alias bases æquales hinc inde constitutas, tanquam chordas arcuum in eadem sphæra designatorum, cum simili inclinatione aliæ lineæ constituerentur pariter coincidentes ad idem centrum; comprehenderetur quidem ab omnibus solidum maius, & maius, cuius solida cusps esset maior & maior, sed nullo modo ultra centrum, per talis suæ maioritatis incrementum, posset extendi.

Secundum verò patet ex eo, quod non quælibet intensio minor, & minor; nec pariter minor, & minor extensio imaginis impressæ in immediato organo visûs sufficit ad passionem notabilem determinatiuam sufficienter ad sensationem, vt suprà diximus, & infrà suo loco probabimus; ideo ad extendendam sphæram actiuitatis, aptè ad determinandum tale sensorium ad visionem, multùm iuuat maior, & maior extensio visibilis: idem proportionaliter dicendum de sphæra actiuitatis proportionatæ ad producendum alios, & alios effectus, ad quorum productionem conducere potest tanta intensio luminis in medio quomodo-cumque causetur, siue à pluribus gradibus, siue à pluribus partibus secundum extensionem designabilibus in agente lucido.

C A P V T VIII.

De connexionione lucis, & luminis cum calore.

S E C T I O I.

*Nihil in Vniuerso cognoscitur propria luce lucere,
quod non sit formaliter calidum.*

PRimò patet in cœlestibus corporibus, in quibus solus Sol cognoscitur propria luce lucere, & per substantiam formaliter

formaliter calidam lucens illustrare Planetas. Dixi solum Solem cognosci lucere propriâ luce, quia iuxta dicenda Cap. XVII. ex vna parte illustriores Planetas per lumen ab illo receptum splendere non diuinando, sed certis experimentis tot annorum spatio, ab accuratissimis obseruatoribus, iam in Astronomia constitutum est, quorum studio excitatus, & instructus omninò volui accedere testis oculatus: & patientes eclipsim Iouis assecclas, cùm in eius, inter ipsos & Solem interpositi, vmbra incidunt, deprehendi Zonas corpus ipsum Iouis cingentes, pro vario ad Solem situ nunc apparenter subnigras, nunc pallidas; nunc simili albore cum reliquo eius corpore velut confusas notavi: Martem bis circa quadraturam infra Solem instar Lunæ, similiter digressæ à Sole, aperitissimè vidi. In Venere corniculata phases lunaribus similes in semicirculo inferiori sui ambitûs circa Solem, sæpiùs adnotavi; pariter in Mercurio.

Ex alia parte Veneris insignis fulgor, ex sola reflexione luminis solaris ostendit non improbabiler idem dici posse de fixis, quarum splendor dum ex tantò maiori distantia velut complicatur, licèt maiori radiatione apparenter coronetur, vt infra dicemus, potest tam viuus apprehendi; esto sit ex lumine mutuato à Sole; cùm præsertim aliquæ ex ipsis, in particulari lucidissimæ Bootis, per longiores, & excellentes Tubos in superiori parte minori foramine patentes inspectæ, cernantur radiationibus detractis, languidiùs splendescere, sicuti Venus eodem modo spectata.

Dixi: lucere Solem per substantiam formaliter calidam, quia accuratissimis multorum annorum, per non fallentes regulas directis obseruationibus euicit Christophorus Scheinerus nostræ Societatis, ignem esse, qui lucet in Sole, de quo dicitur Ecclesiastici 43. (*fornacem custodiens in operibus ardoris.*) cùm enim plurimis ex tanto Phænomeno adductis ostendisset apparentes velut nebulas in facie Solis, tum accrescente materia in tetriorem massam conglomeratas maculas, postea verò in alios, & alios colores mutatas,

certo sui centri in Solis disco progressu, non esse ex corporibus circa Solem volutis, & sui interpositione eius partes, licet in se constanti splendore semper fulgentes, nobis variè eclipsantibus; sed esse ex materia è corpore Solis ebulliente, & à valido alterante successivè mutatâ: ex iisdem apparentiis eundem tenorem in suis mutationibus servantibus pariter ostendit, eandem macularum materiam, eiusdem sui centri motu ordinatissimè conseruato, in multò maiorem expansionem dilatatam, & albescentem concipere principium internum lucis, quo splendeat notabiliter in faculis, præ reliquo Solis corpore, cum cuius splendidis partibus tandem confundantur; conuicit apertè opiniones eorum, qui faculas de nouo in corpore Solis tam sæpè, tam clarè, notabiles explicare tentabant, vel reflexione luminis aliundè recepti ab illarum materia, vel ex corporis lucidi solaris in se inalterabilis translucentia per materiam macularum, instar sphaeræ vaporosæ illi circumpositam, & in certis partibus laceratam.

Ad hæc autem omnia stabilienda, vir de Astronomia optimè meritis, non diuinando; sed demonstrando sibi viam muniuit, ostendendo ex ordinatis talis materiæ cursibus tum mensuris, tum annuis, & in Sole accuratissimè exhibitis, eam non posse extra corpus solare lucidum constitui: reuolutiones corporis solaris in se ipso ordinauit, & tanti Phænomeni inuentionem, à se primo expositam, perfecit, & ab iis, qui vsurpare sibi attentauerant convincentibus argumentis vindicauit; vt videre est tum in Rosa Ursina; tum in tractatu de maculis reducibus, postremò ab eo edito, cui si quid aliter sonans additum est sub finem, tribuendum importunis precibus minus exercitatorum in experimentis, & senio hominis iam fatiscantis.

Secundò in sublunaribus quidquid calore vehementiùs agente in vocatum communiter ignem accenditur, vt tale ex luce deprehenditur. Calida expiratio inter aqueos vapores nubium dispersa, si, iis natiuum frigus hinc inde repa-

rantibus,

rantibus, vniatur ad validiorem actionem per antiperistalsim (quam in prima ad vacuum excludendum Epistola nuper edita stabiliui contra Lynceos eius irrisores) nubes disperpens lucet in fulgure.

Eadem inter aquas marinas contenta, si iis agitatis in aliqua copia expiret, & occasionem præbente subfrigido ambiente colligatur, ita lucet, vt aliquando noctu remiges Triremium versare flammæ videantur.

Eadem in formandis mixtis crassioribus functa munere agentis, terminando per concoctionem humidum sicco, seu (vt loquuntur qui plura per calefactionem similiter attenuata miscent per minima, vt vnum sensibilibiter fiant) incorporando humidum sicco; si postea, illis à calore ambientis relaxatis, exitum tentet in putrefactione, & in extremis partibus putridorum, occasione succedentis frigidi ambientis, vniatur, noctu lucet, experientiâ in carnibus, & lignis putrescentibus notissima. Aliquando etiam ab iis separata, & ex aliqua pinguedine, cum qua in tali massa existerat, adiuncta facilis coagmentari, difficilis dispergi, cum sensibili luce diutius vagatur, vt in igne fatuo è cadaveribus educto.

Tertiò spiritus in animalibus, qui est substantia calida, & tenuis, si in aliqua copia colligatur, fit cum luce spectabilis; sic eo lucente non semel noctu apertis oculis totum cubiculum cum dispositis in eo distinctè spectavi; sic quocumque tempore in oculis omnium clausis, & ex aliqua parte digito pressis, & agitatis, apparet fulgor ad partem aduersam, ad quam pupilla conuertitur. Sic in oculis apertis aliquorum animalium glaucis, vt felium, se prodit, qui tantâ huius calidæ expirationis copiâ abundant, vt non solum eâ viuidiùs lucente per oculos, illustrent obiecta ad discernendam in locis obscuris prædam; sed etiam si flante borea, & loco obscuro confricentur acriùs tergo, velut in scintillas erumpant; sed caue dentes, & ungues illorum in capiendo experimento,

Sic in aliquorum extremas partes aliquo modo transparentes, & humore viscoso subflauo fartas, cum reciproca-
tione quadam, modò immissus lucet, modò subductus ab
iisdem occultatur, vt in cicindelis noctu volantibus, &
repentibus quibusdam vermiculis: quòd si, dum illis sub-
lucet in cauda, comprimatur ille humor viscosus, reten-
tus in illo spiritus velut inclusus aliquandiu lucem exhibet,
manifesto pueris experimento, qui & frontem mediam li-
bentes, in loco obscuro existentibus accedunt, vt eos ter-
reant illius fulgore.

Sed nullum tale spectaculum in hoc genere, aut vidi,
aut audiui, aut legi, quale mihi Anconæ ad mare Adria-
ticum exhibitum est: ibi ad litus sub marinis aquis depre-
henditur massa argillacea, tota intùs fistulosa, confertis
animalculis digitalibus ex ostraceo genere, quorum visci-
dus humor, tam eos inuoluens intra crustam, quàm intùs
replens, tanto fulgore lucebat tractatus in tenebris, &
tamdiu, vt non solum fulgentes ex eo manus illustrando
cubiculo, & adstantibus internoscendis sufficerent, sed
ablutæ, aquam ita fulgentem exhiberent, vt inclusa intra
vitream amphoram ad aliquod tempus legendis literis de-
seruiret.

Denique similem substantiam spiritosam agnosci in
aliqua copia in gemmis, quæ dicuntur nocte lucere, intra
quas inclusa, dum transpirare prohibetur, & ab ambiente
intra poros illius seruator, diutiùs exhibere suum fulgo-
rem valet.

CAPITIS VIII. SECTIO II.

Lumen à luce proueniens non est calor; est tamen productuum caloris in subiecto apto.

Primum patet, quia lumen valdè intensum consistit in eodem subiecto cum frigore valdè intenso, & calorem producit successiuè expellendo frigus in subiecto ipso quod actuat, quæ duo calori nullo modo conueniunt; & esse productuum caloris ei conuenire potest sine formali perfectione caloris. Experire traiecto Solis lumine viuidissimo per amphoram frigidissimâ repletam: post eam breuissimo interuallo, & tempore, coëuntibus velut in verticem coni radiis, appositus fomes accendatur; dum interim nulla agnoscitur sensibilis mutatio frigoris facta in aqua, quæ diutiùs perseuerante in ea lumine agnoscitur incallescere, quo modo in proximo ambiente constituta, sed non illustrata, nunquam incallescet.

Secundum constat, tum experimento antè allato, tum communi, ex notabili augmento caloris in æstate; cum tamen Solis rota flammea tanto sit Terræ propinquior in hyeme, vt communiter asserunt Astronomi, & nos infra peculiari experimento euincemus: quomodo autem fiat augmentum luminis, & ex eo augeatur æstate calor, modò est inquirendum.

CAPITIS VIII. SECTIO III.

Quomodo lumen calorem augeat in æstate peculiariter ex densitate luminis, in oppositione minus obliqua horiZontis.

NON solum diuturnior illuminatio in æstate, sed validior auget calorem; validior autem est, non solum quia tali tempestate per minus vaporum transit ad Terræ plagas illi subiectas, sed quia minus obliquè ferit illas.

Prima pars omnibus nota est, quia per æstatem crescente die, morâ videlicet Solis supra horizontem, decrescunt noctes; quare Terra, & Aqua, quæ sunt naturâ suâ frigida, præsentē diutius calefaciente plus incallescunt, & per breuiorem eius absentiam minus sibi reparare possunt frigus actione illius imminutum. Secunda constabit ex probatione sequentium.

Tertia pars inferitur ex principiis notissimis, quod nimirum globo ex Terra, & Aqua integrato circumfundantur euaporationes ex illis exeuntes, & quod radius eas obliquè feriens, vt ad nos pertingat, longiore tractu inter eas fertur, quàm si directè, seu perpendiculariter feriret; & eò longiore quò magis obliquè: constat id euidenter. Si ges iuuare imaginationem, describe circulum referentem terram, & aquam, & ei alium circumscribe, vt intercapedo inter vtramque circumferentiam repræsentet circumpositos illis vapores; quam tam lineâ ad centrum vtriusque deductâ seca, quàm lineis ab aliquibus punctis exterioris circumferentiæ ad puncta interioris obliquè deductis, & statim propositum agnosces.

Denique, quod radius, cæteris paribus, eò debilior ad nos perueniat, quò longiore tractu per vaporaciones, medium

diū aliquo modo opacantes incedit, & consequenter minùs valeat ad producendum calorem, experimur quotidie comparando radios, qui ad nos perueniunt à Sole prope orientem, vel occidentem respectu nostri constituto, cum radiis à Sole circa meridiem nos illuminante; illorum enim per longiorem tractum vaporum ad nos peruenientium actio illuminatiua, & calefactiua cæteris paribus multò est debilior.


Hic autem obiter aduerte causam validioris illustrationis à Sole, post pluuias aëre serenato; & maioris incalescentiæ ex illa: nam aqua è nubibus constipatis decedentes, aërem ab atomis terrestribus, quibus valdè offuscatur, liberant, ex quibus ipsæ turbidæ, si excipiantur, apparent; turbidiores quò post diuturniorem siccitatem decidunt; minùs multò, cum aliæ pluuiæ proximè præcesserunt: per aërem autem sic ablutum, utpote in toto progressu magis diaphanum, omnia repræsentatiua visibilium viuidiora transeunt; vndè & circumpositos montes post pluuias distinctius spectamus, etiam valdè distantes, & per Tubos opticos omnia melius internoscimus; validius autem lumen plus calefacit.

Vltima pars supponit, quod mox euincemus, radios ad opacum, cui minùs obliquæ incidunt, magis colligi; & ad illud, cui incidunt obliquius, plus dispergi: constat autem, quò plus luminis pro æquali spatio colligitur, eò plus posse ad producendum calorem ex notissimo experimento collecti luminis per refractionem ex densiori diaphano globoso interposito, ut paulò antè diximus, & per reflexionem ex cauo speculo, etiam antequam ad intersectionem radiorum deueniatur; quò autem validior est incidentia minùs obliqua ad opacum, eò ob similem causam est validior reflexio ex illo; quò languidior incidentia magis obliqua ad opacum, eò consequens reflexio ex illo debilior, ut in probatione suppositi pariter ostendemus.

Comparauī incidentiam, & reflexionem in validitate,

& debilitate, dum sunt minùs, vel magis obliquè respectu opaci, ut est Terra; quia aliter euenit in crassioribus diaphanis, liberiores transitum luminì directè incidenti præbentibus; siquidem, ut infrà allatà causà peculiari in illis dicemus, & statim, si libeat, potes experiri; quantò obliquior incidentia radiationum in illa, tantò validior existit ex illis reflexio.

Ad suppositi probationem iuuabis imaginationem, reuocando in memoriam propositionem 35. primi elementorum, quòd Parallelogramma super eadem basi in eisdem



parallelis constituta sunt æqualia, & à lucido demitte plures lineas signatas punctis, quæ incident perpendiculariter in rectangulum A B C D, & productæ incident obliquè in Rhomboidem A B E F, quantumvis inter easdem parallelas, assignatà longius basim E F, æquali ipsi A B, magis & magis protensam.

Statim euidenter agnosces nullum radium à corpore lucido posse deuenire ad latus inclinatum A E, Rhomboidis, cui omnes obliquè incident, qui non transeat per latus A C, Rectanguli, cui incident perpendiculariter, ac proinde in eo pro tanto minori spatio colligi radius omnes qui in latere A E, cui incident obliquè, pro tanto maiori disperguntur. Ex hoc statim patet quid sentiendum sit de corporibus secundum suas superficies occurrentibus radiis ad angulos rectos, & rectis proximiores, comparatis ad corpora, secundum superficies suas magis, & magis inclinatæ, iisdem radiis obliquiùs & obliquiùs occurrentia.

Quod si quis dicat: ad quælibet puncta tam signabilia
in

in plano ad angulos rectos, & rectis proximiores radiis Solis exposito, quàm signabilia in plano magis, & magis ad eisdem inclinato, peruenire conum radiosum, cuius basis sit in facie Solis, vertex in tali quolibet puncto; atque quolibet puncta æquè in vtroque plano, seu erecto ad solem, seu inclinato, illuminari; ac proindè sublati vaporibus omnem terræ plagam, ad quam aliquo modo peruenirent radij à tota facie Solis, æqualiter illustrandam.

Aduertat, iuxta talem considerationem ad puncta plani secundùm angulos rectos, & rectis proximiores appositis non solum peruenturos radios, secundùm quos ad illa terminarentur vertices conorum à facie Solis designatorum ad illa, sed etiam omnes alios radios, qui ab eadem facie Solis procedentes, vterius per spatium à tali plano occupatum progredierentur ad omnia puncta plani secundùm maiorem expansionem sub eo magis, & magis inclinati.

Constat igitur in opposito Soli plano ad angulos rectos, & rectis proximiores colligi in tanto minori spatio radios, qui in plano ad Solem magis & magis inclinato, magis & magis disperguntur: & cæteris paribus consequenter radios sic magis, vel minùs collectos in incidentia, esse pariter magis & minùs collectos in reflexione, quæ secundùm pares angulos exerceatur, vt infra videbimus; & secundùm parem intensiorem in tanta extensione radij reflexi eam tantò altius assurgere intra medium, quantò secundùm angulos rectis proximiores à subiecto plano reflectitur.

Non facit tamen ad roborandum lumen tam ad validiorem illustrationem, quàm ad validiorem consequenter calefactionem, quòd radius reflexus coincidat cum suo directo in eodem medijs; idem enim præstaret si concideret cum alio æqualis intensiõis; quia hoc modo etiam æquale lumen colligeretur in tali medio, & sic æquale productuum caloris in illo. Addo, quòd si subiectum, in quod incidunt radij, sit diaphanum secundùm quid, vt intra suam profunditatem aliquam eos admittat, & designet.

tur mensura illius v.g. basis *AB*, assignata parallelogrammis intra easdem parallelas suprà designatis, statim appareat radios secundum talem mensuram tale diaphanum penetrantes profundius illud ingredi, si sit secundum angulos rectos, vel rectis proximiores expositum illustranti, quàm si sit magis inclinatum.

Denique, per foramen rotundum apertum in opaco excipe radios in plano directè opposito, ut illustratio circuli in eo designet, & per æquale foramen admissos radios excipe in plano, propius quidem admoto foramini, sed valdè inclinato, ut longiorem in illo ellipsim designent, & in tali ellipsi circumscribe circulo circulum illuminatum æqualem priori, quem, occultata tuo oculo reliqua ellipsi, ex vario situ spectare possis; & clarè agnosces, cæteris omnibus paribus, quantò validior fiat oculo iudice illustratio à lumine incidente directè in æquali extensione plani oppositi, quàm à lumine incidente obliquè.

Idem agnosces infrà legendo de coloribus apparentibus: siquidem ex inclinatione plani excipientis colores Iridi similes, secundum traiectionem radiorum per Prisma Trigonum ex vitro, magna sit mutatio dictorum colorum, qualis non fit per multò maiorem variationem distantie plani directè excipientis, quod signum est lumen dissipari, & debilitari in plano iuxta maiorem inclinationem, secundum quam excipitur, consonè ad alia, quæ ibi dicuntur de dissipatione luminis, servientis mixtioni cum repræsentativis coloris opaci, ad varias colorum mediorum apparentias exhibendas.

CAPITIS VIII. SECTIO IV.

*Cur lumen Solis aliqua calefaciat, alia non,
ut vocata candida.*

EXperire in coctis lateribus : medietatem superficiæ illorum, expositæ soli æstiuo meridiano, tinge colore sincerè albo, quo parietes dealbantur, alteram atramento; & post horam admoue manum, & senties medietatem atratam totam valdè incaluisse, reliquâ dealbatâ frigefcente.

Collige radios Solis per lentem vitream insignis etiam magnitudinis, aut pilam aquâ plenam; vel per speculum cauum, & non solùm ligna, sed virentes herbas succi plenas combures, & iis radiis ad folium chartæ candidæ vnitis, eam cernes perstare intactam.

Rem in effectu apertissimam, & ita vulgatam, ut ad iudicandum veram virtutem ab invidorum conatibus non lædi, adhibita sit in Symbolum, cum Epigraphe (*candor illa sit*) sed adhuc in causa infrâ Democritici putei fundum latentem libet perferutari.

Cùm ex vna parte, per suprâ dicta, constet lumen in subiecto raro densari, rarefcere in denso, & consequenter ipsum ex se non habere determinatè connexionum naturalem cum raritate, vel densitate subiecti; sed iuxta capacitatem, quam inuenit in illo diffundi, secundùm leges proprias progressionum à propagante, pariter reflexionum, & refractionum, ex finibus propriis illi ab Authore Naturæ præfinitas : Communicatio autem tam excellētis qualitatis ad effundendam toti Vniuerso venustatem, iuxta dicenda de coloribus, quæ in visibilibus apparent; & nos excitandos, iad opera Conditoris, ipsūque ex iis Conditorem agnoscendum, postularet, ut impedimentum suæ conuenientis propagationis aliquo modo sua actione posset auferre,

ferre, quod habent modo sibi conuenienti alix qualitates ipsâ ignobiliore, & id præcisè productione similis assequi non posset; conuenienter debuit esse productiua alterius, cuius esset rarefacere subiectum, cum per huius productionem tollere posset resistantiam suæ conuenienti perfectioni, dum impeditur ab opacitate contraria: huiusmodi autem est calor, cuius pariter per lumen propagatio totam œconomiam inferioris mundi ad mixtionem elementorum, & omnium vitam viuentium esset completura.

Ex alia parte, cum, eodem fine, quo alicui causæ tribuitur vis productiua alicuius effectus, mensurentur etiam conditiones productionis eius ab illa; quomodo supra diximus agentibus ex natura sua formaliter calidis calorem attributum, sicut & alias qualitates primas contrarias, ut instrumenta ad disponendum subiectum ad formam substantialem suæ congeneam, & idè limitationem accepisse, ut non nisi in subiectum in qualitate, & gradu dissimile essent actiux; sequitur vim, quam habet lumen ad producendum calorem, ex fine immediato supradicto, in eo limitatam esse, ut ubi non seruit ad tollendum à subiecto tale impedimentum, ad recipiendum in conuenienti perfectione repræsentatiuum lucidi, ipsa non sit in illo productiua caloris.

Ex quibus rationabiliter inferitur in medio diaphano à vaporibus omninò perfectè libero, cuiusmodi dicatur purus aër, seu alia aura ætherea, non produci calorem à lumine; neque in corporibus ita terminatis, ut in aliqua sui parte recipiendo repræsentatiuum lucidi illud notabiliter non inficiant repræsentatiuum suæ opacitatis, & eius perfectionem per illam non ita impedian, ut immediate possit in illis minui impedimentum productione caloris.

Talia autem esse corpora terminata, quæ dicimus alba, experimento constat, & melius constabit ex iis, quæ dicemus de coloribus, ostendentes in Vniuerso non esse realiter aliam albedinem, quàm in corpore de se lucido; omnia autem alia, quæ in superioribus, & inferioribus corporibus videntur

videntur esse alba, apparere talia ex reflexione repræsentatiui illius ab ipsis aliquo modo asperis, quod non inficiunt notabiliter repræsentatio suæ opacitatis; vt faciunt reliqua omnia, quæ ab eodem lucido illustrata apparent tincta mediis coloribus, ex tali notabili mixtione repræsentatiuorum suæ opacitatis cum repræsentatiuo albedinis lucentis in Sole. Quare consequenter dicendum, quod etiamsi corpora stellarum essent ex materia eiusdem rationis cum materia inferiorum corporum: Sol tamen, ea illustrando, non resolveret per calorem, vaporationem ex illis educendo, proportionaliter vt facit ex Terra, & Aqua; cum illa potentissimis Tubis inspecta ex illustratione Solis agnoscantur candicare, & vbi videntur atro aliquomodo tingi, rationabilius dicendum sit esse ex tali asperitate extremitatis aliquarum partium, quæ in tali situ illustrata, intermiscet umbras, quas variato situ sufficienter potest excludere, vt apparet in Zonis corpus Iouis distinguentibus, & in maculis lunaribus, quæ in oppositione Solis per huiusmodi Tubos benè constitutos spectatæ, & ipsæ insigniter alben. Dixi, benè constitutos, quia ex illis plus æquo breuioribus, vel productis, eueniunt ludibria oculis, quæ turpiùs, vt spectacula cœlestia, euulgantur.

Afferemus infrà agentes de Apparentibus in Luna peculiarem confutationem vaporationum circa illam.

CAPITIS VIII. SECTIO V.

An lumen contineat in se ipsam perfectionem essentialem caloris; an verò essentia perfectiori illius debeat virtus productiua luminis & caloris, ut dici debeat solùm virtute calor: quæ occasione indicatur, quid sit sentiendum de iis, quæ vulgò dicuntur virtualiter calida, &c.

QUoties intimas rerum naturalium essentias venamur, non solis earum effectibus contenti esse debemus, sed peculiaritèr attendere modum operandi, qui est connaturalis proprietatis modi essendi: idèb existente aliquo effectu à pluribus, si cognoscamus in modo illum causandi notabilem diuersitatem, quæ nimirum non importe solùm maiorem, vel minorem celeritatem: maioris vel minoris difficultatis, cæteris paribus, victoriam: diuersas potiùs in iis causis essentias, quàm eiusdem essentia vires cum variis dispositionibus agnoscimus.

Cùm igitur lumen, & calor expellant frigus, & producant calorem; ita tamen ut lumen non expellat frigus à subiecto, quod informat, nisi efficiendo in illo ipso impossibilem calorem cum eodem; calor verò in subiecto, in quo est, nunquam expellat producendo calorem, sed præcisè per talem sui præsentiam exigendo, ut in eodem secum subiecto non seruetur tale frigus; rursus lumen producat calorem in eo ipso subiecto, quod informat; calor verò nunquam in illo, in quo est, sed semper in aliquo modo realitèr distincto; non eandem essentialem vterque rationem dici debent continere, cui debeat ut proprietatis connaturalis vis productiua caloris, cui in lumine iungatur

gatur alius gradus essentialis, & vi illius debeat ei, ut proprietas, vis similis propagatiua; sed diuersam prorsus esse essentiam luminis, cui vis expulsiua frigoris, & productiua caloris in hoc ipso tam diuersa, ut connaturalis proprietas in gratiam productiue similis, aliquo modo debeatur, & sic lumen dici debeat non formalis, sed virtualis calor.

- Quod si brutum non solum in essentia sua dicitur formaliter animal ex operationibus sensitivis, sed formaliter viuens ex vegetatiuis; & homo non solum formaliter rationalis ex operationibus intelligendi, & volendi, sed formaliter animal ex sensitivis, formaliter viuens ex vegetatiuis; ita ut rationabilius philosophando non solum agnoscantur in homine potentie per modum proprietatum correspondentes istis generibus operationum sic diuersarum tanquam debite essentie illius; sed etiam formales gradus essentie, illis potentiis & operationibus correspondentes; ita ut anima hominis non sit solum virtualiter rationalis, sensitua, & vegetatiua, sed verè formaliter talis. Manifesta disparitas est, quia ipsa conuenit cum animabus vegetabilium, & brutorum in modo operandi tales operationes cum eadem alligatione ad organa corpora, quibus mediis illæ exercentur; & respectu sensationum, ut connaturale subiectum illarum, ad componendum cum illis formaliter sentiens.

In hoc autem modo philosophandi aliàs adnotauī, hominem quidem continere formaliter gradum vegetatiuum, ex natura sua diuersum à sensitiuo, & sensitium tam ab illo, quàm à rationali diuersum; nihilominus gradum essentialem vegetatiuum, qui est in sensitivis, non esse prorsus eiusdem essentie cum eo, qui est in plantis; cum operationes ex terminis, & organis proprias habeat, aptas subministrare dispositiones organis sensationum, cuiusmodi non habent plantæ; & ita vegetatiuus gradus in plantis habet determinationem propriam in ratione infi-

ma; in brutis determinationem propriam in subalterna, aptam subordinari vltiori gradui essentiali; quod idem dixerim proportionaliter de sensitiuo respectu brutorum, in quibus vltimus est, habens ineptitudinem subordinatam vltiori gradui essentiali, sicut eius operationes sunt ineptæ subseruire intellectioni, quæ est operatio vltioris gradus rationalis, ad quam habet aptitudinem gradus sensituius, etiam in ratione sensitui sic determinatus determinatione subalterna in homine.

Addidi, compositionem Metaphysicam propriè ex genere, & differentia, vt perfectibili, & perfectiuo formali, esse prorsus diuersam ab aliquali vmbra eius, quæ est inter conceptus confusos, & distinctos; cum isti inuoluant illos sub expressione, non sic differentia inuoluant genus; & illam non dari, nisi in sensituiis, & rationalibus, in quibus tamen ratio verè vt perfectibilis, comparabilis ad perfectiuam non potest conuenire pluribus specie diuersis; cum reliquæ omnes rationes essendi, secundum quas comparantur alia, quæ in Catalogo entium agnoscuntur, non sint applicabiles pluribus, & distinguibiles in illis, nisi vt conceptus confusi, & distincti; quomodo ratio vniuersalissima entis determinatur in substantia, & accidente per rationem talis entis; sicut enim ista inuoluit ens sub expressione propria, ita v.g. ratio latitudinis vt talis, non supponit, sed inuoluit extrà tendere; ratio talis sensationis non supponit, sed inuoluit conceptum sensationis, & tale sensituum, vt sic, inuoluit, non supponit esse sensituum; assigna singulis entium rationes, quas tu vocas genera, & differentias, & comparando eas, experieris propositum.

Denique, cum compositio Metaphysica sit exactissima, vt quæ conceptus obiectiuos consequentes aliquo modo ad alios, vt illis debitos, excludit ab essentia, & licet in eadem entitate physicè indiuisibili contentos, reiciat ad accidentia: nihilominus passim ex consensu omnium, admittat in gradibus essentialibus rationes perfectiuas aliarum, quæ
tamen

tamen ipsæ sint ulterius, perfectibiles & hanc seriem ex pluribus perfectiuis, & perfectibilibus in serie prædicamentali, ut vocant, constituere vnam per se essentiam completā. Cur sic philosophantes tam morosè reiiciunt à cōpositione physica per se compositi formas substantiales perficientes materiam, in esse corporis heterogenei, ultimò perfectibilis ab anima; & eas tunc excludunt, cum adsunt illarum perfectissimæ dispositiones, ob hoc solum, quod aduenit anima; quia in vno per se composito physico non possit esse nisi vnica forma, nec sint possibiles formæ perficientes materiam, sed non ultimò, verum cum ulteriori perfectibilitate à forma perfectiori cui subordinentur.

Redeamus ad propositum. Cum lumen non sit formaliter calor, & nihilominus productiuum caloris, suspicari quis poterit multa, quæ de facto experimur calefactiua; cum in iis antè non deprehenderemus calorem sensibilem, sed potius oppositum, continere pariter qualitatem aliquam à calore diuersam; productiuam tamen caloris, secundum quam talia subiecta non formaliter, sed virtute tantum calida censeantur, v.g. vinum, piper, à quibus intra nos assumptis, calorem sensibilibiter augeri experimur.

Verum de istis prorsus aliter philosophandum; ea nimirum per calorem, & non per aliam qualitatem esse productiua caloris, licet videantur actu frigida, & virtute solum calida; quia quod calefacit in illis, dum est in paruas particulas dispersum, & maioribus partibus frigidis inclusum, in tali statu ineptum est ad exercendam calefactionem sensibilem; si tamen, occasione mutationis factæ ab agente extrinseco, plures ex iis adunentur, incipiunt præualere ad calefactionem, etiam sensu notabilem. Sic intra partes lapidum, per validam vstionem præparatorum in calcem, particula ignea dispersa latent, præualente interim ad sensum actione maiorum partium frigidarum, intra quas continentur. Sed si per immersionem in aquam, extrema

huiusmodi lapidum humorem combibant, particulæ igneæ fugientes à contrario intus adunantur, & perfectiùs calidæ alias minus calidas perficiunt; at ita simul tam validam calefactionem exercent, vt non solùm proximæ partes frigidæ illarum actione incalescant, sed ex vehementia caloris, rarefacientis totam massam, illa discerpatur, fumida exhalatione indè exeunte, & ebullitione calida etiam intra aquas excitata; quod experimentum non succedet si calcem oleo immergas; quia hoc, peruens ad intima, particulas igneas successiue occupat, & extinguit. Expirationum autem calidarum fugam à contrario, contra negantes antiperistalsim, euidenter ostendi in prima contra Vacui assertores Epistola, ex additis ad nouam de Machinis Philosophiam.

Vt autem faciliùs concipias, quomodo virtus, quæ dispersis particulis secundùm illam formaliter affectis non valens effectû sensibili se prodere, videtur in aliquo toto solùm potestate contineri, iisdem per aliquam mutationem circa illud factam adunatis, reducatur ad actum sensibilis effectus, quo se manifestet; exhibeo tibi promptissimum experimentum, quo spectabis in calce arenæ commixtâ, & aqua subacta, aquam ita combibi, & istas particulas ita occultari, vt non multò post aliquid ex tali massa acceptum in extremitate non sentiatur vðum; immò comminutum non prodat aliquid humoris intra se, ac si non adesses; cùm tamen bacillo, vel digito replicatis moderatè ictibus compressum incipiat primò madere sensibilibus; tum humorem exhibere fluentem, particulis nimirum illius tali agitatione adunatis, quæ dispersæ latebant.

Continentur pariter spiritus formaliter calidi in vite, per quos nutritio singulariter in racemis exercetur, & iis compressis, intra reliquas musti partes ex prædominio aqueas, & terreas exprimuntur, & velut dispersi latent; licet in ebullitione illius secundùm calorem sensibilem se prodant, & in vino ex illorum copia in eo contenta potentiori, dum
infunditur

infunditur cyatho, ex illa agitatione secundum aliquas sui particulas adunatas profiliant, & aliquas vini guttulas protrudant. Si igitur vinum, quod maioribus & crassioribus sui partibus prævalentibus sentitur frigidum, applicetur corpori, ex cuius actione illæ incalescant, dum calefactione, & rarefactione illarum spiritus ignei excitantur & adunantur, maiorem calorem illi exhibet per ipsos, quam in sua massa illo alterante receperit; ex quo factum est ut vinum virtute calidum dicatur; licet partibus in se contentis, secundum proprium calorem formalem agentibus, calefaciat.

Sic proportionaliter philosophandum de pipere, & similibus, quorum fractione spiritus ignei adunantur ad sensibilem actionem, qui intra maiores partes ex prædominio frigidas, toto apparente frigido, dispersæ latebant: licet non negem aliqua dum molestè afficiunt sensorium, posse dare occasionem concurrendi spiritibus in animali contentis ad partem læsam, ut illa ex eorum copia incalescat.

In silice pariter spiritus igneos intra poros contentos, censeo valida contritione partium crassiorum expirare, & adunari, ut aliquas etiam illius materiæ particulas, non omnino humido pingui destitutas incendiant.

C A P V T IX.

De varia progressionem Radiationum.

S E C T I O I.

De Radiationibus Directis.

EST fundamentum in natura designandi per idem medium, affectum repræsentationis lucidi, & illustrati, radiationes directas à quolibet signabili, à quo cæpit propagatio ad quodlibet signabile talis medij, & opaci illis oppositi

oppositi in tali medio.

Probatur, quia ex suprà dictis constat, propagationem representatiui lucis, & coloris ita procedere à tali signabili lucidi, & illustrati ad tale vsque signabile medij, tali representatiuo affecti, vel opaci intra ipsum illis expositi, vt positis. quibusvis impedimentis, modò non in directum inter illa talis propagatio sequatur; neque illam aut interrumpat, aut minuat lumen ab alio signabili eiusdem, vel alterius propagatum per totum idem medium, aut ab eodem signabili ad alia signabilia in eodem, vel alio medio: ergo naturalis propagatio representatiui à signabili propagantis ad signabile in eodem medio, intra sphæram illius constitutum recta procedit: huiusmodi autem radiatio à signabili ad signabile sic procedens est, quæ dicitur Radiatio directa, seu Radius rectus.

Pàriter est fundamentum in natura designandi per diuersa media simul affecta representatiuis lucidi, & illustrati, radiationes in directum, quoties à tali signabili est ducibilis linea, quæ secundùm angulos hinc inde æquales, incidat superficiei vterioris medij diuersi à præcedente.

Probatur primò, tum experimentis, quibus nritur præcedens assertio; tum ex mox afferendis de flexione radiationis, obliquè incidentis superficiei vterioris medij diuersi à præcedenti.

Secundò, quia ex vna parte propagatio ab aliquo signabilis, vel illustrati deducta per aërem, & aquam, ad aliquod signabile intra illam; vel per aquam ad signabile intra aërem, ita vt occurrat superficiei secundi medij densioris, vel rarioris perpendiculariter, id est, ad omnem positionis differentiam se habens ad illam æqualiter, non potest habere determinationem in se naturalem vt vterius pergendo per medium de se vniforme, licèt diuersum à præcedenti flectatur in vnam potiùs positionem, quàm alteram. Ex alia, fini propagationum peculiariter conducit, vt mox videbimus, talis progressus in directum per diuersa media

media radiationis, quæ superficiæ vterioris, & diuersi incidit perpendiculariter. Ex quibus stabilitur axioma illud opticum, Radius perpendicularis non frangitur.

CAPITIS IX. SECT. II

De Radiationibus Refractis.

EST fundamentum in natura designandi per media diuersæ densitatis radiationes refractas, quoties radiatio propagata per medium vicinius illustranti incidit extremis sequentis secundum angulos inæquales.

Experimur primò Solis radios per aërem diffusos, occurrentes amphoræ vitreæ aquâ repletæ, seu pilæ, vel lenti crystallinæ, non secundum eam amplitudinem, quâ ad huiusmodi pertingunt, intra illa progredi, sed restringi; & rursus ab illis ad aërem progrediendo noua flexione arctari; vt illa breui intervallo illuminatio velut cuspidetur, quod melius agnosces, si, loco huiusmodi densiorum diaphanorum, opponas postea Soli in eodem situ foramen in opaco apertum, eiusdem magnitudinis cum expansione superficiæ diaphani illius densioris, & globosi, quæ per aërem primò à Sole illustratur: spectabis enim in atomis intercurrentibus illustratis longè alium, & amplio-rem progressum radiationum vterius per foramen pergentium in aëre, quàm per aërem pergentium intra talia diaphana densiora.

Rursus dictam amphoram aquâ plenam, vel pilam crystallinam post experimentum primò captum in ambiente vtrinque aëre, admoue aquæ, vt ex illis illuminatio non amplius diffundatur in aërem, sed intra aquam: & spectabis, in aquam quantò amplior illuminatio ex illis procedat, & quantò longius ab illis cuspidanda, quàm cum ex illis in aërem propagabatur.

Experimur secundò lapillum, iacentem in fundo vasis aëre pleni, à nobis eò vsque spectati posse, quousque ab illo ad oculum in tali situ pertingere potest linea recta, non impingens in latera vasis: quod si à deducta ex lapillo per marginem vasis longiùs recedas, is prorsùs tibi manet inuisus; nisi aquâ vas repleatur, quâ infusâ, persistente oculo in eodem situ, lapillus incipit apparere. Ex quo euidenter inferitur, propagationem repræsentatiui, sine quo non fit visio repræsentabilis, progrediendo ab aqua ad aërem à rectitudine deflectere.

Rursùs, in situ oculi pone candelam accensam, & videbis illustrationem ab illa pertingere ad lapillum, etiamsi ab illa ad ipsum non sit directio libera occurrente latere vasis; aquâ verò amotâ, illustrationem ultra lapillum directè extensam per aërem nullo modo ipsum attingere. Quæ omnia ex dicendis meliùs constabunt.

CAPITIS IX. SECT. III.

De Radiationibus Reflexis.

Est fundamentum in natura designandi radiationes reflexas ab opaco, quod expositum illustranti, impedit vteriore progressum propagationis repræsentatiui illius, qui sequeretur secundùm aliquam directionem, nisi ipsum opponeretur.

Probatur quia ex vna parte si intra sphæram propagationis repræsentatiui ab aliquo lucido interponatur opacum, impeditur eius propagatio, quæ extendebatur in tali directione ultra illud. Ex alia parte apparet spectanti in extremitate talis opaci, aduersâ lucido, mutatio secundùm illustrationem ab ipso, eò maior vel minor, quò admotum ipsum tali lucido, maiorem, vel minorem progressum illustrationis ab illo secundùm ealem directionem

media radiationis, quæ superficiei vterioris, & diuersi incidit perpendiculariter. Ex quibus stabilitur axioma illud opticum, Radius perpendicularis non frangitur.

CAPITIS IX. SECT. II.

De Radiationibus Refractis.

EST fundamentum in natura designandi per media diuersæ densitatis radiationes refractas, quoties radiatio propagata per medium vicinius illustranti incidit extremitati sequentis secundum angulos inæquales.

Experimur primò Solis radios per aërem diffusos, occurrentes amphoræ vitreæ aquâ repletæ, seu pilæ, vel lenti crystallinæ, non secundum eam amplitudinem, quâ ad huiusmodi pertingunt, intra illa progredi, sed restringi; & rursùs ab illis ad aërem progrediendo noua flexione arctari; vt illa breui intervallo illuminatio velut cuspidetur, quod melius agnosces, si, loco huiusmodi densiorum diaphanorum, opponas postea Soli in eodem situ foramen in opaco apertum, eiusdem magnitudinis cum expansione superficiei diaphani illius densioris, & globosi, quæ per aërem primò à Sole illustratur: spectabis enim in atomis intercurrentibus illustratis longè alium, & ampliorem progressum radiationum vterius per foramen pergentium in aëre, quàm per aërem pergentium intra talia diaphana densiora.

Rursùs dictam amphoram aquâ plenam, vel pilam crystallinam post experimentum primò captum in ambiente vtrinque aëre, admove aquæ, vt ex illis illuminatio non ampliùs diffundatur in aërem, sed intra aquam: & spectabis, in aquam quantò amplior illuminatio ex illis procedat, & quantò longiùs ab illis cuspidanda, quàm cum ex illis in aërem propagabatur.

Experimur secundò lapillum, iacentem in fundo vasis aëre pleni, à nobis eò vsque spectari posse, quousque ab illo ad oculum in tali situ pertingere potest linea recta, non impingens in latera vasis: quod si à deducta ex lapillo per marginem vasis longiùs recedas, is prorsùs tibi manet inuisus; nisi aquâ vas repleatur, quâ infusâ, persistente oculo in eodem situ, lapillus incipit apparere. Ex quo euidenter inferitur, propagationem repræsentatiui, sine quo non fit visio repræsentabilis, progrediendo ab aqua ad aërem à rectitudine deflectere.

Rursùs, in situ oculi pone candelam accensam, & videbis illustrationem ab illa pertingere ad lapillum, etiamsi ab illa ad ipsum non sit directio libera occurrente latere vasis; aquâ verò amotâ, illustrationem vltra lapillum directè extendens per aërem nullo modo ipsum attingere. Quæ omnia ex dicendis meliùs constabunt.

CAPITIS IX. SECT. III.

De Radiationibus Reflexis.

Est fundamentum in natura designandi radiationes reflexas ab opaco, quod expositum illustranti, impedit ulteriorem progressum propagationis repræsentatiui illius, qui sequeretur secundùm aliquam directionem, nisi ipsam opponeretur.

Probatum quia ex vna parte si intra sphæram propagationis repræsentatiui ab aliquo lucido interponatur opacum, impeditur eius propagatio, quæ extendebatur in tali directione vltra illud. Ex alia parte apparet spectanti in extremitate talis opaci, aduersâ lucido, mutatio secundùm illustrationem ab ipso, eò maior vel minor, quò motum ipsum talis lucidi, & maiorem, vel minorem progressum illustrationis ab illo secundùm talem directionem

nem

nem sistit: quod si opacum sit tersum videtur ab oculo, licet averso à lucido ipsum lucidum è directione illius, vel etiam illustratio propagabitur ab illo ad aliud opacum illustrandum, licet non constitutum è directo lucidi, ac si in tali directione ipsi lucido esset expositum. Ergo propagatio radiationis designabilis est, non solum à lucido ad signabilia talis opaci, sed ab illis ad alia; hoc autem intelligitur per radiationem reflexam. Confirmabitur ex dicendis infra de æqualitate angulorum, quam seruat cum directione propagationis luminis à lucido ad oppositum opacum, directio propagationis à tali opaco ad alia, quæ pariter euincet correspondentiam radiationis reflexæ cum directæ.

C A P V T X.

Quàm aptè Finibus in natura intentis variæ progressionès Radiationum deseruiant.

S E C T I O I.

Qui Fines propagationis in directum, & quomodo per eam obtineantur.

EXpedit bono Vniuersi, & peculiari videntium, repræsentatiua in eadem parte diaphani confundi; è contrarium necessarium omnino ad internoscenda obiecta per visionem, vt non solum repræsentatiua plurium obiectorum, sed partium eiusdem obiecti vnum extra aliud, in alia & alia parte illius possent consignari, & his omnibus propagatio radiationum in directum aptissimè seruit.

Prima pars probatur, quia ex vno capite bono Vniuersi conducit augmentum intensiōis luminis, & consequenter caloris ex eo prouenientis; intensio autem fit, ex suprà constitutis, per partes intra partes eiusdem qualitatis; &

obtinetur per repræsentatiua non solùm plurium lucidorum, sed plurium partium eiusdem lucidi ad eandem medijs partem propagata, & in illa confusa. Ex alio capite conducit bono videntium, ne aliquod repræsentatiuum afficiens aliquam partem medijs, hoc ipso impediat propagationem repræsentatiuorum ab alijs per eandem partem; alioquid quæritur vnus manifestatio, alia multa cum notabili detrimento laterent, ac proinde ad bonum videntium debuerunt in eadem parte medijs repræsentatiua confundi.

Secunda pars probatur: quia ad internoscenda inter se plura obiecta, & distinguendas partes eiusdem obiecti, illiusque conformationem, & dispositiones agnoscendas, requiritur, vt non solùm repræsentatiua plurium obiectorum, sed partium eiusdem, in alia, & alia parte subiecti vnum extra aliud consignetur; cùm apertè illorum confusio per partes intra partes, non nisi ad visionem confusam partium eiusdem obiecti inter se, & plurium inuicem obiectorum determinet, per quam dum nullum internoscitur, est ac si nullum videretur.

Omitto probationes huius, quæ dicenda supponunt, vnum affero conuincens experimentum, quod est ad manum, & oculos cuiusque. Accipe vitrum conuexa superficie terminatum, quale in conspicijs seniorum passim adhibetur, & oppone obiectis lucidis, vel illustratis in cerra distantia à charta, vel pariete albo, dum enim radiationes designantes plura obiecta, vel plures partes eiusdem obiecti, ad alias partes extra partes chartæ, vel parietis pertingunt, fit distincta repræsentatio, per quam & alia plura obiecta possunt aliquomodo comparari, & singulorum conformatio, motus, vel consistentia dignosci: si verò auctâ, vel imminutâ notabiliter distantia pro qua radiationes huiusmodi ad alias partes extra partes oppositi plani deueniebant, eadem progressionem radiationum velut inuicem in opposito plano se penetrent, dum consignatiua vnus, spatium, in quo pariter altera reperiatur, peruadit, fit tandem talis confusio,

confusio, vt nec partes eiusdem obiecti inter se, nec plura inter se obiecta discernantur, nullâ possibili comparatione inter illa, vt nec vnus ab alio internotione.

Tertia pars probatur, quia dum in medio libero à pluribus lucidis, & partibus eiusdem lucidi conuersis ad illud, radiationes quaquaversum intra sphaeram suæ actiuitatis diffunduntur in directum, ad easdem partes mediij tum plurium lucidorum, tum partium eiusdem lucidi radiationes perueniunt; aperto verò modico foramine in opaco, impediante per reliquum sui vltiorem progressum radiationum; dum illæ per foramen secundum directionem, à signabilibus plurium obiectorum, vel eiusdem obiecti deductam, propagantur; necessario ad illud se interfecantes, & in diuersa ab intersectione progredientes, tandem in alia, & alia parte occurrentis plani consignantur.

Experire aperto modico foramine in ligno fenestram alioqui ita claudente, vt impediat radiationes, ne aliundè cubiculum subintrent; nam obiecta lucentia, vel illustrata liberè per foramen radiationes propagando, secundum directiones à signabilibus obiectorum deductas, consignabunt imagines illorum ad certam distantiam in opposita charta cum determinata configuratione, & certa colloca-tione inter se, cum motu, vel consistentia correspondente obiectis ipsis.

Directa propagatio secundum perpendicularem deductam per omnia media deseruit peculiariter visioni, naturali modo exercitæ.

Probatur, quia hoc modo radiatio signabilis alicuius in obiecto, potest oculum ad se conuersum sine refractione penetrare ad afficiendum sensorium, cuius passio determinat apprehensionem obiecti; hoc autem seruit primò ad determinatè apprehendendum situm, in quo reperitur obiectum, ne cum molestia, aut frustra requiratur à vidente: quod non obtineretur si radiationes omnes per diuersa media deductæ deuiarent à rectitudine, vt constabit melius

ex dicendis de modo naturali exercendæ visionis : interim experire conuertendo oculum ad obiectum, vt sit deducibilis intra ipsum ab obiecto radiatio aliqua directæ per centrum illius ; mox eleua admoto digito pupillam, vt necessario deductæ omnes radiationes ab obiecto deorsum iacente intra pupillam fursum conuersam refringantur ; & primò spectabis obiectum in situ, quem de facto obtrinet, secundò extra situm suum altiùs eleuatum.

Secundò seruit ad visionem magis distinctam signabilem, ad quæ successiuè oculum dirigimus, vt sine refractione, quantum fieri potest, eius radiatio per centrum oculi deducatur ; sic singulos characteres legimus, licèt confusè reliqua circumfusa cum refractione videamus ; sic minutum aliquid, quod nobis exciderit, licèt ante oculos positum non discernimus, nisi directè ad situm, in quo determinatè iacet, oculi pupillam dirigamus, vt eius radiatio consignans imaginem ad immediatum visionis organum irrefracta perueniat, quod magis stabilietur reiectis fabulis de visione distincta ; cùm radiatio per humores oculi propagata dirigatur ad nerui optici insertionem ; siquidem contra apertissima experimenta supponunt eam esse è regione pupillæ ; cùm determinatè sit ei ad latus : sicut oculo è capite extracto, & per neruum opticum suspenso, pupilla nunquam è directo deorsum conuertitur ; sed determinatè in latus conuersa spectatur. Sed in arcanis naturalium corporum examinandis, ipsa diligentius inspicienda ; non enim ad nostras se phantasias adaptant ; sed determinationes à sapientissimo artifice receptas retinent, à quibus dum aberramus, erramus.

CAPITIS X. SECT. II.

Qui fines propagationis refracta per media diuersæ densitatis, & quomodo per eam obtineantur.

Propagatio luminis à cœlestibus ad inferiora, vt est principium caloris, peculiariter ordinatur ad disponenda conuenienter infima elementa Terram, & Aquam productioni mixtorum inanimatorum, & vitæ viuentium in illis: propagatio verò repræsentatiuorum coloris lucidi, & illustrati, vt talium, ordinatur ad excitandam in visuiis apprehensionem illorum; & vtrique fini mirè deseruit propagatio per media diuersæ densitatis refracta.

Prima, & secunda pars facillè constant ex suprâ animaduersis, & confirmabuntur dicendis in probatione Tertiæ.

Tertia pars probatur primò, quia cùm è Terra, & Aqua alteratis à lumine per calorem expirent halitus, qui per aërem ascendunt, & passim aëri in aliqua ad Terram vicina permisceantur, circa globum ex Terra, & Aqua existit sphæra vaporosa (siue sit figuræ sphæricæ, siue oualis, Physicè loquendo, hoc enim determinare nihil refert ad præsens negotium) in quam à puriori aëre superiori incidentes radiationes, dum franguntur possunt faciliùs peruenire ad Terram, & Aquam, ad quas non ita pertingerent si omninò ad eam peruenientes pergerent in directum: sic de facto in crepusculis experimur toto anno diem extendi; dum ante eleuationem solis supra, post etiam depressionem illius infra horizontem, radiationes, à puriore aëre in ambiens vaporosum incurrentes, ad nos defleunt; & in sphæra parallela, illique proximis, in quibus magna pars Zodiaci infra horizontem later, per multum tempus ante ascensionem

ascensionem Solis supra horizontem illarum, & post descensum infra, plures dies velut crepusculis continuati sic multiplicantur; & Sol etiam dum est infra horizontem, modico interuallo spectatur; & mihi mare traicienti non semel euenit, vt, intercurrente vapore densiore, versùs Occidentem, Sol qui descendens totus latebat, iterum velut exaltatus spectaretur, & similiter in Oriente conspectus appareret, mox infra horizontem ad modicum tempus recederet; quæ & similia eueniunt iuuante refractione, vt explicantes paulò post Corollaria ex legibus refractionis ostendemus.

Secundò, quia dum repræsentatiua visibilium in sui propagatione à medio externo ad oculi diaphana multò densiora propagantur, & franguntur, possunt plurium partium eiusdem obiecti, & plurium obiectorum radiationes intra oculum penetrare, & eorum imagines in organo immediatè deseruiienti ad prouocandam visionem, consignare, quæ, si directè processissent, non potuissent ad illud pertingere, vt omni consideranti patebit, modò attendat quàm multa oculo immoto simul videat, sursùm deorsùm, & ad latera constituta, quorum repræsentatiua si occurrentia corneæ oculi, directè procederent, nullo modo per foramen vuae tunicæ oculum subintrarent.

Denique à signabilibus iisdem obiecti plures radiationes ad humorem crystallinum oculi peruenientes, visionem illius prorsus confunderent, nisi eas refractione ad fundum oculi in tunica retina ordinaret; vt constabit tum ex dicendis paulò post in Corollariis ex legibus refractionis, & infra suo loco de vsu humoris Crystallini in oculo.

CAPITIS X. SECTIO III.

Qui fines propagationum reflexarum, & quomodo per eas obtineantur.

AD intensionem luminis, & caloris ab eo producti reflexio illius ordinatur, tum ad iuuandam propagationem representatiuorum ab opacis; & supplendam aliquomodo absentiam tum lucidorum, tum illustratorum; & his omnibus mirè reflexio deseruit.

Vltima pars assertionis constabit ex probatione præcedentium.

Prima pars probatur, quia reflexio in eodem medio per illustrationem directam illuminato communiter adiicit nouam radiationem, aliquando verò radiationem dirigit etiã ad partes mediij, ad quas per radiationem directam non perueniebat: iuxta primum experimur augeri illustrationem, & auctã illustratione calorem ex reflexione. Vtere experimentis conuincentibus etiam proteruos, & expone speculum cauum in aëre, meridiano Sole illustrato, & statim prodet quantum luminis, & caloris addat reflexio: excipe eandem meridianam illustrationem speculo plano, & conuerte illam ad faciem radiatione directã illustrati, & contradicentis, & suum errorem sensu docente dediscet. Si negando persistat, adhibe secundum, & dirige illustrationem ad locum prioris; tum tertium, & scias ex ista multiplicatione reflexionum ad idem mediij per specula plana deueniri posse ad excitandum incendium, sicut contigisse historię narrant in portu Constantinopolitano, dispositã in magno cauo, cavitare sphæricã ex ligno compactã, multitudine speculorum planorum ad idem suas reflexiones dirigentium.

Iuxta secundum, ad loca tenebrosa, ad quæ radiatio

directa non pertingit, per reflexionem illustratio dirigitur, ut illustrante Sole per radium directum modicè fenestram, vel pauimentum, integra conclauia ex reflexione illustrentur ad vsus humanæ vitæ passim; & conuerso ad speculum oculo, quæ post te sunt disposita; immò quæ interposito opaco, licèt conuersus nunquam spectares, per reflexionem à speculo distinctè perspicies. Infra aliquid tibi singulare aperiam cum de Theoria & vsu Tubospicilij tractabo.

Secunda pars constat partim ex suprâ constitutis, partim ex dicendis de coloribus apparentibus: cum enim lumen non solum sit repræsentatiuum coloris lucidi, sed necessarium non lucidis ad productionem repræsentatiuorum proprii coloris, & pro varia illustratione huiusmodi coloris, apparentiæ varientur ad oculum, non solum quòd ad intensiorem, sed diuersam mixtionem apparentem, necessariò lumen fuit terminandum ad illa, & factâ reflexione ex illis, rursus propagandum cum repræsentatiuis illorum; in quo de facto tum visioni non lucidorum; tum venustati totius vniuersi mirè conducit.

Tertia pars probatur, quia Solis infra horizontem lucentis lumen, à Stellis, Lunâ præsertim nobis proximâ, propagatum per reflexionem, aliqua ex parte supplet eius absentiam; & qui speculis reflectentibus repræsentatiua etiam non lucidorum, nouerit uti, multa etiam, quæ apud hostes fiunt, alios latentia, ipse ab hostibus tutus, & latens, ac si coram adesset, spectabit.

Admissâ autem repræsentatiuorum propagatione, per reflexionem continuatâ; licèt aliò directâ, dum impeditur cœptus progressus illius in certam directionem, per interpositionem corporis opaci, asserendum est continuari productionem illorum, per vnâ, vel plures reflexiones, ad secundam, vel plures consequentes directiones; donec tota sphaera actiuitatis à primo propagante, & consequentibus ex illo compleatur: & hoc aliquomodo agnosces de facto

facto euenire, si duo specula plana ad inuicem parallela, & mutuo sibi aduersa constitues, collocato inter illa insigni aliquo subiecto lucido, vel illustrato, & ad foramen exiguum in altero speculorum apertum, vel inserto debite inter utrumque capite prospectabis; idem enim obiectum velut prodigiose multiplex, & seriatim dispositum in vltiori, & vltiori distantia apparens spectabis, de qua apparentia dicam non multo post cum de legibus reflexionis.

C A P V T X I.

De legibus Refractionis, & causis earum.

S E C T I O I.

De tribus Legibus Refractionis.

PRima Refractionis lex est: vt radiatio, à medio rariore obliquè incidens in densius, refringatur ad perpendicularem, per signabile incidentiæ in densiori deductam.


Secunda, vt à denfiori obliquè incidens in rarius refringatur à perpendiculari, per tale signabile incidentiæ in rariori deducta.

Habentur ex apertissimis experimentis, quorum aliqua faciliora indicauimus cap. 9. sect. 11. & stabilientur ex dicendis Sect. sequenti.

Interim moneo in corporibus conuexâ vel cauâ superficie terminatis, ad quas deueniunt incidentiæ radiationum à mediis diuersæ densitatis, perpendiculares duci à centris superficierum sic terminatarum ad signabile incidentiæ notatum in illis vt in Figuris, primâ & secundâ.

Tertia lex Refractionis est, cum plures radiationes

comparantur ad eadem signabilia medij posterioris, anguli refractionum aliquomodo proportionantur angulis in-




cidentiarum, id est, radio incidenti in idem signabile talis medij, sub minori angulo cum perpendiculari producta per illud, correspondet refractus constituens minorem angulum cum eadem ulterius extensa; & incidenti sub maiori correspondet refractus, constituens maiorem.

Hæc lex communiter omittitur, sed est multarum propagationū regulatiua, & mirabilium causas apertissime exhibet, quæ ex illa consequuntur, vt dicemus; sequitur illa necessario ex duabus præcedentibus; si enim in propagationibus à rariori ad densius, radius in obliqua incidentia comparatus cum aliis ad idem signabile incidentiæ in superficie densioris, & constituens cum perpendiculari producta per tale signabile minorem angulum, non ita refringitur, vt refractus illi correspondens constituat pariter minorem angulum cum illa, comparatione aliorum angulorum, qui constituuntur per refractos aliis incidentibus
correspon

correspondentes, non dabitur in progressu radiationis à raro in densius refractionis; & è contra, si à densiori in rarius radius cum aliis incidens ad idem signabile, & constituens cum perpendiculari per illud deducta maiorem angulum, non habeat correspondentem constituentem pariter cum eadem maiorem angulum, præ constitutis cum illa ab aliis refractis, qui correspondent aliis incidentibus secum ad idem signabile talis medij, non dabitur à densiori ad rarius refractionis à perpendiculari, contra secundam legem. Sequelam sic ostendo.

Primò, si Radiationis A B, à raro in superficiem



densioris obliquè incidentis correspondētem intra densius fractam B C, cogites in directum extendi intra rarum, illa in tali extensione sui directā, non potest coincidere cum radiatione A B, quæ illi præsupposita est correspondere vt fractæ; neque cadere infra ipsā: quia sic plusquàm ipsa recedens à perpendi-

culari D B E, ducta per B, signabile incidentiæ, magis etiam quàm ipsa à rectitudine deflecteret; ergo necessariò cadet supra ipsam accedendo magis ad dictam perpendicularē, & minorem cum illa angulum constituendo.

Assumatur igitur talis linea B F, directè extensa intra rarum, vt radius à raro in idem signabile B; densioris obliquè incidens simul cum Radiatione A B, primò supposita;

illi; certè in progressu intra densius non potest correspondere, ut radius fractus ille idem $B C$, qui assignatus est ut fractus Radiationi $A B$, primò suppositæ, & in ipsum extensus est in directum intra rarum; ergo vel erit alius $B I$, magis accedens ad perpendicularem $B E$, & minorem cum ea angulum constituens, sicut & ipse $B F$, minorem angulum probatus est constituere, cum eadem in sui extensione per rarum; & ita habemus intentum: nimirum, in progressu à rariore ad densius, radio incidenti sub minore angulo cum perpendiculari, deductâ per signabile incidentiæ, correspondere fractum, minorem cum eodem angulum constituentem, & consequenter radio incidenti sub maiori angulo cum eadem, correspondere fractum intra densius constituentem cum eademmet angulū maiorem: Vel erit alius $B L$, magis recedens à perpendiculari, maiorem cum ea angulum constituendo; & ita sequetur contra primam legem refractionis in progressu à rariore intra densius radium refringi non ad perpendicularem, sed à perpendiculari; quod erat ostendendum.

Secundò cuiuslibet radiationis $C B$, à densiori in superficiem rarioris obliquè incidentis, correspondentem fractam $B A$, intrâ rarius, cogita per densum in directum extendi: illa sic in directum extensa non potest coincidere cum radiatione $B C$, cui ipsa in raro præsupposita est correspondere ut fractæ, neque magis quàm illa accedere ad perpendicularem $D B E$, per signabile incidentiæ B , hinc inde deductam per utrumque medium, quia cum assumatur in directum extensa, magis quàm illa frangeretur; ergo necessariò cadet ultra illam magis recedendo à dicta perpendiculari $B E$, maiorem cum illa angulum constituens, & sit $B L$.

Si ergo talis $B L$, quæ consequenter ad $A B$, est à rariori in directum extensa per densius, accipiatur ut radius à denso in idem signabile B , rarioris obliquè incidens, cum radiatione $C B$, primò accepta, ut à densiori in rarius procedente

cedente; fractus illi intra rarius correspondens non potest esse BA , qui ut fractus alterius EB , præsuppositus est in illum directè protensus: ergo vel erit alius magis recedens à perpendiculari BD , per signabile B , incidentiæ illius extensa, & sic maiorem eum ea angulum constituens, ut MB , & habemus intentum etiam in progressu à densiori ad rarius; nimirum radio, incidenti sub maiori angulo cum perpendiculari, correspondere fractum constituentem maiorem angulum cum eadem, & consequenter incidenti sub minori, correspondere refractum sub minori angulo cum eadem. Vel erit alius ut BF , magis accedens ad perpendicularem BD , sub minori angulo cum ipsa; & ita contra secundam legem Refractionis constitutam, procedendo à densiori medio ad rarius, non fiet refractionis à perpendiculari, sed opposita ad perpendicularem quod erat ostendendum.

Stantibus ergo duabus legibus Refractionum supra assignatis, & comprobatis, necessariò admittenda est tertia. Ex radiis nimirum coincidentibus in idem signabile consequentis medijs, seu rarioris, seu densioris, semper radio incidenti in idem signabile, sub maiori angulo cum perpendiculari per illud extensa, correspondere refractum sub maiori angulo cum eadem; incidenti sub minori, fractum sub minori & ita angulos refractionum proportionari angulis incidentiarum. Soluemus aliqua in oppositum, & confirmabimus illam *Cap. xvi. Sec. i v.*

Quæ autem sit mensura Refractionis, constat pro diversitate mediorum notabili in densitate, & raritate esse variam; quam nondum concordî assignatione constitutam, mihi exactiùs definire per exactiora experimenta non licuit; nec positam ab alijs proponere libuit; quia, ut consequenter videbimus, non est necessarium implere Opticam calculationibus; & aliena transcribere, ut paginas implerem, non duxi operæ pretium.


CAP. XI. SECTIO II.

*Non proportio ad resistantiam passi determinat
leges Refractionum ; sed illæ determinant mo-
dum agendi , & patiendi in vltiori propaga-
tione representatiuorum per diuersa media.*


Progressus representatiuorum à rariori intra densius,
dum frangitur ad perpendicularem, nunc magis di-
latatur, nunc magis restringitur, quàm si per medium vni-
forme præcedenti fuisset continuatus : semper tamen ser-
uat primam legem refractionum ; quæ quia perseverat ea-
dem inuariata, istas oppositas varietates inducit.

Probatur prima pars, quia semper magis dilatatur, quo-
ties extenditur per me-
dium densius, occurrens
illi per extrema sui, cauâ
superficie terminata; tunc
enim existente centro ta-
lis cavitatis intra rarius, ab
illo versus densius per-
pendiculares deductæ per
signabilia incidentiarum
obliquarum, necessariò
in vltiori progressu ma-
gis ac magis dilatantur; at-
que ita consequenter ra-
dij, qui ad illas flectun-
tur; & de facto experi-
mur procedentem ab aëre
intra vitrum, cauâ super-

ficie terminatum, illuminationem ad amplius spatium di-
latari.



latari, lumine in tali materia densiori rarefacto. Sic nimirum lege prima refractionis experimentum moderante, & experimento legem ipsam comprobante.



Secunda pars probatur quia semper magis restringitur quoties illi occurrit medium densius sphaerica superficie versus illustrans terminatum; cum enim tunc centrum, à quo ducuntur perpendiculares ad puncta obliquæ incidentiæ, semper sit versus tale densius, necessario radiationes, quæ in ingressu illius flectuntur ad perpendiculares dictas, conuergunt inuicem, & sic tota illuminatio progrediendo intra tale den-

sus restringitur ex prima lege refractionum, & dictam legem clariùs ostendit.

Tertia pars satis constat ex probationibus præcedentium.

Progressus radiationum à densiori ad rarius, dum semper illæ recedunt à perpendiculari, nunc restringitur magis, nunc magis dilatatur, quàm si per medium vniforme fuisset continuatus: semper autem seruat secundam legem refractionum, quæ manens inuariata inducit has varietates.

Progressiones Repræsentatiuorum à densiori in rarius, dum refringuntur à perpendiculari, nunc magis dilatantur, nunc magis restringuntur, quàm si per medium vniforme continuarentur: semper tamen seruant secundam legem refractionum, quæ quia manet inuariata, istas oppositas varietates inducit in illas.

Prima pars probatur, quia quoties à densiori globoso

radiationes propagantur in ambiens rarius, toties hoc illas excipit secundum cauam superficiem, cuius centrum à quo perpendiculares designantur ad signabilia obliquarum incidentiarum in illam, est intra globosum densius; quare ab illo extensæ versùs tale ambiens rarius dilatantur; ergo iuxta legem secundam refractionum non procedentes in directum, sed recedentes à perpendicularibus, hinc inde dilatatis, ipsæ conuergunt, & restringunt totam illuminationem, vt lumen in ambiente rariore magis addensetur, regulante experimentum secunda lege refractionum, & experimento legem ipsam euidenter comprobante.

Secunda pars probatur, quia quoties à densiori secundum cauam superficiem terminato propagatur illustratio in ambiens rarius, toties hoc secundum suam superficiem globosam occurrit, cuius centrum est intra rarius: quare perpendiculares ad signabilia obliquæ incidentiæ, à tali centro deductæ, versùs ipsum rarius ad illud conuergunt: ergo radiationes à directo progressu flexæ per recessum à dictis perpendicularibus dilatantur. Ita experimentum de facto iuxta secundam legem refractionibus assignatam semper succedit; & illam ritè latam esse apertè demonstrat. Tertia pars conuincitur probationibus præcedentium.

CAPITIS XI. SECTIO III.

*An, & quomodo ex Fine per se propagationis
representatiuorum determinatæ sint leges
Refractionum.*

CUm ex suprà probatis constet, progressus radiationum in refractione non determinari à natura representatiuorum per se præcisè, nec à maiori, vel minori excessu virtutis Agentis comparati ad Passum; nec ex maiori vel mi-
nor

nori resistantia, vel capacitate Passi comparati ad Agens; cum ab eadem virtute in medio eiusdem rationis possit tam diuerso, & opposito modo succedere eorumdem repræsentatiuorum propagatio. Non superest nisi finis ad quem talium repræsentatiuorum propagatio ordinatur, cuius determinatæ exigentiæ conueniens fuerit tales leges sanciri ab Authore naturæ, vt statim proponam perficiendo explanationem huius naturalis arcani suprà indicati Cap. 10. Sect. 2.

Tam bono inferioris mundi, quàm singulariter videntium conueniens fuit Refractionem in progressu à rariore intra densius fieri ad perpendicularem.

Probatur simul, & explicatur assertum. Cum enim propagatio luminis, quod est etiam præcipuum principium caloris, sit ad totam venustatem & sæcunditatem Mundi inferioris necessaria, & illud ab aura puriore intra ambiens vaporosum, Terræ & Aquæ circumfusus diffundendum; vtrique fini conueniens fuit, lumen in progressu à rariore intra densius refrangi ad perpendicularem, sic enim diutius opaca aspersa lumine fiunt spectabilia, & elementa inferiora lumine incalescunt, & melius seruantur in dispositione conuenienti mixtis, præsertim animantibus, quia Solis etiam infra horizontem iacentis radiationes; dum in ingressu sphaeræ vaporosæ refranguntur ad perpendicularem versùs centrum, sic facilius ad nos pertingunt, quæ sine tali refractione, multò magis cum opposita aliò diuertissent.

Similiter, cum propagatio repræsentatiuorum à visibilibus, pro fine habeat immutationem oculorum, secundum quam est determinanda potentia ad visionem conuenienter extensam, & distinctam, huic non solum utilis valdè, sed necessaria, in obliqua incidentià à rariore ad densius, refractione ad perpendicularem; cum enim ab ambiente ad substantiam densiorem, & globosam oculorum pertingant radiationes à visibilibus, dum flectuntur ad perpendicularem, multæ subintrare possunt ad afficiendum organum immediate deferuens visioni per impressionem in se receptam.

quæ, posito progressu in directum, & multò magis deflectente à perpendiculari, fuissent exclusæ, redactâ in magnas angustias visione, ut consideranti patebit.

Sed necessitatem pro visione distinctâ agnosces, quia ex vna parte foramen tunicæ vueæ debuit habere extensionem, quæ admitteret plures radiationes ab eodem signabili in obiecto, ut notabilis fieret ad illud internoscendum impressio in organo visorio, etiam pro distantia maiori, prout usus vitæ videntium exigit, hominum præsertim; ex alia parte plures radiationes per tale foramen diffusæ à variis signabilibus tum eiusdem obiecti, tum diuersorum obiectorum latius diffusæ, necessariò in spatium commune coincidentes, ad visionem confusam determinarent potentiam; nisi refractio ad perpendicularem, intra Crystallinum humorem facta, earum ordinationem inciperet, mox ut dicemus, in egressu ab illo perficiendam, per quam omnes radiationes alicuius signabilis pro tali distantia internoscibilis ab alio, sufficienter simul conuenirent in Retina, extra radiationes ab aliis signabilibus internoscibilibus ab illo in eandem transmissas. Vis huius rationis indicat usum, & necessitatem humoris crystallini in oculo, & ordinationem radiationum in diaphanis densioribus globosis, de quibus infra ex professo agendum est.

Sed interim laxiori foramini in ligno fenestræ ad radiationes obiectorum illustratorum prostantium excipiendas, oppone folium chartæ, & agnosces confusè obiecta illa consignari; tum eidem admoue vitrum, aliquomodo saltem ex vna parte convexum, quale in conspiciis senescentium communiter adhibetur, in quibus, ex dictis antè, fit refractio dicta, & miraberis ad quantam per illam distinctionem consignatæ imaginis radiationes ordinentur.

Refractio verò à perpendiculari in progressu à densiori ad rarius, determinandâ fuit in bonum videntium.

Probatur primò, quia dum radiationes ab humore crystallino in vitreum minùs densum transcunt, refractio à perpendi

perpendiculari, coëptam, vt modò dixi, earum ordinationem perficit; sic etiam in pila vitrea coëptam conuergentiam radiorum Solis per talem fractionem ad perpendicularem in ingressu illius, videmus augeri in egressu ab illa in aërem, per refractionem à perpendiculari; & adiumentum ad conuergentiam plurium radiationum per talem refractionem, in breuiori interuallo oculorum exiguae magnitudinis, magis est necessarium.

Secundò, quia cum obiecta intra medium densius ordine naturali constituta, aquam in particulari, sint ex hoc capite aliquomodo difficilius internoscibilia ab animalibus in aëre viuentibus, & profundius mersa difficilius quærenda, dum eorum repræsentatiua secundum refractionem à perpendiculari in aërem propagantur, obiectorum magnitudinem, & situm apparenter ita mutant, vt dictam difficultatem aliquo modo compensent.

Hæc omnia, mediocriter exercitatis in opticis, facile patebunt; aliis, ex dicendis, sensim aperientur. His finibus tam præcipuis, tam necessariis in Vniuerso, & per se primò proportionatis tam naturæ luminis, quàm repræsentatiuorum quorumcumque, visibilibus correspondentium, commensurari per se debuit modus propagationis eorum, quem propterea semper seruarent, etiam si per accidens in aliquo particulari cessaret talis vsus refractionum.

Ex allatis autem legibus Refractionum, mira sunt quæ eueniunt, & explicantur, quorum aliqua per modum Corollarij paulò post proponemus.

CAPVT XII.

De Legibus Reflexionis.

SECTIO I.

Experimentis haberi, aliquam seruari æqualitatem inter angulos incidentiæ, & reflexionis. in speculis planis.

IN opaco, Soli exposito, foramen aperi, per quod radiatio crassitudinis obseruabilis subingressa, & in suo progressu à volitantibus per aërem pulueribus aliquo modo manifestata excipiaturspeculo plano; & notare poteris, quod si speculum directè obuertas illustranti, vnicus trames illustris per aërem extensus spectabitur, sed ex reflexione illustrior quàm antè: si verò speculum obuertas obliquè, is geminabitur, & in admoto propiùs quadrante, notatà incidentis, & resilientis viâ, deprehendes secundum æqualem sensibilibiter angulum supra speculum, incidentem, & reflexam radiationes inclinari: idque semper euenire variatâ, pro libito inclinatione speculi ad excipiendam radiationem.

Appende parieti speculum planum, vt medium illius in altitudine oculo tuo correspondeat; tum aliquomodo ex aduerso speculi constitue obiectum magnitudinis instar oculi, & in altitudine pari: denique, recto reliquo speculo, relinque patentem ad medium illius partem vtrique æqualem, quibus positis notare poteris, quod si obiectum sit speculo directè oppositum, illud ex nullo situ, quocumque te vertas ex tali speculo tibi apparebit; quia ab obiecto directè opposito propagatio repræsentatiui directè incidens in
illud

illud reflectitur præcisè per eamdem viam ad obiectum, in quo si modicum foramen aperias, cui oculum admoucas, statim tibi ad speculum conuerso obiectum repræsentabitur. Si verò obliquè opponas obiectum speculo, extende filum ab illo ad medium speculi, & à medio speculi secundum angulum æqualem protende; & in tota directione talis fili oculus obiectum videbit, nullo modo extra illam: idque semper eueniet in quocumque situ obiectum speculo aliquomodo aduerso obliquè exponetur.

CAPITIS XII. SECTIO II.

Quæ sit vera causa æqualitatis inter Angulos incidentiæ, & reflexionis; & quomodo in omni reflexione speculari seruetur.

SUpponendum ex dictis de propagatione repræsentatiuorum à visibilibus, & sine reflexionis, Primò fuisse expediens in natura, dari posse impedimentum propagationis in directum, tum luminis, tum aliorum repræsentatiuorum per interpositionem corporis opaci: Nihilominus impeditam à directo, aliò dirigi: quod insigniter stabilietur ex infrà dicendis de maiori reflexione, quæ sit ex iis, quæ minùs transmittunt, & minori ex plus transmittentibus; vt diuidatur propagatio, quæ secundum mensuram resistentiæ partim aliò dirigatur per reflexionem, dum pars vltèrius intra diaphanum secundum quid extenditur.

Secundò, medium quantumuis æquali, vel maiori repræsentatiuo præaffectum, nihilominus esse capax cuiusuis alterius impressionis, ac si omni aliâ priuatum esset.

Ex quibus sequitur, quòd inuariatis reliquis per se concurrentibus ad propagationem repræsentatiuorum, illa secundum mensuram, quâ impeditur pergere in directum, debeat

debeat in reflexione eodem modo sequi, mutatâ solâ directione; ac proindè secundùm angulum reflexionis ab obstaculo, æqualem angulo incidentiæ in illud. Hanc ultimam consequentiam sic ostendò.

Primò si cylindri, vel frusti alicuius coni (secundùm quorum conformationem aliquomodo, saltem physicè, assumi potest radiatio Solis transiens per foramen, cui opponitur planum specularè) sectio fiat, per planum obliquè incidens; illa necessariò eandem obliquitatem exhibebit respectu axis vtriusque partis; cùm linea diametralis bases sectarum partium dimetiens, & necessariò tali plano congruens, faciat hinc indè cum axe angulos ad verticem, & consequenter inclinationes plani, & basium in tali situ illi congruentium, respectu eiusdem axis hinc indè ostendat æquales. Iam variato solùm situ in partibus sectis ad invicem, ita vt pars, quæ, si propagatio non fuisset interrupta ab opposito speculo, deorsum processisset, secundùm eandem basim intelligatur superponi basi alterius, vt ei omnino congruat; necessariò sicut antea axis illius cum basi suæ sectionis constituerebat angulum æqualem ei, quem axis alterius pariter constituerebat cum sua basi, & axis vtriusque cum plano secante; facta præcisè dicta superpositione per bases, quam exigit propagatio secundùm reflexionem à plano speculi aliò directâ, non mutatur angulus à dicto axe constitutus cum sua basi: & consequenter non potest reflexio à tali plano disponi secundùm alium angulum, quàm secundùm angulum æqualem ei, qui sit ab axe partis propagationis, incidentis tali plano speculari.

Secundò, si angulus reflexionis mutaretur in maiorem, vel minorem angulo incidentiæ, necessariò basis reflexionis esset minùs, vel magis obliqua respectu sui axis, quàm basis incidentiæ, respectu sui; vel ergo vna basis erit minor, seu maior alterâ; vel æqualis alteri; non primum, quia radiatio reflexa exurgens à tota incidentia radiationis præcisè, non potest maiorem, seu minorem basim habere:

bere : sed necessariò habet prorsùs congruentem cum illa. Non secundum, quia basis æqualis respectu radiationis, iuxta minorem angulum magis inclinatur supra speculum, necessariò supponeret lumen esse magis densatum, seu restrictum ad minus spatium in progressu per reflexionem, quàm fuisset, si progressum fuisset in directum : basis verò æqualis radiationis, iuxta maiorem angulum minùs inclinatur, necessariò supponeret lumen esse magis rarefactum, seu dilatatum ad maius spatium in progressu reflexionis, quàm fuisset propagatum consequenter in directum, non occurrente plano speculi. Nam propagatio aliqua in directum consequens, seu per modum cylindri, seu frusti coni consideretur, vt dicebamus, si secetur secundum maiorem, vel minorem obliquitatem sectionis ad axem, necessariò partes sectæ in minori obliquitate sectionis, minorem basim, in maiori obliquitate maiorem exhibebunt, sicut minimam in sectione recta. Ergo in maiori obliquitate ad planum cui insidet radiatio, si basis fuerit æqualis alteri, insidenti eidem cum obliquitate minori, necessariò ipsa erit in expansione minori, quàm si esset in directum consequens ad illam; in minori verò obliquitate, erit in expansione maiori; ac proinde per reflexionem facta erit alia mutatio in propagatione, quàm de se importat situs directionis; hoc autem non posse rationabiliter asseri, habetur ex supra dictis, & magis constabit ex infra dicendis cum de reflexione luminis à vitris coloratis; vbi ostendemus reflexionem, quæ fit, occurrente impedimento, non esse à lumine intra ipsum recepto, sed à principio, cuius actio ad talem consequenter directionem impeditur ab illo; ac proinde ab eadem virtute propagationem eandem per reflexionem aliò dirigi, & secundum illam mensuram, quàm non occurrente impedimento consequuta fuisset ad eandem directionem.

Aduerte autem, ex stabilita æqualitate angulorum in-
eidentia, & reflexionis posse aliquomodo à posteriori

ostendi radiationem reflexam esse illam, quæ variato situ fuisset disposita consequenter in directum ad incidentem, nisi sic fuisset impedita. Similiter quæ dicta sunt de speculis planis, esse suo modo aptanda reflexioni factæ ex aliis, licet, vt mox dicam, singulariter ex fine naturæ attenda sit in reflexione ex planis, talis æqualitas angulorum.

Tertiò, iuxta infra constituenda de naturali determinatione apprehensionis obiecti in visione, æqualitas inter angulos incidentiæ, & reflexionis seruit, vt per reflexionem à corporibus specularibus aliquomodo physicè planis, quales sunt naturaliter iacentes aquæ, cognoscantur omnes obiecti visibilis determinationes, in figura, magnitudine, quiete, motu, distantia à speculo; præter solam variationem in apparentia sitis, quam necessariò secum affert propagatio repræsentatiui per reflexionem ad oculum.

Quare licet in fortuito, vel per artem formati speculis ex æqualitate angulorum incidentiæ, & reflexionis determinationes apparentiarum, in alienas, & oppositas peruerterentur; nihilominus quia id non euenit in speculis, quæ sunt per se determinata in natura, & sunt physicè sufficienter plana, quales constat esse iacentes aquas, & æqualitas angulorum exigitur à natura reflexionis ipsius; constituta lex æqualitatis inter angulos incidentiæ, & reflexionis ex iis, quæ sunt per se in natura, non mutatur in iis, quæ per accidens eueniunt, vt in similibus supra aduertimus, & diligens naturæ inspector faciliè agnoscer.

Licet in speculis planis æqualitas inter angulos incidentiæ, & reflexionis, semper importet diffusionem radiationis ab obiecto per speculum ad oculum videntis per lineas breuissimas; in speculis tamen cauis æqualitas distantiarum angulorum reperitur sine illa; & causa dictæ æqualitatis est ipsa natura reflexionis, quæ illam semper exigit, & finis respectu videntium, cui per se deseruit in natura.

Prima pars assertionis passim demonstratur, & admittitur

tur secunda ab aliquibus posteriorum Opticorum bene animaduersa, & demonstrata.

Tertia à nobis ostensa est in præcedentibus hac Sectione. Nec ita sollicitus sis de lineis breuissimis in reflexione, ex aliis per se causis determinata, quæ pariter negliguntur in refractione, ut constat ex dictis Capite XI.

CAPITIS XII. SECTIO III.

Æqualitatem inter angulos incidentiæ, & reflexionis seruari, etiam cum radiationibus opponuntur corpora aspera.

*Quâ occasione soluuntur multa Problemata de
his, quæ experimur in terminatione variâ ra-
diationum ad Aspera, & conuincitur non da-
ri, præter lumen, aliud representatiuum sui,
diffusum à lucido.*

Corpus specularè à non speculari non differt in reflexione absolute, cum ista, tam illo, quam hâc propagationi directæ opposito, existat: sed solum à modo reflectendi; quia specularè reflectit radiationem ad aliquam positionem determinatè, & secundum hanc seruit apprehensioni obiecti in conformatione determinata; non specularè verò reflectit ad omnem positionem ante ipsum designabilem, sine sufficiente determinatione ad discernendum de figura, vel dispositione primi propagantis.

Hinc potest oriri suspicio, quòd in reflexione radiationum à corpore terminato secundum asperitatem, non seruetur dicta correspondentia inter angulos incidentiæ in illud, & reflexionis ab illo: immò quòd diffusum quaqu-

uersum in reflexione ab illo sine vlla sufficienti determinatione ad excitandam apprehensionem figuræ, vel alterius determinatæ conditionis primi propagantis, non sit inter repræsentatiua visibilium computandum: ac proinde lumen, quod ita passim reflectitur, non esse repræsentatiuum lucidi, à quo præter lumen, aliud sui repræsentatiuum diffundatur, reflexum à corporibus terfis, & specularibus, determinatiuum ad suprâ dicta in ipso apprehendenda; sed non reflexum cum lumine ab asperis non specularibus.

Suspicio tamen ex iis, quæ consequenter aduertenda propono, arguetur falsitatis.

Aduerte primò, quòd cum experienciâ constet multa corpora, quæ propter asperitatem non sunt specularia, fieri talia ex aliquarum sui particularum compressione, vel abrasione; alia verò, quæ ex læuitate sunt specularia, illorum partibus varis compressis desinere esse talia; dum illa per talem partium mutationem exhibent secundum notabilem extensionem superficiem æqualiter extensam; hæc verò interruptâ æqualitate asperatam: videtur expresse colligi aspera, vt talia, ex eo præcisè non posse reflectere ad oculum integram radiationem sufficienter repræsentatiuam peculiatis conformationis, secundum quam disponitur primum propagans; quia ad hoc præstandum requiritur in reflectente notabilis extensio secundum aliquam vniformitatem, in qua à variis signabilibus obiecti, sic seriatim continuè dispositis radiationes incidentes sufficienter disponantur ad reflexiones consequenter ad eandem positionem ordinandas: Asperitas autem necessariò importet terminationem talis corporis secundum particulasfiguratione diuersas, positione contrarias, inuicem permixtas, & non nisi plures simul ab aspiciente notabiles.

Verum hoc non probat à singulis particulis asperi non fieri reflexionem secundum angulum æqualem angulo incidentiæ, sed solùm in extensione notabili in aspero contineri particulas ita variatione sitis dispositas, & iuxta ta-

lem varietatem situationis ita inuicem permixtas, vt dum singulæ seruant æqualitatem anguli in reflexione cum eo, qui fuit in incidentia, possint plures ex illis constituere integrum reflexiuum ad quamcumque positionem, in qua reperiatur oculus conuersus ad asperum; vt proinde spectanti è quolibet situ, asperum appareat illustratum: quia verò particulæ, de se singulæ minùs discernibiles, in eodem integro reflexiuo contentæ, possunt ex situatione tam variâ plures eiusdem signabilis in visibili radiationes reflexas ad oculum in eodem situ persistentem transmittere, & inter reflectentes plures radiationes eiusdem signabilis contineri, aliæ aliorum signabilium radiationes transmittentes, oritur in transmissione integra talis confusio, ratione cuius nulla certa conformatio visibilis repræsentari possit ex illa. Denique quia non exhibent plures consequenter positæ terminationem plenam, non potest ex reflexione ab illis exhiberi certa distantia propagantis. Quare non est mirum, si positâ æqualitate anguli singularum designabilium reflexionum cum angulo sibi correspondentis incidentiæ, nihilominùs illustratio reflexa ad oculum repræsentet colorem mixtum ex colore lucidi, & illustrati, velut apparens in illustrato, cum dispositione partium internoscibilium illustrati, non autem illustrantis.

Idem proportionaliter dicendum de corpore constante particulis diuersimodè terminatis, aut saltem diuersimodè collocatis, quarum intermedia non sint plena aëre, sed aliquo humido crassiore permixto (puta me loqui de lacte) vnde ex ipso reflexio fiat confusa; si enim exponatur soli per aliquam moram, ex alteratione facta in ipso, mutatur ita situatio reflectentium, vt deueniant ad æquabilitatem sensibilem, quâ figura Solis cum aliis, quæ in speculis discernuntur, intuenti in illo appareat.

Aduerte secundò, quòd si ex traiectione per foramen apertum in opaco, aut cum refractione per aliquam lentem vitream, radiationes incidant in asperum: tunc quia

radiationes sufficientes ad impressionem physicè notabilem, deferentes singulæ imaginem partis determinatæ, pro tali distantia discernibilis in obiecto, ita attingunt partem sensibilem, & determinatam asperi, vnaquæque suam, & non aliam; & quidem cum certa ordinatione correspondente connexioni partium in ipso obiecto: ideo per reflexiones à partibus notabilibus dicti asperi potest determinatè cognosci configuratio, & aliquis situs obiectorum inter se, pro tali distantia internoscibilium; quia verò tales determinatæ partes notabiles in aspero, certarum obiecti partium imaginem recipientes, constant ex minoribus positione, & figura diuersis inuicem permixtis, & sic circumquaque reflexiones dirigentibus, propter conseruatam æqualitatem inter angulos incidentiarum, & reflexionum, ideo ab oculo in quacunque positione ante tale asperum constituto per reflexionem, tales obiecti partes sunt determinatè visibiles.

Immo si asperum recipiens per foramen, vel per refractionem in lente vitreâ radiationes modo dicto sit secundum quid diaphanum, ut est charta alba, sicut quia secundum quid est terminatum, ex parte reflectit in anteriora radiationes sibi incidentes; ita ex parte quia aliquomodo diaphanum eas intra se admittens refrangit, & reflectit, ut post illud pariter ad omnem positionem propagentur: ac proindè tam ante, quàm post huiusmodi chartam spectentur obiecta secundum certam partium pro tali distantia discernibilium conformationem, & plurium inter se obiectorum correspondentiam. In qua apparentia, sicut in omni reflexione ex asperis, non mirum spectari colores lucidorum, & illustratorum, ac si ad ipsam superficiem reflectentis asperi adessent, cum in particulis planis existentibus in aspero non sit sufficiens connexio ad constituendam extensionem tantam, ex qua distantia obiecti visi possit sensibilibiter notari, & particulæ secundum aliquam conuexitatem, vel cavitatem terminatæ illis permixtæ, ex sui
confor-

conformatione potius seruiant ad determinandam apparentiam visibilis ad extremitates talium reflectentium, ut aliquo modo experimenta docent, & melius constabit ex dicendis de determinatione potentiae visus ad apprehensionem distantiae obiectorum.

Aduerte tertio, in corporibus asperis; ex impressione, vel abrasione aliquarum partium, factis specularibus pro tali situ, in quem radiationes notabiliter per reflexionem ab illis diriguntur, videri ita colorationem, & configurationem lucidi ea illustrantis, ut lateat coloratio mixta, quæ in ipsis asperis illustratis apparebat, quia in tali situ radiationes vehementius in oculum conspirantes ita prævalent, ut non existat sensibilis mixtio ex adiunctione representatiuorum coloris talis corporis terminati: qualis esse potest cum ab illius asperitate radiationes in omnem positionem dispersæ, debilius pro quolibet situ particulari oculum afficiunt.

Ex quibus habes præter lumen, quod ad aspera propagatur à lucido, & ab illis reflectitur, non esse ponendam aliam speciem representatiuam lucidi ab ipso diffusam; illam verò semel irrationabiliter additam falso dici reflecti à specularibus corporibus, non ab asperis. Siquidem aperte constat radiationes traiectas per foramen, vel per refractionem factam in lente vitrea sufficere ad representandam corporum, à quibus transmittuntur, non solum figuram, sed lucem, & colorationem; siue tales radiationes sic transmissæ incident in asperum non speculari, siue in æquabile speculari; atque ita siue aliqua ex iis excipiantur ab oculo in quavis positione ante asperum reflectens collocato; siue solum in determinato situ constituto ante reflectens speculari; semper tamen secundum angulos correspondentes, & æquales angulis incidentiarum in illa corpora excipi.

CAPVT XIII.

DE MENSURA REFLEXIONVM.

Qui de mensura Refractionum, quod cum fructu adderem non habui; aliquid fortè in mensura Reflexionum non otiosè proponam.

S E C T I O I.

Qua sit mensura intensiōis in reflexione, & à quo determinetur.

CVM, ex dictis, Reflexio sit complementum sphaerae propagationis repræsentatiuorum, nisi ea ex peculiaribus conditionibus reflectentium immutaretur, nihil videretur addendum præter attentam considerationem virtutis radiantis, & distantiae impediēti, ex quo fieret reflexio: at magna varietas impediētiū directam propagationem sicut est occasio magnæ inducendæ varietatis, quam experimur in Reflexione; ita inquirendi iuxta quam mensuram, & à quo determinatam fiat. Mensura intensiōis in radiatione reflexa, non est petenda à virtute primi illustrantis præcisè; neque ex illa comparata ad obstitens propagationi directæ; quasi ex incapacitate eius suscipiendi tantam intensiōem radiationis, quod superest ultra talem capacitatem, sit ab illo per reflexionem ad alia diuertendum.

Prima pars probatur; quia eodem illustrante posito, nunc intensior, nunc remissior reflexio sequitur. Secunda, quia dum posito illustrante potentiori sequitur intensior reflexio, ex vitro, per illud idem eodem tempore ab alio illustrante,

illuſtrante, aliundè còrradiante, tantumdem poteſt tranſmitti radiationis, quantum reflexum eſt ex radiatione alterius; & non ſolùm tale vitrum, ex quo fit tanta reflexio radiationis à priori illuſtrante, poteſt ſimul permeari alia illuſtratione à validiori, ſed ab æquè valido, & multò debiliori; vt euidenter conſtat ex omnium iſtorum pro vario ſitu illuſtrantium radiationibus, per idem vitrum ad alias, poſitiones traiectis, in maiori, æquali, & minore intenſione, quàm reperiatur in radiatione ex ipſo reflexa, poſito primo illuſtrante.

Neque ſumenda meſura talis intenſionis à virtute recepta in corpore, ex quo fit reflexio; vt quod plus recipit, plus refleſcat; immò ex natura rei, quod plus recipit, minùs refleſcat ſecundùm intenſionē, & dum idem ex quo fit reflexio pro ſitu obliquo recipit minùs, plus ex eo refleſcatur.

Aſſertio partim conſtat ex ſuprà dictis, quòd radiatio eò minùs refleſcitur; quò plus ex ea per obſiſtens traiecitur. Et meliùs conſtabit experimentis infrà ponendis de reflexionibus, ex vitris coloratis, & ex Priſmate Trigono vitreo. Interim experire per vitrum magis directè oppoſitum illuſtranti plus recipi, & conſequenter diffundi illuminationis; minùs verò refleſci; & per idem magis obliquè expoſitum plus refleſci, minùs recipi, & diffundi.

In diaphanis, & terminatis ſecundùm quid, ipſa meſura diaphaneitatis, & terminationis eſt, quæ determinat proportionaliter in quauis intenſione radiationis ad illa pervenientis, quantum debeat admitti ex illa, & quantum ſit reſiduum, quod ſervit reflexioni; ita vt ſi illæ ex æquo participantur, intenſionem cuiuſlibet radiationis ſecundùm æquales partes intenſivas diuidant inter ſe vltior propagatio, & reflexio; ſi verò ſuperet diaphaneitas, plus, vltiùs diffundatur, minùs refleſcatur; & è contra, ſi ſuperet terminatio: ſervaturque in proportionē exceſſus illa proportio intenſionis inter id, quod ex diaphaneitate admittitur; & id, quod ex terminatione refleſcitur.

Tota assertio est conformis conditionibus diaphaneitatis, & terminationis, naturæ reflexionis suprà constitutæ, & stabilitæ omnibus experimentis; & confirmatur ex reiectis, in antecedentibus, iis, quæ videri poterant determinatiua talis mensuræ. Quare secundum conditiones corporum, ad quæ peruenit propagatio radiationis, quarum vna dat transitum radiationi, alia sistit, futuræ consequenter propagationis intensio, quæcumque tandem ea sit, velut inter transmissionem, & reflexionem diuiditur iuxta proportionem, quâ illæ in diaphanis, & terminatis secundum quid, contemperantur.

CAPITIS XIII. SECT. II.

De mensurâ extensionis, & multiplicatione Reflexionum.

QUoad primum, sphaera extensionis reflexionum, si corpus, ex quo reflexio, esset perfectè terminatum, absolutè tanta esset, quanta futura esset propagationis in directum, tali corpore non opposito illustranti: ex imperfecta verò terminatione minuitur, secundum proportionem intensiois, qua radiatio per illud traiecitur.

Assertio sequitur ex constitutis. Primò, quòd determinatio sphaeræ diffusionis absolutæ, habeatur ab intensione. Secundò, quòd reflexionis extensio sit complementum extensionis propagationis impeditæ ab opposito opaco. Tertiò, quòd in terminatis secundum quid, ex participatione diaphaneitatis, determinetur intensio radiationis, quæ per illa diffunditur, & ex terminatione residuum intensiois, cum quo debet reflecti.

Sphaera verò diffusionis sensibilis minuitur ab asperitate reflectentium; à contraria verò coloratione illorum apparèter minuitur, sicut à simili coloratione apparèter augetur.

Prima

Prima pars probatur, quia dum sensibilibiter quaquaversum dispergunt reflexionem, secundum varias inclinationes particularum asperi, in quas incidit radiatio, necessario ad quamlibet peculiarem positionem diluunt radiationem, cui ad eam deest quidquid ad alias transmittitur, & ex corpore terfo factâ ad vnam positionem determinatam reflexione, fuisset ad illam simul transmissum; ac proinde cum impressione notabili ad minorem distantiam reflecti potest ab aspero.

Secunda pars, & Tertia facîle constant, quia sicut ex transmissione repræsentatiuorum diuersæ colorationis ab opaco, ex quo fit reflexio, inficitur reflexio radiationis incidentis; vt, etiamsi coloratum tale sit tersum, non discernantur in aliqua distantia peculiare determinationes illustrantis; ita in eadem ratione, à similis repræsentatiui diffusionis secum conspirante, ipsa augetur, dum ex eo validior apparere solet reflexio.

Quod ad secundum, duplicatur reflexio aliquando in eodem diaphano crassiori, occurrente v.g. vitro, dum radiatio incidens ab vtraque illius extremitate cogitur ex parte retrocedere, quod si vltiori superfici ei illius adhæreat corpus omnino impediens transitum radiationi, sed eam non inficiens, triplicatur etiam ad notabilem immutationem organi, vt existat ad sensum eiusdem illustrantis triplex apparentia, concurrente geminata ad vnamquamque extremitatem speculi reflexione.

Ad probationem, attende quomodo è vitro speculari secundum alteram superficiem, ex adhærescentia corporis opaci omnino terminato, apparet flammula obliquè pro aliqua distantia spectanti ad minimum triplicata; ita vt media apparentia sit omnium viuidissima, & agnosces, quod ex prima extremitate corporis minus de terminatione participantis, secundum minorem intensiorem fit prima reflexio, ad primam apparentiam causandam in oculos; sed radiatio secundum multò maiorem intensiorem per-

vitrum diffunditur, quia illud plus de diaphaneitate participat; at tota ista maior intensio, non inuento vllō transitu propter oppositam perfectam terminationem, ad alteram extremitatem refunditur in secunda reflexione; non tamen tota vitrum permeat, quia superior extremitas illius aliquid ex ea sistit, & per tertiam reflexionem refundit versus fundum speculi; quia autem maxima ex parte vitrum permeat, seruit dicta secunda reflexio ad secundam apparentiam viuidissimè causandam in spectante: denique illud, quod à superiore extremitate per tertiam reflexionem refusum est ad fundum speculi, ab eo perfectè terminato totum reflectitur, & ita existit per quartam reflexionem determinatio ad tertiam apparentiam minimam: & licet quod refunditur à fundo per quartam reflexionem, sistatur etiam secundum aliquid sui, & ita remittatur ad fundum, à quo per quintam reflexionem effunditur; nihilominus ultra quartam reflexionem, quæ seruit tertiæ apparentiæ, non solent aliæ ad vltiores apparentias seruire, possent tamen ad aliquam aliam, ex viuidiore illustrante, & conditionibus vitri in speculum conformati. Seruit autem radiationis reflexio à fundo speculi secundum angulum æqualem incidentiæ illius, sic intra speculum primò refractæ, ad determinandum situm secundæ apparentiæ diuersum à situ primæ, sicut tertia reflexio ab extremitate superiori facta secundum angulum æqualem angulo incidentiæ radiationis remissæ à fundo speculi; & quarta à fundo speculi secundum angulum æqualem angulo tertiæ reflexionis ad se transmissæ, ad determinandum situm tertiæ apparentiæ diuersum à præcedentibus: modico labore designatis ritè incidentiis, & reflexionibus imaginationem iuuabis. Patebunt rationes huius, & aliorum in tali genere, ex iis, quæ infra suo loco statuemus de determinatione Potentiæ visuæ ad apprehensionem situs obiecti.

Tenta experimentum in vitro simili præcedenti, sed secundum utramque superficiem permeabili, & flammulam
non

non nisi secundum duplicatam apparentiam distinctè percipies ; nec erit excessus secundæ suprâ primam , sed è contra : dum enim vitrum, vtrinque permeabile, secundum multum, radiationem in aërem vlteriùs transmittit, quod à secunda illius extremitate reflectitur minùs terminata, nec seruire potest repræsentationi viuidiori, aut æquali præcedenti, nec sufficere ad tertiam, & quartam reflexionem notabilem pro tertia apparentia.

Ex allatis experimentis videtur apertè deduci, non solum dari maximè notabilem diuersitatem vitri ab aëre, ratione cuius radiatio propagata per aërem ad vitrum reflectatur secundum aliquid suæ intensiõis, & non tota diffundatur per vitrum, sicut esset per aërem consequentem diffusa : sed etiam extremitatis Physicæ vitri ab eius media crassitie ; cùm in primo experimento ad tertiam apparentiam flammulæ, ab alijs separata, necessariò concurrat extremitas superior vitri, impediens liberam diffusionem toti radiationi, quæ per secundam reflexionem à fundo speculi refunditur per vitri massam in aërem ; & in secundo experimento inferior extremitas, radiationi per vitri medullam tendenti in aërem opponat impedimentum, ratione cuius ad secundam apparentiam fit secunda reflexio ; & hoc ita evenit, vt in vtroque experimento apparentiæ lucidi notabiliter disiungantur, ne possit esse suspicio, continuatum per totum vitrum idem impedimentum, continuare reflexionem, quæ continuata, necessariò continuaret apparentiam.

Necessariò ergo dicendum, in refrigeratione vitri alter pati ab ambiente, & constipari extremitates Physicas in illo ; aliter massam intermediam : simile quid evenire ex frictione, cùm illius massa, aut crysalli ex arte atteritur ; in guttis aquæ se intra extremitatem aliquomodo globosam colligentis in ambiente : quòd autem secunda reflexio, quæ in huiusmodi fit ad extremitatem, ex qua in aërem diffunditur illustratio ; non sit ab extremitate proxima ambiens

aëris, ex professo probabimus infrà Cap. 18. sect. 3. Coroll. 2. & 3. sect. 5.

Rudimentum multiplicationis in reflexione exhibitum per vnicum speculum, plura specula inuicem ritè disposita ad excipiendas, & reflectendas radiationes, mirè perficiunt, & complent, dum radiationes inter dicta specula reflexæ sæpiùs intrare possunt oculum, & imaginem eiusdem obiecti sæpiùs, & in diuerso situ ad fundum illius consignare; licèt enim quælibet radiatio ex reflexione à speculo subintrans oculum, in ipso aliquâ ratione sistatur, quatenus non est apta, vt ab ipso ad speculum iterum directæ, & à speculo reflexa sufficienter possit illum ad novam eiusdem obiecti apprehensionem determinare, nihilominus aliæ, & aliæ radiationes designabiles, deferentes imaginem eiusdem obiecti, possunt per multiplicatas incidentias, & reflexiones inter eadem specula, in oculum sæpiùs subintrare ad multiplicandas, etiam secundum aliam, & aliam vltiorem distantiam, apparentias eiusdem obiecti, vt mox ostendemus.

Supponendum autem primò: quòd licèt ex dictis de propagatione repræsentatiuorum à visibili, quodlibet signabile visibilis supra totum speculum illi oppositum radios diffundat, & totum visibile ad quodlibet signabile ipsius: nihilominus etiam, ex dictis de reflexione, sunt distinguibiles certæ radiationes directæ, quibus certæ reflexæ correspondeant secundum æquales angulos, à directis, & talibus reflexis cum speculo constitutos; ita vt determinato situ oculi, ad quæ aliqua reflexa, & situ obiecti à quo provenire debet incidens, correspondens tali reflexæ, statim determinari possint in speculo peculiaria signabilia, ad quæ tales radiationes ita sub tali angulo incidunt, vt ad oculum correspondentes sub æquali angulo reflexæ dirigantur.

Supponendum secundò ex dicendis de determinatione situs apparentis obiecti, illud semper apprehendi à potentia

via visiva, in reflexione à speculis planis, vbi linea reflexionis ad oculum, producta in directum ultra speculum, incideret in perpendicularem extensam ab obiecto super planum, in quo speculum est constitutum.

Supponendum tertio consequenter, quòd cum ab vno speculo plano reflectitur radiatio ad aliud, necessario dirigitur tali directione ad illud, cui si occurreret, oculus apprehenderet obiectum, per eam representatum in tali distantia ultra speculum reflectens, pro qua talis reflexa extensa ultra ipsum, coincideret cum perpendiculari, deducta ab obiecto super planum illius: ac proinde pervenit ab vno ad aliud speculum secundum directionem, secundum quam perveniret immediatè diffusa ab obiecto, in tali situ apparentiæ verè constituto: sed si proveniret ab obiecto existente in tali situ tanquam incidens in speculum, ad quod conuersus est oculus, exhiberet illi suam correspondentem reflexam, quæ in directum extensa ultra tale speculum determinaret situm apparentiæ, per suam coincidentiam cum perpendiculari, in tanta distantia ultra illud, quanta esset distantia ab illo, tum alterius speculi realis, tum apparens obiecti, iuxta suprà dicta, determinata intra illud: ergo etiam si non proveniat immediatè ab obiecto in tali situ, sed solum in directione, quâ proveniret, si esset ab obiecto in tali situ eam diffundente, sic incidens in aliud speculum exhibebit reflexam ab illo, determinantem oculum ad apprehensionem obiecti pro tali distantia.

Ex quo euidenter sequitur, multiplicatâ eiusdem obiecti apparentiâ ex multiplicatis reflexionibus inter plura specula, mensuram distantiae, apparentis ex alia, & alia reflexione, quasi constari ex reali distantia speculi transmittentis ad aliud, & eius, quæ appareret obiecti intra ipsum, si spectaretur ab oculo ad ipsum conuerso per reflexum, quam ipsum dirigit ad aliud: quare suppositâ causâ sitûs apparentiæ ex coincidentia reflexæ extensæ cum perpe-

perpendiculari deducta ab obiecto supra planum speculi reflectentis, iuxta suppositum secundum, habemus ex modo determinatis causam determinati augmenti distantiae in multiplicatis apparentiis per reflexiones inter plura specula.

His suppositis: Primò ad multiplicandas, ex vi reflexionis à prima superficie alicuius speculi, apparentias vnus obiecti respectu eiusdem oculi, necessariò requiritur aliud speculum, & quidem in tali situ conuersum ad illud, pro quo sit reflexiuum pluries ad illud imaginis propagatae ab obiecto inter vtrumque constituto; & licet specula plura possint aliter inter se disponi, & obiectum ad illa, ad multiplicandas plures apparentias: nihilominus ad multiplicandas cum apparentiis distantias peculiari facilitate, seruiunt duo specula inter se parallela, inter quae sit obiectum, & oculus inter vtrumque; vel ad foramen, in altero speculorum apertum, constitutus.

Prima pars assertionis probatur, quia determinato situ alicuius signabilis in obiecto respectu vnus speculi, & situ oculi, ex quo videat tale signabile obiecti per reflexionem ab ipso, non possunt multiplicari apparentiae, nisi multiplicentur incidentiae à tali signabili obiecti supra speculum, ex quibus exurgant plures reflexiones dirigentes imagines eius ad situm oculi: sed huiusmodi incidentiae, aptae ad tales reflexas plures dirigendas ad situm oculi, multiplicari non possunt respectu vnus speculi; ergo non sufficit vnus speculum ad plures apparentias eiusdem obiecti, oculo, ex determinato situ ad tale speculum conuerso, exhibendas. Maior est euidens. Probatur minor, quia dato vno signabili in speculo, quod excipiat incidentem à tali signabili in obiecto determinatè constituto, cuius reflexa per æqualem angulum perueniat ad situm oculi, non datur aliud signabile in toto speculo, quod talem incidentem recipiat ab eodem signabili in obiecto, cuius reflexa possit ad oculum ibidem persistentem peruenire.

Vel enim tale aliud signabile speculi reperitur in eadem directione ab obiecto ad oculum, vel in diuersa; non in diuersa, quia incidentes ab obiecto in diuersa directione aliò dirigunt suas reflexas, & non ad oculum; neque in eadem, quia incidentes in tale aliud signabile speculi pro eadem directione à tali signabili obiecti, necessariò constituent angulum maiorem, vel minorem cum speculo quam constitueret incidens ad suum signabile, ex quo eius reflexa per æqualem directà est in oculum, pro prima apparentia: maiorem quidem, si illud signabile, destinatum tali incidenti, dicatur esse vicinius obiecto; minorem, si dicatur esse remotius, ut statim constabit Geometricis leuiter tincto. Sed etiamsi ad nouum signabile speculi incideret, secundum angulum æqualem ei, secundum quem incidebat in suum signabile eiusdem, incidens pro prima apparentia, non posset eius reflexa ad eundem situm dirigì, quo reflexa illius dirigebatur; quia constituentes angulum æqualem cum speculo, ex eo exurgerent tales reflexæ parallelæ, & sic in nullo situ vnquam coincidere possent; ergo multò minus dirigitur ad eundem situm eius reflexa, cum reflexa prioris incidentis, si secundum angulum maiorem, eleuata magis à speculo, magis recedat ab illa, vel secundum minorem magis inclinata ad speculum, pariter magis ab illa recedat.

Aduerte, quòd in his probationibus loquimur de signabilibus physicis obiecti per visionem internoscibilibus, & quidem secundum distantias, aliqua apparenti intercapedine, plures; ac proinde de radiationibus illis physicè correspondentibus, ad tales apparentias multiplicandas transmissis supra signabilia physica speculi, & reflexis illis proportionatis: in quibus tamen vim suam, iis sufficienter applicabilem, retinent determinationes angulorum, & directionum.

Secunda pars assertionis facillè constat, quia non constituto inter specula obiecto, radiationes ad duo specula ab

eo transmissæ, iis ad positionem oppositam obiecto multum inuicem inclinatis, ab vno, ad aliud per reflexionem primam diriguntur; at per secundam ab utroque faciliè in apertum aërem; vel iis parum, aut nihil inuicem inclinatis, diriguntur per primam reflexionem, quâ patet exitus in apertum aërem; & utroque modo sicut oculus non potest recipere multiplicem ab illis reflexionem; ita illa non sunt apta multiplicare apparentias obiecti, sic extra ipsa constituti.

Tertia pars similiter constat, quia dispositis pluribus speculis planis adinuicem, tanquam faciebus alicuius polyedri, & constituto ad medium obiecto, multiplicabuntur inter illa reflexiones ad se inuicem, & à singulis ad oculum, qui proinde ad singula conuersus, plures radiationes eiusdem obiecti repræsentatiuas in diuerso situ excipiet, secundum quas illi multiplicabuntur apparentiæ eiusdem obiecti.

Vltima, quia collocatis duobus speculis planis inter se parallelis, & obiecto inter ipsa constituto, prima apparentia est speculi, ad quod conuersus est oculus in sua distantia reali, & obiecti in apparenti intra ipsum, æquali distantia reali obiecti ab ipso. Secunda est apparentia alterius speculi intra ipsum, in distantia apprehensa intra illud, æquali distantia reali talis speculi ab illo, cum apparentia obiecti intra apparentiam talis alterius speculi, pro ulteriori distantia apparenti, æquali distantia reali obiecti ab huiusmodi altero speculo. Tertia est replicata apparentia speculi, ad quem conuersus est oculus, cum apprehensione tantæ distantia intra seipsum, quanta est duplicata realis distantia inter ipsum, & aliud speculum, simul cum apparentia obiecti cum sua apparenti distantia intra ipsum; addendo duplicatæ distantia reali ipsius ab altero speculo æqualem distantia reali talis obiecti ab ipso.

Hæc attuli in exemplum, ad alias vltius apparentias proportionaliter ordinandas, quæ satis constant ex
ratione

ratione huiusmodi apparentiarum tum in obiectis, tum in eorum distantis allata, supposito tertio.

Iuxta dicta, poteris tum in perpendiculari deducta ab obiecto ad planum utriusque speculi, designare situs singularum apparentiarum; tum secundum lineas deductas ab illis ad oculum per specula, determinare angulos ultimarum reflexarum à speculis ad oculum pro singulis apparentiis, iuxta quos connexarum incidentium, & reflexarum anguli sunt æqualiter disponendi. Quòd si quæras: ad quam usque multiplicationem apparentiarum, & extensionem apparentem distantiarum deueniatur per huiusmodi replicationem reflexionum inter duo specula?

Aduerte primò: distantias vltteriùs, & vltteriùs apparenter multiplicatas, licèt assumptas per vltteriores designationes in perpendiculari, deducta ab obiecto ad planum speculi, per partes consequentes æquales primis, comprehendi à lineis, ab extremis illarum ad oculum deductis, semper sub minori angulo: quare cuicumque multiplicationi apparentiarum, & extensioni vltteriori distantiarum, quantum est de se, deferuire posse duo specula, inter quæ sit collocatum obiectum: cauendum tamen, ne immittendo caput inter specula ad captandas vltteriores apparentias, eas ipsas tibi impedias, impeditis per interpositionem capitis vltterioribus reflexionibus reflexionum inter specula.

Aduerte secundò: quòd licèt obiecta, quò viuidiùs ipsa lucent, vel illustantur, eò ad maiorem sphæram extendant diffusionem suorum repræsentatiuorum; & reflexiones, replicatæ inter specula, nihil aliud sint, quàm extensio radiationum, quæ, non inuento obstaculo, fuissent productæ in directum; eoque inuento, concurrunt multipliciter inflexæ inter specula. Nihilominùs nec distantie apparentes, nec multiplicationes reflexarum inter specula ad vltteriores apparentias, possunt accedere ad extensionem propagationis, quæ facta fuisset in directum: cum intra vitrum, licèt ad alteram extremitatem termi-

natum, iuxta dicta in prima parte Sectionis, pro qualibet immissione, & remissione radiationum, detrahatur intensiōi sequutura diffusionis, quod seruit aliis reflexionibus etiam quando vnicum est speculum sine correspondente opposito: quo plus autem diminuitur de intensiōe radiationis, cō plus imminuitur de extensione diffusionis; quia in ordine ad sequuturam diffusionem, antecedens remissio vlteriùs diffusui perindè est, vndecumque prouenerit; certumque est quòd si ita prouenisset à primo radiante remissione, breuior sequuta esset sphæra diffusionis, secundum proportionem remissionis sui principij.

C A P V T XIV.

Corollaria ex legibus Propagationum.

S E C T I O I.

Representatiua nullam habent ex se determinationem, ut sensibilibus communium sint representatiua.

MAgnum naturæ secretum, vndè habeant repræsentatiua, vt determinare possint ad apprehensionem magnitudinis, figuræ, sitûs, motûs, & consistentiæ visibilibus: quod ex propriis nobis erit in consequenter tractandis determinandum; nunc satis sit ostendere, id illis ex se minùs convenire. Assertio igitur in titulo Sect. proposita ex suprâ constitutis.

Probatur, quia si haberent vllam ex se, eam haberent in medio vniiformi libero, in quo tamen nullam habent.

Primò, quia in quolibet signabili talis mediij confunduntur omnia repræsentatiua, non solùm cuiusvis signabilis in vno obiecto, sed etiam quorumlibet signabilium in
omni

omni obiecto prostanti, intra cuius sphæram actiuitatis sit tale medium.

Secundò, eodem modo confunduntur, siue sint repræsentatiua signabilium vnus continui maioris, aut plurium minorum; & horum siue paucorum, siue multorum.

Tertiò, intensio, & remissio repræsentatiuorum in tali signabili medij confusorum, æquè potest prouenire à tali determinatione obiecti sensibilis pro tali distantia à signabili medij; vel ab eo minùs perfectè affecto, sed viciniore; vel perfectiùs affecto, sed multò remotiori.

Quartò, nullum repræsentatiuum in individuo habet ex suis intrinsecis cōnexionem cum repræsentabili in individuo, per quam ita determinetur ad ipsum, vt non possit æquè seruire ad repræsentationem alterius individui sufficienter similis, ac proindè repræsentatiua signabilium in extenso homogeneè affecto, confusa in eadem signabili talis medij, nullam ad repræsentandam dispositionem illorum in ipso, ex suis intrinsecis, habent dispositionem.

Confirmantur istæ probationes ad concludendum intentum, quòd in tali medio nullam habent determinationem ad repræsentanda, magnitudinem, figuram, situm, motum, consistentiam visibilium.

Primò, quia à signabilibus talis medij vniformis, & liberè permeabilis à radiationibus; & sic de se indifferentis ad quamlibet, à quolibet, & quomodolibet affecto radiationem excipiendam, nulla potest esse ad illa determinatè repræsentanda determinatio.

Secundò, quia connexio per dependentiam secundum talem directionem ad tale signabile, à quo incipit propagatio talis determinati repræsentatiui; ita vt non ab alio signabili, vel eiusdem obiecti, vel aliorum similium, ex qua habetur fundamentum designationum radiationum, non est in se vllò modo sensibilis; nec in tali confusione plurium, in medio de se prorsùs indifferenti, vllam affert determinationem, quæ vllò modo tollat talem confusionem

repræsentatiuorum , aut vniformem indifferentiam dicti medij ; sicut eam affert concurrentibus traiectionibus per foramina aperta in opaco , & transitu per densius medium taliter figuratum, aut reflexione ex tali speculari , vt modò dicemus , & supposito naturali modo operandi potentie visuiæ, de quo infrà suo loco.

CAPITIS XIV. SECTIO II.

De Figuratione illustrationis aliquomodo conformi obiectis, ex directâ traiectione radiationum per nudum foramen cuiusvis Figura.

EX suprâ dictis , de propagatione radiationum in directum, habetur, quòd si à lucido, vel illustrato radiationes propagentur per foramen valdè angustum , post intersectionem in illo, ita ordinatè in diuersas partes tendunt, vt in opposito directè plano opaco , secundum dispositionem partium illustrationis , exhibeant conformationem aliquomodo similem ei , quæ est in superficie talis lucidi , obiecta foramini ; & hoc simplex linearum rectarum pro radiationibus designatio per foramen , statim tironi in his manifestare potest. Sicut è contra, quòd si ab vnico signabili obiecti lucidi , vel illustrati radiationes transmittantur per foramen latum , statim agnoscitur , quòd illæ tale foramen implentes , & iuxta terminationem extremitatum illius determinatæ in ingressu, non possunt in opposito plano non consignare figurationem talis foraminis.

His positis facilè aduerteres , quòd cùm ex vna parte in foramine latiori sint assignabiles particulæ plures medij diaphani, singulæ æquales ei, quæ continetur in paruo spiramine ; si intelligantur ad singulas peruenire radiationes à tota facie opposita obiecti visibilis , vt verè perueniunt, per singulas traicientur radiationes sufficienter delatium

in

in planum opacum directè oppositum illuminationis conformis faciei talis obiecti. Iuuabis imaginationem, si pro foramine triangulari aperto in charta exposita Soli, disponas in triangulum spiramina plura puncturis aciculæ designata; spectabis enim orbiculos illustres secundum dispositionem trianguli seriatim dispositos in plano, excipiente radios Solis, per illa spiramina traiectos.

Ex alia parte, cum in facie opposita lucidi, vel illustrati, sint pariter assignabiles particulæ plures, & plures; si intelligentur à singulis diffundi radiationes implentes totum foramen triangulare, vt verè diffunduntur, traicientur per totum foramen à singulis signabilibus in tali obiecto radiationes sufficienter consignatiuæ illuminationis triangularis in plano excipiente.

Quia tamen tam particulæ mediij diaphani, designabiles intra ambitum foraminis, quàm colorati signabiles in visibili, sunt continuæ, non potest notari in plano, nisi vna illuminatio continua, in qua passim quatuor explicatione dignissima spectari solent, quorum causas ex propriis assignabimus.

Primum est, quòd si illuminatio excipiaturo plano propius ad foramen admoto, illa magis refert figuram foraminis, ita vt in magna vicinitate prorsus illi conformis ad sensum appareat.

Secundum, quòd in elongatione plani excipientis à foramine, receditur à tali configuratione, deueniendo ad terminationem illuminationis confusam.


Tertium, quòd remouendo vterius planum excipiens à foramine incipit apparere terminatio illuminationis, aliquomodo conformis terminationi faciei obiecti; crescente conformitate, si perseveret elongatio dicti plani.

Quartum, quòd nunquam deuenitur ad perfectè conformem, & præcisam terminationem illuminationis exceptæ per foramen in plano.

Horum vt ratio reddatur, non est necesse à secretioribus Geometriæ

Geometriæ arcanis operosas designationes adducere, vt statim constabit.

Constitutis igitur diametro maiori obiecti AB , & minori foraminis CD , parallelis, ducito ab extremo B , dia-



metri obiecti per vtrumque extremum CD , diametri foraminis lineas BCE , & BDF , similiter ab extremo A , diametri obiecti, per vtrumque extremum CD , diametri foraminis, lineas ACG , & ADH , & agnosces quòd radius BCE , ab extremo B , diametri obiecti per extremum C , ad positionem oppositam in diametro foraminis traie-


ctus; & radius ADH , ab altero extremo A , diametri obiecti per extremum D , ad positionem oppositam in diametro foraminis deductus, in quamcumque distantiam intelligantur radij ab obiecto per foramen diffundi, necessario sunt extremi radiorum, comprehendentes omnes alios ducibiles à quouis alio signabili in diametro obiecti per quoduis aliud signabile diametri foraminis.

Hi autem radij extremi necessario æquè deseruiunt tam figuræ obiecti, quàm figuræ foraminis suo modo in planum deducendæ: si enim assumas radium BCE , cum radio BDF , rursùm radium ACG , cum radio ADH , cùm sint combinati tam duo priores, quàm duo posteriores ab eodem signabili in diametro obiecti per vtrumque extremum diametri foraminis, necessario seruiunt deducendæ in planum oppositum figuræ foraminis; si verò assumas radium BCE , cum radio ACG , & similiter radium BDF , cum radio ADH , cùm sint singulæ combinationes ab utroque extremo diametri obiecti, per singula extrema diametri foraminis, necessario seruiunt deducendæ in di-

ctum

etum planum oppositum figuræ obiecti.

Constat ergo, quòd pro quacumque distantia à foramine excipiantur opposito plano radiationes, ab obiecto per illud diffusæ, necessariò coincidunt radiationes consignatiuæ figuræ foraminis & consignatiuæ figuræ faciei obiecti: ac proindè commentitia, & falsa inuoluet, qui uolet distinguere post egressum radiationum à foramine triplicem distantiam; primam, in qua radiationes consignatiuæ figuræ foraminis excedant, & comprehendant intra se consignatiuas figuræ obiecti; secundam, in qua mutuo conueniant ex interfectione, & propterea confundantur radiationes consignatiuæ figuræ utriusque; tertiam, in qua consignatiuæ figuræ ambitus faciei obiecti excedant consignatiuas figuræ foraminis, & eas intra se inuoluant. Denique per huiusmodi tentare solutionem problematum suprâ propositorum, est implicare. Ad solutionem itaque, ab extremis diametri obiecti *A B*, spectentur lineæ, quæ sunt à singulis per extremum diametri foraminis, ad eandem secum positionem, *A C G*, & *B D F*, quæ necessariò tandem coincidunt; cum supposita sit diameter foraminis minor diametro obiecti, ad quas, modo suprâ dicto, inter se constitutas pettingunt, ab extremis maioris per extrema minoris deductæ. Tum verò, factò centro in extremis diametri foraminis, interuallo interfectionis linearum *A C G*, & *B D F*, abscindantur hinc indè partes æquales, ductis à punctis abscissionis ad punctum interfectionis lineis *M O*, & *O N*. Hac designatione positâ, euidenter apparet, Primò, à radiis *B C E*, & *A C G*, ab extremis diametri obiecti *A B*, in extremo *C*, diametri foraminis se intersecantibus, & à radiis *A D H*, & *B D F*, ab iisdem extremis diametri obiecti in alio extremo *D*, foraminis se secantibus, contineri duas illustrationes, totius diametri obiecti delatiuas in planum oppositum, omnium aliarum designabilium à totali diametro per quælibet signabilia diametri foraminis comprehensiuas, & vique ad *O*, punctum



etum intersectionis radiorum A C G, & B D F, in nulla parte spatij inuicem communicantes : easdem verò post punctum O, sub angulo G O F, communicantes, vnam intra aliam semper magis, & magis dilatari, quò longius diffunduntur à foramine.

Secundò, inter radios, q ui ad extrema diametri foraminis constituunt angulum, in

multò maiori proportionem crescere amplitudinem spatij, secundum quod illuminationes extremæ debent inuicem consequenter communicare, & accedere ad exhibendam tandem vnam sensibilibiter illuminationem, quam inter radios constituentes angulum ad extrema diametri crescat spatium, secundum cuius dilatationem, duæ dictæ illuminationes extremæ possunt se inuicem excedere. Siquidem hinc inde anguli sub quibus radij ad extrema foraminis se intersecant, sunt externi respectu internorū, & oppositorū ad extrema diametri obiecti, & lineæ M O, & N O, secant totum spatium, inter radios ad vtrumque angulum, tam in extremo diametri foraminis, quàm in extremo diametri obiecti, constitutum pertinentes, sed vt est, spatium inter radios anguli ad extrema foraminis constituti, secant illud, pro tali distantia, viâ breuissimâ, vt bases triangulorum isoscelium, in quas, linea, diuidens talem angulum oppositum bifariam, caderet perpendiculariter, & eas in partes bifariam diuideret; sed vt est spatium inter radios angulum constituentes ad extrema diametri, obiecti, non secant illud viâ breuissimâ; sicut nec cum illis constituunt triangula isoscelia, existentibus necessariò latere A N, maiore, quàm A O, & latere B M, quàm B O, vt maiori angulo oppositis. Et si à puncto O. duceretur hinc

Hinc indè linea, quæ abscinderet à radio $A N$, æqualem ipsi $A O$, similiter à $B M$, æqualem $B O$, & pro tali distantia secaret spatium inter illas interiectum via brevissima, tales lineæ necessario caderent supra $M O$, & $O N$, & essent breviores illis, ut oppositæ minori angulo in triangulis, quæ cum illis constituerent, ut facilè constat.

Ac proindè in tanto minori distantia, quanta est ab extremis diametri foraminis ad tales secantes $M O$, & $O N$, plus crescit amplitudo spatij inter radiationes constituentes angulos ad talia extrema, secundùm quam debent inuicem cõmunicare extremæ deferentes integrum diametrum obiecti in planum oppositum, quàm crescat pro tanto maiori distantia, quanta est ab extremis diametri obiecti ad intersectionem radiorum ab illis in O , amplitudo spatij inter radiationes constituentes angulũ hinc indè ad extrema diametri obiecti, secundùm quàm debent se excedere integræ radiationes, delatiuæ vltra foramen totius diametri obiecti.

Tertiò apparet, quòd quantumvis extremæ illuminationes deferentes imaginem totius diametri obiecti, inuicem se magis, & magis peruadant post intersectionem radiationum $A G$, & $B F$, in O , semper magis, & magis communicando inuicem in vltiori progressu; non possunt tamen ad perfectam coincidentiam in eodem spatio peruenire; ac proindè nec ad exhibendam vnã integram illuminationem exactè conformem terminationi superfici ei lucidi, vel illustrati, obiectæ foramini: nunquam enim mutua persuasio sub angulo $F O G$. obliterare potest spatia sub angulis $E B F$. & $G A H$, contenta, secundùm quæ se consequenter excedunt.

Colligitur autem ex his solutio apparentiarum propositarum. Primò enim habemus in maiori proximitate ad foramen, quia nondum facta est notabilis dilatio radiationum, se ad extremitates illius intersecantium, illuminationem integram non posse notabiliter recedere à figurations, quam accipit in foramine, explendo capacitatem

extremitatum illius , secundum dispositionem , quam obtinent in illo.

Secundò , in aliqua ulteriori distantia à foramine , licet adsit notabilis dilatio huiusmodi radiationum se intersecantium ; quia tamen illuminationes signabiles , ut aliquomodo extremæ , & comprehendentes alias , non multum communicant in eodem spatio , si attendantur ut consignatiuæ figuræ foraminis in opposito plano , disponuntur ut plures inuicem secundum dispositionem figuræ obiecti ; si verò spectentur ut consignatiuæ figuræ obiecti , disponuntur secundum dispositionem figuræ foraminis : quare cum secundum utramque designabilitatem in integra illuminatione diffundantur , si diuersa sit figuratio ambitûs in foramine , à figuratione ambitûs faciei obiectæ lucidi , vel illustrati , necessario integra illuminatio pro tali situ exhibet aliquid confusum ad neutram notabiliter inclinans.

Tertiò , in ulteriori insuper , & ulteriori distantia , secundum maiorem , & maiorem dilatationem dictarum radiationum , illuminationes , ut magis communicantes , in spatio se inuicem peruadunt ; & consequenter ad vnam accedunt auferendo notabilem plurium dispositionem , secundum quam , ut plures disponebantur secundum conformationem ambitûs foraminis ; exhibent sensibiliter conformationem integræ illuminationis aliquomodo similem figuræ ambitûs faciei obiectæ.

Quartò , ut semper remanent necessario partes spatij , secundum quas dictæ illuminationes extremæ se excedunt , ita nunquam exactè vnam conformem figurationi ambitûs superficiæ obiectæ exhibere possunt ; licet quia secundum ulteriorem distantiam , & remittuntur , & ex dilatatione semper maiori diluuntur dicti excessûs , non habentes compensationem , quam habent partes communicantes cum alijs in eodem spatio , tandem possint euanescere ad sensum , & vnam velut exactam conformationem in illuminatione notabili relinquere.

CAPITIS XIV. SECTIO III.

De multiplicatione determinata imaginum obiecti, ex traiectione radiationum perforamina exigua in oculum; & varia ex traiectione per multiplices Refractiones.

QVod ad primum; propono problema, mihi non multis antè annis, propositum cum solutione tunc à me exposita. Confessus nobilium simul, & eruditorum Vrbem, sub vesperam, rhedâ circuibat, auram subfrigidam captaturus, quo tempore in viis olitores, accensis candelis, prostare solent: cùm ecce tibi vnus ex illis erecto fortè ad frontem sudario, & propiùs ad oculum admoto, nouem pro singulis flammulas conspiciere se aduertit, mirabundus quid hoc esset, admonet socios, qui rei inexpectatæ, & antea inobseruatæ veritatem rimaturi, singuli sudaria pupillis admovent, & statim inclamant omnes nouem pro vnaquaque flammulas à se conspici; conantur mutare numerum, mutatis telis, detractis sibi ijs, quas ad collum gestabant, & permutatim ad oculos nunc huius, nunc illius appositis; nec vnquam pauciores, aut plures quàm nouem pro singulis flammulas vident: indè erudita disceptatione ad causam talis determinatæ multiplicationis inquirendam versi, càm non inueniunt, abscedunt, vno ex suo numero in crastinum ad me destinato, qui aliqua de opticis prælegentem iunior audiuerat. Adest ille manè, & experimentum illorum consensu firmatum proponit, causam exquirens. Impetraui breuem moram, dum ipse quoque mihi satisfacio in experimento capiendo, quod præstiti permutatis omnibus iis, ex quorum varia constitutione, & situ mutari posse apparentiam censui, vt hac ratio-

ne, naturâ apparentiæ velut excussâ, prodiret causa, quæ latebat : reperi ad experimentum requiri omninò telam subtiliorem, nec quamcumque, sed cuius textura in omnem positionem benè compressa exigua spiramina inter tenuia fila aperiret, vt est Cameracensis; per communes autem telas radiationibus traiectis apparentiam flammæ non multiplicari.

Re igitur expensâ, respondi : radiationes imaginis totius flammulæ delatiuas, tam exigua spiramenta subingressas pro modica distantia non faciliè misceri; & sic plurimum imaginum flammulæ consignatiuas, cum sufficienti distinctione ad fundum oculi deuenire : ex rotunditate autem pupillæ necessariò sequi, vt æqua fiat in omnem partem multiplicatio, sicut sunt æquales diametri, ad quamcumque positionem in rotundo designentur. Quare necessariò multiplicari flammulæ imagines per numerum quadratum, cuius proprium est, dum rectè disponitur; totidem vnitates ad quamcumque positionem exhibere. Cum igitur primus numerus quadratus sit [4] & nulla sit tam exigua pupilla humana, quæ ad sola quatuor spiramina illius subtilioris, & confertæ texturæ restringatur, necessariò extendi ad vltiorem numerum quadratum: & ita cum secundus sit [9] tertius verò [16] ad quem nullius apertura perueniat, omnes necessariò in nouenario constituisse. Non displicuit vlli peritorum solutio problematis, cui non habeo in præsentia quod addam.

Quod ad secundum; experimentum notissimum propono per vitra polyedra, quorum plures facies extantes disponi solent in semigyrum, vt radiationes per refractionem in illis pluribus coniucentes deueniant plures ad pupillam, eamque subingressæ, & ex mutua interfectione diuaticatæ peruenire possint ad fundum oculi, pluribus eiusdem obiecti imaginibus consignandum, & quidem integris, & singulis toti respondentibus, si sit paruum. Cum igitur potentia visiva, vt infra ex professo ostendemus, se-

quatur

quatur in apprehensione obiecti impressionem factam in organo immediatè seruienti visioni, retina videlicet, fundum oculi vestiente, & humorem vitreum cum crySTALLINO, ei immerso, continente; ac si talis impressio in directum extra oculum protenderetur: sit vt semper prospiciat in directum apprehendendo obiectum, quomodocumque radiatio sit immissa in oculum; siue per radiationem ab obiecto ad ipsum directè propagatam; siue ex reflexione à speculo; siue ex incidentia obliqua in medium densiuscum refractione perueniat; ac proinde in re nostra, apprehendit obiectum velut in tam multiplicibus, & distantibus sitibus constitutum, ad quos sic distantes vergunt impressiones factæ in retina, non autem vt vnum in vnico determinato situ constitutum, in quem conuenirent tendentiæ apprehensiuæ, si flecterentur iuxta fractionem factam in multis faciebus vitri polyedri radiationum in suo progressu ad oculum. Sed hæc, vt alia plurima, quæ in apparentiis experimur, constabunt ex dicendis de modo naturali tendendi in obiecta potentie visuæ, iuxta vrgentiam ad extrà impressionis factæ in retina: De multiplicatione apparentiarum eiusdem obiecti ex Reflexione, supra dixi cap. 13. sect. 1. vbi de mensura extensionis, & multiplicatione reflexionum.

CAPITIS XIV. SECTIO IV.


*De conformatione illustrationis cum facie obiecti
ex refractione in medio densiori, superficie
conuexâ terminato.*

Licet ex suprâ-constitutis quodlibet signabile lucidi, vel colorati illustrati diffundat radios ad totum diaphanum sibi expositum: ad vitandam tamen confusionem ipsiusmet

ipsiusmet delineationis, accipiemus extremos, qui reliquos ab aliquo signabili super medij densioris convexum incidentes, comprehendunt, sic de obiecto visibili accipiemus solum vnam diametrum, & ex tali diametro duos extrema signabilia; sufficienter enim discurrendo de his, fiet de reliquis coniectura.

Rursus, cum obiecta radiationum diffusiva possint esse maioris & maioris extensionis, & in maiori, & maiori vicinitate, in gratiam minus exercitatorum exemplificemus in iis, à quorum extremis, ratione mediocris extensionis, & vicinitatis, radiationes deductæ ad extrema diaphani densioris globosi, cadunt inter perpendiculares à centro convexitatis ad talia extrema incidentiæ designatas: in his enim idem prorsus est, & expeditior modus probationis: in aliis verò aliter dispositis, poterit à peritioribus facile ex iisdem regulis refractionis proportionaliter applicatis, conveniens probationis modus aptari.

Constituta igitur obiecti diametro A B, & diaphano densiori plano convexo C D, cadant in hoc à signabili



A, extremæ radiationes A C, & A D, & à signabili B, extremæ radiationes B D, & B C. His positis, cum constet ex suprâ dictis, radiationes in superficiem convexam diaphani densioris obliquè hinc inde incidentes, refringi, & in ingressu illius inuicem connuere, ut ultra illud progredientes tandem inuicem concurrant, videndum est, quid ad concludendum intentum sequatur ex legibus refractionis suprâ constitutis.

Magis tamen refractionem attendemus ex obliqua incidentia radiorum in tale densius, cum secunda refractione in ingressu ab illo in medium rarius, per easdem leges nullo modo.

modo diuersificet, sed augeat, & acceleret effectum, quem ad rem nostram considerabimus. Ex radiis oblique incidentibus tali superficiiei convexæ densioris diaphani, is qui maximè oblique incidit, maximum angulum constituentem cum perpendiculari ducta à centro ad signabile incidentiæ, necessariò per tertiam regulam refractionum, suprà explicatam, & probatam, habet pro refracto sibi correspondente radium, constituentem pariter maximum angulum præ aliis cum illa, & ita supremum inter refractos, correspondentes aliis minus oblique incidentibus in tale signabile.

Sequitur ergo, radium *A D*, ab *A*, signabili in extremo diametri obiecti visibilis incidentem in *D*, signabile ad extremum diametri superficiiei convexæ densioris ad positionem oppositam; & ita maximum angulum constituentem cum perpendiculari, à centro ducta per illud, habere pro refracto radium *D F*, inter alios, qui correspondent, ut refracti incidentibus in idem signabile *D*, ab aliis signabilibus in diametro obiecti, maximum angulum constituentem intra tale densius, cum assignata perpendiculari. Ex quo fit ut minimum angulum constituat cum perpendiculari ducta ad signabile, per quod egreditur à densiori in rarius, & ita minimè inter egredientes in rarius recedat à tali perpendiculari, & ita maximè inter eos obtineat situm vergentem ad positionem oppositam ipsi *A*.

E contrà verò radium *A C*, ab eodem signabili *A*, in extrema diametro visibilis, incidentem in *C*, signabile ad extremum diametri convexi densioris, ad eandem positionem constitutum; & ita minimum angulum constituentem cum perpendiculari à centro ducta per tale signabile incidentiæ, habere pro refracto radium *C E*, minimum angulum constituentem intra densius cum assignata perpendiculari, præ reliquis refractis, qui correspondent aliis incidentibus ab aliis signabilibus diametri obiecti in idem signabile *C*, ex quo fit, ut cum perpendiculari ducta per

signabile, per quod egreditur à densiore in rarius, maximum angulum constituat; & ita inter prædictos refractos egredientes in rarius, ipse maximè recedat à perpendiculari in positionem oppositam; atque ita coincidentiam radij $E C$, cum refracto $F D$, ab eodem signabili A , deducto, fieri maximè ad positionem oppositam ipsi A , comparatione coincidentiarum, quæ sunt inter alios refractos, correspondentes incidentibus ab aliis signabilibus in diametro obiecti in eadem signabilia $D C$, ad extrema diametri conuexi densioris.

Idem modus probationis applicandus est radiis $B C$, & $B D$, à signabili B , in altero extremo diametri obiecti, incidentibus in signabilia $C D$, ad extrema diametri conuexi densioris, & intra illud refractis; denique in positionem ipsi B oppositam coincidentibus in H , è regione coincidentiarum radiorum deductorum ex A , ut antè diximus.

Proportionaliter valet in radiis deductis à signabilibus in media diametro obiecti, in signabilia eadem ad extrema diametri conuexi densioris comparatis inter se iuxta easdem leges refractionum; radij autem à signabilibus in obiecto incidentes in media signabilia conuexi densioris, quantum ad hoc negotium, assumi possunt ut comprehensi ab incidentibus ad extrema illius, & sic aliquomodo refracti illorum, à refractis istorum: & quod de vna extensione diametri obiecti dictum, de aliis extensionibus faciei illius quantumuis irregularis intelligendum, etiam quoad ea, quæ mox ex allata probatione deducemus. Poteris, Amice Lector, variis delineationibus in ampliorem formam deductis te oblectare, mihi hîc satis sit nucleum ostendisse.

Aliquid exactius, & subtilius ad hoc ipsum monebo, cum de artificio Tubi, & constitutione partium oculi.

Ex superiori probatione habes, Primò, quomodo radiationes procedentes ab aliquo internoscibili in obiecto

& delatius imaginis illius, per refractionem in aliquo glo-
boso densiori, concurrere possint inuicem extra concur-
sum prodeuntium ab aliis internoscibilibus in eodem; ex
quo fit, vt imaginem illius fortius consignare, & cum ali-
qua sufficienti distinctione possint, quod vltimum multò
magis valet de pluribus obiectis, suprà idem conuexum
densius radiationes suas diffundentibus.

Secundò, cur, & quomodo dictæ consignationes imagi-
nis, tum partium eiusdem obiecti, tum plurium obiectorum
suprà idem conuexum densius corradantium, ex vi refra-
ctionis in illo, disponantur ad positiones contrarias iis, quas
partes eiusdem obiecti, vel plura obiecta collata inuicem,
obtinent.

Tertiò, quòd licet superficies conuexa densioris, sit
multò amplior foramine aperto in opaco; possit tamen per
refractionem melius, & pro minori distantia exhibere illu-
strationem conformem terminationi faciei obiecti, immò
dispositionem faciei mediæ: non solum enim per refra-
ctionem in conuexo densiori obtinetur coincidentia plu-
rium radiationum, deferentium imaginem signabilis, à quò
diffunduntur, qualis obtineri non potest per foramen; sed
etiam in foramine paulò latiori præter radiationes, quæ ab
extremis signabilibus in facie obiecti radunt extrema fora-
minis, reliquæ tum ab illis, tum ab aliis signabilibus in obie-
cto transeuntes per media foraminis retinent semper plu-
rium radiationum, diuersorum signabilium obiecti imagi-
nem deferentium, confusionem.

Aduerte tamen: euenire posse, vt videatur obiectum
cum apparenti terminatione, & distinctione partium, si
comparatè ad amplitudinem obiecti, & magnam distan-
tiam plani excipientis illustrationem à foramine, foramen
(alioqui ad minora obiecta in vicinitate maiori paulò latius)
euadat per modum spiraminis, tunc enim maiores partes
pro sua coloratione, ex tali traiectione ad tantam distan-
tiam, exhiberentur sub paruo termino, sub quo non esset

in illis imperfectio terminationis internoscibilis, & apparent sub imagine colorationis notabiliter vergentis ad ipsas; sicut de facto euenit in exceptione pro magna distantia illuminationis à Sole, diffundente radios per foramen laxius, quæ non solum videtur benè rotundari; sed etiam si existant maiores maculæ in Sole, illas exhibet cum aliqua distinctione inter se, & cum reliquis partibus faciei Solaris.

Quartò, quòd, sicut ex tertia lege refractionum ostendimus, radiationes, quæ supra totam faciem conuexi densioris, à quolibet signabili expositæ faciei obiecti diffusæ, confunduntur, per refractionem in ingressu, & egressu talis densioris, distinctè consignare imagines illorum in opposito, pro debita distantia, plano; ita, ex eadem lege, si loco plani lentem vitream apponas, excipientem consignationem distinctam, ea per refractionem in ingressu, & egressu illius factam confundetur, vt designationibus, ex tali lege ordinatis, statim agnosces.

CAPITIS XIV. SECTIO V.

De conformatione cum facie Obiecti illustrationis excepta ex Speculo cauo.

Non fit hæc mentio speculi conuexi, quia certum est, illud receptos notabili extensione sui à quolibet signabili in obiecto radios dispergendo commiscere, & confundere; neque nisi foramen, aut conuexum densius ex aduerso occurrat, quorum est, iuxta suprà dicta, confusas radiationes ordinare, nihil ad propositum per illud præstari posse.

Neque speculi plani, quia cum illuminatio reflexa ab illo, sit illa ipsa, quæ tenderet ulterius in directum, nisi ipsum occurrisset; ipsius extensio sic figurata in ordine ad reflectionem,

xionem, se habet prorsus, vt se habet foramen in ordine ad illustrationem per illud ab illustrante diffusam: quare eodem modo de conformatione illustrationis per reflexionem ex speculo plano philosophandum, ac diximus de conformatione illustrationis traiectæ per foramen tali speculo æquale, & simile in figura.

Quod igitur spectat ad reflexionem ex speculo cauo, de qua proposui explicandum, quomodo occurrente opaco exhibeat apparentiam illustrationis configuratam faciei obiecti:

Aduertendum est primò, quod communiter dicitur; supposita æqualitate inter angulos incidentiæ, & reflexionis; & data portione speculari caua cavitare spherica paucorum graduum, oppositâ illustranti, reflexos incidentium ab illo hinc inde ad diametrum eius, versùs quartam diametri partem concurrere; non obstat quominus datis signabilibus pluribus in illustrante, tam inter se, quàm pro tali distantia respectu dicti speculi caui, positione sitûs notabiliter discrepantibus, radiationes reflexæ, incidentium ab vno tali signabili, non concurrant ad certam partem spatij versùs quartam diametri dispositi, ad quam non concurrant reflexæ incidentium supra idem speculum ab alio signabili, notabiliter ab ipso positione sitûs discrepanti: hoc enim omninò necessariò sequitur; cùm ad varietatem incidentiæ notabilem omninò consequatur notabilis varietas reflexionis, nec possint à signabili in obiecto, in situ notabiliter ab alio discrepante, non sic variari super idem cauum, simul & semel illis expositum, inter se incidentiæ ab illis.

Aduertendum secundò, ex radiis incidentibus cum aliqua inæqualitate inclinationis supra cavitatem speculi, eos qui sunt à signabilibus obiecti magis notabiliter vergentibus ad vnam positionem, vt ad illam notabiliter inclinatos præ aliis, necessariò habere correspondentes reflexos, versùs positionem oppositam, præ aliis reflexis pariter magis

inclinatos : atque ita concursum illorum versùs talem positionem, vltra concursum aliorum disponi, & quidem iuxta proportionem talis notabilis vergentiæ ad talem positionem in vno signabili obiecti præ aliis, ad quam sequitur talis notabilis inclinatio ad eandem positionem supra cavitatem speculi radiorum incidentium ab illo, & correspondens inclinatio reflexorum ad positionem oppositam.

Ex his, cum suis solidis probationibus in ipso discursu indicatis, sufficienter animaduersis,

Colligitur primò, ex vi speculi cavi, radiationes consignatiuas imaginis vnus signabilis, quod pro tali distantia notabiliter differt ab aliis in situatione obiecti integri, ad tale speculum comparata, sufficienter extra consignatiuas imaginum aliorum signabilium eiusdem obiecti còcurrere.

Secundò, concursus repræsentatiuorum partium obiecti disponi situ opposito ei, quem tales partes obtinent in obiecto, & nihilominus inter se ordinari, vt partes imaginis integræ, per illos exhibitæ, in imagine proportionaliter inter se cohæreant, sicut partes in obiecto integro; atque ita illustrationem integram exhibeant,figuratione conformem faciei obiecti à qua supra cavitatem speculi dicta repræsentatiua diffunduntur.

Quare anno 1616. dum aliqua de Theoria Tubi optici commentarer, apud me statui, eundem effectum, qui per refractionem in vitro aliquomodo conuexo, ad obiecta conuerso obtinetur, obtineri posse per reflexionem à speculo cauo. Tentavi experimentum diu, sed irritò conatus, ex imperfecta elaboratione huiusmodi speculorum, quos reperire poteram, sicut per vitra conuexa, quæ emendandis oculis senum adhibentur, frustra tentavi Tubum opticum qualemcumque mihi aptare, cum primò de ipso aliquid inaudiui; quia inæqualitas configurationis, quæ in vsu perspicilliorum consuetò minùs nocet, in Tubo parit confusio- nem. Tandem speculum ex ære cauum, è Museo viri clarissimi transmissum ad amicum, ab experto, & accuratissimo artifice

artifice elaboratum nactus, eius ope ad terrestria, & cœlestia conuersi, adhibito in conuenienti situ ad oculum vitro cauo, proportionaliter, vt sit, ad excipiendam radiationem refractam conuexi in Tubo optico, expertus sum ita euenire, vt ratio suadebat euenturum.

Si alicui mens incidat experiendi: ne sit sollicitus an cauitas speculi sit paucorum, aut multorum graduum, quia gradus, qui abundant, dirigunt reflexos ex se ad fundum speculi, vel aliò, vt nequeant interturbare apparentias.

C A P V T X V.

De Difformitate illustrationum ab obiectis ex legibus refractionis.

Licet infra agentes de determinatione potentiae visuæ ad apprehensionem situs, simus dicturi de difformitate situs apparenti in obiecto, tum ex refractione, tum ex reflectione, & ex aliis huic affinibus: placuit tamen hîc aliqua peculiaria de difformitate conformationis in illustratione à cœlestibus proueniente attingere; quia insigniorum problematum veras solutiones per suas causas dabunt; & ex his poterit de aliis fieri coniectura.

S E C T I O I.

Ex legibus refractionum in cœlestibus, ascendentibus, & descendentibus, pro aliqua ad Horizontem vicinitate, notabiliter mutatur, ratione Sphæræ vaporosæ, secundum apparentiam, diameter altitudinis; non verò latitudinis.

VT veritas corollarij, & ratio discriminis in dictis diametris melius agnoscatur: placet aduertere, quòd
cùm

cùm vaporosum, complectens Terram, & Aquam, sit densius puriore aurâ, ex qua ad ipsum perueniunt radiationes ab astris, & conformetur aliquomodo in globum, cuius centrum, physicè loquendo, satis conueniat cum centro globi ex Terra, & Aqua integrati: necessariò perpendiculares, ad quas radiationum in tale vaporosum obliquè incidentium facienda est refractio, erunt lineæ velut diametrales à centro terræ, ad puncta talium incidentiarum deductæ. Ex hoc enim sequitur, luminarium diametros, & proportionaliter distantias inter stellas secundùm altitudinem aliquomodo signabiles in eleuatione aliqua supra horizontem, posse mutare notabiliter apparentiam respectu excipientis radiationes in horizonte, ex vi refractionum in sphæra vaporosa, nullomodo diametros secundùm latitudinem in transuersum designabiles. Quod sic ostendo.

Accipiantur, vitandæ confusionis gratiâ, ex radiationibus Solis orientis respectu alicuius horizonis, binæ radiationes, prouenientes ab extremis signabilibus in diametro ducta in Sole à dextra in sinistram, & extendantur ad centrum sphære vaporosæ, in quo constituent angulum, cui obiecta basis in triangulo, sit prædicta diameter Solis; quæ cùm sint perpendiculares ad sphæram vaporosam, nullomodo refringuntur in ingressu illius, ex suprâ constitutis; tum verò ab excipiente radios Solis in horizonte ducatur ad idem centrum linea, in qua intelligantur vniri secundùm extrema duo plana sub angulo constituto à dictis binis radiationibus in eodem centro.

His positis, in dictis planis necessariò erunt, non solum illæ duæ radiationes, ab extremis diametri latitudinis Solis deductæ perpendiculariter per sphæram vaporosam ad centrum, sed etiam aliæ ad superiores partes illius pertinentes, quarum refractæ deorsum ad perpendicularem perueniant ad excipientem illuminationes in superficie terræ. Cùm enim radiationes ab extremis diametri latitudinis

dinis Solis, per dicta plana deductæ in sphæram vaporosam, non versùs centrum, sed ad partes superiores illius, incident quidem obliquè in illas secundùm dispositionem sursum, & deorsùm, sed nullo modo obliquè secundùm dispositionem in dextrum, & sinistrum; patientur quidem refractionem deorsùm ad perpendicularem, & maiorem, vel minorem, pro maiori, vel minori obliquitate incidentiæ: sed nullo modo in dextrum, vel sinistrum; sed persistent in iisdem planis cum perpendicularibus à centro ad puncta suarum incidentium deductis: ne contra regulas statutas refractionum, si in ingressu densioris frangantur etiam secundùm dextrum, vel sinistrum; recedendo à dictis planis, recedant pariter à perpendicularibus ad puncta suarum incidentium per talia plana deductis.

Quare cum secundùm varietatem refractionum mutentur iuxta exigentiam earum necessariò apparentiæ non solum illuminationis immediatè in oculo exceptæ, sed etiam exceptæ plano opposito, ab eo statu, quem absolute sine illis obtinerent; quod constat etiam experimentis, quorum aliqua mox subiungemus; & ubi nulla refraçtio, ibi ex progressu radiationum à rariore in densius nulla sit mutatio: idèò secundùm diametrum altitudinis fit varia mutatio illuminationis, quæ radiis per sphæram vaporosam supra horizontem in opacum deductis excipitur, at secundùm diametrum latitudinis, ex vi traiectionis radiorum per illam, nulla.

Dices: ab extremis Diametri latitudinis Solis peruenire radiationes ad minimum in totum hemisphærium vaporosum conuersum ad Solem, quare fieri posse, ut ex tot designabilium incidentium refractis perueniant ad excipiens in superficie terræ, non solum quæ in suprà dictis planis extenduntur; sed etiam quæ hinc inde extra dicta plana designari possunt; quæ proinde Solis diametrum latitudinis sub maiori angulo deducentes, maiorem exhibeant proportionatè ad maiorem refractionem in dextrum, & sinistrum factam.

R.

Sed aduerte, quòd si radiationum ab extremis diametri latitudinis Solis incidentium in sphaeram vaporosam, sed extra assumpta plana, dicantur refractæ, ad excipientem radiationes in horizonte, peruenire; necessariò etiam tales refractæ quòd ad positionem in dextrum, & sinistrum dici debebunt coincidere cum perpendicularibus à centro ad signabilia correspondentium incidentiarum deductis, quod nullo modo admitti potest; cum ponantur radiationes, quarum sunt refractæ, incidere obliquè in sphaeram vaporosam, tam secundum positiones sursum & deorsum, quàm secundum dextrum & sinistrum; ac proinde refractas illarum ad perpendicularem vergere, non coincidere cum situ perpendicularis secundum vllam dictarum positionum.

Probaturs sequela, quia semper sunt conceptibilia plana constituentia angulum, in linea deducta à centro sphaeræ vaporosæ, ad excipientem radiationes in horizonte, in quibus extendantur perpendiculares à centro sphaeræ vaporosæ, ad signabilia talium incidentiarum deductæ: vel ergo progressus refractarum à talibus signabilibus incidentiæ disponitur in iisdem planis, vel ab iis recedit: non secundum, quia peruenire non possent ad excipientem illuminationem Solis in horizonte; cum ad ipsum perueniant ab iisdem signabilibus incidentiæ prædicta plana, à quibustales refractæ in suo progressu dicerentur recedere. Ergo primum, & ita talis progressus refractarum, secundum positiones in dextrum, & sinistrum, coincidit cum perpendicularibus à centro ad signabilia correspondentium incidentiarum deductis; quod ostendimus non posse euenire ex vi talis refractionis ad perpendicularem illius debita, quia sunt refractæ incidentium obliquè in densius.

Hic autem modus argumentandi pariter reiiceret dicentem; ab incidentiis intrà primò disposita, initio probationis Corollarij, plana, ad excipientem illuminationem
in

in horizonte, peruenire fractas radiationum deductarum ab extremis diametri latitudinis Solis.

C A P. X V. S E C T I O II.

Mutata Solis apparentia in varia supra horizontem elevatione, probat assertam à nobis determinationem refractionum; & leges refractionum causam dant talis mutata apparentia.

PArato Tubo optico mediocris longitudinis, sex circiter palmorum, cum sufficienti apertura ex ea parte, quâ inseritur vitrum cauum, vel lens conuexa minor, ut integra radiatio, à vitro conuexitate ampliori terminato illabens, possit simul traici in planum, ad angulos rectos in medioeri distantia oppositum. Si in eius ad Solem expositione seruetur eadem longitudo tam Tubi, quam distantia plani, sic oppositi; ab illo, illuminatio tali plano excepta intra eandem diem, nullam exhibet mutationem quoad diametrum latitudinis, seu extensionis in dextram, & sinistram, quantumuis oriente, meridiante, occidente Sole excipiat: sed eandem extensionem dictæ diametri exhibet, pro quacumque eius elevatione in arcu diurno: At verò in diametro altitudinis, secundum sursum, & deorsum designatâ, fit aperta mutatio: si enim oriente Sole interuallo latitudinis maximæ, quam tunc excepta illuminatio exhibet, & totâ die seruat, describatur circulus in plano ad angulos rectos, ut supra dictum est, opposito; dum illuminatio extrema circuli in dextrum, & sinistrum simul attingit, non potest simul attingere arcum superiorem, & inferiorem: sed deficit, & defectus in Sole:

horizonti proximo, est ita notabilis, ut oculo liberè ipsum prospectanti appareat ellipticus: tollitur autem talis defectus sensim, secundum maiorem Solis elevationem supra horizontem, ut tandem in omnem positionem illuminatio æqualiter impleat circulum, in dicto plano descriptum.

Ex quo experimento constantissimè iterato, & ab omni suspicione erroris libero, convincitur, non solum radiationes, Solis imaginem deferentes, dum in sphaeram vaporosam obliquè incidunt secundum positiones fursùm, & deorsùm, in progressu refringi ad perpendicularem, sed etiam cum inæqualitate: ita ut provenientium à partibus inferioribus vicinioribus horizonti, maior fiat refractione; cum diameter altitudinis Solis notabiliter secundum suas partes variet in minori distantia ab horizonte, & agnoscat ex maiori elevatione imminui refractionem; dum sensim aufertur ex illa defectus in illuminatione secundum diametrum altitudinis.

Agnosce hinc progressum, & regressum opticum; dum ex nulla mutatione diametri secundum latitudinem in illuminatione à Sole, quocunque modo inclinato, vel elevato supra horizontem in sphaera obliqua, per Tubum Opticum deducta in planum, ad angulos rectos, oppositum, infertur à posteriori nulla variatio secundum refractionem in dextrum, & sinistrum in radiationibus designabilibus in diametro latitudinis Solis, pro quacunque eius elevatione in sphaera obliqua, deductis per Atmosphaeram, siue ad centrum, siue ad Terræ superficiem. Tum verò iuxta dispositionem Atmosphaeræ, & leges refractionum benè perspectas; ex nulla variatione per ullam refractionem in dextrum, & sinistrum in radiationibus, deductis à signabilibus in diametro latitudinis Solis, secundum dextrum, & sinistrum disposita, pro quacunque Solis elevatione, in Sphaera obliqua, siue ad centrum, siue ad Terræ superficiem deducantur, infertur à priori nulla mutatio diametri correspondentis latitudinis in illuminatione

minatione per Tubum Opticum deducta in planum modo dicto oppositum; pro quacumque elevatione Solis supra horizontem in arcu diurno attendatur.

Eodem modo proportionaliter instrui potest inter variam mutationem diametri secundum altitudinem in illuminatione à Sole, pro varia elevatione supra horizontem in sphæra obliqua, & refractionem secundum positiones sursum, & deorsum in radiationibus, deductis à diametro altitudinis Solis, in sphæram vaporosam obliquè incidentibus.

CAPITIS XV. SECT. III.

Cur spectanti oculo libero, Sol & Luna tanto maiores appareant in horizonte, tanto minores prope meridianum.

Qua occasione explicatur mutatio oculi, ex qua plura in Opticis, & peculiariter in Astronomicis explicanda.

PRIMO convincitur ex constitutis in præcedentibus Sectionibus, illam maiorem, quæ spectanti oculo libero apparet in Sole & Luna, propioribus horizonti, & dispareret in maiori eorum elevatione, non esse ex refractione in sphæra vaporosa radiationum deferentium imaginem illorum: siquidem radiationibus per eandem propagatis, & modo dicto trajectis per Tubum opticum, pro toto arcu diurno nulla exhibetur talis maiestas in illuminatione, plano directè opposito excepta: sed potius notatur defectus sensibilis in diametro altitudinis, qui sensim suppletur, crescente elevatione illorum supra horizontem; ut tandem illuminatio circularis appareat, perseverante

eadem sensibili dimensione diametri latitudinis in illa, siue luminaria sint ad horizontem inclinata, siue eleuata ad meridiem.

Secundò conuincitur apertissimo experimento, non esse maioritatem, ex inspecto longiori Terrarum, vel Maris tractu, inter nos & luminaria prope horizontem spectata; neque minoritatem ex nullo tali interiecto reali spatio, eodem intuitu conspecto, dum spectantur eleuata. Huius experimenti capti historiolum paucis excipe. Cum essem Lintzio Viennam traiekturus, optaui videre Ioannem Keplerum, quem ex libris editis benè noueram, & operiens manè scapham, spatium habui cum eo colloquendi intra septa horti; cum ecce Sol eleuari cœpit, & valdè magnus nobis apparere: quo spectaculo prouocatus, quantus, dixi, oritur Sol; & tamen radere videtur parietem horti, nullo Terræ, vel Aquæ spatio interiecto nobis apparente. Subrisit ille, peti se agnoscens, qui docuerat; quod quia eorum, quæ sub eodem angulo videntur, quæ plus distant à vidente, maiora sunt; minora quæ minùs; ideo quia sursùm aspicientibus nihil occurrit, ex quo possimus æstimare distantiam siderum à nobis, sidera prope verticem æstimamus minora, vt valdè propinqua. E contra, quia conuersis oculis ad horizontem, terrarum, vel maris tractus interiecti, eodem intuitu comprehensi, videntem admonent de distantia luminarium, prope horizontem inspectorum; ideo eorum quantitas, manente eodem angulo, valdè magna appareat. Quæ omnia à Sole tam magno apparente in exortu iis, qui inter ipsum & proximum horti parietem nullum Terræ, vel Aquæ tractum, longiùs excurrentem videre poterant, apertæ fallaciæ redarguebantur.

Tertiò conuincitur pariter apertissimo experimento, non provenire ex eo, quòd dum in oculo foramen tunice vuez in medio clariori restringitur, & in minùs claro dilatatur, admittat in dilatatione plures radios, in restrictione pau-

ciores,

ciores ; quo plures autem radij intra oculum admittantur, obiectum appareat maius;quo pauciores , appareat minus. Atque ita luminaria prope horizontem , vt in medio minùs claro , ampliato foramine vueæ , per plures radios admissos inspecta , maiora appareant ; eleuata ad Meridianum, vt in medio clariori restricto foramine vueæ , per pauciores radios spectata appareant minora.

Expone luminaribus Tubum opticum , modo suprà dicto , facta variatione maximè notabili in apertura vitri, primò excipientis radios ; vt nunc totum pateat , excipiens sua amplitudine plures radios ab illis ; nunc tectum crassiore charta , relicto in eius medio multò angustiori foramine, tantò pauciores radios admittat ; & clarè perspicies illuminationem in plano , ad eandem distantiam directè opposito , exceptam , in tam notabili mutatione admissionis plurium, vel pauciorum radiorum, non mutari in magnitudine , sed solùm in præcisione ambitûs , & claritate ; vt paucioribus radiis per angustum traiectis magis præcisa , & minùs clara ; pluribus radiis per ampliorem aperturam admissis, minùs præcisa , sed multò clarior videatur.

De mutatione oculi pro varietate notabili in distantia ; & illustratione obiectorum.

Vera ratio præmissi Phænomeni reddenda est ex mutatione humoris crystallini in oculo , tum in figura , tum in distantia à Retina in fundo oculi constituta , in qua, radiationibus cum tali refractione per illum traiectis , obiectorum imagines consignantur ; vt etiam oculo , musculis , & sclerotide à tergo nudato accurata sectione, & obiectis illustribus, vel illustratis ante pupillam collocatis , aperte cognoscitur.

Hanc mutationem inter ea , quæ de naturali determinatione potentia visuæ ad apprehensionem obiecti , infrà proponentur , reposueram : sed ne tantum Phænomenon, quod

quod meliorum Opticorum fatigavit ingenia, hîc minùs explicatum relinquam, & hæc prima Pars, si res exigat, possit edi, alterâ postmodum sequuturâ, hîc appono.

Ab anno 1615. mutationem intra oculum fieri omninò certum habui, edoctus experimentis, quibus per humores crystallinos, ab animalibus vt plurimum extractos, varia tentabam; tum in imaginibus obiectorum, sola traiectione radiationum per illos, in opposita charta excipientis; tum superpositis perspicillis in varia figuratone, quæ ad vitia oculorum in iuuenibus, & senibus emendanda, communiter vrimur, ad easdem imagines pro certa distantia, ex crystallinis, in figura à me ideò commutatis, confusè traiectas, pariter ad distinctam consignationem reuocandas.

Aduerteram enim, mutatâ notabiliter distantia obiectorum, à crystallino, non posse, chartâ, pro priori distantia, aptè post illum consistente, fieri distinctam consignationem imaginum; sed obiectum valdè remotum requirere maiorem accessum excipientis imaginem ad illum: obiectum valdè proximum, maiorem recessum ab eodem; quod ipsum. Sectione sequenti ostendam necessariò sequi ex certa lege refractionum. Hinc anno 1626. in prælectionibus Opticis, ex occasione habitis in Romano Collegio, inter reliqua de Visione Paradoxa, postea in æs incisa, & publicata, septimo loco posui; Debuissè oculum ad vicinum obiectum, velut produci; ad remotum, corripì, vt de vicino elongatus, de remoto abbreviatus distinctè cognosceret.

Sed cùm in experimenta intentus, occasionem addiscendi, & mea corrigendi errata audivissimè captarem, naturam libentiùs, quàm libros consulendo: chartâ leui puncturâ perforatâ, & oculo admotâ, per spiramen in ea aperunt obiecta remota prospectans, aduerti illa in eadem magnitudine apparere, quâ apparent prospecta oculo valdè diluto; crescente ingerim immodicè, & turbidè figurâ spiraminis:

spiraminis: hæc aduertens, conatus sum ad spiramen vicinum, velut terminum meæ visionis, attentionem reuocare; tum verò apparentiâ spiraminis sensim decrescente, illud in sua angustia distinctè apparuit, & per illud Turris longiùs prostrans in minori multò magnitudine, quàm antè, in suis tamen partibus distincta.

Aduocaui socium ad id spectaculi; qui cùm mecum in apparentiis, utroque modo retentatis, consensisset, rogante me, notauit in mea pupilla aperturam vueæ, nigrum oculi vulgò dictam, in vtraque applicatione attentionis; tum ego vicissim illius, & aliorum; statutum fuit, ad modica, & vicina attendenti, vt illa in sua paruitate distinctè cernat, foramen vueæ constringi notabiliter; & in tali attentione cum defatigatione oculum detineri; ad magna longiùs posita attentionem dirigenti, foramen vueæ relaxari, & cessare pariter conatum, & fatigationem; quæ tamen in senioribus maior, sicut & experimentum successu exacto difficilius, ex minori habilitate conformandi oculum; vt postea explicabimus.

Idem experimentum aliàs sæpius, & cum aliis captum cum iisdem animaduersionibus.

Contuli illud cum alio communi, & à multis annis frequentato à studiosis Opticæ, quo oculus, ad valdè lucida conuersus, foramen vueæ pariter constringit; at in vmbra reductus, & ad languidè lucentia, dilatat.

Et quæ toties in me, & in aliis expertus eram, iterum ad experimenta, & examen accuratius, post experimenta constituta, reuocaui. Ex obseruatis, & meditatís hæc habet:

Primò; Eamdem foraminis vueæ constrictionem in oculo fieri; siue ad obiectum exiguum vicinum in sua paruitate discernendum oculus applicetur, siue ad validam illustrationem conuertatur: eamdem dilatationem, siue introitus ad obiectum iustæ magnitudinis longè positum dirigatur, siue ad languidè lucidum, & hoc ex obseruatis statim patuit.

Secundò, In constrictione foraminis vuez humorem crystallinum mutare figuram, & ad minoris globosi conuexitatem redigi : ratio suadet, siquidem dum in tali constrictione applicatur oculus ad discernenda, quæ sunt valde exigua, in proximo posita, non solum illa apparent in sua paruitate præcisa, & foramen ad suas angustias reductum; sed per illud etiam obiectum distans apparet minus; ergo humor crystallinus, per quem imago traicitur in Retinam, minoris globosi formam induit: non enim minor apparentia possibilis est, nisi ex minori impressione in organo, cuius determinationem in apprehendendo immediatè sequitur potentia visiva; nec minor apertura vuez talem minorem imaginem impressam exhibere potest; cum, iuxta suprà dicta in confutatione tertij modi explicandi maiorem apparentiam luminarium prope horizontem, stante eadem obiecti distantia, & eadem figura globosi refringentis, minor apertura foraminis, per quam ad illud deueniunt radiationes refringendæ, imaginem per refractionem in illo traiectam non minuat, vt plurimis experimentis rationi talis refractionis conformibus constat, reductâ aperturâ consuetâ vitri, in Tubo ad Solem expositi, vsque ad angustias particulæ quadragesimæ nonæ, reliquis contactis.

Neque est in oppositum, quòd transpicienti per Tubum opticum sic apratum, stellæ appareant minores, quàm in maiore apertura superioris conuexi, cum qua alia obiecta prospici solent: id enim habet peculiarem rationem, ex impedita radiosa corona, quæ apparenter circumponitur corpori lucenti mediocriter, & per modum parvæ extensionis, & solet illi etiam mutare figuram, quæque per Tubum, cum sua solita magna apertura vitri superioris, detrahatur flammulæ lucernæ; dum ipsa noctu libero oculo in aliqua notabili distantia conspecta, ex tali radiatione, qua apparenter coronatur, videtur multò maior, & velut rotundata, atque in extremitate non præcisa. At
non

non solum in conuenienti approximatione ad suam figuram redacta minuitur, sed adhibito etiam Tubo cum solita apertura pro tali distantia, pro qua alia obiecta colorata censentur centies, ducenties, & eo amplius augeri, detractâ coronâ radiosâ, apparet in sua figura oblonga, & præcisa, & comparatione reliquorum obiectorum notabilissimè minùs aucta.

Hoc autem non euenit in imagine, & apparentia præcisæ figuræ, & magnitudinis obiectorum, de qua in proposito loquimur: vnde autem proueniat talis radiatio, ex qua apparenter augentur, etiam oblitteratâ, seu confusâ propriâ figurâ, similia obiecta; & quibus modis illis detrahatur, alibi ex professo tractandum occurret. Interim pro confirmatione probationis de mutatione Figuræ in crystallino, accipe vitra secundum conuexitates maiorum, & minorum sphaerarum terminata, & traiectans per illa radiationes tam lucidorum, quàm illustratorum excipe in proportionata distantia, pro qua imagines in sua præcisa, & distincta figura consignentur, & statim agnosces eiusdem obiecti, à vitris æqualiter distantis, imagines præcisè configuratas, maiores à portionibus conuexitatis maiorum sphaerarum; minores à portionibus conuexis minorum consignari in excipiente per refractionem ab illis.

Tertio, In constrictione foraminis vuez humorem crystallinum tantisper vrgeri versùs oculi fundum: ratio est, quia ex vna parte redactò, vt probauimus; ad minoris globosi figuram crystallino, concursus radiationum, quibus singula internoscibilia in obiecto distinctè consignanda sunt in Retina, ita accelerari potest, vt egeat aliqua approximatione ad illam, quo exactius & distinctus præcisæ imagines obiectorū consignentur in illa; Ex alia parte situs processuum ciliarium constringentium crystallinum ad hoc inclinât, vt mox dicam. Quare non solum mutata sic figura crystallini, non eget ille ad maiorem distantiam in anteriora adduci pro distincta consignatione imaginum ob-

icetorum proximiorum, quod perseverante eadem figura fuisset necessarium, iuxta experimenta, & tertiam legem refractionum, vt Sect. sequ. patebit; sed potius è contrario cum mutatione figuræ in conuexitatem minoris globosi, iungitur aliqua retrusio substantiæ eius versùs fundum oculi.

Quartò, Mutationem figuræ, & sitûs in crystallino fieri per compressionem, aut relaxationem à processibus ciliaribus factam: cùm enim illi ex peculiari conatu in anterioribus oculi exercendo (quem experimur cum aliqua fatigatione, vel in applicatione ad expressionem præcisam minutorum partium obiecti vicinioris, vel ad impediendam efficaciorē illuminationem, quâ oculus à constitutione, in qua tunc reperitur, cum aliqua celeritate, atque adeò molestia, mutaretur) concurrentibus spiritibus turgēant, foramen, quo anteriorem faciem humoris crystallini continent, constringunt: pro tali autem constrictione non solum talis anterior crystallini facies ad conuexum minoris globosi redigitur, sed necessariò consequenter illius massa compressa secundum posteriorem partem vrgetur tantisper versùs oculi fundum: remisso verò tali conatu cum relaxatione foraminis, ad suam ordinariam configurationem, & situm crystallinus reuertitur; vt passim in compressis præter naturam, cessante compressione, aduertimus; & talem factam in oculo, ex defatigatione, & molestia, quam in illa exactè ad intentum assequenda, & maiorem in continuanda experimur, notare possumus.

Quintò, Esse naturalem connexionem inter foraminis vixæ constrictionem, & crystallini reductionem ad minoris globosi conuexitatem, & minoris imaginis obiecti impressionem in Retina; tum quia in discernendis præcisè vicinioribus, cum minutorum distincta expressione, ista tria ex allato experimento, iuxta antè constituta, simul fiunt; tum quia conatus ille in anterioribus oculi factus, ea simul exhibere aptus est: dum enim processus ciliares ex
co

eo turgent, & annulo interno constricto comprimunt crystallinum, inserta ad illorum extremum, à crystallino remorum vuea, aliquomodo adducta versùs oculi medium faciliùs consentit, ut eius partes, quæ Iridem oculi exhibent, in anteriora oculi protendantur, & foramen pupillæ constringant.

Pariter, esse naturalem connexionem inter dilatationem vueæ factam vi naturali oculum disponente ad vsus consuetos, & crystallini reductionem ad conuexitatem, maioris imaginis obiecti consignatiuam in Retina; tum quia in attentione applicata ad Turrim distantem inspicendam, per spiramen apertum in charta (iuxta suprà dicta in experimento, & in antè ex eo deductis constituta) omnia ista simul fiunt; tum quia dum, remisso conatu, processuum ciliarium extrema laxantur, etiam relaxatur crystallinus, remotâ compressione, quæ fiebat per extremum illorum ipsum continens; & Tunicæ, quibus illi omnibus connectuntur per oppositum extremum, ab adductioe ad medium oculi, dimittuntur; sicque imago Turris remotioris in oculo maior, & distincta consignatur; viciniore spiraminis chartæ maior, licet confusa: quia, ut infra ostendam, tanta vicinitas requirit humoris crystallini sub tali figura maiorem distantiam à Retina, excipiente imaginem, ad consignationem eius distinctam.

His sufficienter determinatis, veniamus ad solutionem Phænomeni propositi, pro qua

Assero: in aspiciendis obiectis lucidioribus, ad excludendum abundantius lumen, quod, ab illis diffusum intra oculum, mutaret cum aliqua molestia dispositionem præsentem humorum illius, vi naturali in oculo operante ad constringendum foramen vueæ concomitanter immutari ad minoris globosi conuexitatem, faciem anteriorem humoris crystallini, & minui consequenter imaginem talium obiectorum in Retina, & sic apparentiam illorum.

E contra verò, illorum lumine magis temperato occur-

rente, ad illud excipiendum, oculum in sua dispositione naturali constitui, & ita relaxatâ vueâ consequenter libero ab omni compressione crystallino, exhiberi ex hac eius dispositione maiorem illorum imaginem in organo immediatè ad visionem determinante, & maiorem eorum apparentiam consequi.

Assertio videtur ex primò suppositis, & postea constitutis sufficienter constare, duo tamen ad clariorem intelligentiam, & maiorem confirmationem adiungam.

Primum est, fieri posse, ut aliquando spiritibus in oculum abundantius immissis, ille magis intumescat; & tunicis humores continentibus magis dilatatis, pariter foramen vueæ ampliatur; non tamen inde humoris crystallini figura mutetur: quia antè nullo constringente suam naturalem dispositionem non mutauerat, quam proinde ex aliqua tunc laxatione recuperare dilatatus non debet. Ex dispositione verò, quæ de facto sit in humoribus oculi, euenire, ut illustratio ab eodem obiecto pro eadem distantia maiorem faciat immutationem, quàm fecisset in ipso aliter disposito; atque ideò tunc, ad vitandam molestiam, ex illa foramen vueæ magis constringatur; & consequenter, mutato in minorem conuexitatem crystallino, apparentia obiecti minuatur: attende quomodo: si oculus diurnæ luci assuefactus, conuertatur ad Lunam, in prima quadratura proximam Meridiano, dum Sol ad occasum vergit, nullam faciat ex conuersione ad illam constrictionem in foramine vueæ, & Luna appareat multò maior, quàm cum tenebris noctis iam inductis, oculus iis assuetus ad eam conuertitur proximior horis: tunc enim ex conuersione ad illam, sic inter tenebras illustrem, constricta pupilla minorem videt.

Secundum, ex constitutione consueta complexionis oculorum, dispositione Tunicarum, & figura crystallini aliquomodo varia in hominibus, fieri posse ut vnus præ alio magis patiatur ab illustratione notabili; vnus præ alio possit foramen vueæ constringere, & crystallini figuram im-

mutare.

mutare ad tantam imminutionem apparentiæ : certè seniores communiter , quia ad obiecti viciniore minutiores particulas in sua præcisione exprimendas, non satis possunt sui crySTALLINI iam minùs tumidi figuram conformare ; faciliùs distinguunt characteres in charta longiùs ab oculo remota ; & ita quò faciliùs legant, & obiecta similia meliùs internotent, contra consuetudinem aliorum, cum admiratione causam ignorantium, ea ab oculo remouent.

Ex dictis hac Sectione agnosces, quàm fallax, & varium necesse sit esse iudicium eorum, qui oculis tam variè in pluribus, & aliquando etiam in eodem dispositis, tanquam fidis testibus adhibitis, ferunt ex apparentia sententiam de magnitudine lucidorum ; quod multò magis contingit, dum ex circumposita illis apparenter radiatione, vera magnitudo, arque adeò figura ipsa in illis variè, pro varia oculorum dispositione, immutatur, de quo ex professo suo loco agemus.

CAPVT XVI.

De mutatione sîrûs apparente in lucidis eleuatis
à Terra, ratione propagationis tam directæ,
quàm refractæ, ad oculum spectatoris.

SECTIO I.

Jaciuntur fundamenta mutationis sîrûs secundum apparentiam.

SVpponendum primò tanquam certum id, quod communiter admittitur, experimentis comprobatur, & à nobis ex professo infra stabilietur : Visionem in situanda apparentia obiecti sequi directionem impressionis factæ in organo sibi immediatè seruienti, per qualemcumque propagationem

pagationem talis impressio in ipso fiat : ac proinde oculo ad quodlibet lucidum conuerso, illud ei apparere in ea directione, ad quam radiatio ab illo proueniens intra ipsum, velut retromissa extenderetur ab ipso digrediens. Quare cum radiatio perpendiculariter incidens in oculum, ex supradictis, non frangatur ; sed constitutis in eadem directione centris corneæ, & humorum oculi, ipsa irrefracta in illis ad fundum oculi perueniat, potest ipsa, ab oculo ulterius in directum extensa, dici esse ea, quam vt axem sequitur apprehensio visiva, in constituenda ad aliquam positionem situatione apparenti obiecti ; siue talis situatio apparens conueniat cum ea, quam verè de facto obiectum obtinet, vel ab ea discrepet, vt aliquando euenit.

Ex quo fit primò, vt factâ, iuxta dicta, refractione radiationum, à lucidis transmissarum per spheram vaporosam ad nostrum oculum in horizonte constitutum, dum illa in aliqua ad talem horizontem inclinatione reperiuntur, nos in apprehensione situs huiusmodi lucidorum sequentes radiationem, quæ peruenit in oculum ; secundum progressum illius, qui fieret in directum in anteriora oculi, apprehendamus illa in eleuatione maiore, iuxta proportionem maioris fractionis. Intuere nummum constitutum in fundo vasis intra aquam, cum modica remotione oculi à vase, & agnosces illum apparenter eleuari ad situm, ad quem deueniret radiatio fracta in progressu per aërem, si ab oculo cui perpendiculariter incidit, extenderetur in anteriora versùs vas : linea enim apprehensionis visualis nunquam flectitur. Tum factâ ulteriori remotione oculi à vase, pro qua tamen cum maiori fractione representatiuum nummi possit ad eum peruenire, agnosces nummum tibi in altiori adhuc situ apparere, quàm antè, ad quem radiatio cum maiori fractione ad tuum oculum transmissa, si ab oculo in directum versùs vas extenderetur, deueniret ; vt aliquomodo experiri poteris in ista vltima remotione, cum qua tibi potest nummus apparere, si aduertras regulam ligneam ab oculo
per

per labrum vasis in directum tendentem ad situm apparentiæ dirigi.

Necte conturbet, quòd similiter eueniat eleuatio apparens lucidi ex refractione radiationum ad perpendicularem in progressu per sphaeram vaporosam, sicut euenit apparens eleuatio nummi per refractionem à perpendiculari in progressu per aërem ad oculum; cum ad perpendicularem, à centro sphaeræ vaporosæ deductam ad signabile incidentiæ in illa, dum frangitur radiatio, ad oculum in horizonte perueniens, ita inclinetur; sicut quæ ad illum peruenit à nummo, dum recedit à perpendiculari eleuata super signabile incidentiæ ab aqua in aërem: ac proinde in utroque casu radiatio ex fractione inclinata, & sic ad oculum pertingens, si postea ab oculo cogitetur extendi in anteriora sine fractione, necessario ad situm altiore perueniet, quàm sit ille, quem verè obiecta inspecta obtinent. Iuua imaginationem, si eges, designatione fractarum in utroque casu peruenientium ad oculum; tum ex recessu à perpendiculari, super aquæ vasis superficiem eleuata; tum ex accessu ad perpendicularem à centro sphaeræ vaporosæ ad signabile in eius superficie deductam; & ab oculo in directum, easdem ad talia signabilia superficiæ aëris, & vaporum deuenientes, vltcrius sine fractione extendè.

Supponendum secundò ex suprà dictis de diffusionè radiationum à quolibet signabili obiecti, ad quælibet signabilia propositi diaphani intra sphaeram actiuitatis illius non impeditam: quòd ad oculum in aliquo situ intra talem sphaeram actiuitatis illustrantium constitutum, velut ad centrum, deducuntur radiationes ab omnibus obiectis prostantibus; ac proinde, admittà doctrinà suppositi præcedentis, obiecta, quorum radiationes cum aliqua determinata dispositione inter se perueniunt ad oculum in tali situ constitutum, necessario apparere inter se disposita, quomodo tales radiationes ab oculo in anteriora directæ

disponuntur inuicem. Quare quoties respectu centri talium corradiationum à talibus obiectis in alio, & alio situ constituti, illæ aliter, & aliter, deueniendo ad illud, inter se disponuntur; necessariò etiam oculo alibi & alibi constituto talia obiecta aliter, & aliter inter se disposita apparebunt. Designa in charta nouem zifras per modum quadrati cum aliqua distantia inuicem dispositas, tum in aliqua notabili elongatione à tali quadrato constitue punctum ad dextram, & ad illud à singulis zifris extende lineas: postmodum statue similiter aliud punctum ad sinistram, & ad illud pariter à singulis lineas designa: denique, si placet, statue tertium punctum è regione medij talis quadrati, cum designatione linearum à singulis zifris ad illud; agnosces statim quantà diuersitate disponantur inter se lineæ à dictis zifris deductæ pro diuerso situ puncti, ad quod deducuntur; ut quæ pro vno situ illius videntur vnitæ procedere, pro alio longius inuicem disiunctæ pergant; & illa, quæ pro vno situ ad punctum procedens alicui est ad dexteram, deducta ab eadem zifra, pro alio situ puncti statuatur ad sinistram, &c.

Iuuat facilius, & citius imaginationem, erecto tuo digito, & oculo pro vario situ ad illum conuerso, ille tibi modò apparebit constitutus in eadem directione cum fenestra, angulo parietum ei existente ad dextram; modò in eadem directione cum medio pariete, modò cum lacunari, modò cum pauimento; aliis subinde in alio, & alio situ respectu ipsius dispositis,

Supponendum tertio, quòd si ad vnum, & idem obiectum certo situ constitutum, conuertantur oculi plurium spectatorum, pro vario situ ad illud dispositorum; sic vt ab illo, velut centro, extendantur radiationes ad plures oculos illorum; ita si cogitentur à talibus oculis pluribus lineæ ad illud deductæ, erit illud velut centrum, in quo diæ lineæ, si in directum vltra illud extendantur, se intersectabunt, & in intersectione constituent angulos ad ver-

ricem

ricem æquales, proportionaliter vt lineæ in centro se interfecantes.

Ex quo necessariò sequitur primò, vt spectatoribus pluribus, respectu eiusdem obiecti, in varia directione constitutis, quò maior est diuersitas situs directionis inter illos respectu eiusdem obiecti, eò maiorem constituent angulum in obiecto lineæ ab oculo singulorum deductæ ad illud. Secundò, vt dictis lineis sub tali angulo in obiecto, se interfecantibus, in vltiora deductis, necessariò pro maiori distantia, ad quam illæ extenduntur, maius spatium intercipiatur ab illis.

Supponendum quartò: quòd si alicuius obiecti locus verus determinatè signetur ab aliqua linea, à puncto determinato ad illud producta, & per illud aliò deductæ: necessariò lineæ ab oculis in alia directione ad idem obiectum constitutis productæ, & vltèriùs per illud ipsum extensæ, dicentur designare loca visa à vero discrepantia, quòd spectatores plures erunt inter se pariter in directione ad idem obiectum magis discrepantes, vt statim patebit consideranti.

Supponendum quintò: cohærenter propositioni 21. primi elementorum, quòd ab iisdem terminis deductæ lineæ ad idem obiectum, si illud sit proximius, maiorem angulum in ipso constituent, & vltèriùs productæ maiorem pariter, & alteri sibi ad verticem æqualem; quare si vltèriùs ad aliquam illi circumpositam peripheriam deducantur, maius in illa spatium intercipient. Ex quo fit vt differentia loci, veri & visi eiusdem obiecti à Terra eleuati, ad quod à centro Terræ, & ab oculo spectatoris in diuersa directione lineæ deducantur, & pariter differentia inter se locorum visorum à pluribus, à quorum oculis pro diuersa directione ad idem, & per idem obiectum deducantur, rectè dicatur determinari tam ab angulo, quem dictæ lineæ constituunt in tali obiecto coincidentes, quàm à spatio in sphaera illi circumposita à dictis lineis intercepto: sic

enim semper, respectu obiecti vicinioris, est maior differentia loci veri, & visi, & visorum inter se, cæteris paribus; minor verò respectu remotioris, ac proindè dispositio inter obiecta à Terra eleuata, ex comparatione talium differentiarum, mensuratarum per huiusmodi angulos, dum illi internosci, & determinari possunt, rectè deducitur, cæteris paribus.

Supponendum sextò : quòd cùm lineæ sub aliqua inclinatione ad inuicem constituentes angulum, quò longiùs in directum protrahuntur, eò maius interuallum intercipient, & sic basis pro maiori, & maiori interuallo opposita tali angulo, maior sit; non solum turpis est deceptio, ab identitate, vel æqualitate anguli præcisè inferre æqualitatem basium oppositarum angulo: sed etiam angulo æquali, vel ad centrum, vel in notabili à centro remotione constituto, assignare pro basi æqualem arcum, vel chordam illius in eadem circumferentia, & velle eodem modo loqui de angulo in notabili remotione à Terra per lineam visualem, & lineam à centro deductam in aliquo obiecto, constituto; atque de angulo illi æquali ad centrum terræ ab aliis lineis, saltem alterâ, disposito, ad cognoscendam determinatè intercapedinem inter dictas lineas, ad eandem circumpositam sphaeram deductas, interceptam: cùm lineæ talem angulum constituentes ad Terræ centrum, sicut longiùs protrahuntur vt ad talem circumferentiam deueniant, ita perueniant magis dilatatæ, & maius ex illa spatium intercipient.

Supponendum vltimò, quòd licet differentia quælibet sitûs apparentis à vero, sicut Latinè potest dici aberratio, ita Græcè dici possit parallaxis; nihilominus vsus obtinuit, vt tam parallaxis, quàm diuersitas aspectûs determinatè sumatur pro ea differentia sitûs visi à vero, quæ euenit ex distantia spectatoris à centro Terræ: sicut enim linea à centro Terræ educta ad lucidum eleuatum, & per illud producta ad stellas fixas, censetur talis lucidi verum situm designare

designare , qui consistat in tali eius determinata correspondentia ad extremas visibiles partes Mundi ; ita linea ab oculo spectatoris in horizonte ad idem lucidum extensa , & per illud ad easdem fixas perducta , designabit situm visum , & differentia talis sitûs apparentis , ad quem in sphæra fixarum dirigitur linea visionis per lucidum , à situ vero , ad quem dirigitur linea à centro Terræ per illud producta , vocatur diversitas aspectûs , seu Parallaxis.

Ex his sequitur primò : quòd cùm talis differentia loci visi à vero , iuxta suprâ dicta , mensuretur angulo , à dictis lineis in obiecto lucido se interfecantibus , constituto , dicatur Parallaxis tot graduum , quot assignantur dicto angulo ; ex communi enim consensu diuisâ periphæriâ cuiuslibet circuli in 360. partes æquales , quas vocant gradus , singulis angulis rectis ad centrum constitutis 90. gradus deputantur , quot præcisè à lineis , ipsum continentibus , ad peripheriam extensis intercipiuntur ; reliquis verò angulis obtusis , vel acutis in eadem proportionè plures , vel pauciores , à quibus eorum capacitas internoscitur ; & quia in maioribus circulis dicti gradus maius spatium continent , quod expedit ad mensuras magis præcisas subdividere , ideo vsus obtinuit , vt gradus quilibet in 60. minuta , seu particulas primas , singulæ primæ in 60. secundas , & sic deinceps subdividantur.

Sequitur secundò , quòd sicut linea à centro Terræ per lucidum ad sphæram fixarum deduci potest , attendendo locum , quem designat in circumferentia circulorum maximorum ; siue circuli per lucidum , & spectatoris verticem transeuntis ; siue circuli per polum eclipticæ , & lucidum deducti , vel deducti per polum mundi , & lucidum : ita linea ab oculo spectatoris per idem lucidum extensa , comparari potest ad circumferentias eorundem circulorum ; ac proinde differentia correspondentiæ dictarum linearum ad circumferentias illorum , denominat Parallaxim altitudinis in circulo verticali , latitudinis in circulo per Eclipticam

deducto, declinationis in circulo per *Æquatore* designato, &c.

Sequitur tertio, à Parallaxi sic communiter explicata pro tali differentia loci veri, & visi, necessario distinguendam esse differentiam inter plura loca visa, ex diuerso loco spectatorum eiusdem obiecti, quæ mensuratur angulo constituto in tali obiecto à lineis, in locis vario horizonte discrepantibus, ab oculis spectatorum per illud deductis, & spatio ab illis in sphaera fixarum intercepto. Licet enim talis differentia possit esse aliquando eadem cum ea, quæ est loci veri & visi, dicta Parallaxis; quando nimirum lucidum est in vertice alicuius spectatorum; nihilominus communiter est diuersa, dum lucidum est vel inter vertices spectatorum, vel extra vertices illorum ad eandem positionem. Quare sicut esset turpis æquiuecatio alteram pro altera sumere; ita multorum errorum origo ab vna eodem modo, sicut ab altera argumentari ad veras obiectorum distantias concludendas.

Figuras Parallaxium habebis apud alios, qui de his fusiùs disputant. Vnicam Parallaxis verticalis exhibeo magis communis, quæ Physicum iuuat ad percipiendos faciliùs terminos, in qua intimus circulus



Terram representans, tantò minorem sphaerâ fixarum, ab extimo representatâ, factus est maior multò, quàm proportio exigeret, ad commodiorem interpositionem characterum, & distinctionem linearum à centro, & superficie Terræ deducenda-

rum ad lucidum, vario situ in media circumferentia constitutum.

stitutum, quæ censetur, factæ centro in medio Terræ, per illud designata.

CAPITIS XVI. SECTIO II.

De mutatione situs secundum apparentiam ex refractione in lucidis, & illustratis, inclinatæ ad Horizontem.

ASsero primò, quantum est ex vi refractionis radiationum in Sphæra vaporosa, omnia lucida ad horizontem inclinata, apparere eleuationiora quàm verè sint; & pro maiori inclinatione ad illum, apparentem eleuationem ab illo esse maiorem.

Probatur assertio iuxta constituta de refractione, & Sect. præcedenti supposito primo stabilita: Primò, quia huiusmodi obiectorum radiationes pro tali situ incidunt obliquæ in Sphæram vaporosam, & consequenter secundum inclinationem ad perpendicularem in progressu per illam deueniunt ad oculum spectatoris: sed radius sic inclinatus, si intelligatur extendi sine fractione ab oculo per punctum incidentiæ in directum, is necessariò extendetur supra situm secundum quem diffusus est ab obiecto ad tale punctum incidentiæ, in quo fractus est modo dicto; ergo apparentia quæ sequitur directionem talis radij ab oculo sic extensi, necessariò constitueretur apprehensiuè in situ eleuationiori.

Secundò, quia quò tale obiectum est magis inclinatum, eò peruenit ad oculum per radiationem magis obliquè incidentem in Sphæram vaporosam, & sic per maiorem fractionem ad perpendicularem, versùs illum inclinatam: radius autem, secundum maiorem inclinationem sui ex maiori fractione, pertingens ad oculum, si ab oculo per tale punctum

Punctum incidentiæ intelligatur extendi sine fractione, eò magis supra situm, quo ad tale punctum incidentiæ peruenit, extendetur; ergo apprehensio, talem directionem sequens, magis eleuabit apparentiam visibilis supra situm, quem de facto tener; à quo cum tali maiori obliquitate incidentiæ radios diffudit in sphæram vaporosam, & consequenter cum maiori inclinatione, ex maiori fractione ad perpendicularem infudit in oculum.

Dixi (quantum ex vi refractionis) quia, vt dicitur Sect. sequenti, præualente Parallaxi, quæ apparentiam transfert in situm contrarium, possunt absolute adhuc videri infra.

Affero secundò, datâ maximâ inclinatione, secundum quam radius à lucido infra horizontem existente diffusus, incidens in sphæram vaporosam, potest, per suum fractum ad perpendicularem, peruenire ad oculum spectatoris in horizonte, quo longius aliquod lucidum à Terra distet; tantò magis infra horizontem depressum posse incipere apparere.

Probatur assertio: quia datâ maximâ inclinatione radij, secundum quam lucidum Terræ proximius potest apparere, etiamsi verè sit infra horizontem constitutum, perueniendo ad oculum per suum radium sic fractum; si radius ille à puncto incidentiæ in sphæram vaporosam per tale lucidum proximius deductus, vterius, & vterius extendatur, deueniet ad situm eò magis inferiorem, quò remotior est circumferentia ad quam sic in directum extenditur; ergo si in tali situ, sic remotiore pariter, & depressiore, lucidum aliquod existeret, & per eandem directionem ad situm lucidi proximioris, & vterius ad signabile in sphæra vaporosa radium diffunderet, ille incideret secundum inclinationem, secundum quam incidens radius à lucido proximior per fractum sibi correspondentem ad oculum spectatoris in horizonte peruenire poterat, & apparere; Ergo etiam radius, à lucido tantò remotiore, & depressiore infra horizontem sic diffusus ad sphæram vaporosam, poterit per fractum

fractum sibi correspondentem ad oculum in horizonte positum peruenire, & apparentiam sui obiecti, tantò remotioris, & tantò depressioris infra horizontem excitare.

Affero tertio : Positis in eadem directione ad centrum, sed in diuersa remotione duobus Phænomenis, quorum radiationes incidunt in idem signabile Atmosphæræ, maiorem in illo pati refractionem, radios viciniore, quàm remotioris : absolutè tamen loquendo, cæteris paribus, maiorem pati differentiam loci veri, & visi per refractionem sui radij in Atmosphæra, Phænomenon à Terra remotius.

Prima pars probatur, quia ex radiis incidentibus in idem signabile densioris, plus refringitur, qui illi obliquius incidit ; sed sic incidit radius à viciniore, cum necessariò constituat maiorem angulum cum perpendiculari per tale signabile extensa : nam inter illam, & ipsum incidit quilibet alius ad idem signabile extensus à remotiore ; & sic quilibet angulus ab alio remotiore radio constitutus cum illa, est pars anguli constituti à radio dicti proximioris cum eadem, ac proinde necessariò minor illo.

Secunda pars probatur, quia extenso radio à remotiore in Atmosphæram, secundùm eandem directionem, qua extenditur à viciniore, iuxta dicta in probatione secundæ Assertionis, necessariò locus visus vtriusque esset in eadem directione, quia ad eandem extenderetur fractus vtriusque. At verò si à centro Terræ ducantur rectæ lineæ per dicta Phænomena, determinatiuè loci veri illorum, necessariò extensa per remotius positum in prædicta directione eadem radij incidentis, constitueret angulum in centro cum extensa per vicinius, & maiorem, quò illud in tali directione remotius est : ergo locus verus sic remotioris, magis distabit à loco viso, quàm locus verus sic viciniore, in eadem secum directione radij incidentis constituti.

Affero quarto : Ex maiore eleuatione apparenti astrorum supra horizontem per refractionem, non mutari apparenter vel diametros illorum, vel intertapedines inter illa, de-

signabiles in dextrum, & sinistrum; & consequenter quia huiusmodi videntur eleuationes ab horizonte, non apparere minores quàm de facto sint.

Assertio probatur; tum ex suprâ dictis Cap. 15. Sect. 1. & 2. occasione diametri latitudinis Solis per talem refractionem immutabilis; tum quia est mera deceptio putare extensionem inter astra iacentia in horizonte, aut ei parallela interceptam, in sua eleuatione apparente sequi directionem quadrantum verticalium, qui cum in Zenith vniantur, consequenter secundùm recessum ab horizonte, semper magis restringuntur; siquidem non variato per refractionem angulo, sub quo extrema lucida alicuius intercapedinis ad oculum veniunt, quantumuis latera illum continetia apparenter eleuentur, aut deprimantur, necessariò in eadem mensura apparebit eleuari, aut deprimi cum iis basis tali angulo opposita.

Asserto quintò: Tabulas certas refractionum in sphaera vaporosa constitui non posse, quæ vel integræ dici deseruiant; multò minùs posse confici, quæ variis regionibus, aut variis tempestatibus eiusdem Regionis corresponderent; nec posse exactè definiri Poli altitudinem, aut solstitiorum, aut æquinoctiorum; ac proinde quæ apud Astronomos his præcisissimis determinationibus nituntur, nisi aliunde firmentur, nutare.

Prima pars probatur ex magna refractionis variatione, passim notabili in diametro altitudinis Solis orientis, quæ in eadem regione, intra eandem anni tempestatem contingit; quid in tam variis tempestatibus, & locis Terræ, tam variè secundùm Terram, & Aquam dispositis; tam variè ad Solem situatis; dum pro multitudine, & qualitate vaporum; accessu, vel recessu Solis tanta existit in illis mutatio à densiore in rarius, & è contra?

Secunda pars ex probatione præcedentis patet.


Tertia similiter: cuius occasione aduertere placet, vel aliunde probandam, vel non esse certam eccentricitatem
motus

motus annui Solis, si inferatur ex apparenti mutatione in magnitudine illius, quæ nobis intuentibus videatur æstare minor, maior in hyeme; cùm in eadem die æstatis tanta sit mutatio apparens in disco Solis, nos infrà Cap. XVII. Sect. III. eam euincemus ex mutatione imaginis Solis, traiectæ per Telescopium in oppositum planum.

CAPITIS XVI. SECTIO III.

*De mutatione sitûs apparenti in iisdem
ex Parallaxi.*

Non exactam tractationem de Parallaxi instituturus, sed aliqua ad eius notitiam obiter delibaturus, iuxta exigentiam argumenti suprâ propositi, repono designationem in gratiam minùs exercitatorum, quam inspicere opportune possint ad concipiendos varios casus in assertio-



nibus indicatos, & in ea agnoscere lineas à centro A, per lucidum deductas, vt determinatiuas loci veri illius in vltima circumferentia, fixis assignata; deductas verò à variis signabilibus primæ circumferentiæ per idem lucidum, esse velut ab oculo spectatorum, in illud directo, extensas, & determinatiuas loci visi in eadem circumferentia fixis assignata.

Assero primò: Parallaxes ex obseruatione determinantes differentiam loci veri, & visi alicuius lucidi circa Ter-

ram moti, semper iusto minores accipi, quia lucidum apparet oculo cum mutatione situs, quæ ei aduenit per refractionem, semper transferentem apparentiam lucidi in contrariam positionem ei, ad quam inclinatur iuxta Parallaxis; ac proinde huiusmodi Parallaxes, inventas apud veteres Astronomos, non attendentes mutationem situs ex refractione, quæ in eorum Regionibus, à crassioribus vaporibus magis liberis, minor erat, augendas esse per additionem eius, quod illis detraxit refractionis, regionibus illorum proportionata; vniuersim tamen ex incertitudine quantitatis refractionis non posse præcisas parallaxes ex obseruatione determinari.

Assertio habet probationem inclusam, & constare potest ex suprâ constitutis.

Assertio secundò: Parallaxes non obseruatas, sed deductas, id est, determinantes merè ex hypothesi differentiam loci veri, & visi in altris, stante hypothesi, esse exactas, nec aliquid timeri posse ex refractione; ineptas tamen esse ad statuendum aliquid de distantia controuersa.

Assertio patet ex sola explicatione talis Parallaxis, pro qua, præsupposita distantia à Terra, & situ lucidi; à centro Terræ, & certo loco in horizonte designato extenduntur lineæ constituentes angulum in illo; & talis anguli quantitas ex Trigonometria determinatur: certum est autem huiusmodi lineas, nullâ attentâ varietate medij, à talibus extremis ad lucidum deductas, nulli refractioni esse subiectas; ac ex præsupposita distantia lucidi determinatas, illi determinandæ seruire non posse.

Assertio tertio Parallaxes ex obseruatione, apud Veteres paucissimas esse; posse autem capi in apparentibus etiam supra Lunam, sed notabiliter infra Solem; nisi spectentur secundum coniunctionem cum Sole corporalem; Parallaxes verò ex suppositione distantia, & situs, ad fixas usque stellas extendi.

Prima pars constat legentibus libros Astronomorum, qui

qui ex modo exponendi, & probandi satis indicant Parallaxes allatas, esse ex suppositione deductas, quales etiam videntur illæ, quas in Luna determinat Ptolemæus præter unam, quam habet lib. V. Almagesti, C. 13.

Secunda pars probatur, quia Parallaxis, quam ille in Luna perigæa admittit gr. 1. min. 44. tanta est, ut multò minor sit obseruabilis; etiam neglectis paucis minutis, qui, ex defectu instrumentorum, in tanta præcisione notari non possent; & sanè, ut paulò post euincemus, Venus tantùm descendit infra Solem, ut si eius motus exactè determinetur, Parallaxis in ea possit obseruari. Quid de Mercurio pariter, & Marte dicendum sit, constabit ex infra dicendis.

Tertia pars probatur, quia cùm Solis Parallaxis deducta, ex Ptol. lib. 5. Almagesti C. 17. ponatur deficere à tribus minutis, certum est talem, & aliquanto maiorem, non esse certò obseruabilem, ex defectu distinctionis sufficientis in instrumentis paruis, accessu difficultatis in tractandis maioribus, adiuncta incerta varietate in quantitate refractionis.

At verò in corporali coniunctione obiecti visi cum Sole, benè posset, respectu Disci solaris, obseruari Parallaxis, etiam si illud non ita notabiliter infra Solem existeret, ut distinctius constabit ex dicendis paulò post de maculis apparentibus in Sole.

Ultima pars faciliè constat, quia lineæ à centro Terræ, & determinato loco in horizonte, ad quamlibet stellam fixam deductæ, necessariò in ea constituunt angulum, & is, suppositâ distantia stellæ à Terra, est per Trigonometriam determinabilis.

Affero quartò: in lucidis de nouo apparentibus, in quibus non sit determinatum aliquid, ex quo locus verus in eis statui possit, & conferri cum loco viso, non esse obseruabilem, aut designabilem nisi differentiam inter plura loca visa, quæ proueniens à pluribus illa ex variis Terræ

partibus obseruantibus, mensuranda est angulo constituto in illis à lineis, ex oculis obseruatorum per illa deductis; & licet hic angulus possit aliquando importare differentiam Parallaxium, velut cum lucidum reperitur in circulo verticali inclinatum ad horizontes plurium obseruatorum, habentium differentiam inter se longitudinis ab Oriente in Occidentem, aut latitudinis à Septentrione in Austrum: aliquando tamen potest importare duplicem Parallaxem æqualem, sicut existente lucido æqualiter inter vtrumque verticem obseruatorum; vel Parallaxem cum nulla Parallaxi, vt existente lucido in vertice vnus ex obseruatoribus, longè à vertice alterius.

Hæc omnia constant solâ intelligentiâ terminorum, & inspectione Figuræ suprà positæ.

Affero quintò, Non sufficere ad constituendum lucidum supra Lunam, differentiam inter loca visa minorem Parallaxi lunari, quomodocumque inuentam à pluribus obseruatoribus; nisi cum lucidum est in vertice vnus ex obseruatoribus: nec maiorem Parallaxi lunari ad repouendum illud infra Lunam, nisi cum lucidum est extra spatium verticibus obseruatorum comprehensum.

Prima pars assertionis probatur, tum quia existente Phænomeno supra verticem vnus obseruatorum, locus illi visus est locus verus, ad quem pertingit linea à centro terræ per tale apparens deducta: quare differentia ab illo loci visi, ad quem peruenit linea, ab oculo alterius spectatoris per illud idem producta, est ipsamet presè dicta Parallaxis, quæ si sit minor in illo, quàm in Luna existente in proportionato situ respectu obseruatoris, necessariò ostendet, iuxta suprà constituta, tale Phænomenon esse supra Lunam remotius à Terra: tum quia Phænomeno existente inclinato, extra spatium verticibus obseruatorum comprehensum, potest differentia inter duo loca visa esse sola differentia inter Parallaxes, quæ potest esse minor Parallaxi lunari; esto tota Parallaxis talis Apparentis respectu obseruatoris,

servatoris, ad cuius horizontem illud inclinatur, sit notabilissimè maior lunari.

Secunda pars probatur, quia lucido inter vertices observatorum constituto, necessariò linea, ab alterutro per lucidum deducta versùs situm proximiorum vertici alterius, dirigetur; ergo si à Terræ centro inter utrumque observatorum per lucidum linea dirigatur, necessariò decursatæ lineæ observatoriæ in lucido talem lineam secabunt, & ab intersectione in oppositos situs dirigentur; ergo hinc inde ad locum verum duo loca visa designabunt. Atque ita angulus, à duabus lineis ab observatoribus in lucidum directis, in illo constitutus, duas necessariò Parallaxes comprehendet, quarum singulæ possunt esse minores Parallaxi lunari; licet angulus à duabus lineis observatorum constitutus, utramque Parallaxem comprehendens; sit maior angulo Parallaxi lunaris.

Affero sextò: eandem distantiam à pluribus visam Phænomeni ab eadem stella fixa non sufficere ad ostendendum, illud nullam pati notabilem Parallaxem; sufficere autem peculiariter posse, cum observatores situ notabiliter differunt sub eodem verticali per Fixam, & Phænomenon transeunte, & Phænomeno ad eandem positionis differentiam, respectu eorum inclinato.

Prima pars facillè patebit consideranti, quia si observatores sint, exempli gratiâ, perizæci cum differentia notabili longitudinis potest tempore observationis ad illos aliqua fixa ita se habere, ut ex illa ad loca ab eis visa æquales arcus extendantur; etiamsi Phænomenon magnam patiatur differentiam loci veri, & visi respectu cuiuslibet illorum.

Secunda pars similiter attendenti, quòd cum Phænomenon patiens multam Parallaxem, necessariò variam patiatur, pro varia inclinatione ad horizontem, maiorem pro maiori, minorem pro minori; consequenter respectu observatorum situ valde differentium sub eodem verticali per

per stellam fixam, & Phænomenon transeunte, Phænomenon multum variabit inclinationem ad sic varios horizontes illorum cæteris paribus: ac proinde multum etiam variabit Parallaxim respectu eorundem, hoc est, differentiam loci visi à vero; & ita differentiam etiam vnus loci visi ab alio loco viso; & singulis addatur quantitas eleuationis lucidi per refractionem, quæ varia est, pro varia inclinatione illius ad horizontem cuiusque obseruatorum; & cognosci aliquomodo potest ex eleuatione apparenti alterius fixæ in simili inclinatione ad proprium horizontem, cuius distantia vera ad aliam fixam, respectu illius similiter positam, aliunde nota sit.

Quare, si à sic constitutis, & debite obseruantibusprehendatur eadem distantia Phænomeni ab eadem stella fixa, modo dicto ad eos, & ad illud constituta, inferri poterit illud carere tali Parallaxi notabili.

Affero septimò: Si ab vno tantum obseruatore Phænomeni circa Terram voluti spatio circiter 24. horarum, illud spectetur cum prope horizontem, tum circa meridiem, pro eodem circuitu; & illius apparens dispositio compareretur ad duas fixas, cum quibus in vna recta linea continetur, vel eleuatum in meridiano, vel proximum, & cum illis velut parallelum horizonti, facile agnosci posse, an illud magnam, vel exiguam, & ferè nullam habeat Parallaxim; si tam ad meridianum, quàm ad horizontem cum illis compareretur.

Probatur assertio, quia si extenso filo, Phænomenon appareat in eadem directione cum duabus fixis in situ velut horizonti parallelo, & magnam patiatur Parallaxim, hæc necessario pro maiori, & maiori eleuatione supra horizontem minuetur, & consequenter amittet situm, quem ex loco viso magnopere differenti à vero, apparenter obtinebat in eadem cum dictis fixis directione prope horizontem, propter multum mutatam, & deficientem pro tali eleuatione differentiam loci visi à vero, saltem secundum.

dum eandem directionem; & sic circa meridianum à tali directione cum illis facilè notabitur aberrare. Si igitur talis directio cum illis, prope horizontem obseruata, circa meridiem non aduertatur mutata, signum est ipsum, saltem non magnam, subire Parallaxim.

Idem dic, si primò circa meridiem notetur in eadem linea non iacente, sed erectâ, cum duabus fixis apparere, & eandem reſtitutionem prorsus retineat cum illis ad horizontem inclinatis. Motus tamen prædictus Phænomeni debet ſufficienter eſſe notus. Vis probationis magis conſtabit ex iis, quæ explicabimus paulò poſt, cum de maculis ſine Parallaxi in Sole apparentibus, quarum formatio, & diſſolutio ita hoc tempore intra cælum exerceri cognoſcitur, vt Philoſophia, ad determinandam alterabilitatem cœleſtium, non debeat ampliùs de loco Cometarum eſſe ſolicita.

CAPITIS XVI. SECTIO IV.

Quomodo mutatâ diſtantiâ obiectorum, mutanda ſit diſtantiâ excipientis imaginem illorum, per reſractionem ex globoſo denſiori conſignandam, & magnitudo ipſius imaginis immutetur ex vi Tertiæ legis reſractionum.

Quæ hac occaſione, explicatis per eam experimentis, & ſolutis contra eam obiectis, ſtabilitur.

EX quo Telioſcopium cœpit eſſe in uſu, animaduertum eſt communi conſenſu, illud ad obiecta valdè

vicina distinctè internoscenda necessariò magis extendendum; ad remotiora, contrahendum esse. Orta inde controuersia inter peritiores, quorum aliqui censuerunt, huiusmodi mutationem extensionis illius inter terminos passuum circiter mille contineri, ultra quos, quæcumque existat in remotione obiectorum varietas, eadem illius extensio ad illa distinctè internoscenda æquè deseruiat. Alij verò, pro notabiliter varia vltèriùs, & vltèriùs remotione obiectorum, illud magis ad sic remotiora contrahendum, ad sic viciniora producendum constanter asseruerunt.

Experimenti communis veram causam afferendo, quid in prædicta controuersia sentiendum sit, aperiam.

Assero primò, Vniuersè, ex vi Tertiæ regulæ refractionum, ad imaginem obiectorum distinctè consignandam, per refractionem radiorum in globoso densiori, requiri maiorem distantiam excipientis, ab illo, quò obiectum vicinius est; minorem quò remotius: neque dari certum terminum consistentiæ, in quo, variatâ notabiliter remotione obiectorum, æquè benè talis imago illorum, per huiusmodi refractionem traiecta, consignetur.

Probatur assertio, quia cùm à signabili in obiecto deriuentur radiationes super totam superficiem conuexam densioris illi expositam, & illæ, ex eadem tertia regula, iterum per refractionem separatim ab aliis aliorum signabilium radiationibus concurrant, iuxta determinata Cap. XI V. Sect. I V. si designentur radiationes aliquomodo extremæ alias continentes, à signabili directè opposito in obiecto, certum est cohærenter ad 21. primi Elementorum illas, quò à tali signabili viciniori deducuntur ad extrema conuexitatis, talis densioris, maiorem angulum in tali signabili constituere, consequenter ad chordam, extensam ad extrema incidentiæ in tali superficie conuexa, velut ab basim minores angulos facere cum illa: quò verò à longius distante radiationes ad eadem extrema deducuntur,

tur, minorem angulum constituere ad tale signabile, & consequenter maiores angulos cum basi, iungente talia extrema. Extensis igitur perpendicularibus à centro talis conuexitatis per extrema incidentiæ, vt loco citato fecimus, in quibus extremis coincidunt dictæ extremæ radiationes, siue à signabili in obiecto viciniore, seu ab eodem in obiecto remotiori deducantur; euidens est, radiationes à viciniore deductas, vt constituentes minores angulos cum chorda, iungente extrema incidentiæ, necessariò constituere alternos maiores, cum perpendicularibus à centro per eadem extrema extensis; ac proinde, iuxta tertiam legem refractionum, sub maiori angulo cum iisdem, refractas vltius procedere; & sic necessariò in maiori distantia à conuexitate refringente concurrere, quàm concurrant prouenientes ab eodem signabili in obiecto remotiori, quæ constituentes maiores angulos cum chorda iungente extrema coincidentia, necessariò constituunt alternos minores cum iisdem perpendicularibus, & pariter, sub minori refractæ ad easdem, breuiori tractu concurrunt. Constat autem ex suprà dictis per tales concursus radiationum à singulis in aliquo signabilibus, per quos disponuntur extra radiationes, ab aliis signabilibus diffusas, fieri consignationem distinctam imaginis obiecti, quæ sufficienter per suas partes extra partes, respondeat dispositioni partium repræsentatarum in obiecto.

Assumpsi in probatione, facilitatis gratia, signabile directè oppositum conuexo refringenti, quia alia hinc indè disposita in obiecto, non diffundunt radiationes ad extrema dictæ conuexitatis secundum angulos æquales, sed vel augendo angulum secundum quem incidunt ad dexteram, minuunt illū secundum quem incidunt ad sinistram, vel è contra; quia tamen quantum vni decrescit, accrescit alteri, coincidentia ad eandem distantiam à refringente cum sufficienti proportionem disponitur, & hoc est ad institutum satis, quod exercitatus ex his sufficienter intelli-

get ; minùs peritus , minùs confundetur.

Probatio autem allata non solùm ostendit causam determinationis maioris distantiae , pro consignanda distinctè imagine vicinioris obiecti ; minoris verò , pro consignanda pariter imagine remotioris : sed etiam absolutè convincit ; non dari terminum certae distantiae obiecti à refringente , pro quo remotiorum , & ulterius remotiorum imagines sint æquè in opposito ibidem persistente consignandæ.

- Quod autem fucum facere potuit assignantibus huiusmodi terminum , est , quod in notabili proximitate , si fiat variatio notabilis in accessu , & recessu obiecti , & non fiat proportionata in accessu , & recessu excipientis imaginem à refringente , vel extensionis Tubi Optici , fit transitus ab imagine distincta ad notabiliter confusam : at verò in notabili distantia à refringente , etiamsi fiat multò maior variatio in accessu , vel recessu obiectorum , non aduertitur ita notabilis variatio imaginis de distincta in confusam , in excipiente pro eodem situ : hoc autem nihil obest nostrae determinationi ; sed evenit , tum quia in certa proximitate , per accessum , & recessum aliquomodo notabilem , variatur notabiliter quantitas angulorum incidentiæ , & consequenter variatur notabiliter determinatio refractionis , atque ita distantia , pro qua radij ab vno signabili provenientes debent convenire extra provenientes ab alijs , ad imaginem distinctè consignandam : in magna verò remotione , minùs , & minùs variatur per tales accessus , & recessus , immò per multò maiores , quantitas angulorum incidentiæ , & consequenter reliqua , vt mediocriter exercitato in geometricis facile constat ; tum quia adhibenti Tubum Opticum transpiciendo obiecta , illa exigentia mutationis in extensione , quam posset alia , & alia distantia remotiorum requirere , minùs aduertitur , supplente oculi conformatione , qua is modò se ad proximiora , modò ad remotiora distinctè consignanda accommodat , iuxta dicta Sect.

Sect. I. Concordant experimenta passim cum nostra assertionem traiectionis radiationibus per tubum ad planum aliquod oppositum.

Affero secundò : ex eadem regula refractionum , sequi, maiorem in excipiente consignari imaginem obiecti eiusdem cum proximius est globoso refringenti , minorem cum remotius est, cæteris paribus.

Probatur assertio, quia, iuxta talem regulam, radiationes à signabilibus in obiecto, hinc inde à medio eius ad extrema dispositis, dum illud proximius est globoso densiori refringenti, disponuntur ad coincidentiam, in maiori distantia ab inuicem ; in minori verò , dum remotius est ab illo : ex tali autem dispositione concursuum radiationum à signabilibus obiecti prouenientium, euidenter habetur imaginis obiecti dispositio per refractionem in medio densiori conuexo. Antecedens probatur, (constituto, facilioris explanationis gratiâ, obiecto in varia distantia, sed semper tali ut radiationes à signabilibus eius deductæ in superficiem refringentis, cadant inter perpendiculares à centro densioris ad conuexitatem deductas per puncta incidentiæ ; & in tali situ , ut linea perpendiculariter transeat per medium utriusque) si à signabili ad dexteram obiecti in situ proximiori existentis, deducatur radiatio ad extremum conuexitatis talis densioris, pariter ad dexteram, incidet illi secundum angulum cum perpendiculari à centro conuexitatis per punctum incidentiæ extensâ, minorem quolibet alio, sub quo incidet radiatio ad idem extremum ab eodem signabili in quolibet situ remotiore. E contra verò, si ab eodem signabili obiecti proximioris deducatur radiatio ad aliud extremum eiusdem conuexitatis ad sinistram, incidet illi secundum angulum cum perpendiculari à centro per tale extremum extensâ, maiorem quolibet alio, sub quo incidet radiatio ad idem extremum ab eodem signabili obiecti, in qualibet maiori distantia constituti, ut quilibet exercitatus in Geometricis statim agnoscit, minùs in illis peritus

designatione linearum ad eadem extrema lentis, conuexâ superficie terminatâ, ab eodem signabili in obiecto pro varia distantia consignato, aliquomodo percipiet.

Sed radiatio incidens extremo conuexitatis ad dextram, sub minori angulo habet correspondentem refractam, constituentem pariter minorem angulum, cum perpendiculari, angulo, constituto à quolibet alio fracto, qui ab eodem extremo incidentiæ correspondeat cuilibet alij incidenti ad idem extremum ab eodem signabili, in quocumque situ remotiore posito; quare ille, per refractionem huiusmodi maximè approximatus perpendiculari, maximè dirigetur cum illa, à tali extremo digrediens versùs sinistram præ omnibus aliis fractis, qui ab eodem extremo accedant ad eandem perpendicularem, correspondentes incidentibus ab eodem signabili obiecti in aliis maioribus distantis constituti.

E contra, radiatio ab eodem signabili obiecti in situ proximo incidens opposito extremo in conuexitate lentis ad sinistram sub maiore angulo, vt diximus, habet correspondentem fractum, constituentem pariter maiorem angulum cum perpendiculari, à centro conuexitatis ad tale extremum deducta, præ quolibet alio angulo, constituto cum eadem à quolibet alio, fracto alterius incidentis in idem extremum ab eodem signabili obiecti, pro qualibet alia distantia maiori collocati: ac proinde prædictus fractus, præ omnibus aliis huiusmodi fractis, à tali extremo conuexitatis sinistro digrediens, minùs dirigetur in dextram; & consequenter longiùs à medio, sinistram versùs, occurret illi alius fractus, qui, vt ostendimus, ab alio extremo conuexitatis sub minore angulo cum perpendiculari maximè dirigebatur in sinistram.

Idem modus probationis ostendit radiationes à signabilis ad sinistram in obiecto proximiori deductas ad extrema opposita conuexitatis diaphani densioris, longiùs à medio concurrere dextram versùs, præ omnibus aliis, quæ ab eodem

dem:

dem signabili obiecti, in quolibet situ remotiori constituti, per idem extremum conuexitatis cum proportionata fractione extensa, concurrant pariter ad dextram.

Applicatus igitur hic modus probationis signabilibus obiecti, ut dixi initio probationis, constituti ad dextram, & sinistram in illo dispositis, conuincit radiationum, ab illis super conuexitatem medij densioris deductarum, & fractarum per illud, concursus in maiori amplitudine spatij disponi, quantò tale obiectum est proximius refringenti, in minori verò quantò est remotius ab illo; quod erat ostendendum. Et sic eiusdem obiecti imaginem per eandem lentem medij crassioris conuexa superficie terminatam, quò illi proximius est, cæteris paribus, consignari maiorem, minorem verò quò remotius. Hujc doctrinæ experimenta conformia.

Affero tertio, Tertiã regulam refractionum à me propositam, experimentis conformem, & experimentorum causas continentem, esse vniuersalem, nec repugnare pronuntiato in Optica communiter admissò; quod radius incidens cum maiori inclinatione supra superficiem refringentis, maiorem patiatur refractionem.

Afferio partim ex suprà dictis constat, partim constabit ex solutione duarum difficultatum, quæ contra dictam regulam, ut à me suprà proposita est, afferri possunt.

Prima est, quod regula de angulis refractionum, in proportionem respondentibus incidentiarum angulis; ita ut radius incidens sub maiori angulo cum perpendiculari extensa per signabile incidentiæ, habeat correspondentem fractum sub maiori cum eadem; incidens sub minori fractum, sub minori, non probetur vniuersaliter procedere in omni: sed probatio restringatur ad radium incidentem, designatum per extensionem in directum alicuius refracti, comparando illum ad incidentem, cuius erat ille refractus, & ostendendo tali incidenti, sic designato in medio rariori sub minori angulo cum perpendiculari; in progressu intra densius

densius correspondere fractum sub minori angulo cum eadem; designato verò, modo dicto, in medio densiori sub maiori angulo cum perpendiculari, in progressu intra rarius, correspondere fractum sub maiori angulo cum eadem.

Posse autem euenire ex peculiari eleuatione, quam habet incidens, sic designatus per extensionem in directum fracti alterius incidentis, supra tale aliud incidens; vt ille postulet talem maiorem accessum sui fracti ad perpendicularem, & è contra.

Soluitur difficultas, & ostenditur vniuersalitas regulæ ex eo, quòd, cum iuxta assumptum in probatione, dicta incidens possit designari per extensionem in directum fracti, vel magis, & magis; vel minus, & minus deuiantis à directione incidentis, cui correspondeat vt fractus; nulla est tam magna, vel tam modica eleuatio vnius incidentis supra alium, cui non possit applicari nostra probatio, ad ostendendum pro tali differentia maiori, vel minori, in inclinatione supra superficiem refringentem vnius incidentis præ alio, in idem signabile incidentiæ coincidente, semper ad incidentiam sub maiori angulo cum perpendiculari, sequi refractionem sub maiori, ad incidentiam sub minori, refractionem sub minori. Atque ita tam regulam, quàm probationem esse de omni, quantum ad intentum.

Secunda difficultas est ex pronuntiato communi consensu experimentorum, & expertorum in Opticis firmato; quòd radius magis inclinatus supra superficiem refringentem, maiorem patiatur refractionem in progressu intra medium refringens: videtur enim ex illo sequi oppositum regulæ assignatæ: quia habere maiorem inclinationem supra dictam superficiem, est incidere sub maiori angulo cum perpendiculari; & maiorem habere refractionem, est fractum correspondentem magis accedere ad perpendicularem, & ita minorem cum illa angulum constituere.

Sed hæc difficultas soluitur, institutâ ritè comparatione; nam minor angulus cum perpendiculari, per maiorem fractionem

tionem magis inclinati radij in incidentia, debet comparari ad angulum, qui fieret cum eadem perpendiculari ab incidente, si extenderetur in directum sine fractione; ita ut sit sensus, quod per fractionem angulus, qui constituitur à correspondente fracto cum dicta perpendiculari, quando incidentis inclinatio maior est, plus deficiat ab amplitudine anguli, qui fieret cum perpendiculari eadem, ab incidente recta progrediente; quàm deficiat quoties inclinatio incidentis est minor.

Non verò comparari debet immediatè cum fracto alterius, in idem punctum cum minori inclinatione incidentis, tanquam minor illo; hoc enim secundum est falsum, & oppositum allatæ regulæ: Primum autem verum est, sed cum illa consistit; quod sic ostenditur.

Ponamus omnes radios quantumvis variè coincidentes in idem signabile densioris, progrediendo intra illud proportionaliter refringi, & in refractione detrahi vnâ tertiam partem ex singulis angulis, quos radij sic variè incidentes in idem signabile constituunt cum perpendiculari, extensa per illud; necessariò sequitur tertiam partem, quæ detrahatur à maiori angulo, quem cum dicta perpendiculari constituit radius, incidens cum maiori inclinatione, esse maiorem tertiâ, quæ detrahatur à minori, constituto cum eadem, à radio cum minori inclinatione incidente; & nihilominus duas tertias, quæ remanent post refractionem angulo, quem cum dicta perpendiculari facit radius, intrâ densius productus, post incidentiam cum maiori inclinatione, esse maiorem duabus tertiis, quæ remanent proportionaliter post refractionem angulo, quem cum eadem perpendiculari constituit radius, productus intra densius post incidentiam cum minori inclinatione in illud.

Nullæ igitur sunt difficultates propositæ, & tertia regula refractionum, connexa duabus prioribus, conformatur experimentis, & eorum causam reddit, quod etiam in sequentibus videbimus.

CAPVT XVII.

De iis, quæ ex constitutis apparentiis determinanda sunt in cælestibus, iuxta leges, propagationibus repræsentatiuum assignatas.

Asumptam scribendi formam hoc capite immutatam inter legendum agnosces; causam quæ me impulit, & terminos sequenti Tractationi præscripsit, in fine Capituli leges. Vide argumenta contra nouas Apparentias, & vsum Telescopij in cælestibus apud Scipionem Claramontium in Defensione librorum Antitychonis, & de Tribus nouis Stellis, Italicè scripta, & in opere de Vniuerso, lib. 8. & 9.

SECTIO I.

Quatenus fidendum sit Telioscopio in constituendis Apparentiis.

Plures ex iis, qui ex priorum libris, & discursibus intra illorum paginas arctatis, philosophantur, nouas per Telioscopij vsum constitutas in cælestibus apparentias, velut præstigias, auersantur: dandum aliquid dolori, quo tanguntur, dum commenta, quibus discipulorum aures, & librorum paginas impleuerunt, miserè collapsa vident, & tamen adorant; ne cogantur, ex tot annorum Magisterio, fieri Discipuli, & abicectis, quæ multo labore conquistata congesserant, ab aliorum industria emendicare. Passim inelamant, perscribunt vitrorum vitia, & in iis refractiones, reflexionesque radiorum oculis illudere: sed horum

diſſeruiſ

dicteriis omiſſis, ad illos ſtylum conuertamus, quorum eruditione, licet aduerſariâ, inſtrui poſſumus, & diſſoluamus ea, quæ contra conſtituta Telioſcopij uſu, multis multorum, & accuratiſſimis obſervationibus, obiciunt, ab in-
experientiâ profecta; ut admirationi futurum ſit, quomodo eruditi alioqui, & accurati ſcriptores ea chartis comiſerint, niſi veritatis ſemper victricis, ſed ab iis minùs agnitæ, expugnatione attentata eos excuſet.

Interim ſciſcitari ab iis libet: quomodo vitris ex maſſa paſſim magis vitiata, peiùs figurata, minùs polita, in ſuis perſpiciliis incluíſis, ipſi paſſim fidant in minutoribus, implicationibùſque diſcernendis, quorum ope multorum annorum interiectu à ſe conſcripta, & ab aliis conſignata chartis, tam ſecurè, & fidenter perlegunt, ut ſe, & alios ex eorum præſcripto inſtruant? Quid ſi quis à vitrorum deceptionibus timens diceret, non eſſe chartis conſignata, quæ ſe in illis videre arbitrantur; & eos, ubi ad ſenium de-
uenerint, perſpiciliorum uſu corruptos, ſe, & alios legendo, ſcribendo paſſim decipere; & illi reſponderent, iteratis à ſe, & ab aliis experimentis conſtare ſufficienter de fidelitate repræſentationis per vitra conſpiciliorum: exponant eoſdem libros Tubo optico in conuenienti diſtancia, & ſimilibus experimentis, de illorum repræſentationis fidelitate ipſis conſtabit, ſicut aliis in huiuſmodi experimentis exercitatiſſimis conſtitit: At Tubum opticum aiunt, in repræſentanda magnitudine obiectorum paſſim decipere, repræſentando tanto maiora. Ita ſanè, ſed conſpicilia ſenium nonne maiores characteres, iuuenum, minores repræſentant? Nec propterea quæ per illa leguntur deceptoria purantur; niſi eſſent qui tantam præciſe magnitudinem in obiecto viſo, quanta præciſe per illa repræſentatur, aſſerent; aliis inconſultis, quæ de veritate rei nos inſtruere poſſunt.

Immo cum variæ in variis hominibus oculorum conformationes ſint, ut quibus aliqui conſpiciliis additis melius

discernunt, alij prorsus confundantur; & in eodem homine, ex suprà dictis, variè figuretur oculus intra se, pro notabiliter varia obiectorum distantia; quomodo fidimus oculis res naturales in voluminibus Mundi propositas spectantibus, & aliorum commentationes chartis consignatas?

Dices: reiectam esse passim nouam Academiam, quæ timens à deceptione sensuum, sententiam semper suspendebat, cuius malam philosophandi formam coactus abiicit illius præceptor, dum conquestus de discipulis ob spoliatum cellarium, audiuit ab illis, omnia in illo extare sicut antè, ipsum verò à sensibus deceptum putare sublata. Quare admittendum esse dari aliqua, quæ ope sensuum, dirigente intellectu, certificari possunt; in aliis verò, de quibus minùs certa notitia haberi potest, sapientes non præcipitare sententiam.

Idem existima factum in vsu Telioscopij ab innumeris in illo exercitatissimis, & veteris Philosophiæ hypothesium benè peritis, qui non animo novos errores inuehendi, sed inueniendæ veritatis, oculorum, & ingenij aciem intenderunt; & non contenti prioribus experimentis, eadem Atlantico labore retentarunt, & adhibitis melioris Astronomiæ, & Opticæ regulis examinarunt: & vt de me ipso fatear, plusquam triginta annorum spatio oculos nocturno, & diurno Telioscopij vsu fatigavi, vsus vitris ab optimis totâ Europâ artificibus præparatis, quibus vltimam manum adhibuit EVSTACHIVS DIVINI Septempedanus, cuius eximiam peritiam experiri, post tot aliorum conatus, ipsi Supremi Principes exoptarunt, & cum admiratione experti cohonestarunt.

Meus autem labor potissimum eò directus, vt dum alij motuum mensuras notarent, ipse ea, quæ ad constitutionem, & dispositionem in se corporum cælestium faciunt, attentius aduerterem; an aliquid profecerim ex iis, quæ iussus exhibeo in hac Philosophia Optica, coniecturam facies.

Quod

Quod ad propositum in hac Sectione, præter dicta,

Assero primò : persistentibus iisdem in Tubo lentibus, & eâdem extensione Tubi, nec variatâ notabiliter dispositione medij, variatas notabiliter apparentias variationi obiecti iure tribuendas, si præsertim constiterint eidem spectatori accurato, sæpius, & conformiter aliis in eandem curam intendentibus : quod si de constantia obiecti aliunde certi simus, non verò medij, & eius variata dispositio, ex legibus propagationis radiationum allatis, redundare potest in apparentiam, iure assignandas esse mutuatae propagationi radiationum ex varia medij dispositione.

Constabit assertio consideranti, primò agi hîc de Agentibus necessariis, quæ virtuti suæ sic determinatæ, & certis in passo correspondentibus dispositionibus, non possunt effectum nunc vno, nunc alio modo assignare. Secundò in constituendis apparentiis peritum obseruatorem non fuisse contentum lentibus, nisi longo vsu, & ad plura obiecta, de quorum constitutione ipsi aliundè constaret, approbatis; & quidem in omnem partem situ illorum commutato in excipiendis radiationibus : vt non solum eorum exterior politura æquabilitatem, sed interior medulla sufficienter detegeret homogeneitatem, cui si quod vitium inesset, detectum veritati nocere non posset.

Tertiò, publicatâ aliquâ nouâ apparentiâ, passim cœpisse à pluribus in variis Prouinciis in idem obiectum Telioscopia dirigi cum magna auiditate contradicendi, nisi veritas bene perspecta cogeret assentiri, idque continuatis plurium annorum obseruationibus.

Assero secundò, Mutationes apparentiarum, quæ in eodem obiecto certum ordinem seruant, & sæpius recurrunt, consentientibus passim obseruationibus à pluribus variis locis, variis Telioscopiis vtentibus, etiam retenta ab vnoquoque suarum lentium dispositione eadem, & extensione Tubi, non posse vllò colore probabilitatis, vel in vitia vitrorum, vel oculorum, vel alterationes medij referri.

sed necessario mutationibus in obiecto realiter existentibus tribuendas.

Probatur prima pars, quia dispositiones vitrorum, vel eadem perseverant, vel vitiatæ ad pristinum non redeunt, nec aliquam casu alicubi passæ vicissitudinem, certum in ea ordinem servare possunt ubique..

Secunda pars, quia vitia oculorum in pluribus, regione præsertim notabiliter diffitis, non conveniunt; atque eorum depulsiones, aut recursus, & incertæ in his omnibus dispositiones, certum ordinem servare nequeunt.

Tertia, quia alterationes mediij in variis regionibus modo, & tempore discrepant, nec eodem ordine, eodem loco recurrunt.

Assero tertio defectum illustrationis in apparentia, certo ordine recurrentem, certo tempore perseverantem, etiam cum medium certo cognoscitur, omni carere impedimento, eiusdem Telioscopij convolutis quomodocumque lentibus, radiationibus ad secundam, modo extremam, modo mediam deductis, variis, in variis regionibus, quomodocumque diffitis, adhibitis Telioscopiis, aliarum partium illustrium, & circumpositorum lucidorum radiationibus, circumquaque per illud diffusis, non solum ad vnum, sed plures à variis locis observatores; necessario inferre mutationem illustrationis, aut impedimenti illius in ipso obiecto illustri.

Videtur constare ex terminis.

Assero quarto: Astronomiam valde mancā in determinanda varietate distantiarum eiusdem Planetæ à Terra, dispositione Planetarum inter se, quantitate Eclipsium, qualitate illustrationum, dispositione luminarium inter se, & moribus illorum propriis, accessu observationum per Telioscopium insigniter fuisse adiutam.

Assertio constabit ex iis, quæ ex apparentiis per Telioscopium firmiter constitutis convincemus, contra communes dispositiones, vel stabiliemus. ultra priorum probationes.

de constitutione Solis, & Lunæ; de motu Mercurij, & Veneris circa Solem; planetarum Mediceorum circa Iouem; de descensu Martis infra Solem; de conuolutione corporis solaris, liberatione lunaris, &c. vltèriùs constabit consideranti imperfectionem ocularis determinationis in quantitate Eclipsium, ex dissensione meliorum Astronomorum inter se de ea, & facilitatem præcisæ determinationis illius, ex constitutis, & certis terminis consignatis Lunæ partibus, ope Telioscopij. Denique ex dicendis de illustratione reliquorum Planetarum à Sole, per observationes Telioscopio constitutas.

At, inquires, omnia ista corruere, quia Telescopium ex se, & præcipuè in Cælestibus fallax demonstratum est; sed Demonstrationes euanescent ex dicendis Sect. seq. & 6.

CAPITIS XVII. SECT. II.

Satisfit argumentis, quibus obiectum est, ex constitutione intrinseca Telescopij observationes esse fallaces.

MUltum debemus eruditioni, & candori oppugnantis vsum Telescopij ad determinandas hypothesas cælestes, tanquam fallacis prorsus instrumenti: proposuit enim multa, ex quorum solutione veritas magis explicari, & stabiliri potest: is igitur in defensione Antitychonis, & libri de tribus Nouis Stellis à se conscripti, Italico idiomate edita, multis contendit Telescopium in representatione obiectorum fallax esse, Parte 2. c. 15. ex quibus infert c. 16. ei, qui velit apparentias cælestium per illud exceptas, ratas haberi, necessariò ostendendum esse à nulla aberrationum, quibus illud obnoxium est, huiusmodi viciatas esse. Quare, cum ex vna parte assumi nequeat, quasi vniuersaliter verum,

rum, quidquid per Telescopium repræsentatur; ex alia parte non possit talis propositio vniuersalis restringi ad apparentias cælestium, sine manifesta petitione principij; cum hoc ipsum sit, quod controuertitur; an fallaci de se instrumento obseruata in cælestibus pro certis habenda sint; manifestè sequitur nihil ex vsu Telescopij constitui posse de dispositione cælestium.

Ad determinandam ergo cælestium constitutionem per apparentias ope Telescopij, examinanda sunt accuratiùs, quæ fallaciam inducere possunt in vsu illius, & quomodo sufficienter cautum sit ab illis, ostendendum. Illa autem ex dictis ab ipso ad finem dicti Capituli 15. sunt, primò refractionis in genere, quæ necessario interuenit in Telescopio. Secundò, Applicatio axium oculorum ad prospectandum ex illo. Tertio, incertitudo figuræ regularis in vitris. Quartò, incertitudo homogeneitatis in diaphaneitate. Quintò, refractionis quadruplicata in ingressu duorum vitrorum ab aëre, & egressu à duobus vitris ad aërem. Redactis in vnum primo, & quinto; & similiter tertio, & quarto; Tribus, rem hanc totam, propositis difficultatibus; & solutis, absoluemus.

P R I M A D I F F I C U L T A S in vsu Telescopij:

An, & quomodo Refractio, quæ in illo necessariò interuenit, reddere possit suspectas Apparentias cælestium, ope illius constitutas.

Certum est totum Telescopij artificium consistere in procuratis, ope vitrorum aptè figuratorum, certis refractionibus radiorum, quibus repræsentatiua visibilium deferuntur, vt nos etiam suo loco pluribus ostendemus; & præterea per refractiones multa aliter apparere disposita, quàm verè sint. Proponit oppugnator Alhazenum inter primos

primos Opticæ magistros, qui lib. 7. c. 7. consentiente Vitellione lib. 10. propos. 10. attributis Refractioni fallaciis, quæ per Reflexionem eueniunt videnti, sic infert: *In his ergo, quæ comprehenduntur refractè ultra corpora diaphana, apparent propter refractionem fallacia, quæ non accidunt in iis, quæ videntur rectè, scilicet diuersitas positionis, & distantia, & debilitas lucis, & coloris.* Tum verò addit: *Præterea accidunt illis ista, quæ accidunt iis, quæ rectè videntur: forma enim eorum, quæ comprehenduntur refractè, comprehenduntur in oppositione visus, & in rectitudine linearum radialium: quidquid ergo accidit iis, quæ videntur in rectitudine linearum radialium, accidit istis; & in lib. 3. declarauimus, omnes illas fallacias, & causas earum, quæ sunt etiam cause istarum, sed in his accidit magis, & citius propter debilitatem formarum.* Fallaciarum ergo sentina est Visio per Refractionem; siquidem in illam confluunt etiam fallaciæ, quæ occurrunt in visione directâ, & quidem citius, & prius propter debilitationem repræsentatiuorum, quæ fit in Refractione.

Hæc Oppugnator: quæ licet primâ facie ad solutionem videantur huc aduocare magnam Opticæ partem, vt de veritate solidè statuatur: spero tamen me breuitati consulturum, & allaturum ea, quibus prudenti rerum æstimatori fiat satis. Moneo interim mei instituti non esse authorum verba inter se conferre, aut interpretari, cum experientis, & rationibus à natura petitis veritates opticas susceperim stabiliendas: nec eruditissimi viri argumenta hîc retulissem distinctè soluenda, nisi me necessitas constituendæ celestes apparentias in gratiam Physicæ, & Astronomiæ studiosorum, coëgisset, vt in fine Capitis explicabo.

Assero primò: in Refractione, quæ interuenit in Telescopio quæ est similis ei, quæ naturæ artifex in oculo instituit, vitari posse sufficienter fallaciam in positionis differentia, & singulas obiecti partes distinctè internosci; atque ex Refractione tam in oculo, quàm in Telescopio non solum non debilitari species visibiles, sed confortari.

Ad intelligentiam huius assertionis, & probationem re-

cogita superius dicta de fine Refractionis Cap. 10. & 11
Sect. 2.

Prima pars assertionis explicatur, & probatur. In cornea, & humore crystallino fit necessariò refraction, per quam radiationes deferentes representatiua obiectorum deueniunt ad fundum oculi, vbi consignant imagines obiectorum in Retina, iuxta cuius impressionem, vt infra probabimus, determinatur immediatè potentia ad visionem: sed neque in illis, neque in vitris Telescopij fit refraction radij physicè perpendicularis, iuxta cuius directionem determinatur apparentia sitûs obiecti, quæ semper congruit cum vero situ, dummodò illa ad ipsum directè conuertantur; at si obliquentur ad obiectum tam superior pars Telescopij, & vitrum illi inclusum consequenter, quàm oculus, vt fit urgente illum digito, apparentia obiecti, quæ semper sequitur directionem axis, iuxta causam suo loco afferendam, mutat differentiam sitûs à vero.

Et sicut ex receptione repræsentatiuorum cum refractione in organo visûs, sequitur aliqua in imaginis impressæ partibus diductio, vel confusio, quæ impedit magis distinctam apprehensionem obiecti; vt propterea ad legendas litteras, & colligenda minuta, sensim ad singularem axem conuertamus; ita ad distinctius consignandas in oculo, vel plano excipiente imagines minorum partium obiecti, ad eas dirigimus medium Telescopij, & radiationes talis partis distinctius exprimendæ consignatiuas traducimus ad medium vitri inferioris, per quod, sine refractione notabili, axis physicus dirigatur in planum. Dixi sufficienter, ob arcanum in vsu Telescopij, suo loco promendum.

Secunda Pars probatur, quia ex vna parte ab Authore naturæ refraction in oculo tam multiplex ordinata est ad confortandas species visibilibus, vt pluribus secundum designabilitatem radiationibus imago talis signabilis in obiecto imprimeretur fortius in Retina; dum à quolibet signabili

gnabili visibilis, debitè prostantis, diffunduntur in Corneam radiationes, quæ per refractionem in illa, & vltiorem ex illa in humorem aqueum; tum ex aqueo in crystallinum tantò densiorem, & ex crystallino, hinc inde figurâ globosâ terminato, in vitreum; & per vitreum in Retinam, ad correspondens signabile in imagine consignandum, conueniunt.

Ex alia parte vitrum, in superiori parte Telescopij patens, globosâ superficie necessariò terminatum, quantò plus radiorum in sua maiori expansione recipit, à quolibet signabili obiecti in illam totam diffusorum, quàm recipiat paruitas corneæ oculi; tantò plures per refractionem in se, & per aërem in vitrum inferius, & ex illo rursus per aërem, ordinatè collectos disponit ad coincidentiam sensibilem, iuxta quam tantò fortius consignatur in integra imagine obiecti totius, signabile illi correspondens.

Agnosco hanc probationem fundari in doctrina, quæ alibi ex professo tradenda est, de ordinatione repræsentatiuorum intra oculum ex vi figuræ, & talis constitutionis humorum oculi de se; tum ex vi Telescopij, tam intra oculum, quàm in plano illi debitè opposito. Nihilominus, quantum ad rem præsentem, satis constat ex eo, quòd cum posita multiplici refractione ex varia conditione mediorum, per quæ radiationes transeunt, fiat talis consignatio partium imaginis extra partes, secundum quam distinguimus etiam minores, & minores partes in obiecto; non possunt radiationes à certo, pro tali situ, distinguibili prouenientes supra totam expansionem primi vitri, vel corneæ, non vniri certo situ, extra alias prouenientes ab aliis distinguibilibus in retina, vel plano opposito; alioquin non fieret impressio repræsentatiui vnus extra repræsentatiuum alterius, iuxta cuius determinationem vnum inter noscitur ab alio. Consequenter constat ibi, vbi debet fieri impressio determinans repræsentationem visibilium, speciem eorum per refractionem nō debilitari, sed confortari.

Assero secundò : multiplices refractiones, quæ ex figura, & varia densitate partium oculi, necessariò interueniunt, in transmittendis radiationibus ad immediatum organum visûs; similiter ex figura partialium vitrorum Telescopij, & diuersitate vitrorum ab aëre ambiente, nullo modo esse ad multiplicandas plures imagines eiusdem visibilis; sed ad eas ordinandas, pro consignandâ vnâ fortiore, & magis distinctâ imagine illius, & consequenter pro exhibenda vnica magis distincta, & viuida apparentia illius.

Prima pars assertionis est euidens in connaturali modo visionis; in quo, positâ tali constitutione partium oculi, non solum quadruplicantur, sed vtroque oculo debitè applicato, vt minimum semper octuplicantur refractiones, & tamen vnicum nobis apparet obiectum, quod in se vnum est.

Similiter in traiectione radiationum per Telescopium, conuenienter extensum, in oppositum planum, vel ad oculum prospectantis, licèt quatuor interueniant vt minimum refractiones, nunquam obiecti (de cuius vnitates constat) multiplicata est apparentia; immò quia duobus vitris conuexis instructo Telescopio, habetur simul, & semel obiecti mediocris, vel multarum partium grandioris representatio, sed inuersa; si debitè addatur tertium conuexum, multiplicatis adhuc refractionibus, vna vnus obtinetur apparentia, & in situ conformis obiecto. Confirmabitur ratione adducenda pro prima parte assertionis tertie.

Secunda pars, positâ primâ, & suprâ dictis, satis patet, & pro ea cuius, minus in his exercitato, est experimentum in promptu: aperto foramine in ligno, quo cæteroque benè occludatur fenestra, ne aliundè pateat radiationibus ingressus in cubiculum, si obiecta prostantia sint illustrata, & planum album sit expositum foramini, consignantur in illo obiectorum imagines, sed confusè, & m-
nùs

nus viuidè, nulla in tali traiectione radiationum existente refractione: sed si opposito ad foramen vitro, quo fenestrentes vtuntur in conspiciis, interueniat necessariò gemina refractione ab aëre intra vitrum, & à vitro per aërem, statim imagines multò distinctiores, & fortiores existunt.

Dices: Vt quid ergo per Telescopia, præsertim longiora, licet in illis maior pateat extensio vitri superioris, in quam totam diffunduntur radiationes à signabili quolibet illustrantis, obiecta spectantur luce, & colore dilutiora, quàm libero oculo, supra cuius corneam tantò minorem, radiationes tantò pauciores ab iisdem diffunduntur? si enim, per superius dicta, refractione in vitris vnit radiationes superficiiei primi incidentes, ad imprimendam fortius imaginem signabilis, à quo diffunduntur, & iuxta conditionem impressionis fit apprehensio, deberent lux, & color per huiusmodi Telescopia visa apparenter saturari, non extenuari, vt de facto experimur.

Luctati sunt cum hoc nodo alij; sed nemo soluit: aliquis arctius strinxit, putans ista duo simul pugnare, quorum tamen vtrumque certum est simul perfici. Ad claram & completam solutionem recole, quod non semel supra diximus, expansionem repræsentatiuorum æquiuale re-missioni; & densationem eorum, intensioni, & vtramque non à medio, sed à propria conditione propagationis radiationum pendere. Et re vera cum per densationem radiationum, multæ partes imaginis in tam modico spatio constituentur; vt in illo non sint physicè internoscibiles; nec per illas correspondentes sufficienter distinguantur tales partes repræsentatæ in obiecto, quæ sic confunduntur in vnum, apprehenduntur in eodem subiecti existere, quod est proprium in rigore partium intensiōis; ac proinde quoties dilatatur imago, & consequenter apparentia obiecti, vt fit per Telescopia longiora, sicut magis notabiliter discernuntur partes ab inuicem, quæ sub minore termino confundebantur; ita apparenter acquirunt extremita-

tem ab inuicem, & pro eodem spatij internoscibilis, remanent in apparentia pauciores, quomodo ordinariè nobis repræsentatur remissio, seu dilutio qualitaturn visibilium.

Hoc autem totum cognoscitur euenire posse, sicut de facto euenit, etiamsi plures radij à quolibet signabili in facie obiecti propositi diffundantur supra maiorem expansionem superficiei patentis, in primo vitro Telescopij, & per refractiones ita conuergant sic plures, vt concurrant ad consignandum signabile, quod illi correspondet in imagine.

Atque ita dum singulorum pro tali distantia internoscibilium repræsentatiua fortius in imagine consignantur, per maiorem expansionem partium extra partes, tota imago apparenter diluitur. Sic etiam oculo libero, à longè paries illustratus insigni albedine videtur splendere, dum sub minori, & minori termino conspicitur, qui oculo propius accedente, dum sub maiori, & maiori extensione repræsentatur, videtur quasi remissius albescere.

Asserto tertio: ex inspectione per crassiora diaphana, sphericâ, vel cylindricâ superficie terminata, inter oculum, & obiectum interposita, obiecti apparentias non geminari: sed oculo aliquomodo inter ipsa, & obiectum disposito, duplicem quidem apparentiam existere, ex vâ duplicis reflexionis; licet in exhibenda reflexione ex caua crusta illorum, interueniat refractione in progressu radiationum intra illa, & egressu ab illis ad aërem.

Prima pars huius assertionis claris experimentis pariter constat ista versantibus, & versatis in istis, quibus ratio euidens adstipulatur: cum enim in ingressu, & egressu, respectu similium, radiationes hinc inde necessario conuergant; licet quæ incidunt versùs medium illorum minùs refringantur, vt minùs obliquè incidentes, quàm quæ magis ad latera cum obliquiore incidentia, & consequenter maiori refractione: nihilominus hæc varietas refractionis non potest parere, nisi aliquam confusionem in imagi-

ne impressa; dum alix, incidentes versus medium, in maiori distantia à crassiore conuexo coincidunt; alix magis ad latera incidentes, coincidunt in minori, vt sic coincidentia aliquarum perturbetur ab existente, pro eodem spatio, aliorum dispersione (quam confusionem suo loco ostendimus tolli à refractione in secundo vitro, debite appposito ad alterum extremum Telescopij) sed dum dispersæ radiationes comprehendunt intra se coincidentes, impossibile est, imagines integras vnâ extra aliam consignari. Aliquid tale, ex eadem ratione, euenire ad summum potest in vitro superiori Telescopij, ex vna parte solum, siue vtrinque sit superficie aliquomodo conuexa terminatum.

Secunda pars pariter constat clavis experimentis, quibus ratio adstipulatur, cum enim, ex sæpius supradictis, huiusmodi crassiora diaphana duplicem possint exhibere reflexionem; primam, occurrente superficie immediatè exposita obiecto, radiorum nullomodo per ipsa diffusorum; alteram, ex altera crusta, ad quam perueniunt radij per ipsa diffusi; necessariò illa sine vlla refractione peruenit ad oculum, ista cum geminâ, ab aëre in vitrum, & à vitro per aërem, si oculus sit aliquomodo ad latera, extra directionem inter illustrans, & tale illustratum, constitutus.

SECUNDA DIFFICULTAS in vsu Telescopij:

An, & quomodo applicatio vtriusque axis oculorum, per illud possit eiusdem obiecti apparentias multiplicare.

Qui fallacias opponit Telescopio, proponit deceptionem contingentem in visione directâ, cuius meminit Alhazenus lib. 3. propos. 12. Descriptam Tabellam quadratam diuidit per duas lineas se interfecantes, & ad media latera opposita pertingentes; tum duabus diametris;

tris; & ad medium lateris, propius ad oculos admouendi, cavitatem format, intra quam immitti possit nasus prospectantis: qui sic accedens, si oculorum obtutum dirigat ad punctum medium intersectionis dictarum linearum, præter tale punctum, & lineam mediam, quæ ad illud hinc indè extenditur cum suis extremis, omnia appareant ipsi geminata. Opinor voluit per hæc eludere Iouis assclas, ac si per meram fallaciam multiplicarentur in apparentiâ.

Mallem, ut contentus opposuisse Telescopio generalem suspicionem fallaciarum, quibus obnoxia est visio directa, omisisset ista, quæ mouent suspicionem, ab ipso minus accuratè Telescopium, quod tantopere insectatur, adhibitum, alioqui statimagnouisset nullam adesse cavitatem, cui nasus immittatur, dum vnico ad excipiendam radiationem oculo admoto, altero quantumuis clauso, apparentiæ per Telescopium obtinentur. Nec geminatio obiectorum in apparentia tanti est, ut Alhazenum, & designationem figuræ desideraret, cum eam passim pueri experiantur, quibus ad extremitatem sui digiti, oculis propius admoti, obtusus defigentibus, prostantia obiecta geminantur; defigentibus verò ad obiectum longius prostant, geminatur digitus, cui euentui cum aliis pluribus satisfaciens ratio, quam suo loco infra afferemus, ex modo naturali videndi, pro determinanda generaliter apparentia situs obiectorum; hinc tamen sine illa satisfieri potest opugnatori.

Affero primò: Telescopio ad peculiaria obiecta, etiam cælestia, directo, nullam per eius vitra fieri intersectionem axium oculorum, per quam transpecta per ipsum obiecta multiplicentur in apparentia; dum altero oculo clauso, & vnico ad Telescopium aperto, omnes apparentiæ cælestium habeantur, nulla potest ex hoc capite, vel leuissima suspicio fallaciæ in obseruationes, per ipsum captas, induci.

Tota conclusio, suppositis communibus experimentis
in

in usu Telescopij, & ratione intersectionis axium oculorum, evidens est: vnus enim oculi vnicus axis per Telescopium traictus, nihil potest afferre intersectionis axium oculorum per Telescopium, & consequenter nullam suspitionis fallaciæ in apparentia multiplicationis, quæ ex duorum axibus oculorum, & eorum intersectione oriatur.

Affero secundò: quòd etiam si fieret intersectio axium oculorum per Telescopium, & ex ea posset fieri multiplicatio apparens obiectorum; non posset tamen superesse leuis suspicio contra veram existentiam quatuor Planetarum circum-Iouialium, qui Telescopio detecti, nullo modo oculo libero videri possunt.

Ratio evidens est, quia multiplex apparentia eiusdem obiecti, per idem instrumentum exhibita, non potest in singulis inter se diuersas & à vero obiecto, ordinatissimasque periodos obtinere, quibus certis, & recurrentibus temporibus, inter se, & cum illo, simulque respectu aspicientis, situs, & distantias mutant; vt euenit in Planetis circa Iquem volutis, inter se, & cum illo, & ad nos comparatis; vt mihi euidenter constitit, nullius notæ inter tot accuratissimos, & peritissimos obseruatores, inter quos nouissimè Heuclius illorum obseruationes à se factas exhibuit in additis ad Selenographiam.

TERTIA DIFFICULTAS

in usu Telescopij ad cœlestia directi:

An, & quomodo ex incertitudine Figura Regularis, & homogeneitatis in transparentia vitrorum illius, possint obseruationes reddi incertæ.

EX vna parte figura vitrorum variè perueriti, & illorum transparentia nebulis, & bullis vitari potest, & inde insigniter obiectorum apparentia, & multipliciter vitari; vt passim videre est transpiciendo per vitra munien-

dis fenestris communiter adhiberi solita , quamvis apparen-
ter plana : vt prima facie de maximis rebus in Astrono-
mia , & Physica sententiam ferre , ex obseruationibus per
vitra prospiciendo captatis , videatur prorsus inconsultum.

Ex alia parte , obseruationes ferè obtinentur per instru-
menta ab artificibus elaborata , de quorum accurata prorsus
industria , in figuris , mensuris , materiæ electione , ab-
solutè loquendo , potest esse aliqua suspicio ; ac proindè , ni-
si peritus obseruator possit in his sufficienter certus reddi ,
nihil certum in obseruationibus , & ex illis constitui poterit.

Adde , quod mensura refractionis in Atmosphæra , vitra
quam omnia cælestia cogimur obseruare , non solum non
est cerò definita , vt in vitro : sed inter dies eosdem , eodem
etiam loco variabilis , quod non euenit in vitro ; non ta-
men propterea omnis obseruatio per Atmosphæram cap-
tata , debet esse suspecta.

Assero : faciliè notari , & præcaueri posse fallacias , quæ
notabiliter ex irregularitate figuræ , aut diaphaneitatis re-
quisitæ in vitris , redundarent in obseruationes ; & vbi de
minutioribus certificari non possumus , ratione instrumen-
torum , quibus in obseruando vtimur , cauendum esse ab
affirmationibus illorum , & consequentiis deducendis ex
illis.

Prima pars probatur quotidianis experimentis in explo-
randis instrumentis , quæ ad obseruationes præparata
sunt , & in particulari Telescopiis ad obiecta plura , & qui-
dem minutiora illustra , & illustrata , pro varia distantia
constituta , de quorum vera constitutione aliundè possumus
certificari , an concordet apparentia per illa , inferen-
do ex constanti conformatione apparentiæ per illa cum
vera obiectorum constitutione in illis non esse eas irregu-
laritates figuræ , vel conditionis alterius in illis requisitæ ,
quæ si adessent , necessariò notabiliter redundarent in ap-
parentias difformando illas ab obiectis.

Confirmatur , quia elaboratio vitrorum , quibus fenest-
centes

centes videntur in conspiciis, quamvis in suo genere accurata, inepta est ad vitra, quæ in superiori parte Telescopij constituuntur; & si vitrum huiusmodi adhibeatur, conformationem obiecti prorsus confusè exhibet, nisi totum penè occultetur, exiguo foramine ad medium patente; quale exiguum, è regione pupillæ in conspicio constitutum, servit ad aliquam accelerationem convergentiæ specierum, dum reliquæ partes vitri, ob inæqualitatem configurationis non convenientes cum media, satis à scelerotide non transparente prohibentur, ne, aliter transmittentes radiationes, confundant representationem obiectorum in oculo.

Bullæ verò notabiles, & aliquâ nebulâ interpositâ in massa vitri, in vitro superiori existentes, non multum nocent; quia esto, impediunt aliquam diffusionem radiorum, remanent pro quolibet signabili in obiecto, tanto maiores partes, aptæ ad transmissionem representatiui illius, in tanto maiori extensione vitri, iuvantes omnes ad configuandam partem imaginis illi correspondentem in imagine integra: quodlibet enim signabile obiecti radiat supra totam faciem expositam dicti vitri; ac proinde non maculatur imago integra ab illis, nec defectus ab illis agnoscitur, nisi imago transmissa per tale vitrum comparetur, cæteris paribus, cum transmissa per vitrum immune; apparet enim ipsa dilutio.

At vero in vitro inferiori existentes, notabiliter nocent & agnoscitur defectus in imagine propter illas; quia representativum determinati signabilis in obiecto, non radiat supra totum vitrum inferius; sed colligitur vi refractionis sibi propriæ, factæ in vitro superiori, ad determinatam partem vitri inferioris. Quare quod colligitur ad talem partem vitiatam in illo, est representativum ita determinatè correspondens talibus partibus obiecti, ut vitiatum in illa non habeat restaurativum suæ virtutis representatiuæ, per alias partes eiusdem vitri transmissum.

Diligens tamen observator advertens defectum illustrationis in talibus partibus determinatis, comparatione reliquarum, vel tale vitrum in magis sincerum mutatum; vel ipsummet intra cavitatem Telescopij rotatū, exponit sinceras partes illius transmittendis radiationibus partium, quæ antè minùs distinctè internoscebantur in imagine.

Secunda pars assertionis probatur, quia aliud est, ex observationibus enuntiare aliquid, quod ex ipsis medioeri solertia factis, semper, & ubique deprehenditur; aliud, devenire ad determinationes magis præcisas, quæ acriorem solertiam, exactiora instrumenta requirunt. In primis tutò procedimus, dum communes, variis instrumentis, locis diffitis, consentientes apparentias sequimur; quia minora errata illas non turbant, maiora communiter facile cauentur; nec possunt constantem apud tam varios, variis instrumentis, locis situ diuersis, observatores habere determinationem, ubi causæ, quæ concurrunt, ex determinatione suæ constitutionis effectum determinant, & determinatio ex fortuito defectu non potest non esse fortuita.

In secundis exquisitiora instrumenta, per exactiora experimenta comprobata; iteratæ sæpiùs, attentius invicem comparatæ observationes, examini acriori subiectæ, & multipliciter tentatæ, requiruntur, ex quibus postea ad vteriores, & magis præcisas condiciones in obiectis, ut loco, ita cognitione à nobis tam longè diffitis, deveniatur. Vide in Rosa Vrsina pro determinandis revolutionibus corporis solaris in se, in annuam, & quasi mensuam resolvablem, secundum cuius determinationem motus apparentes in disco Solis ordinantur: pro congregatione, & dissipatione, alteratione, & transmutatione in substantiam igneam, materię macularum Solis, quàm multa, quàm varia, quàm exactè perscrutanda, corrigenda, supplenda in instrumentis, in modo observandi, observationum examine: vide in Selenographia pro assignandis progressibus, & terminis librationis Lunaris, & aliis aspectuum
Lunarium

Lunarium in illuminatione præcisionibus, quanto studio, labore, acumine, constantia fuit in suis operibus excutienda natura, ars examinanda, supplenda. Sed nihil tam exactè determinatum in similibus habet præcedens Astronomia, qualia, Telescopio aucta, consecuta est posterior. Sed nisi ex parte experiaris, satis nunquam assequeris. Sanè mirum, quòd minus exercitati in his, sibi virgam censoriam assumant, & pro libito quidquid eorum constitutis opinionibus minùs consonat, proscribant, contenti per communia, & extranea ferre iudicium minùs æquum, ut distinctiùs constabit ex dicendis.

CAPITIS XVII. SECTIO III.

*Ex apparentiis ope Telioscopij ritè constitutis
conuincitur Solem, & Lunam mutare suas
distantias à Terra.*

A Sfero primò: experimentis iteratis à quocumque, in quacumque Regione, adhibito à singulis proprio Telioscopio, cum eadem semper extensione illius, & distantia ab excipiente radiationes ab illo transmissas; Solis, & Lunæ imagines, pro integro cursu menstruo huius, & annuo illius, notabilem, sed ordinatam semper subire mutationem, ita ut à minore fiat transitus ad maiorem, & in certo termino maioritatis factâ consistentiâ, sequatur deinceps decrementum, donec pariter in certo termino paruitatis recurat incrementum illius, huiusmodi vicissitudinibus certâ periodo continenter repetitis.

Assertio est facti; illius attestationem multis antè annis ritè exhibuit P. Christophorus Scheinerus in sua Rosa Ursina, cuius coloris, & odoris suauitatem nulla tempestas, nulla ætas imminuet; quin semper oculis non lip-

pientibus, & emunctis naribus sapiat. Eiusdem confirmationem à me quoque, multorum in hoc experimentorum genere exercitatorum oculo, & iudicio comprobaram excipe, si placet; gratissimum feceris si ipse pariter velis experiri; & quidem in Sole sufficienter mutationem hanc ordinatam deprehendes, si ad initium ingressus illius in singula signa, radios ab illo, modo dicto, per Telioscopium transmissos excipies, notata diligenter extensione Tubi, & distantia plani excipientis.

Assero secundò: in dicta mutatione magnitudinis in imagine luminarium, modo dicto, transmissa per Telioscopium, & excepta, notabilem pariter aduerti mutationem in præcisione terminationis, & distinctione consignationis partium: ita ut apparente imagine in termino suæ paruitatis benè præcisa, & in suis partibus distincta, in progressu ad terminum magnitudinis, ambitus sui præcisionem amittat, & partes velut nebula infuscatas, & in sui maioriatae confusas exhibeat: è contra verò, si præcisa in ambitu, & in partibus benè distincta appareat pro termino magnitudinis, eam obtundi, & aliquomodo confundi, deveniendo ad terminum paruitatis: nec aliam esse viam servuandi convenientem præcisionem, & distinctionem, nisi mutando extensionem Tubi, per quam secunda lens sensim removeatur ab ea, quæ prima radios excipit, dum à termino paruitatis fit transitus ad terminum magnitudinis; admoveatur verò sensim ad illam, quando fit transitus à termino magnitudinis ad terminum paruitatis.

Assertio pariter est facti, eadem viâ contestati, & experimentis in posterum quantumvis retentandis expositi, cuius veritas adhibitis Telioscopiis mediocri longitudinis 5. vel 6. palmorum, facillè, minùs etiam in his exercitato, se prodet: In Luna exactè conciliandæ sunt tenebræ circa planum excipiens, ut non nisi radiis Telioscopio transmissis illustretur, & aëris intermediij captanda serenitas: In Sole verò faciliùs succedet, si in eo maiores maculae

maculæ appareant, quæ mirè variant præcisionem, & obtusionem in suis extremitatibus intra faciem Solis, dum circumferentiæ illustrationis totius sit proportionalis mutatio, iuxta dicta.

Assero tertio, his experimentis conuinci, distantias Solis, & Lunæ à Terra notabiliter mutari; & huiusmodi luminaria ex incremento imaginis, pro eadem distantia excipientis radiationes illorum à Telescopio, & maiori extensione Tubi requisita ad præcisè, & distinctè consignandam maiorem illorum imaginem, ostendi ad Terram accedere: ex minoratione vero imaginis pro eadem distantia excipientis radiationes à Telescopio; & minori extensione huius, ad imaginem præcisam illorum distinctè consignandam, ostendi à Terra remoueri.

Assertio probatur, tum ex constitutis Sect. vltima Cap. præcedentis, tum ex stabilitis de experimentis hoc capite Sect. 1. & hac, in assertionibus præmissis, pro quorum confirmatione placet aduertere; dum luminaria supra horizontem eadem die, vel nocte mouentur, nullam illorum inclinationem ad horizontem, nullam eleuationem ab illo, requirere vllam mutationem in extensione Telescopij: sed eam, quæ illis in vno loco talis arcus deseruit, sufficienter pro quocumque alio in illo deseruire; quia esto, situs tantopere varietur, pro tam modico tempore, non fit mutatio accessûs, vel recessûs ad Terram tanta, quæ sensibilem in extensione illius mutationem requirat: vt pariter euenit in Sole per integrum mensem circa Tropicos consistente.

Similiter nullam facere mutationem in diametro latitudinis in imagine secundum dextrum, & sinistram designabili: sed solum diminutionem in diametro altitudinis, prope horizontem, restituendo imaginem ad rotunditatem, per eleuationem ad meridiana, iuxta dicta Cap. 15. Sect. 1. & 2.

CAPITIS XVII. SECTIO IV.

De mutatione illustrationis apparente in Marte, Venere, & Mercurio; & quomodo ex ea inferatur, hos Planetas non semper supra Solem moueri; & cælestium motus in spheris solidis non posse ordinari.

IN his proprias obseruationes certis Temporum notis, certis terminationibus illustrationum consignatas apponere potuisssem, si seruasssem; sed non tantum ea æstimauī, ut futurum aliquando existimarem, quod aliquid ex illis prodiret in lucem: quare spectasse contentus ad agnitionem veritatis, quæ videram, amicis verbo tenus communicauī, ut eos auerterem à morosa, & veræ Philosophiæ inimica concertatione, pro Cælorum duritie, & incorruptibilitate, cum dispendio temporis, & veritatis: nunc senior, sed minus instructus, iussus sum scribere ab iis, qui non omnino inutilia fore absentibus censuerunt aliqua ex iis, quæ verbo tenus audierant præsentibus.

Luīt autem in obseruando, quod sub initium spectandi per Teliopscopium cælestia, à viro clarissimo commodatum accepi illud ipsum, quo Io. Antonius Maginus vsus fuerat, cui vir sapientissimus, pro certa obiectorum spectandorum varietate, plures crassiores chartas, lenti superiori apponendas, addiderat; variis in iis foraminum mensuris rite dispositis, inter quas illa, quæ Veneri, Mercurio & fixis adscripta erat, vix extremum minimi digiti admittebat, quā vsus sum postea cum insigni fructu, ad impediendas huiusmodi stellarum apparentiæ circumpositas radiationes, quibus eorum figuræ adulterantur, ut alibi ex professo ostendam;

ostendam; & Solis imaginem transmittendam in chartam, ex qua eius partium dispositio, & ordinata conuersio spectaretur.

Ad propositum igitur Sectioni adscriptum sincerè proferam quæ adueriti, & eò confidentiùs, quò exercitatissimos in his testes habeo, inter quos Heuclius, de re Astronomica optimè meritis, non solum testimonia, sed Figuras apparentiarum determinatas Temporum notis, & illustrationum mensuris, suæ Selenographiæ opportuniſſimè addidit.

Aſſero primò: bis, vt minimum, spectatum à me Martem iuxta quadraturam cum Sole, quando apparebat valde exiguus, & apparuisse orbe illustri planè rotundo; bis circa eandem configurationem, quando valdè maior videbatur, & apparuisse velut lumine dimidiatum. Sæpiùs Mercurium, & Venerem, in dextram, & sinistram à Sole paululum digressos, orbe illustri rotundo, sed multò minores quàm in maxima digressionè; necnon illustratione non solum amphicytta, & dichotoma, sed valdè corniculata; at in apparentia multò maiores; dum ad Solem iterum apparenter accederent.

Aſſertio est facti, in quo si vel minimam suspensionem fallentiæ aduerterem, non reticerem. Interim te, amice Lector, prouoco spectatorem, bono, & longiore Telioscopio instructum, cuius lens superior ad obtinendam figuram apparentiarum benè præcisam, iuxta dicta, maxima ex parte contacta sit, modico ad medium aperto foramine; quod si non nemo aduertisset, & inuentâ exactâ determinatione extensionis Tubi, huiusmodi stellas semper prospexisset, de conformatione illarum, ludicra, & portentosa non edidisset. Non tamen propter eorum deceptiones, qui nouas apparentias euulgare gestiunt, vt videantur ultra meliores prospexisse, detrahatur ritè expensis, & vsu multo comprobatis à sapientioribus, cum illorum fallaciæ in ipso exortu detectæ, & compressæ fuerint.

Dices : post publicatas huiusmodi apparentias de Mercurio, & Venere in particulari, multò antè ab aliis, virum in Physicis, & Astronomicis benè peritum, demonstratione Astronomicâ, & Opticâ ostendisse, Venerem non posse dimidiatam, neque amphicyrtam vnquam apparere sive manifesta fallacia, & impostura : atque ex hoc conclusisse, Telioscopium iure merito suspectum in cælestibus habendum esse, cuius apparentiæ redarguantur demonstrationibus astronomicis, & opticis, quæ geometricâ firmitate potiuntur, ac certitudine.

Demonstratio est : quia talis non potest Venus apparere, cum supra Solem est, vt nos ipsi fatemur, neque cum infra Solem ; quia tunc solùm dimidiata lumine appareret, cum quarta parte circuli, hoc est, gr. 90. à Sole recessisset ; amphicyrta, cum abesset plus quàm per gr. 90. ex iisdem principiis, quibus ista demonstrantur de Luna : at Venus ad summum 47. gr. vel (vt Ptol. lib. 10. cap. 3.) gr. 48. circiter à Sole recedit : non igitur Venus potest esse dimidiata, multò minùs amphicyrta, adeoque nec sine impostura, & fallacia apparere talis.

Respondeo : ex hac demonstratione, & similibus, de quibus Sect. seq. agnosci posse quàm facile sit, inconsultâ naturâ, scriptorio calamo metientem Philosophiam aberrare, & quæ alioqui bona sunt, extra rem malè applicare.

Adesdum : Luna non potest apparere dichotoma nisi per 90. gradus in suo cælo elongetur à coniunctione cum Sole : Ita sit. Quid si constituto in Sole centro circuli motus Veneris, ipsa quoque per quadrantem illius distans à coniunctione cum Sole dichotoma appareret, sed ille quadrans non nisi ad 47. gradus illius circuli, in quo Sol, & Luna intelliguntur circa Terram moueri, perueniret ? Quid si quadrans minoris circuli, in quo intelligitur moueri Mercurius circa Solem, tantò paucioribus gradibus illius circuli intelligeretur correspondere ?

Quid si vterque amphicyrti euaderent, dum eadem
semidiametro

semidiametro sui circuli à Sole distantes, ex situ supra Solem eleuatione, tantò paucioribus gradibus circuli motùs Solis, & Lunæ circa Terram apparenter corresponderent? Quid si motus horum planetarum circa Solem notabiliter excentricus, centro supra Solem constituto, fiant illustratione dimidiati; dum tantò minùs quadrante sui circuli à Solis coniunctione recesserunt, & amphicyrti antequam ad quadrantem peruenerint?

Sed quid huic tam apertæ deceptioni refutandæ immoror? ad lumen lucernæ tibi oppositæ globulum ligneum, ascensu, & descensu, vel æqualiter, vel inæqualiter temperato ita circumducere poteris, vt apparentias, quas in dictis Planetis spectamus, exhibeas cuilibet imperito; sicque fallaciam pseudographiæ, pro demonstratione contra veras apparentias, & bonum Telioscopij vsum allatæ, ob oculos ponas.

Affero secundò: ex dictis apparentiis in Marte, Venere, & Mercurio ritè constitutis, euidenter sequi, hos Planetas lumine Solis illustratos instar Lunæ splendere, & Mercurium, & Venerem circa Solem volutos, aliquomodo cum Sole per Zodiacum sui motùs centro progredi: Vniuersè autem Splem, Martem, Venerem, & Mercurium non habere spatia suis motibus exercendis ita inuicem separata, vt in sphæris solidis exerceri possint.

Prima pars probatur: quia cum pro varia ad Solem collocatione, modò plenè illustres, modò cum defectu illustrationis in facie, quam nobis obuertunt, appareant, conuincuntur proportionaliter vt Luna, lumine à Sole recepto splendere; quod si vt proprium possiderent, nobis necessariò illud constanter exhiberent.

Secunda pars probatur, tum quia sumum motum apparentem hinc inde ad Solem ordinatum exhibent, atque ad illius cursum in Zodiaco ordinatè promouent; tum quia dum videntur proximè Soli illustranti, plenum orbem illustratum nobis exhibere non possent, vt de facto

aliquando exhibent, nisi supra Solem constituerentur; & rursus eidem proximi illustratione corniculatâ spectari non possent, ut de facto aliquando spectantur, nisi interdum etiam inter nos, & Solem illustrantem constituerentur: ergo per suum motum, quo hinc inde ad Solem situantur, modò supra, modò infra Solem, sic per Zodiacum pergentem, ordinatè disponuntur.

Confirmatur ex correspondenti prorsus decremento apparentis magnitudinis, dum supra Solem constituuntur ad plenam illustrationem exhibendam; & proportionato incremento eiusdem, dum infra eundem constituuntur ad varias corniculationum apparentias exhibendas.

Tertia pars probatur: tum quia Venus, & Mercurius, dum iuxta dicta in probatione secundæ partis, modò supra, modò infra Solem suis motibus constituuntur, nullo modo possunt in Cælis solidis, extra sphæras solidas, motibus Solis deputatas, ad eos exercendos ordinari; siquidem eas descendendo infra ipsum, & rursus supra idem ascendendo dissiparent: tum quia si hi duo Planetæ dicerentur posse per suos excentricos, & epicyclos in eodem totali cælo cū Sole quoquo modo ordinari; nihilominus ex una parte Mars per suum motum à coniunctione ad oppositionem cum Sole toto cælo distantem perueniens, nullo modo potest in eadem totali sphæra cum Sole, & duobus prædictis ordinari; ex alia parte per suum motum descendens, ut minimum eò usque, vnde possit, ex tali situatione sua ad Solem, perigæus, & in aspectu quadrato illustrationem suam velut dimidiam exhibere, & magnitudinem multò maiorem; ascendens verò eò usque, vnde possit, ex alia sui ad Solem situatione, apogæus, & ad coniunctionem accedens, illustrationem suam orbe pleno, sed magnitudine multò minore præferre; necessariò sphæras motibus Solis destinatas, atque adeò Mercurij, & Veneris circa Solem periodos inuoluentes, dissiparet.

CAPITIS XVII. SECTIO V.

De Ioue, & Saturno, eorumque affeclis.

Apparentiæ de Ioue, & Saturno, affeclisque minori-
bus. Planetis, à pluribus, & melioribus obseruatori-
bus multorum annorum labore constitutæ, non solum in
dubium reuocantur, sed ludificationi oculorum per vitra
Telioscopij prospectantium, tribuuntur, dum reflexioni-
bus, vel refractionibus radios variè dispersos eiusdem lu-
cidi, velut multiplicata lucida apprehendunt.

Argumentum contra illas, pro restituendis veteribus
hypothesibus iam collapsis, sumunt à varietate sententia-
rum de illis, ab ipsis per Telioscopium spectatoribus edi-
tarum. Adde confirmationem argumento, ex additis aliis
septem planetis eidem Ioui, qui postea à peritiorum obser-
uationibus inter stellas fixas reiecti sunt.

Denique concludunt, non posse non esse ludibria ocu-
lorum, qui cum sint tantò minores multis fixis, nihilomi-
nùs apparent sub vesperam directo in Iouem Telioscopio,
antequam discernantur ab oculo stellæ primæ magnitudi-
nis. His, & similibus non obstantibus,

Affero primò, à nullo Philosopho volenti conuenienter
experiri, vel attendere tot annorum experimenta ab exer-
citis, & sibi, in quibus non conuincuntur, mutuò con-
tradicentibus, toties communi consensu iterata, posse non
admitti quatuor Planetas Iouis affeclas, aut negari quod
lumine Solis illustrante fiant nobis spectabiles.

Prima pars euidenter constat ex illorum situ circa Iouem
per certas cuique illorum periodos variè ordinato, & statis
diebus recurrente, constitutis Tabulis, non minùs de illo-
rum motibus, quàm de motibus Planetarum oculo libero
animaduersorum ab antiqua Astronomia; vt inter alios

n. ouissimè Heuclius in additis ad Selenographiam. Melioribus, si placet, adiunge me nullius. notæ, sed non incuriosum cælestium spectatorem, qui vitris proximè ad oculum modò conuexis, modò cauis, iisque nunc maiorum, nunc minorum sphærarum portionibus adhibitis; nunc per interpositas eiusdem noctis horas, nunc solùm per succedentes noctes, easque modò continuatas, modò interruptas, motuum in illis tam variè dispositorum, & tam ordinatè recurrentium testis accedo.

Confirmatur ex solutione instantiarum, quarum prima probaret admissa, nec cælos, nec vllas in iis stellas dari; siquidem plurima in illis sententiarum varietati subiecta sunt. Verùm nemo sapienter reiicit, quæ de illis constanter à melioribus asserta sunt, esto in aliis de iisdem sibi mutuo repugnent; si præsertim à posterioribus obseruata consentiant. Disputatum quidem de præcisa determinatione situs, & periodo motuum ab obseruatoribus cælestium per Telioscopium; at non de existentia, & vario hinc inde ad Iouem motu aliquomodo ordinato, & recurrente. Qui verò quatuor communiter admissis, alios adiecit, passim reiectus, & eius positio obseruationibus ad id multiplicatis, & expositis rite proscripita.

Secunda instantia vim facit, quod per Telioscopium in cælestibus minora spectentur, dum liberum oculum prospectantem latent, quæ sunt illis maiora. Facient quando volent hoc idem experimentum in inferioribus, spectatis numeris horarum per Telioscopium in horologio, dum liber oculus ad Turrim directus, nec integrum videt horologium, & pudebit ex hoc negare, tales numerorum notas ibi consignatas haberi.

Secunda pars probatur, quia præter Scheinerum, qui in suis Disquisitionibus Mathematicis cum probatione edidit Planetas circum-Iouiales in vmbra Iouis eclipsari, omnes accurati obseruatores, etiam qui apud eum scrutati sunt, quod vellicarent, communiter admiserunt; quod
autem

autem ex interpositione corporis lumen Solis impediens, in medio alioqui libero latet, necessariò illustratione à Sole recepta aliàs spectabile fit, dum apparet; alioqui nec eâ impeditâ semper occultaretur, si aliundè habita esset illustratione spectabile; nec eâ restitutâ, sic appareret, si ex ea talis apparentia non proueniret.

Assero secundo, Iouem spectatum Telioscopio longiorè ritè elaborato, non solum apparere multò maiorem, quàm appareat visus oculo libero: sed etiam cum certa insigniorum partium dispositione; ita ut facies eius apparens duabus zonis intercurrentibus in tres partes distribuatur, duas extremas, & mediam intra zonas extensam: ipsæ verò zonæ processu temporis ita mutant apparentiam, ut ostendant stellam ipsam lumine à Sole recepto splendere, & indicent aliquam ipsius librationem, per quam aliquæ partes hemisphærij latentis in conspectum veniant, dum aliæ apparentis, ex opposito constitutæ, occultantur.

Tota assertio experimentis pluribus, ab accuratis observatoribus captis, nititur, posteriorum similiter attendentium calculis stabilienda, ad quos prouocamus veritate subnixi.

Prima pars assertionis admonet eos, qui vsum Telioscopij in cœlestibus fallaciæ arguunt, quod Iouem secundum apparentiam non augeat supra id, quod spectatur oculo libero: id enim ad summum euenire potest in Telioscopiis breuioribus, in quibus pariter euenit inspiciendo lucida inferiora, v.g. flammæ lucernarum noctu, ut euidentibus constat experimentis: dum enim aliquomodo ipsis detrahunt circumfusam radiationem, qua augetur lucidi apparentia, & eius quæcumque figura in rotundum cum illa confunditur; ex vna parte minuunt apparentiam illius; ex alia parte ipsius lucidi corporis non ita dilatant imaginem aliquomodo præcisam, ut per eam solam ipsum videri possit notabiliter maius, quàm oculo libero spectaretur, velut vnum obiectum cum tota circumfusa radiatione, de qua

qua ex professo paulò pòst agemus.

Telioscopio verò longiore , tantò magis augente imaginem præcisam obiecti , inspecta huiusmodi lucida , siue inferiora , siue superiora , multò maiora apparere possunt quàm videantur oculo libero. Certè meo 23. Palmorum Romanorum , instructo proximè ad oculum , lente valdè acuta , Iouem sæpiùs vidi , instar Lunæ plenæ in meridiano eleuatæ , & oculo libero spectatæ.

Secunda pars ab obseruationibus eorum proximè confirmata est , qui Telioscopio ad 34. Palmos Romanos extenso accuratissimè Iouem spectarunt : spectatæ enim sunt sæpiùs , & constanter duæ fasciæ , per stellam Iouis extensæ , modo dicto colore notabiliter minùs albo , præ reliquo corpore illius ; postea tractu temporis vna sensim magis , & magis albescens , penè reliquo corpori concolor , ægrè distingui potuit. Animaduersa est etiam mutatio in curuatione aliqua apparente in illis , dum ad colorem fuscum magis vergerent.

Ex his autem colligitur , pro variò ad Solem situ illustrationem partium eius inæqualium variari , ac proindè illam non esse ipsis constanter ingenitam ; sed à Sole haberi ; quâ proindè facies eius à Sole auersa dum destituitur , circumuolutos planetas non illustrat , sed in umbra ex impedita Solis illustratione destituit eclipsatos , vt suprà diximus : pro variata verò in fasciis curuatura benè infertur , faciem eius ad vnâ positionem minui , & in eadem proportionè crescere ad oppositam ; dum illæ reliquo corpori stellæ confertæ apparent , & talem subeuntes mutationem indicant aliquid simile librationi , primò in corpore solari , postea in lunari apertissimè deprehensæ ; sed hæc vt magis stabiliantur , & certis terminis consignentur , egent accuratioribus obseruationibus , per longiora Telioscopia , continuatis.

Affero tertio : Saturnum multorum annorum spatio figura passim oblonga , & in oppositione ad Solem , notabi-

liter

liter maiorem apparuisse, in apparentiæ medio visum esse album illustre tumidum, aliquomodo ad rotunditatem vergens, accedentibus hinc indè ad illud duabus velut nigris notis, quas album illustre, totam apparentiam ad apices terminans ita includit, vt ad apices illius multò sit crassius, vbi verò eas notas complectendo ad medium extenditur, gracilescat.

Assertio est facti, in quo à multis iam annis conueniunt accuratiores ex variis Prouinciis obseruatores longioribus Telioscopiis instructi.

Scio à prioribus vulgatum, tres à se stellas in loco Saturni spectatas, media multò maiori, quæ simul mutantes in cœlo situm, à fixis apertè distinguerentur, & Saturni, duobus planetis minoribus stipati, apparentiam exhiberent, qui postea, illis à tali situ motis spectatus sit figurâ rotundâ. Verùm 35. vt minimum anni sunt, quibus figurâ semper oblongâ, cum dispositione in assertione assignatâ, à me spectatus est pluries quotannis, pro vario ad Solem situ, acutioribus, minùs acutis, cauis, conuexisque lentibus ad oculum proximè in Telescopio adhibitis, apparentiâ eadem, semper magis distinctâ, & maiori, in oppositione ad Solem, etiamsi meliorem vitrorum elaborationem in multò longioribus Telioscopiis postremò D. D. Euangelistæ Torricellij, & Eustachij Diuini artificio, & beneficio singulari consequutus sim. Quod si eum aliter apparere scripsi ad amicum anno 1640. non ex meis sed ex aliorum ad me delatis obseruationibus scripsi, vt eum iustum opus in Astronomia meditantem, ad continuandas frequentius longioribus & melioribus Telescopiis Saturni obseruationes excitarem, quod ipse præstare non poteram. Quare in hoc priorum obseruationes, qui breuioribus, minùsque perfectis Telioscopiis instructi fuerunt, vt omninò ratas admittere non audeo. Videant quid statuunt posteriores, continuatis obseruationibus per meliora, & longiora Telioscopia; qualia requirit certa

huius apparentiæ determinatio.

Affero quartò , apparentiam superiori assertione positam , non posse per stellam Saturni duabus minoribus ad latera stipatam explicari ; an verò ad eam constituendam concurrant plures certa magnitudine , & situ ad eam exhibendam proportionatæ , consequentium annorum observationibus per longiora Telioscopia continuandis statuendum esse.

Pars prima probatur, quia duo planetæ laterales per suum accessum ad medium Saturnum, Alborem illustrem extenderent continuatum ab apice ad apicem apparentiæ per huiusmodi stellas medias excurrentem; eundem hinc indè interruptum in totali apparentia exhiberent , dum per suas rotunditates in contrarias positiones reuolutas , ab accessu hinc indè recederent ab inuicem: cuius tamen oppositum monstrat apparentia , continuando hinc indè ad latera alborè illustrem , & illum per nigras notas in excursu ab apice ad apicem interrompendo ibi, vbi deberet esse accessus illustrium stipatorum ad Saturnum. Neque enim dici potest fuscédines illas ad latera Saturni apparentes , esse ex umbra , quam ille medius suis stipatoribus exhibeat , impediendo illustrationem Solis ad illos , cùm illæ notentur apertissimè in Saturno perigæo Soli opposito , in quo eius situ constat ipsis lippis , quod quocumque oculus spectatoris peruenit videndo , necessariò perueniant radij Solis illustrando.

Secunda pars rationabilis videtur , tum quia vbi notæ nigræ apparent , possent deesse stellæ , quæ alborem illustrem in cœlo exhibent ; in aliis verò apparentiæ partibus adesse magnitudine variâ , & ad illam exhibendam proportionatâ : tum quia successu temporis variati motus , & ad maiorem perfectionem redacta instrumenta possunt Astronomos vterius erudire.

CAPITIS XVII. SECTIO VI.

De radiatione obiectis illustribus circumfusa.

Telioscopij vsum in cœlestibus deceptorium esse, non nemo ostendere se putauit ex eo, quod stellarum supra Lunam magnitudinem, libero oculo apparentem, minuat, saltem non augeat; cùm tamen tantopere augeat in obiectis inferioribus: immò contradictiones in ipsas astrorum obseruationes inducat, dum Iouem, & Saturnum minores representans, quàm videantur oculo libero, illis adiungit in apparentia satis notabili novos planetas stipatores, qui tamen oculo libero nulli apparent; dum in sphaera fixarum, stellas primæ magnitudinis minores exhibet, quàm appareant oculo libero, & satis magnas ostendit, quæ nullatenus apparent, vt Galaxiæ formatrices.

Quia verò huiusmodi varietatem in amplificanda apparentia obiectorum explicauerat Galilæus, qui primus tanto Astronomiæ bono Telioscopij vsum ad cœlestia extulerat, per radiationem, aliquibus lucidis apparenter oculo libero spectanti amplificandis, circumfusam, quam dum Telioscopium impedit, videatur illa multò minùs amplificare quàm reliqua obiecta; translata est per Abductionem controversia ad radiationem circumfusam; an, & quomodo ea adiungatur dictis obiectis, & per Telioscopium impediatur, in qua nullius dicta aut explicare, aut tueri, sed solam veritatem intendo, pro qua iteratis, immutatis, & expensis experimentis instructus:

Affero primò, inter cœlestia, & inferiora in vsu Telioscopij nullum esse discrimen.

Probat, quia in inferioribus, sicut & in cœlestibus

aliqua multò maiora repræsentantur , quàm appareant oculo libero ; alia per Telioscopia breuiora , non maiora vel etiam minora apparent quàm oculo libero ; per Telioscopia verò longiora , maiora quidem , sed multum infra amplificationem magnitudinis , quæ per illa apparet in aliis.

Experimenta sunt obuia ; intueri in nocturnis tenebris , vel similiter interdum procuratis , flammam lucernæ in aliqua notabili distantia constitutam , & ea rotunda , & quidem magnò orbe illustris tibi apparebit , tum breue Telioscopium adhibe , lente non admodum acuta proximè ad oculum instructum , & illa ex rotunda in suam figuram oblongam videbitur redigi , & non maior ; immò etiam minor , quàm oculo libero spectabatur , apparebit. Rursus , eodem oculo libero intueri aliud obiectum coloratum , tum adhibito eodem Telioscopio agnosces quantò maius tibi per Telioscopium apparebit supra mensuram , quàm videtur oculo libero. Adhibe verò Telioscopium longius tum ad flammam lucernæ modo dicto propositæ , tum ad aliud coloratū , pro æquali distantia ; & experieris , quod vtriusque apparentiæ multò maiorem exhibebit , quàm videatur oculo libero : sed in multò maiori excessu apparentiam obiecti colorati , quàm flammæ lucernæ repræsentabit.

Experimenta cum ista varietate capies , comparando cælestia cum inferioribus , si pariter oculum liberum , & cum Telescopio , adhibeas modò ad Lunam , modò ad Iouem.

Affero secundò : eos , qui in cælo Lunam distinguunt ab aliis stellis , quod in ea Telioscopium valeat proportionally ut in inferioribus , sed non ita in aliis stellis , nec satis ad veritatem , nec ad suum intentum satis esse loquutos.

Prima pars probatur , tum quia traiectionibus per Telioscopium radiationibus in oppositum debite planum , ut supra monuimus ; ad minimum æquè imago Solis , & Lunæ augeatur , & distinguitur : & vitris coloratis conuenienti figura , & politura præparatis instructum Telioscopium ad temperandam illustrationem Solis , oculo transpicienti non minùs augeatur

augetur apparentia Solis, quàm per vitra diaphana, similiter elaborata, in communi Telioscopio crescat apparentia Lunæ, quod singulariter mihi potes credere attestanti, qui visum non solum per Telioscopium, sed simul per oculum liberum insigniter fatigavi aspiciendo immediate Solem; licet is sic conspectus ex constrictione crystallini, iuxta suprâ dicta, minor appareat in comparatione Lunæ, etiam cum ei, per imaginem trajectam in oppositum planum, æquiparatur: tum quia si existente Luna corniculata te ita accommodes ad eam spectandam, ut cornu illustre maxima ex parte post rectum, vel aliquod aliud opacum eleuatum, in aliqua à te distantia, tibi occulteretur, aliquâ solâ particulâ eius ad apicem expositâ, ea oculo libero coronatur radiatione circumfusa, & apparenter rotundatur, & crescit, sicut quælibet alia stella, etiam Veneris, & flamma lucernæ modo suprâ dicto: adhibito verò Telioscopio spectata, vel apparenter non augetur comparata ad sui apparentiam oculo libero; vel multò minùs, quàm obiecta colorata in inferioribus, & ipsum cornu integrum sine circumfusa tali radiatione sereno cælo spectatum, tam oculo libero, quàm per Telioscopium; & ita Luna in apice sui illustrato idem patitur, quod aliæ stellæ supra ipsam comparatæ in apparentia, qua videntur oculo libero, & ea, qua videntur per Telioscopium.

Secunda pars assertionis constabit ex dicendis de apparentiis in Luna, in qua, cum Telioscopium proportionaliter apparentiam augeat, & partes distinguat, ut in inferioribus coloratis, minùs habebunt aduersarij quod accusent, Telioscopium, in spectanda Luna adhibitum, figuram ambitûs illius, dispositionem, & variam colorationem partium apparentem in facie pervertere, euerter tamen hypotheses aduersantium vsui Telioscopij in cœlestibus.

Verùm tot, & tamdiu productæ contentiones cum iis nunquam cessabunt, dum obfirmabunt animum veteribus

chartis, & solo nouo calamo, inconsultâ naturâ, pugnare.

Affero tertio: spectanti obiecta lucentia communiter in facibus, & lucernis pro suprâ dicta, & minori etiam distantia, & intermedio non illustrato lumine diurno, vel similis lucidi in simili directione proximè ad oculum admisso, apparere radiationes longius productas ab illis versùs oculum, quæ inclinato capite videntur deorsum, & eo sursum reuoluto videntur sursum; nunquam tamen dispositæ in gyrum, & complectentes spatium, quod est è regione angulorum oculi; & simul cum capite modò in humerû dextrum, modò in sinistrum inclinato, ipsæ similiter modò in vnâ, modò in aliam positionem detorquentur.

Afferio est facti à me iteratis experimentis ad nauseam ferè stabilita, quæ si habeat accuratum obseruatorem, in singulis peculiariter propositis omninò habebit consentientem, & eorum, quæ in similibus minùs ad veritatem dicuntur, sincerum iudicem.

Affero quartò, prædictas radiationes, ex reflexione in oculum directæ à pilis ciliorum extantibus è palpebris apparere; inferiores quidem ex reflexione à pilis palpebræ superioris; superiores, ex simili reflexione à pilis palpebræ inferioris.

Prima pars probatur, tum quia nullo modo possunt esse illustrationes mediij cirçea lucidum proximi, & sic peculiariter ab eo illustrati, quæ ad oculum peculiare radios dirigant, quibus ipsæ, præter flammam facis, & lucernæ, fiant spectabiles; cum apertè interposito opaco inter tale medium, & oculum, dummodo pateat spatium præcisè occupatum à flammis facis, vel lucernæ secundum magnitudinem & figuram, qua proximo apparent oculo, illæ radiationes supra parietem, supra manum, vel quodlibet aliud interpositum apparenter, & cum eadem apparentiæ extensione spargantur; dum ad talem faciem interpositum obuersam oculo, nec ad medium inter illam, & oculum extensum vlli radij à flamma lucida, vel à medio ab

ea illustrato ad eam positionem , ad quam radiationes dictæ spectantur , peruenire possint : tum quia non possunt esse apparentia ipsius lucidi , quæ huiusmodi pilis interpositis ex depressione superioris palpebræ , vel eleuatione inferioris sic determinata spectetur ; cum lucidum , in sua directione spectatum ab oculo , propriam exhibeat apparentiam , quam nullo modo tales radiationes discriminant ; sed ab iis apparenter , velut filis lucidis per opacum extensis , discriminetur opacum dicto modo interpositum. Denique , quia non possunt esse ex reflexione extremitatis ipsarum palpebrarum , quæ dicatur suo læuore exceptos à lucido radios , reperlucos in oculum inducere ; cum simile læue , vt cultelli costa , in loco illius proximè admotum pupillæ , & variè inclinatum donec occurrat situs , in quo radorum à lucido incidentium reflexos immittat in oculum , apparentiam primò exhibeat proximè ab oculo incipientem , & per extremitatem alteram versùs lucidum directam , versùs quod potiùs deficiat , quàm versùs oculum : è contra verò radiationes , de quibus loquimur semper secundum apparentiam proximè lucido connectantur , & sæpiùs in magna distantia ab oculo suam exhibeant terminationem. Secundò apertissimè tale læue admotum inferiùs , exhibet apparentiam radiationis inferiorem ; idem superiùs collocatum superiorem : è contra verò in nostris radiationibus , vt mox ostendemus , quod inferiorem radiationem exhibet , pendet è palpebra superiori ; ab inferiori , quod exhibet superiorem.

Possunt autem incidentes à lucido radij à pilis ciliorum reflecti in oculum reflexione sic extensa , propter aliquam longitudinem illorum , vt possit apparentiam filamentorum lucidorum connectere cum apparentia ipsius lucidi , vt ex subiungendis magis constabit.

Secunda pars assertionis probatur ; tum quia motis pilis palpebræ inferioris , dum superioris manent immoti , ad eorum motum apparentia superiorum radiationum mouetur ;

tur ; & motis pilis palpebræ superioris , dum inferioris persistunt immoti , ad eorum motum apparentia inferiorum radiationum mouetur , & hoc apertissimis & maximè iteratis experimentis constitutum habeto : nec est contra modum dispositionis aliarum apparentiarum (supposito organo visionis immediato in fundo oculi , & directione apparentiarum in positionem contrariam ei , secundum quam facta est impressio in retina , vt alibi ostendo) si attendas situm dictorum pilorum , dum causant huiusmodi apparentias in alio coram te experimentum capiente , & de illo tibi contestante : ex eo enim reflexio pilorum palpebræ superioris dirigi potest in partes superiores retinæ intra oculum , per quarum impressionem apparentia dirigitur deorsum , & à pilis palpebræ inferioris reflexio dirigi ad partes inferiores , per quorum impressionem apparentia dirigitur sursum : ad opportunitatem autem talis directionis ad partes oculi dictas , & confirmationem dictorum facit , quod per reuolutionem capitis sursum notabilem , fit notabilis extensio apparens filamentorum lucidorum sursum , pro quo situ à pilis inferioris palpebræ , secundum regulas refractionum ordinatas in crySTALLINO oculi , deueniunt radiationes ad partes inferiores fundi oculi , à quibus sursum dirigitur apparentia : per inclinationem vero capitis deorsum , fit notabilis extensio apparens filamentorum lucidorum deorsum , pro quo situ similiter reflexi radij à pilis palpebræ superioris deueniunt per refractionem rite ordinatam in pupilla , ad partes superiores in fundo oculi , à quibus deorsum dirigitur apparentia , & ad hoc prodest talis extensio pilorum in longum producta . Læue autem in costa cultelli admotum ad extremitates pupillæ , secundum positiones ad quas dirigitur extremitas palpebræ eidem pupillæ proximæ ; & constitutum in tali situ per suam modicam latitudinis extensionem ad propositum lucidum , vt reflexio radiorum incidentium ab illo , dirigatur intra oculum (quod facili experimento obtine-

bis) si sit sic dispositum ad inferiorem partem pupillæ, reflexionem dirigit ad partes superiores retinæ, & per impressionem in eas factam constituit apparentiam deorsum, ut faceret obiectum lucidum constitutum deorsum, cuius radius, incidens in pupillam, coincideret cum reflexo ex tali læui, sic proximè ad pupillam situato; & è contra, dispositum ad superiorem partem pupillæ dirigit reflexionem ad partes inferiores retinæ, & proportionaliter dirigit apparentiam fursum, ut faceret lucidum constitutum fursum, cuius &c.

Ostendit autem hoc experimentum obuium, quàm extra rem doctrina Catoptrica adhibeatur ad demonstrandum, non posse ab extremitate palpebræ fieri reflexionem radiorum incidentium in illam à lucido, quæ dirigatur intra oculum. Licet enim dato reflectente inter lucidum, cuius radij debet fieri reflexio, & aliud punctum; radius reflexus ad tale punctum dirigi non possit, si ista sint disposita in eadem directione: attamen si non sint ista tria in eadem directione, ut in casu nostro; potest euenire, ut secundum angulum reflexionis æqualem angulo incidentiæ, radius incidens per reflexionem dirigatur ulterius ad tertium huiusmodi signabile, ut euidenti experimento constat in costa cultelli, secundum extensionem extremitatis palpebræ admota pupillæ, iuxta suprà dicta; ratio autem cur ab ista dirigatur reflexio radiorum à lucido in oculum, causans dictam apparentiam, & non ab extremitatibus palpebrarum, est harum talis inclinatio, secundum quam etiam si ponantur excipere aliquos radios incidentes à lucido, reflexio illorum per angulum æqualem non dirigitur intra pupillam, sed aliò; ut euenit in costa cultelli approximata oculo, modo dicto, pro varia inclinatione suæ latitudinis, pro qua nihil immitrit intra oculum, nec vllam causat apparentiam; mutando tamen successiuè talem inclinationem deuenitur ad situm determinatum, pro quo secundum angulum reflexionis, æqualem angulo inciden-

tia, dirigitur radius reflexus intra oculum, aptè ad causandum apparentiam, de qua suprâ diximus.

Affero quintò, præter huiusmodi radiationes longiores, quæ à lucido versùs spectatorem videntur sursum, & deorsum discriminatim extendi, & capite illius directè ad lucidum constituto, & palpebris studiosè, bene apertis, nullæ apparent; si tale lucidum, vel insigniter illustre ratione sui, vel ratione excessûs distantia appareat in modica extensione, & in aliqua notabili distantia spectetur per medium, alterius lumine non insigniter illustratum, alias radiationes semper circa illud in eodem velut plano cum illo constitutas apparere, quæ eius figuram confundant, & velut circulum illustrem non præcisum, sed in extremitate radiosum exhibeant.

Affertio est facti, ex sæpiùs iteratis, & diu expensis experimentis constituta, quæ in singulis circumstantiis benè expensa, & ad experimenta reuocata, præsentium, & posterorum iudicio comprobabitur.

Affero sextò: has radiationes tali obiecto apparenter circumfusas, non esse ex ambiente, quod circa illud vel accensum, vel magnoperè illustratum, simul cum illo, pro tali distantia, visionem terminet; neque ex vlla reflexione radiorum talis obiecti facta extra oculum; neque ex refractione illorum in humido supra Corneam extenso; neque ex indebita distantia à retina, aut à conformatione crystallini minùs apta pro consignatione præcisæ imaginis talis obiecti in illa: sed ex reflexione radiorum, provenientium à tali obiecto, ab Uvea intra oculum transmissa.

Prima pars probatur, tum quia si ambientis aliqua fieret accensio, potius fieret ad partes superiores, extensâ magis in longum apparentiâ. Similiter si medium posset ex imbibita illustratione maiori, ipsum fieri spectabile, talis spectabilitas conformata figuræ primi lucidi, eam potiùs proportionali accessu augeret, quàm obliterarèt, exhibi-

tâ semper in gyrum apparentiâ , & obliteratâ prorsus figurâ primi illustrantis ; tum quia talis apparentia, contorto li-
cèt cum capite in gyrum, oculo, non conuerteretur, sed
in eodem situ spectaretur ; verè tamen, si diligenter atten-
dantur radij in extremitate prodeuntes, conuertitur, &
cum oculo situm mutat : similiter vniformis vtrique oculo
videretur ; cùm tamen ordinariè , & sæpè notabiliter di-
uersa, vni videatur aliter, ac visa sit alteri, per singulos
seorsim spectata.

Secunda pars faciliè ex dictis constat ; quia (vt omitam
alia) nulla reflexio ex ciliis, vel palpebris potest fieri cum
illa in gyrum vniformi dispositione ; neque, ex modò pro-
batis, potest esse apparentia ex lumine imbibito in am-
biente, proximo ipsi lucido, multò minùs à remotiori ad
latera, ex illius conditione, & situ ; quia illo sub quacum-
que diaphaneitate disposito, apparentia exhibetur, &
non in tali distantia ad latera, sed immediatè proxima ob-
iecto exhibetur.

Tertia pars probatur, quia si humidum præter morem
crassius inexistens Cornæ aliquam inducat mutationem in
apparentia, eo deteriso, statim cessat ; &, si vniformiter ad-
hæreat, causat circumpositum apparenter halonem, qui
circa flammam lucernæ in modica distantia apparet, pro
qua nostra circumfusa radiatio non apparet ; in maiori au-
tem distantia, secundùm multò maiorem expansionem,
quàm habeat nostra radiatio, faciliè dissipatur, & non ap-
paret ; dum nostra viuidiùs incipit apparere ; & communi-
ter refractionis huiusmodi colorat apparentiam coloribus ad
fuscum vergentibus, vt agnoscitur clarè in halone, modò
dicto : nostra verò illustratio ab illis prorsus est diuersa.

Quarta pars probatur, quia talis conformatio crystalli-
ni humoris, & indebita distantia à retina, solùm aliquo-
modo augere potest apparentiam flammæ lucernæ, ex vi
talis refractionis, & intersectionis radiorum, vt patet in
senibus, qui, ea laborantes, experiuntur talem apparen-

Incidentes per reflexionem, intromittere possit in oculum, & iis ex tali sua conformatione in gyrum, imaginem, à prædictis consignatam, ita coronare; ut semper tota illustri apparentia rotunda appareat; quacumque existente propriâ configuratione imaginis à prædictis radiis, per quam de se obiectum radians in propria figura spectaretur. Alterum, ut dum margo, ad foramen apertum declinans, non est vnâ æquabilitate vniformiter terminatus, sed aliquibus, licet minimis, crispis seu plicis distinctus, quæ foramen versùs magis conuergunt, possit continuitatem radiationis in extremis interrumpere, & velut variis acuminibus extantibus coronare. Tertium, ut dum potest non solum aliter in vno, aliter in alio oculo secundum tales dispositiones conformari, sed in eodem oculo, ex motibus, quos subit in varia dilatatione, & constrictione sui foraminis; non solum possit aliam dispositionem coronationis radiolæ exhibere per vnum oculum, aliam per alium, sed etiam tractu temporis, ex occasione variationis factæ in eodem oculo, nunc vno, nunc alio modo tales extantes apices radiorum in gyro disponere: dum tamen, in eadem dispositione factâ consistentiâ, aliqui apices illustres singulariter prominent in apparentia, sic solum ad conuolutionem capitis ipsi pariter modò in dextram, modò in sinistram contorquentur: horum autem variatio sitûs apparentis debet explicari ex supposito connaturali modo situandi apparentias, quem constanter seruat potentia visiva, & nos non semel suprâ indicauimus, & ex professo in loco suo infrâ explicabimus, & probabimus.

Affero septimò: hanc radiationem obiectis minoribus in se, vel ratione excessûs distantie, aut lucidis, aut insigniter illustratis apparenter circumfulam; & ex necessitate talis conformationis oculi, ob alios convenientissimos fines sic dispositi, prouenientem, ipsi fini visionis principali mirè congruere; ut quæ pro maiori, & maiori distantia, ex minori, & minori imagine sui præcisâ, debilioribus,

& debilioribus radiis consignata, fierent insensibilia, aucta in extensione, imagine integrâ, ex circumfusa radiatione, spectentur; in quo evenit illud insigniter attendendum, quod pro maiori distantia talis lucidi crescit amplitudo apparentiæ in extensione, dum in aliis obiectis simul decrescit vigoris, & extensionis apparentia; vnde in inferioribus lumen lucernæ spectatum è longinquo monte videtur instar fornacis; & in cælestibus, præter Solem & Lunam, reliqua sydera apparent tanto maiora pro distantia in qua videntur, ut attenda diametro apparentiæ, & distantia illarum priores Astronomi in assignanda eorum magnitudine, enormiter excesserint.

Assertio, positis suprâ probatis, in sui partibus facile constat: agnoscitur enim ex vna parte ex tali reflexione radiorum talis apparentiæ necessitas, & quod reflexio sequitur convenientem dispositionem vucæ, aptam ad variam conformationem intra oculum exhibendam, pro varietate sitûs, & conditionis obiectorum, ut illa melius perciperentur, & ipsius oculi indemnitati opportunè consuleretur: ex alia parte, quanto bono videntur talia lucida, in tali distantia constituta, ab eo spectabilia fiant:

Similiter experimēto flammularum in inferioribus è longinquo prospectarum cum tanta expansione apparentiæ, ex radiatione circumfusa, agnoscitur proportionatum incrementum in apparentia dictorum astrorum; & confirmatur ex proportionato decremento, vel impedimento incrementi, quod in aliis obiectis fit, dum per Telioscopium, impeditâ radiatione circumfusâ, spectantur: Ad cuius eventûs causam, & differentiam inter Solem & Lunam, in sua magnitudinæ patentes oculo pro distantia, in qua videntur, & reliqua sydera melius internoscendam,

Asserto octauo: radiationes circumfusas, confundentes imaginem præcisam dictorum obiectorum, & eorum apparentiam tantopere augentes, aboleri illustratione notabiliter

biliter intra oculum auctâ , etiam si radij eas causantes in oculo iidem perseverent : Similiter aboleri imminuto notabiliter vigore radiorum , quibus consignabantur , vel detractâ intensiōe ; vel dissipatâ densitate ; & per huiusmodi imminutionem radiorum eas detrahi ab objectis per Telioscopium , eò melius eorum imaginibus , & consequenter apparentiis , ad præcisionem reductis , quò aptius illud pro tali decremento proportionato accommodatur.

Prima pars Assertionis probatur , quia organo visûs validiore illustratione possessio , tantò debilior non facit impressionem notabilem , quæ ad sensationem sufficienter determinet , ad quam , oculo aliter affecto , satis determinaret , ut alibi pluribus ostendemus , & modò agnosces , si accedas ad spectandam picturam locatam inter duas fenestras , validam illustrationem ad oculum prospectantem transmittentes ; eam enim discernere non poteris ; impeditâ verò per manum , vel aliud opacum illustratione oculi ab illis , optimè perspicies ; & agnosces quantum peccent contra artem illi , qui volentes consulere meliori , & distinctiori apparentiæ alicuius colorati , aperiunt ad eius latera fenestras , è quibus illustratio non ad illud , & ex illo ad oculum , sed in oculum eò conuersum immediatè transmittatur.

Sic detrahitur flammæ lucernæ circumfusa radiatio , si aperta fenestra detur aditus lumini diurno in oculum . Sic lumine crepusculorum in oculum allapso imminuitur notabiliter apparentia astrorum , & plurima non discernuntur . Sic Lunâ magna ex parte illustratâ , noctu validius radiante , maiores stellæ circa illam minores apparent , minores nos latent . Sic apex cornicularis , qui reliquo cornu latente , radiis coronatus tantò maior apparebat , reliquo cornû illustrato patente , exurus radiis , tantò minor apparet.

Secunda pars faciliè constat , quia utroque modo aufer-

tur

tur impressio notabilis in organo , quæ requiritur ad exci-
tandam sufficienter potentiam ad discernendum obie-
ctum ; & confirmari potest obuiis experimentis , de quibus
nos alibi ; interim ex probatione secundæ.

Tertia pars probatur , quia ex vnâ parte , vitra Teliosco-
piis incidens sibi lumen ex parte reflectunt in anteriora , &
hæc rota intensio detrahatur lumini vlteriùs per ea propa-
gato ; ex aliâ lumen transmissum per refractionem ad mul-
tò magis expansam consignationem in excipiente deter-
minant , quàm si excipiaturoculo libero , & quo Teliosco-
pia sunt longiora , eò magis expandunt : quare si vitrum
superius immediatè expositum talibus obiectis ita contega-
tur , vt eius pars exigua in medio , corneæ oculi propè par-
pateat illustrationi , debilitatis , vt modò diximus , radiis in
intensione , & densitate , talia Telioscopia auferunt sensi-
bilem apparentiam circumfusæ sideribus radiationis , &
eorum imaginem eò magis præcisam consignant in oculo ,
per quam illa , in sua præcisa figura spectentur , quò illa ad
notabilem debilitationem huic effectui necessariam faci-
lius deueniunt. Ex quo est , vt in facilitate detrahendæ
circumfusæ radiationis sit notabile discrimen inter plane-
tas collatos inter se , & inter stellas fixas inuicem , & ali-
quas earum cum aliquibus eorum comparatas.

Ex his autem habetur , cur Sol , & Luna careant radia-
tione circumfusa , qua eorum figura confundatur , & ap-
parentia augeatur ; cur tam illa , quàm obiecta inferiora
colorata cum maiori augmento extensionis spectentur per
Telioscopium supra mensuram , quâ spectantur oculo li-
bero , quàm flammæ accensarum facum lucentes in infe-
rioribus , & alia lucentia in cœlo ; & hoc discrimen nullo
modo fallaciæ Telioscopij sit imputandum ; cuius vsus ad
statuendas cœlestium , in gratiam Physicæ , & Astrono-
miæ , apparentias tantoperè profuit.

CAPITIS XVII. SECT. VII.

De apparentibus in Sole

QVæ de loco macularum, & facularum in facie Solis apparentium, de illarum exortu, desitione, progressibus, de reuolutione corporis solaris in se ipso, tum quasi menstrua, tum annua apud Christophorum Scheinerum Societatis Iesu in Rosa Vrsina habentur, ita sunt fideliter consignata, ad mensuras redacta, accuratè expensa, vt ille attentis omnibus videri possit habuisse donum à Prima Sapiencia ad perficiendum tantum opus, cui simile non facile reperies in Astronomia; dum illum eruditissimi quique ab incepto, velut desperata tanti Phænomeni assècutione, reuocarent. Ex ipso omnis posteritas erudita velut scriptas Soli leges accipiet, quibus illius apparentias dimeriatur. Certè qui ei, tantum Phænomenon primò sub nomine Apellis post tabulam exponenti, etiam in quibus non potuit, contradixit, ex constitutis in Rosa Vrsina non modò nihil arguere est ausus: sed omnia, prorsùs vt ibi digesta sunt, admisit ad sua errata, quæ priùs tam confidenter asseruerat, corrigenda, & omissa plurima supplenda in Dialogis tantò post editam Rosam Vrsinam impressis, vt ostenditur in tractatu de maculis reducibus ab eodem Scheinero postremò editis. Qui verò posteriores iuxta illius doctrinam cursum macularum in Sole obseruarunt, illius asserptiones ad amussim experimentis habitis consentientes reperisse se contestati sunt, vt inter alios Heuclius, qui duorum circiter annorum à se obseruatas in Sole maculas nouissimè exhibuit in sua Selenographia.

Quarè nihil hîc mihi addendum superesset, sed vnum oprandum, vt succederet operi, qui in figuris multò maioribus macularum cursus notaret, ad conuersionem Solis

menstruam in terminis magis præcisè determinandam.

Nisi prodiiisset, qui demonstrationibus ex Astronomia, & Optica petitis, & in veritate Geometrica fundatis, ita euidenter se conuincere profiteretur falsitatis, quæcumque de maculis Soli attriguis dicuntur; ut omnem de illis Theoriam vel Historiam proscripturus, velut concepto ex totius Philosophici senatûs consultatione decreto concludat [Faceessant à cælestibus sordes: desinat humana temeritas, quas in mortali mulierculæ facie horret fœditates, eas summi Luminaris ori affingere, & inurere: reluctatur naturalis Philosophia, ac iusta cuiuscumque Philosophici genij æstimatio, sed refutat insuper Mathematicæ demonstrationis euidentia] Hæc ille, maximos viros de re Philosophica, & Astronomica optimè meritos acerbè perstringens; & quidem, ut mitissimè dicam, & mox euincam, minùs æquus Iudex, & minùs expensis causæ meritis studio partium abreptus, pronuntiauit.

Expendendæ igitur Demonstrationes, quibus maculas, & faculas in orbe Solis apparentes, non solum à Sole, sed toto cælo exclusas deturbare conatur in aërem.

Hæc autem partim proponuntur ad conuincenda apertæ deceptionis argumenta, quibus Scheinerus, & Galilæus supra Lunam eas extrulerunt; partim ad ostendendam impli- cantiam impossibilium, si prope Solem; immò in cælo aliquomodo maculæ, è regione Solis apparentes, consti- tuantur.


*Conuincuntur Paralogismi Demonstrationes allata contra
argumenta collocantium Maculas, in Sole visas, su-
pra Lunam, ex non passa Parallaxi Lunari.*

Primò igitur format sic argumentum primum ex do-ctrina illorum. Quod si essent in orbe Lunæ, pate- rentur parallaxim lunarem: sed non patiuntur; ergo non sunt in orbe Lunæ. Posita autem secundum Ptolomeum
maxima

maxima parallaxi Lunæ gr. 1. m. 44. cum est omnino perigæa in distantia gr. 90. à vertice ; & minima gr. 1. m. 4. (sic enim lege iuxta Ptol.) quando est omnino apogæa pro eadem à vertice distantia. Probatur assumptum: quoniam cum diameter sit ad summum minorum 34. parallaxis lunaris ad minimum m. 52. (intellige iuxta Copernicum) quæ manè videretur in limbo Solis, vesperi extra discum Solis appareret saltem m. 18.

Secundum verò ex differentia parallaxium : quia maculæ eadem, locaque earum eadem obseruata fuere tum in Germania in latitudine gr. 48. m. 20. tum Florentiæ gr. 43. ¹/₄₀ tum in Belgio, ergo nulla differentia Parallaxium, immò nulla parallaxis in illis.

Modò, inquit, descriptionem ob oculos ponamus, ut errorem intelligamus, & fallaciam argumenti.



Sit horizon A B C, cuius centrum D, ubi semper est oculus prospicientis, Oriens C, & Occidens B, si ergo demus maculæ parallaxim lunarem gr. 1. m. 4. ut appareat oculo in D, ad orientem C, oportet illam esse versùs oculum gr. 1. m. 4. Ex hypothefi sit in F, ut F C, sit gr. 1. m. 4. oportet etiam ut appareat

in B, Sole occidente maculam esse citra B, gr. 1. m. 4. sit E in tali distantia, & ducatur recta E F, modò, quoniam B C, est parallelus, per quem mouetur Sol, & præsentato per lineam circulo, ducatur perpendicularis D H, ad B C, erit H punctum meridiei, & cum macula per eos moueatur circulo, mouebitur per E G F.

Sumitur modò D, pro loco Apellis cuius latitudo gr. 48. m. 40. & obseruatio maculæ 22. Octobris, quo die Sol in meridie aberrat ab eius vertice gr. 60. quæ distantia repræsentatur lineâ D H, pro qua Lunæ parallaxis, quæ fuit in oriente gr. 1. m. 4. est gr. 0. m. 56. Vndè macula apparuisset in disco Solari propior vertici solùm minutis 8. quare si ea in B, & C, apparuisset ad centrum disci solaris, adhuc in H, esset intra orbem Solis m. 9. non extra.

Addidit [ipsi concipiunt (vt ex verbis eorum elicitur) dum Sol est in oriente, oculum esse in occidente, & vicissim; quomodo concluderet argumentum; at oportebat oculum reponere in D, non in B, neque in C, qui error est maximæ inconsiderationis] & post explicatum clariùs argumentum [Summa, inquit, sit solutionis, falsam esse consequentiam: si maculæ lunarem parallaxim paterentur, necessariò eadem die nunc in disco Solis apparituras, nunc extra: nulla est necessitas; sed ipsi erroneè rem conceperunt; at si Demonstratione, & descriptione vsi essent, vt Mathematicos vti oportet, rem meliùs intellexissent.]

Pro solutione secundi argumenti: [Consideremus, inquit, quod ipsi non fecerunt, quantam oportet fuisse differentiam inter loca visa eiusdem maculæ Apelli in Ger. & Galilæo Flor.] & constituta figura, & angulis, lateribùsque triangulorum comparatis, colligit solùm futuram differentiam gr. 0. m. 4. sec. 0.

[Quæ differentia, inquit, sanè non est conspicua, oculo libero, absque instrumentis mensoriis, præsertim in Sole, cuius lux prohibet exactam mensuram, sicut defixum prohibet obtutum] & suprâ addiderat, nec sibi, nec vlli obseruationum perito persuasuros, determinationem obseruationum in maculis, erroribus minutorum non esse subiectam; eam instrumenta ipsa meteorospica, & metiendo destinata, sæpè in minutis aliquibus discrepent.

Hæ sunt demonstrationes, quæ Aduersarij iudicio conuincunt, paralogizare asserentes, maculas in Sole appa-

rentes

rentes supra Lunam collocandas.

Quas ut nullas prorsus esse agnoscas, & argumenta ab iis allata probare intentum, non est necesse prouocare ad alias obseruationes, in minori eleuatione poli, & mensibus propioribus Tropico æstiuo factas, in quibus parallaxis æqualis lunari maculas in Oriente ad Solis centrum visas longius à toto Sole meridiano excludit; ac proinde in Oriente, & Meridiano Sole notatas in illis, sine controuersia supra Lunam quivis admittat ex minori parallaxi, quàm sit lunaris: huiusmodi autem obseruationes fideliter adnotatas, & publicè expositas, accuratus in tanta causa Iudex videre, & examinare debuisset, non contentus aliquâ, quam studio partium facilius se arguere posse putauit. Tu videre poteris, Amice Lector, sicut earumdem macularum obseruationes factas à pluribus eodem tempore in multò maiori differentia eleuationis poli, quæ maculas vni obseruatorum visas in Sole, per parallaxim ab altitudine lunari importatam, omnino alteri obseruanti à Sole remouisset.


Satis est ad intentum sistere in adductis ab Aduersario.

Primò igitur accipiendo quod sufficit ad intentum primi argumenti, & in conclusione eius exprimitur ab ipsomet relata his verbis [ergo quæ manè videretur in limbo Solis, vesperi videretur extra discum saltem 18. minut.] ita videntur illi ipso attestante.

Assero primò: verè dici, & ex certis inferri, quòd si maculæ apparentes in Sole paterentur parallaxim lunarem, quæ manè viderentur intra limbum Solis, vesperi omnino extra discum illius etiam apparenter deturbarentur.

Probatur assertio: quia macula, quæ in loco Lunæ propè horizontem manè constituta, per parallaxim lunarem apparenter in arcu verticali descendens accedat ad Solem, ut intra limbum orientis Solis appareat; per eandem parallaxim vesperi sic descendens, à Sole occidente ne-

cessariò recedet; & redditæ ei in apparentia, suâ verâ elongatione à Sole in circulo verticali, ipsum in occasu multò plus præuertere videbitur, si apparentia eius extra Solem notari possit, quàm ex vi talis parallaxis apparenter descenderit: ita vt, si macula manèrè versùs Orientem



existens in F, (recognosce Figuram, quæ est ipsissima Aduersarij) ex vi parallaxis lunaris apparetur descendat ad C, ut prope centrum Solis, ascendens supra horizontem, appareat; eadem vesperi versùs Occidentem, Sole existente in B, non solum cum eadem parallaxi apparetur descendens,

non possit apparere in B, sed necessariò, si pro tali situ spectari possit, tantum infra B, apparitura sit, quantum in suo circulo erat supra C, manè in Oriente, & præterea quantum importat apparens descensus ex vi talis parallaxis.

Aduersarius autem visas maculas prope centrum Solis orientis ex apparenti descensu, quem obrinerent propter parallaxim lunarem, comparat ad Solem in meridie, & argumentatur; quod pro tali situ à se constituto, ex vi lunaris parallaxis non exirent apparenter à disco Solis, quod an verum sit mox expendemus. Interim agnosce, illum non impugnasse, quod ipsi iure contendunt in suo argumento, & euincunt. Quod verò addit, ipsos constituisse in Occidente oculum spectantis maculas in Sole oriente, non autem in centro horizonis; coniectura illius est, quæ iure censi potest nullum in ipsorum dictis sufficiens fundamentum habere.


Secundò iuxta comparisonem , quam de suo Aduersarius instituit,

Affero secundò , quòd si dicta macula 22. Octobris ad centrum Solis spectata, comparetur ad Solem eadem die in meridie existentem, ea ex vi parallaxis lunaris nullo modo intra Solis discum apparere potuit ; & Aduersarium, pro Demonstratione ad ostendendum oppositum, merum paralogismum attulisse.

Vtraque pars Assertionis simul probabitur detegendo deceptionem Aduersarij in comparatione talis maculæ ad Solem orientem, & meridianum , in qua contentus fuit aliquot minuta detrahere à parallaxi verticali, quam macula in cælo Lunæ posita obtinebat in horizonte , vt eam ostenderet cum reliquo talis parallaxis posse in meridie ita apparenter descendere , vt intra Solem spectaretur : non aduertit autem alio modo Solis discum se habere respectu spectatoris dum oritur , alio dum meridiat ; cùm tamen semidiameter altitudinis in illo oriente designata, secundum quam macula in eodem verticali spectatoris, per lunarem parallaxim descendens, accedebat apparenter ad centrum disci solaris, in Sole meridiante non sit amplius semidiameter altitudinis, sed ab eo deflectat, sicut etiam à meridiano occidentem versùs ; & consequenter macula, quæ erat in eadem directione cum tali semidiametro altitudinis in oriente Sole designata, ipsa etiam Sole meridiante necessariò deflectat à Meridiano versùs Occidentem, & quidem ita vt Sole meridiante ipsa in suo verticali per lunarem parallaxim descendens, & Occidentem versùs deflectens à Sole, nullo modo intra eius discum apparere possit ; etiamsi lunaris parallaxis accipiatur minut. 52. quam aduersarius duplo maiorem admitteret, in his sequutus Ptol. qui Lunæ perigeæ tribuit parallaxim gr. 1. min. 44.

Physicus calculis Astronomicis non assuetus aliquomodo percipiet dicta, si acceptâ spherâ aliquâ armillari, vel globo Asterismis consignato, & eleuato Polo arctico per

gr. 48. constituat vice Solis circulum paruum ex chæra prope initium Scorpij, & deprimat conuolutione sphæræ ad horizonem in Oriente; tum à puncto medio Meridiani ad centrum dicti circuli designet quadrantem referentem quadrantem circuli verticalis respectu spectatoris, qui existere supponitur in centro horizonis; & designabit in circulo dicto semidiametrum altitudinis referentem semidiametrum altitudinis Solis minorum 17. in directione cuius per minuta ad minimum 51. in eodem verticali constituitur macula, quæ per tantam parallaxim supponitur in eo descendisse apparenter ad centrum Solis. Hoc facto deducat dictum paruum circulum ad Meridianum per conuolutionem sphæræ, & eius centrum constituat sub Meridiano; & statim agnoscat à Meridiano designari in eo aliam semidiametrum altitudinis, cum qua prior declinans in Occidentem constituat angulum; & consequenter existente Solis centro in Meridiano, verticalis deductus per maculam, sic ab eius centro distantem in directione prioris semidiametri altitudinis, à Meridiano declinantis; ipse pariter angulum constituet cum Meridiano, & quidem tantum, vt iuxta mox dicenda, prorsus



à toto Sole longius abscedat, & sic in eo per parallaxim lunarem macula apparenter descendens, nullo modo è regione Solis meridianis videri possit, & intra discum eius apparere.


Sit vt in Fig. nona, Sol in S, ad initium Scorpij, & Polus arcticus sit P, cuius eleuatio in loco observationis supponitur gr. 48. m. 40. ideo complementum P, V, ad zenit obseruato-

ris gr. 41. min. 10. ducatur V S, circulus verticalis, in quo X, sit locus maculæ, quæ per parallaxim min. 52. apparenter deprimitur ad S, centrum Solis in horizonte.

In Triangulo igitur V S P, dantur duo latera V P, gr. 41. min. 10. & P S, declinatio initij Scorpion ab Aequatore, vnà cum integro quadrante gr. 101. num. 30. & basis V, S, gr. 90. ergo inuenitur angulus verticalis V, P, S, gr. 76. $\frac{1}{37} \frac{11}{36}$. Inuento autem angulo V, P, S, relinquitur angulus V S P, gr. 39. $\frac{1}{38} \frac{11}{48}$. quare circulus iungens maculam X, cum centro Solis S, facit cum circulo declinationis eiusdem Solis, angulum X S P, gr. 39. $\frac{1}{38} \frac{11}{48}$. quem angulum semper seruat, etiam quando Sol est in Meridiano.

Sole ergo existente in Meridiano, vt in Fig. X, erit eius distantia à vertice S V, gr. 60. min. 10. est autem distantia maculæ à Sole X S, gr. 0. min. 52. angulus verò verticalis V S X, gr. 39. $\frac{1}{38} \frac{11}{48}$. quare inuenitur angulus S V X, gr. 0. $\frac{1}{38} \frac{11}{47}$.

Si itaque ad S, excitetur arcus perpendicularis, in quo est



semidiameter latitudinis Solis, donec talis arcus occurrat circulo altitudinis maculæ in T, iam est triangulum V S T, rectangulum, in quo datur latus V S, gr. 60. min. 10. & angulus S V X, seu S V T, gr. 0. $\frac{1}{38} \frac{11}{47}$. quare inuenitur latus S T, gr. 0. $\frac{1}{34} \frac{11}{4}$.

Cum ergo Solis diameter apprens non ponatur excedere minuta 17. patet maculam X, per parallaxim depressoam in circulo verticali X T, non incidere in Solem.

Altero 3. obseruatores macularum in Sole, non solum differentiam 4. minut, quorum semidiameter Solis ponatur.

17. sed multò minorem notare potuisse, atque ita illâ exclusâ ab obseruationibus, pro tali differentia altitudinis poli factis, quæ in maculis loco Lunæ constitutis importaret dictam differentiam 4. minorum, eos rectè intulisse, dictas maculas supra Lunam extitisse.

Prima pars assertionis probatur, quia quotidiano experimento traducta imagine Solis per Telioscopium in planum ad angulos rectos oppositum, & consignata obseruatione maculæ per solam distantiam à centro circino assumptam in imagine, facile determinantur distantie macularum apparentes à centro Solis, quæ nec vnus minuti erato sunt obnoxie.

Immò Telioscopio vitris colore aliquo homogeneè tinctis instructo, & in Solem directo, placidè, sine vlla læsione, notatur discus Solaris, & distantia apparentie macularum ab illius centro, quæ multò minorem, quàm quatuor minorum differentiam inter obseruationes, in locis cum tali differentia altitudinis poli factas, manifestaret. Sed parcendum nihil talium experto.

Secunda pars necessariò sequitur constitutâ primâ.

Conuincuntur Paralogismi Demonstrationes, allatæ ad probandum maculas in Sole apparentes, non esse attiguas Soli; immò esse infra Lunam, ex proiectione umbræ in oculos obseruatorum, & discos obseruationum.

I. **P**Ræmittit Aduersarius problema. I. quo ostendit attiguum Soli corpus opacum, cuius disci, oppositi disco solari ad Terram obuerso, diameter æquaretur diametro Terræ, non posse proicere umbram, nisi in distantia à Sole semidiametri Terræ, & duarum partium ex nouem, in quas dicta semidiameter diuideretur; quare tantum abesse, vt vertex umbræ, ab illo proiectæ, Terram attingat,

attingat, ut terminetur procul à Terra semidiametris illius circiter 1103. & inde manet considerandum, utrum si intra magnitudinem Aphricæ, & Asiæ, etiam cum mediterraneo, restringatur corpus maculæ, possit huc peruenire umbra in discos imaginum solarium.

II. Ad clariorem, uti inquit, confutationem erroris, Problema secundum apponit, quo probat, corpus opacum attiguum Soli, ad hoc ut posset ad nos usque umbram proiicere, necessario debere in diametro sui disci, oppositi disco Solari nobis obuerso, continere semidiametros Terræ 10. relictis minutiis, & sic esse propè æquale Disco, Solari.

Ex his statuit, & probat I. assertionem, quod corpora maculas facientia, non possint esse attigua Soli, quia eorum disci diameter esset propè æqualis diametro disci Solaris, & ita non posset proiicere umbras plures in imagines Solis apud nos consignatas; cum tamen in propositis ab Apelle & Galilæo sint plures, usque 16. & interdum plures 20 & addit, [repugnat etiam euidentiæ tanta magnitudo, nam materia densa, & obscura vniuersum fermè Solem obtegens eclipsim fermè Solis perpetuam faceret.]

Secundam pariter assertionem; quod non possint esse in altitudine lunari, probat; quia pro tali situ illarum diameter esset maior semidiametro Lunæ; quare cum diameter lunaris orbis totum Solem obteget, non possent duæ tales maculæ conspici in hoc disco nostrate; & ita cum plures simul conspiciantur, non possunt esse in altitudine Lunæ corpora, tales facientia umbras, & maculas in discis nostris.

Denique, loco Corollarij subiungit tertiam assertionem, necesse esse huiusmodi corpora esse in aëre nobis propinquo, quia non magna sicut nubes; alioqui ut illæ, sic ipsa per se absque Tubo spectarentur, cum magis, non minus, quàm nubes nigra, & umbrosa ponantur: quod si parua, ergo propinqua, alioqui umbras non proiice-

rent in discos.


Hæc ille de loco macularum.

Omisi calculos hisce demonstrationibus insertos, quia ut mox agnosces, ipse poterat eos omittere.

Nunc assertionem vnicam rem expediamus. Demonstrationes istæ sunt meri Paralogismi, in aperta deceptione fundati, contra clarissima experimenta, & rationem evidentem.

Probatur assertio, & deceptio indicatur.

In omnibus allatis ratiocinationibus supponit Aduersarius vmbra, quam maculæ, siue sint corpora attigua Soli, siue in loco Lunæ existentia, dicuntur ad Terram vsque in discos imaginum Solis proicere, contineri lineis, ab extremitatibus diametri visibilis Solis deductis, per extrema diametri dictorum corporum. Inspice designationem



eius Figurâ x j. notatam, in qua A E B, diameter disci solaris, C G D, diameter corporis exhibentis vmbra maculæ. Cum experimenta conuincant, & eorum, quorum doctrinam confutandam suscepit, scripta clarè doceant, & propositæ imagines disci solaris, consignatæ maculis, exhibeant, illustrationem simul & semel cum atro macularum prouenire à maxima parte disci solaris, quaquaversum designentur diametri in ipso; atque solum ab extremis millesimæ, vel quingentesimæ partis illius, exempli gratia, correspondentis maculæ,

& per extrema corporis maculam consignantis in disco solari viso, vel traiectis radiis in imagine excepto, designari posse lineas continentes dictam vmbra, quæ in eodem plano, simul cum reliqua facie Solis illustri, consignatur. Puta faciem Viri nobilis Galli à te inspectam,

vel

vel traiectam per vitra proportionata, quæ tota exhiberet colorem, & venustatem consuetam, præter particulam, cui esset afficta notula nigra; & hoc quis impugnaret ex eo, quia illud modicum telæ sericæ deberet æquare totam faciem illius, vt maculam in illius facie exhibere posset, præficiendo sui nigroris velut vmbra ad distantiam vsque, vndè prospectatur, deducendo lineas ab extremitatibus vultûs illius, per extrema serici, quæ ad locum, vndè spectatur, concurrerent.

Satis igitur est vt in Sole tanta pars in proportionem non diffundat radios ad nos, quanta proportionaliter in imagine illius correspondens vmbra obseruabilis est; vt dum illa non dat illustrationem, quæ propagatur ab aliis, notetur à nobis tanta vmbra in disco, vel imagine Solis; cur non sufficiet, vt corpus opacum tantum sit, vt ab extremis tantæ partis disci solaris per extrema illius siue attigui Soli, siue in loco Lunæ existentis, ad nos deductæ lineæ ita conuergant, vt in organo visorio, vel in plano exposito determinant partem imaginis correspondentem, sic diuersam ab aliis illustribus in eadem imagine, & correspondentibus partibus reliquis in facie Solis, simul radios ad nos diffundentibus?

Addo vnum, vt in eius dictis pro 2. conclusione aduertat; eum pariter ab extremis diametri Solaris per extrema corporis opaci, existentis in loco Lunæ deducere lineas continentes vmbra, quæ ad Terram vsque suum concursum differant; & consequenter in loco Terræ, ad quem conuergentes deueniunt, necessariò totam Solis diametrum eclipsent; & tamen ex sua designatione, & discursu ex ea formato ipsum inferre; quòd diameter talis corporis, esset partium 176. quarum diameter lunaris est 325. ac proinde cum diameter lunaris totum Solem regat, duæ huiusmodi corporum longitudines totum Solem, & amplius occuparent; quem tamen totum vnica tantum, ex eius designatione, occupat. Denique ex eius discursu

contra vniuersam Astronomiam apertè sequitur ; quod paulò plus semidiametro lunari sufficit ad totum Solem eclipsandum , & quod diameter Lunæ apparens tali loco, sit penè dupla diametri solaris in apparentia.

CAPITIS XVII. SECTIO VIII.

An macule, in disco Solis apparentes, seruent identitatem, quæ sufficiat ad notandam in eis Parallaxim.

NON contentus Oppugnator macularum, intra cœlestem regionem existentium, Demonstrationibus Astronomicis, & Opticis, quibus, vt iam vidimus, conatus est, sed irritò conatu, probare earum assertores male vsos Parallaxi ad eleuandas illas supra Lunam; Adiecit destructionem fundamenti; cui omnes omnium observationes Parallaxis in maculis necessariò nituntur; obiiiciens non constare de identitate macularum, quæ eodem tempore variis in locis videntur, aut ibidem ab eodem, sed variis temporibus: cum illius nulla sufficiens probatio ab iis adducatur, & contra illam multæ, & validæ instantiæ occurrant.

Primò, quia eodem die obseruatæ maculæ in Italia locis inuicem 30. ad summum 40. milliariis distitis, nec situ, nec numero concordarunt, licèt observationes determinatæ ad agnoscendam veritatem, ipso instigante, factæ sint à duobus Viris eruditis, quorum alter opere edito maculas intra cœlum extulit; alter in nouas opiniones propensus erat; immò sapiùs factæ, cum paucarum horarum differentia, eandem inconstantiam exhibuerunt, vt apparet in Discis ab ipso propositis.

Secundò, quia ipsi primi macularum ad Solem vsque delatores

delatores Academicus Lynceus, & Apelles, de motu illarum in disco Solis apparenti, prorsus opposita pronuntiant, dum ille ab Occidente versùs Orientem declinando ab Austro in Septentrionem moueri asserit; hic verò ab Oriente in Occidentem declinando à Septentrione in Austrum.

Tertiò, quia cùm eas ex fumida expiratione constituent, passim magnitudinem, & figuram mutantes; nunc ex vna in plures; nunc ex pluribus in vnam, vt vix, & ne vix quidem aliqua earum appareat, quæ toto apparentiæ tempore, sibi ab illis attributo, non prodigiosè varietur; quomodo rationabiliter possunt in illis vel per vnam diem, ne dicam periodum tot dierum, identitatem sibi, & aliis persuadere?

Si quis obducto nubibus cœlo, aliquam determinatè intuitus, post aliquot horas rediens ad prospectandum, circa idem loci nubem videret, magnitudine, & figura non absimili, nùm propterea rationabiliter contenderet, esse illam ipsam, quam prima vice conspiciatus fuerat? quantò minùs cùm variata magnitudine, & figura, & aliis adiunctis difformem reperisset?

Concludit itaque: quod macularum assertores earum identitatem non probauerint; immò, ex positis ab ipsis, pateat via ad ostendendum oppositum.

Quare si constitutur in regione elementari (quod ipse putauit demonstratum paralogismis repetitis libro de Vniuerso, à nobis antè solutis) dari in Atmosphæra fumositates, seu exhalationes, sua opacitate impeditiuas radiorum Solarium, sed ob paruitatem non auferentes sensibilibiter diaphaneitatem aëris; sicut euenit in subtilissimo velo, per aërem extenso, inter cuius foramina, quæ dant aditum visui, sunt filamenta nullo modo perspicua; quæ tamen sua tenuitate visum nullo modo sensibilibiter impediunt. Subeunt autem dictæ fumositates varietatem pro varia temperiæ aëris; ita vt plures aliquando, & ad ampliora aëris diffusa,

diffusæ; aliquando pauciores, & inter angustiora confinia restrictæ; aliquando nullæ adsint, & ita Pisîs à 12. Iulij, ad 24. Septembris, dum ista scriberet, nullæ ab accuratis obseruatoribus aduerti potuerint.

His antequam satisfacio monendus es, Amice Lector, Opus permagnum de maculis, & faculis Solaribus, titulo Rosæ Vrsinæ prænotatum, multitudine obseruationum, varietate subtilissimorum examinum, sapientissimorum Corollariorum copiâ refertum prodiisse, pluribus annis antequam iste, aut prædictam defensionem Italicam scriberet; aut post illam ederet opus de Vniuerso: siquidem extabat Florentiæ saltem biennio antequam Academicus vulgaret Dialogos, quos iste dicta Defensione impugnandos suscepit, quare cum in Rosa Vrsina pluribus Demonstrationibus ostendantur maculæ supra Lunam; immò, ut minimum attigux Soli, cursum non solum diurnum, sed in apparente Solis disco plurium dierum continuare, dum similia ab assertoribus macularum superlunarium non exhiberi oppugnator vrget, id vnum probat, quod de hoc argumento scripturus, ea ipse, licet prostantia, non viderit. His positis,

Afferre primò, satis constare consensum apparentiarum, siue in locis proximè, siue longissimè distitis; siue eadem die, siue pluribus continenter diebus à peritis obseruatoribus adnotentur.

Probatur assertio, quia ex vna parte exhibentur huiusmodi consensûs experimenta plura in Rosa Vrsina, accuratissimè ab exercitatis obseruatoribus accersita, diligentissimè excussa, & inuicem comparata: ex alia parte non obstant, quæ afferuntur ab oppugnatore in contrarium.

Non obstat primò, quod in disco Solari intra paucas horas mutetur situs macularum, & sic obseruationes duarum, vel trium horarum interuallo matutino distantes, tam vario situ illas consignandas exhibeant; immò hoc ipsum cum aliis seruit ad nostrum intentum, & consonat veritati

tanti.

tanti Phænomeni, ut à nobis asseritur: si enim constituantur maculæ aliquomodo in Sole, hoc necessario euenit in apparentia, dum Sol in eleuatione supra horizontem mutat notabiliter diametrum altitudinis, correspondentem verticali obseruatoris; ita ut fieri possit, quod diameter altitudinis, in Sole Oriente designata, sit diameter latitudinis eiusdem meridianis; & semidiameter altitudinis à centro Solis supra horizontem eleuata, sit semidiameter quæ Sole occidente infra centrum illius descendit rectè sub horizontem: non ergo hoc probat, maculas non esse easdem, sed potius confirmat identitatem; quia eidem maculæ hæc mutatio in apparentia necessario euenit: sed oppugnatore in huiusmodi rebus minùs exercitato condonandum, cuius etiam similem deceptionem deteximus suprà, expendentes eius paralogismum, quo existimauit se demonstrare, maculas, ex vi parallaxis lunaris, accedentes ad centrum Solis Orientis, adhuc illo meridiante intra discum illius apparituras. Poterit Physicus, ut ibi monuimus, exercere imaginationem, si orbiculo chartaceo in sphaera, pro Sole, ad horizontem initio Arietis, vel libræ constituto, in eo designet diametrum altitudinis, & iuxta illam aliquot maculas; tum circumuolutâ sphaerâ, attendat quomodo talis diameter inclinetur, & cum ea proportionaliter situm mutant dictæ maculæ, ita ut si à vertice demittatur ad Solem nouus verticalis, designans diametrum altitudinis in Sole pro tali situ: ab eo, tum prior diameter altitudinis, tum situs talium macularum aliter, & aliter deuiareprehendetur, si sæpiùs id attentetur; inter horas tamen propiores ortui, & occasui videbitur notabilior variatio.

Neque obstat discrepantia numeri, vel figuræ macularum in obseruationibus plurium, circa idem tempus cap-ratis; tum quia longiores Telescopij in ampliori disco plures exhibent, quæ spectantem breuiore Telescopio, angustiori disco latent; immò eodem Telescopio, ad exactam mensuram suæ extensionis redacto, notabiles sunt

aliquæ, antè inobseruata; & facillimum est in tali mensura minùs exercitatos decipi; cùm tam pauci ex obseruatoribus, nec nisi monente Scheinero, didicerint, ad exactè consignandam Solis imaginem, & in ea maculas, per traiectionem radiorum Telescopio in planum directè oppositum, necessariam esse mutationem extensionis Tubi, eo notabiliter magis producto in hyeme, correpto in æstate; tum quia sicut facilis est, ex allatis, varietas in numero macularum, ita in terminatione, quæ facilius mutari potest ex iisdem capitibus in illis, quæ in pluribus obseruationibus consignantur, & vterius ex modo consignandi.

Agnosce, si placet, successum non ablimilem in iis, quæ dicuntur maculæ in Luna, tam constanter in illa, in aspectibus ad Solem proportionatis, animaduersæ, cum determinatione sitûs, & configurationis; vt tot annorum spatio rimatus aliquam in illis mutationem in sitibus Lunæ conformibus, deprehendere potuerim nunquam. Nihilominùs si lunares discos, post tot inspectores, & inspectiones, publicatos videas, neque numero, neque conformatione sibi correspondent; quàm multæ partes vel præ aliis circumpositis illustriores interiectæ, & sua multò minori illustrationis exhibitione illas interrumpentes, aliquos lauerunt, & in angustioribus, vel minùs accuratè expressis Discis omissæ, quæ verè internoscibiles sânt in Luna, & ab aliis consignantur? quantùm totius Disci lunaris terminatio, & insigniorum in ea partium, variata? dum aliqui propiùs horizontem Lunam rotundam conspicati, vel in oppositum planum eius radiationem traicientes, quæ ex vaporum fluctuatione in ipsius Solis orientis imaginem redundant, illi attribuerunt, & in consignatione insigniorum partium, velut nouo pectine, radiationes aliter ab aliis, & à veritate disposuerunt.

Num propterea apparentiæ in facie Lunæ sunt fumidarum vaporationum in Atmosphæra fortuito occursui, inter eam, & oculos spectatorum, tribuendæ?

Affero

Affero secundò : constare de identitate maculârum in Sole apparentium , quantum satis est ad argumentum ex parallaxi illis applicandum , & ex eo sedem illis supra Lunam satis , superque constituendam.

Probatur assertio , quia ex vna parte cursus dictarum macularum per progressum centri illarum notati , non solum pro situ , quo primùm in Sole apparent , ordinatè per discum illius extenduntur : sed statis mensibus semper cum determinata curuitate in eodem Disco Solis ; sic omnes inclinant vel in Austrum , vel in Septentrionem ; quæ tam exacta , & constans cursuum per sua centra dispositio , non potest esse aliorum , & aliorum corporum , sic , pro tempore vnius designati cursûs , sibi fortuitò occurrentium è regione Disci Solaris , & oculi spectatoris.

Ex alia parte mutatio magnitudinis , figuræ , colorum , diuisio in plures , vel plurium confusio , cum tali progressionē ordinata centri talis materiæ aggregatæ , non infert nisi materiam , quæ tam ordinatè voluitur , esse alterabilem , & ex alteratione solubilem : verè tamen ex ea perseverare aliquid , quantum sufficit ad ordinatè continuandum , & sic constanter disponendum talem cursum. Quod totum volunt , qui materiam macularum Soli attiguum volunt ; neque vllò modo est contra identitatem , quam requirit observatio parallaxis in illis , vt de se constat.

Quod autem Academico Lynceo , cursus macularum , quibus circa Solem promouentur , ordinante ab Occidente in Orientem , cum declinatione ab Austro in Aquilonem , recesserit Apelles , eos disponi asserens ab Oriente in Occidentem , declinando ab Aquilone in Austrum , ideo fecit ; quia maluit in denominando sequi illam partem motû earum , secundum quam nobis apparent , quàm illam , quâ circa partem Solis auersam , inuisæ nobis , conuolui dicerentur : quare si quis Solem ab Oriente in Occidentem , vt apparet , moueri diceret motu diurno ; & alius ab Occidente in Orientem ; quia sic noctu latenter infra suum

horizontem mouetur; Tertius parùm aptè ex hoc litem Soli moueret, vt eum cælo deturbaret, quòd Astronomi de motu illius contraria pronuntiarent.

Assero tertio, Commentum de fumidis expirationibus in Atmosphæra existentibus, quæ non tollant sensibilibiter diaphaneitatem ab aëre, quando adueniunt; possint tamen partes Solis, impeditis radiationibus, velut maculosas exhibere, esse prorsus falsum, & explicandis macularum apparentiis omninò ineptum.

Prima pars probatur, quia cum obseruanti Solem per Helioscopium, vel eius imaginem in planum oppositum traicienti, immisissis per Telescopium radiis illius, huiusmodi corpora vmbra tetram, & crassam apparenter notabilem, etiam in extensione, inducant tam in Discum Solis, quàm in imaginem illius, quod excludit comparationem subtilis veli, quam affert Oppugnator; & hoc præsent non solum in locis multùm distantibus, sed in intermediis, ad quamcumque partem domûs, ex qua pateat aditus ad Solem, ad quamcumque partem Urbis, ad quamcumque partem circumstantis agri Telescopium, vel successiue continuè, vel interruptè transferatur; manifestè contra euidencia experimenta sequeretur, quòd totam illam partem Atmosphærae, quæ inter Solem, & totam illam Urbem, regionem, & Prouinciâ, ex quibus spectantes Solem, mutato in illis loco, iuxta dicta, maculas in eo notarent, necessariò talia corpora opaca ad talem vmbra exhibendam apta, sine sensibili interruptione occuparent: alioqui ab vno loco in proximum moto Telescopio, Sol ex maculoso nitidus posset passim apparere, interrupta notabiliter expansione, inter Solem, & spectatorem interiectâ, huiusmodi corporum Atmosphæram obsidentium, quod manifestè non euenit: sic autem occupantia Atmospheram inter Solem & spectatorem interiectam, primò non possent certam partem Solis vicinam centro illius, non margini, & è contrâ, inumbrare, respectu spectantium è
diuersis

diuersis Terræ tractibus, & locum in eodem tractu subinde mutantium, cum in tali ipsorum expansione occurrere possit opacitas æquè impeditiua radiorum ad marginem, sicut ad centrum disci, & è contrà; & quæ respectu vnus loci est impeditiua radiorum ad marginem, eadem respectu alterius loci sit impeditiua eorum ad centrum, quod tamen non euenit: mutatio enim sitûs, quæ turbauit oppugnatorem, ex suprâ dictis, est ex mutatione sitûs ipsius Solis in cursu diurno respectu verticalium spectantium, & non est à centro ad marginem, vel è contrà, sed potius quasi circa centrum.

Recole, si es paulisper in Astronomicis exercitatus, quid eueniat Lunâ Solem eclipsante, respectu spectantium è diuersis, & aliquomodo oppositis partibus; & à fortiori agnosces, quàm multa ex hac falsa suppositione contra aperta experimenta euenirent.

Secundò, talia corpora opaca sic per Atmosphæram disposita, ad exhibendas in qualibet parte vnus Urbis, & circumfusi agri, & proximis Urbibus maculas in Sole notabiles, necessariò totum Solem inumbrarent simul, vel nullam certam partem illius essent apta inumbrare. Probatur sequela, quia in tali vicinitate Atmosphære ad oculum, & distantia à Sole, corpus determinatum, quod obstat radiis alicuius partis Solis, spectatori, qui mihi est ad dexteram, necessariò est interiectum inter me, & aliam partem Solis; sic quod obstat radiis alicuius partis Solis, spectatori mihi ad sinistram, & eodem modo spectantibus ad omnem positionis differentiam respectu mei, & quidem tam proximius, quàm remotius; ergo à corporibus illis singulis, simul radios à certis partibus Solis impredientibus, respectu sic dispositorum ad me, impediuntur respectu mei, & cuiuslibet similiter cum aliis prospicientis, radij à circumpositis ad omnem positionem partibus Solis; vel talia corpora nulli spectatori, alicuius partis Solis radiorum sunt sensibilibiter impeditiua. Certum est autem, quòd me obseruante

aliquam maculam in Sole , alij , & alij circa me possunt maculam in Sole notare. Nec scitur vnquam tot annis euenisse , vt insigni macula in Sole alicubi apparente, alibi Sol toto disco nitidus apparuerit. : Dixi insigni, quia minoribus ex Telescopio debiliori, vel extensione illius minùs aptè determinata, aut inspectione minùs accurata latentibus, videri potest aliquibus omni ex parte nitidus, qui verè non est.

Adde argumentum excludens non solùm ab Atmosphæra, sed ab omni regione elementari infra Lunam, talia corpora opaca, quæ, impediendo radios Solis, possint in eo causare apparentias macularum: siquidem ex quo sunt notatæ similes apparentiæ respectu Solis, obseruatâ, continua per Telescopium inspectione, Lunâ, in omni aspectu ad Solem, etiam quando videtur post Solem Occidentem, illa eandem quasi viam decurrere, nunquam in illa quid simile animaduersum, quod apparentiam talis inumbrationis exhiberet in partibus illius à Sole illustratis, ratione cuius, quæ pro aliquo situ aliquando apparerent sic illustres, aliàs pro situ conformi viderentur nigricare: quod euincit talia corpora non posse infra Lunam existere, alioquin inter Lunam, & aspectum alicuius nostrum contingeret interponi; sicut inter illum, & Solem interponuntur, quæ si tantò potentiores lucidissimi Solis radios, ad exhibendam vmbra tam densam, possent impedire, tantò faciliùs Lunæ languidiùs splendentis possent.

Secunda pars probatur tum ex dictis pro prima; tum ex dictis suprâ in probatione secundæ Assertionis: talis enim progressus ordinatus centri macularum in Disco Solis, talis motuum per arcus in illo designatos inclinatio determinata, certis anni mensibus ordinatè recurrens, corporibus in Atmosphæra fortuitò sparsis nullo modo potest adaptari.

CAPITIS XVII. SECTIO IX.

De apparentibus in Luna, & deductis ex illis.

Licet Luna inter astra nobis sit maximè familiaris, & omnibus in cœlo statim de facie nota: nihilominus ad partes, & affectiones illius distinctè internoscendas, eget accurato observatore, Telioscopiis longioribus, vitris diligentissimè elaboratis, & instructis; ad apparentiarum veras causas assignandas, & corporis lunaris constitutionem ex iis determinandam in Philosophia optica beneperito, & multa respiciente, qualem me non audeo profiteri: sed solum 34. annorum spatio Lunæ per meliorestubos curiosum inspectorem, & de eius constitutione pernoscenda sollicitum. Aliqua ex animaduersis præcipua hîc summam subiungam.

Statuuntur apparentia Luna.

I. **I**N facie Lunæ (eo nimirum, quod ex illa instar hemisphærij ad Terram conuertitur, & variè à Sole illustratum à nobis conspicitur) apparent discrimina notabilia maioris, & minoris claritatis in partibus illustratis, ut aliæ candicare, aliæ albescere, aliæ velut tenui pallore superfusæ videantur. Ex plenius autem illustratis aliquæ velut longitudinibus candidis, à se deductis coronari. Atque hæc discrimina in iisdem partibus illustratis singulis mensibus animaduertuntur.

II. Lunâ recedente à Sole, vel ad Solem accedente, apparent intra partes tenebris inuolutas aliquæ illustratæ protendi; ut limes, distinguens illustratas à non illustratis, videatur quasi serratus, sicut Terræ littora variè excur-

runt

runt intra m̄sare. Immo spectantur apices, & margines splendentes in distantia notabili à reliquis illustratis, circumsepti tenebris, qui Lunâ decreſcente ſenſim diſparent; creſcente verò in illuſtratione ad nos conuerſa, & ſic extenſa ad partes intermedias, videntur ſenſim reliquis illuſtratis adiungi.

III. Non ſolùm ex partibus magis illuſtratis apparent aliquæ ſic protendi intra nullo modo illuſtratas, vt dixi: ſed etiam ex iis, quibus conſtant in facie illuſtrata maiores maculæ, aliquæ colore talium macularum ſublūſtri diſtinctè notabiles, videntur extenſæ intra nullo modo illuſtratas, præſertim poſt primam quadraturam, & ante ſecundam. Ex quibus vidi in valdè magna, & æquabili extenſione ſic protenſam partem maioris maculæ 3. Ianuarij anno 1647. hora ſepuima noctis, Romæ.

IV. Inter partes illuſtratas ſpectantur margines in gyrum aſſurgentes, in quorum medio partes inumbratæ ſucceſſiue illuminantur, inſtar vallium, inter montes Terræ iacentium, ad quas, aſſurgente ſupra horizontem altiùs Sole, à ſuperioribus montium illuſtratio deſcendit: ſicut ab iſdem Lunâ decreſcente illuſtratio recedit, dum perſeuerat in marginibus dictis, eadẽ proportionẽ, qua Sole occidente ab iſdem vallibus illuſtratio recedit, dum perſeuerat in partibus editioribus montium: ſingulis porrò menſibus diſtinctè, & facilè notantur huiusmodi umbræ, dum minuuntur aliquomodo verſùs orientem, durare occidentem verſùs ex oppoſito, quo nimirum, à marginibus dictarum cavitatum impediti Solis radij non perſtingunt: è contra verò Lunâ decreſcente augeri, & durare aliquomodo orientem verſùs, radiis proportionaliter impeditis à marginibus ad eam poſitionem conſtitutis, dum occidentem verſùs apparet illuſtratio. At prope oppoſitionem prorsùs tolli, dum pro tali ſitu ad totum fundum intra dictos margines perſtingere poteſt illuſtratio à Sole: paſſim autem in medio huiusmodi marginum illuſtrium, inter partes

partes inumbratas assurgit tumulus, cuius vertex, multò ante illustrationem aliarum circumiectarum inter margines partium, apparet illustratus.

V. Quod ex Lunæ crescentis hemisphærio ad nos converso à Sole auertitur, post nouilunium apparet aliquo pallore suffusum: & licet huiusmodi color in magna ad Solem vicinia ex nimio fulgore crepusculorum minùs interobscuratur: dum tamen Luna à Sole elongatur, adhuc latente maximâ parte fixarum ex crepusculis, distinctiùs apparet, & magis ad alborem videtur accedere: sicut è contrâ, accedendo ad quadraturam proximùs, languescere, vt sensim dispareat: quæ variatio notatur, etiam si spectator procuret post testum, vel turrim in aliqua notabili à se distantia partem Lunæ à Sole illustratam latere, ne simul conspecta suis radiis occupet oculum: nec minùs lateant ob crepuscula multæ fixarum, dum dictus pallor in Luna magis albicat, quàm lateant ob illustrationem aëris vapidi, ex crescente illustratione in facie Lunæ, dum in reliqua parte ille euanesceat, & disparet.

VI. Existente Lunâ decresciente in simili situ ad Solem, post secundam quadraturam pars à Sole auersa, cæteris paribus, videtur magis subalbicare: & hæc apparentia constans est in istis regionibus quomodocumque Luna spectetur cælo sereno. Non sic constans est apparentia, per quam tam in Luna crescente, quàm in decresciente spectatus in parte à Sole auersa pallor, simul cum cornu à Sole illustrato, videtur multò magis subalbescere ad limbum illi oppositum, quàm ad media, maiori illius illustrationi proximiora: nam occultato cornu illustrato post opacum in aliqua notabili distantia ab oculo, in tota reliqua parte pallor videbitur æqualiter diffusus. Non semel tamen directo in partem à Sole auersam, dum serenior esset aër, Telioscopio, instructo vitris diligentissimè elaboratis, altero illorum versus obiectum, maiorem solito patiente aper-
auram, cum præcisione apparentiæ obiecti, spectavi in par-

re Lunæ decreſcentis, à Sole auerſa, diſpoſitionem maiorum macularum accedentium magis ad fuſcum inter alia, præ illis ſubalbida.

VII. Clarè, & facilè notatur, aliquarum inſigniorum partium in facie Lunæ mutari diſtantiā à margine illius, ut nunc illi propiùs accedant, nunc ab illo remoueantur: aduerte illam, à qua, vergente ad Austrum, videntur deduci velut longiores tractus illuſtres præ reliquis, ſimilem phaſim exhibentibus, & ſimul partes ei oppoſitas ad alterum Lunæ marginem; ſimiliter maculam aliquomodo rotundam, quæ ex maioribus in creſcente illuminatione Lunæ prima conſpicitur, & in decreſcente prima occultatur, & mutationem dictam certò deprehendes, tum in eadem illuſtrationis periodo, tum duabus ſibi proximè comparatis: hæc enim variatio notabilis eſt, & ſi quis diligenter aduertat aſſuetus iſta ſpectare notabit aliarum partium in facie illis correfpondentium cum aliqua connexionē, mutationem fieri in tali acceſſu, & reſeſſu. Ex hac mutatione cum aliqui inferrent, conuolutionem integram corporis lunaris in eius occultatione perfici, Telioſcopio dicto eximie polituræ, & multò maioris aperturæ in vitro ſuperiori, quàm communiter eſſe ſoleat, lunationem integram in hyeme ſerena obſeruauī: & in vltimis diebus ſubalbicante magis parte à Sole auerſa, clarè vidi in illa perſeuerare, Terram verſus, eandem maiorum macularum diſpoſitionem, & in ea illam maculam aliquomodo rotundam diſtinctius animaduerti: ſed nec librationem corporis lunaris in certos terminos reuocaui, nec ad quas Cœli partes determinatè dirigeretur adnotaui, cum aliis, quæ prænotabilis Vir, & de re Aſtronomica optimè meritis accuratiſſimo ſtudio animaduerſa, & expenſa in ſua Selenographia iam expoſuit.

VIII. In extremitatibus cornuum Lunæ, ſecundum illuſtrationem ad nos conuerſam, creſcentis, & decreſcentis, per exacta Telioſcopia ſpectantur diſtinctiſſimè ſe-

renq

reno Cœlo apices in apparentia valdè illustres, sed valdè exigui, per illustres, & tenuissimas longitudes apparenter iuncti reliquo cornui; immò quædam exiguæ cavitates, extensæ in longum, velut extremo margine faciei lunaris in iis non nihil subsidente.

Omnes verò istæ inæqualitates, sic notatæ ad extremum limbi Lunæ, præ reliquis intra eius faciem in incremento, & decremento illustrationis communiter obseruatis, secundum apparentiam minores, dum sereno Cælo, & Lunâ notabiliter supra horizontem eleuatâ spectantur, sicut viuidâ, ita quietâ prorsus, & constanti illustratione exhibentur, vñ nunquam, cum his circumstantiis spectatæ per tot annos, obseruanti trepidationem, vel vndulationem exhibuerint.

IX. In Eclipsibus lunaribus, dum Luna incurrit in vmbra, nunquam subalbicat, vt diximus euenire in parte à Sole auersa, Luna crescente, vel decresciente; sed aliis coloribus variè apparenter tingitur, accedendo semper ad magis saturum, quò magis vmbra pervadit: & quidem color aliquando rubicundior, aliquando retrior videtur. In Eclipsibus Solaribus, secundum colorem vergentem ad fuscum in suo disco velut Soli supposita notatur; & quidem extrante parte Solis ad vnâ positionem, & in terminatione sua aliquantulum trepidante, Luna in margine ad illam proximo, aliquomodo fluctuat.

X. Cum multos legerim de Lunæ Phasibus agentes, & multis iam annis eam curiosè spectauerim melioribus Telescopiis, nunquam aut notatum vidi, aut notare potui in aliqua Lunæ parte, quæ ex minùs illustratis censetur inter eius maculas, lumen cum notabili splendore cuibratum.

COROLLARIA EX APPARENTIIS De affectionibus Lunæ.

COROLLARIUM I.

Lunam inter corpora terminata, & opaca censendam esse.

PRima pars probatur ex Apparentiis, quibus clarè agnoscitur, quòd non dat liberum transitum lumini Solis, neque secundum minores sui partes ex iis, quæ distinctè notari possunt: nam pluribus locis in facie Lunæ notantur margines, illustrati valdè, in ambitu, dum media illorum in umbra nigrescunt, ad quæ postea à radiis Solis illustratio successivè descendit, prorsus ut evenit vallibus inter edita montium iacentibus; ita ut postea margines iidem cum toto fundo illustrato conspiciantur: ergo antè non dabatur per illos, velut aggeres ex vna parte sui, quæ Soli obvertebantur, illustratos, liber transitus radiis Solis, ut umbra illorum mediorum apparenter temperari posset, quod de tanto maiori crassitie corporis lunaris multò rationabiliùs asserendum; eam nimirum totam à radiis Solis non esse permeabilem; ac proindè illis, massam lunarem permeantibus, tribui non posse alborem, qui circa novilunia tam distinctè spectatur in hemisphærio auerso à Sole, nec qui in partibus etiam, quæ illo ad Solem sensim conuerso, priùs reliquis intermediis illustrantur; cum illæ sui crassitie, comparativè tam modicæ, impediunt illustrationem, ne ad intermedias simul diffundatur, quarum umbra subalbescere indè nullo modo conspicitur.

Secunda pars probatur primò; quia constat, eam à Sole recipere illustrationem, qua nobis apparet singulis mensibus cornu splendida, & sensim splendore in aliis partibus simili crescens ad illustrationem vsque rotundam aliquo-
modo

modo deuenire ; postea à rotunditate notabiliter deficiente , ad illustrationem corniculatam redire , donec illa attenuata tota dispareat : siquidem qua parte ad eam perueniunt radij Solis , ea sic illustris apparet ; qua parte ad eam peruenire non possunt , tali illustratione destituitur , ita ut eadem partes , quæ radiis Solis affusæ splendidæ apparebant , ex mutato situ ratione motûs corporis lunaris , à radiis illius auersæ , tali splendore destituantur ; & quæ velut in umbra iacentes , inter alias sic illustres non computabantur , mutato situ ex eodem motu , & ad Solem conuersæ , inter similiter illustres exhibeantur.

Hæc autem eueniunt semper positâ tali partium , dum illustres apparent , conuersione ad Solem ; dum in illis illustratio eadem cessat , positâ auersione à Sole ; quomodo cumque inter se , & ad Lunam se habeant omnia alia corpora , quæ videntur lucentia in Mundo , atque impedita , per interpositionem Terræ inter Solem , & Lunam , diffusionem radiorum Solis ad illam , pro mensura impedimenti in maiori , vel minori parte Lunæ , vel etiam in toto hemisphærio , ad Solem licet conuerso , cessat huiusmodi illustratio , conuersis licet sine impedimento alijs corporibus quomodo cumque in Mundo lucentibus ad ipsam.

Secundò quia alborem , quem ostendit in parte à Sole auersa circa Nouilunia , licet à Sole , iuxta dicta N. 1. illam per suos radios permeante non habeat : neque tamen à se habet , velut affectionem substantiæ suæ connaturalem ; tum quia variatur constanter quòd ad intensiorem in iisdem Lunæ partibus , quæ quod ad extensionem semper remanent facillè discernibiles ab oculo , etiam in amphicyrta , si non desit fulgor : primò enim viuidus apparet in illis , dum ipsa ab illustratione primâ corniculata accedit ad quadraturam , & proximè ad illam minuitur , etiam si in aliqua distantia à spectatore per tectum vel turrim procurretur occultatio partis illustratæ , ne illius fortior splendor , in oculum simul & semel irradians , possit apparenter

minuere alborem primò spectatum in illis; etiam si æquè, immò magis è regione Lunæ accedentis ad quadraturam pectentur astra fixa, quàm spectarentur è regione illius corniculatæ, dum aër vaporosus, in crepusculis subillustribus, fixa circa Lunam, propiorem occidenti, magis occultaret. Tum quia æquè benè disposito aëre ad serenitatem, vt constat ex inspectione fixarum, hinc indè simul apparentium in situ simili eius ad Solem, albor ille constanter apparet intensior, Lunâ ad Solem accedente post vltimam quadraturam, quam appareat in illa à Sole recedente versùs quadraturam primam.

Adde fortè, quòd aëre quantumuis similiter defæcato, vt cognoscitur ex apparentibus similiter fixis, proximè ad eandem cœli plagam, & remanente tantumdem de cornu Lunæ illustrato in partialibus sui Eclipsibus, nunquam Luna talem alborem ostendat in partibus, licet iisdem, à Solis radiis ex interpositione impedimenti non illustratis: umbra autem Terræ, vt umbra est, in quam incurrit, ex impeditis radiis non importat positium colorem realem, nec vlla umbra, pro Solo defectu luminis, potest facere mixtionem ad nouum colorem apparentem: sed ad summum iuuare apparentiam coloris debilis: alio siquidem colore existente illustrato int proxima directione ad oculum, & præsentè per representatiuum sui in oculo, non sufficeret impressio facta à debiliori ad prouocandam similiter potentiam ad apprehensionem illius, sicut prouocat absente potentiore: qui autem umbram, vt est defectus luminis, volunt ingredi mixturam colorum apparentium, rem ipsam, de qua loquuntur, & experimenta, quibus nituntur, minùs expendunt.

Verùm quia radij Solis per magnam crassitiem sphaeræ vaporosæ traiedi in Eclipsi lunari, ex refractione, quæ interuenit in egressu in illam, & egressu ab illa, peruenire possunt ad faciem Lunæ cum representatiuis alicuius opacitatis, quæ in tali vaporoso reperitur, & ad illa ver-

sus Lunam simul propaganda iuuatur ab huiusmodi radiis; possunt etiam cum illis apparentiam coloris mixti in ea causare, & quidem variam pro varia constitutione talis vaporosi. Idè abstinco à tali experimento pro veritate à nobis adducendo, sicut ab argumento petito ab Eclipsibus Solis, in quibus fulgor, qui tunc etiam ad oculos spectatorum peruenit, etiamsi procuratur partis Solis non Eclipsatæ occultatio, post opacum in aliqua distantia constitutum, æquè prohibere potest apparentiam alboris prædicti in Luna, siue ille dicatur esse affectio connaturalis substantiæ Lunæ, siue dicatur ei ex reflexione à Terra conciliari, vt patebit consideranti, quantum Terræ circum circa illustratur à Sole, dum ad aliquam plagam illius, impeditur diffusio radiorum ab illo ex interpositione Lunæ.

C O R O L L A R I U M II.

Alborem, qui cernitur in parte Lunæ à Sole auersa, esse ex reflexione luminis solaris à Terra ad illam.

PRobatur, quia non est connaturalis affectio corporis lunaris, in mundo non sunt alia apta illius apparentiam causare, præter Terram ex dicta reflexione, quæ ex situ, & sua dispositione est ad id aptissima.

Prima pars stabilita est in probatione partis secundæ Corollarij præcedentis.

Secunda pars ostenditur descendendo ad peculiaria corpora: Non potest esse à Sole suis radiis lunare corpus pervadente, vt constat ex probatione primæ partis Corollarij præcedentis.

Non potest esse ab aliis planetis, cum ille in parte Lunæ à Sole auersa pro assignatis positionibus constanter appareat, quomodocumque ad dictam Lunæ partem se habeant reliqui Planetæ, in particulari illustriores, etiam si sint in simili

simili cum Sole ad eam directione constituti , pro qua nec Solis, nec ipsorum radiationes ad partes sic albescentes in hemisphærio , pro tali directione ab ipsis auerso , possunt peruenire.

Non à stellis fixis, quia cùm à lumine crepusculorum præualente in oculo, ipsæ , maxima saltem ex parte, maneat inuisæ; multò magis nos simul lateret debilissima reflexio luminis illarum in Lunæ parte, cæteroqui de se obscurâ.

Non à sphæra vaporosa Terræ circumposita, quia albor iste apparet, & quidem melius, etiam cùm aër valdè serenus lumine Solis faciliè peruaditur; ac proinde valdè prorsus exiguum est, quod ab illo reflecti potest, & illud exiguum ad tantam ab ipsa distantiam, in qua est Luna, si peruenit, est omnino euanidum, quantò minùs aptum, ut à Luna reflexum ad nos, sphæram eandem vaporosam peruadens, præualeat illustrationi crepusculorum, ita ut latentibus propter illam tot stellis fixis, faciat impressionem in oculo notabilem, ex qua discernatur fulgor ex eo apparens in Luna.

Neque verò ab illustratione, quam experimur in crepusculis, assumas mensuram luminis reflexi ab aëre vaporoso; quia illa est, magna saltem ex parte, à lumine Solis peruadente aërem vaporosum, & iuuante refractione ad nos per illum transmissum.

Non à substantia æthereâ prorsus inepta reflexioni, ut aptissima transmissioni luminis.

At potest esse à Terra luminis Solis ad Lunam sufficienter reflexiua, ad dicti alboris in Luna incrementa, & decrementa conuenientissimè disposita.

Ad huius tertiæ partis probationem aliqua tum ex dictis, tum ex clavis præmittenda sunt.

Admittenda primò reflexio luminis, & non speciei luminis ex corpore terminato, & aspero, ex probatis Cap. X L. Sec. III. Admittenda pariter reflexio luminis Solis à Terra ex vi experimentorum: incidente quippe Solis lumine per
foramen

foramen intra domum, cæteroqui clausam, ad quamcumque partem incidat, etiam cõsto latere stratam, ex illa illustrata fit quaquaversum reflexio, per quam non solum inoffenso pede licet in aliis, & aliis partibus ambulare, sed etiam pro vario situ, & distantia legere. Dicere autem reflexionem luminis Solis à Luna (quam probabimus euidenter etiam in minoribus suis partibus, ex quibus constant notabiles, esse corpus asperum, & non speculare) idcirco fieri, quia hoc est priuilegium talis corporis cælestis, quod est inter causas mundi eminentes, est nihil dicere; & ex eleuatione supra Lunam demonstrata in maculis in Sole apparentibus ex materia alterabili, & sensibili, toties inculcata eminentia iam nulla est.

Admittendum secundò ex probatis Cap. VII. multiplicationem plurium illustrantium, vel plurium partium eiusdem illustrantis maioris, licet singula reputentur in vigore illustrandi debilia, posse ad illustrandum idem corpus, debite propositum intra sphaeram actiuitatis illorum, non solum æquiuale, sed præualere intensiori, & intensiori illustranti, sed in tanto minori extensione: & hoc idem proportionaliter euenire in reflectente, inter cuius partes aptas reflexioni versùs corpus, ad quod illa dirigatur, interponantur aliæ, & aliæ minus reflexiuæ, siue simpliciter, siue ad illud; dummodo aggregatum ex dirigentibus reflexionem ad idem possit tot pluribus illustrantibus, vel partibus eiusdem magni illustrantis æquiuale; ac proinde cum globus compactus ex Terra, & Aqua sit quadragies circiter maior lunari, etiam si multæ illius partes dicantur minus aptæ reflexioni luminis Solis, vel simpliciter, vel dirigendæ ad Lunam; vt Aqua, de qua paulò post hoc ostendemus, supersunt tot aptæ reflexioni; ex sua asperitate quaquaversum dirigendæ, vt aggregatura illarum excedat illud, quod in Luna similiter asperum sufficit ad notabilem à nobis reflexionem luminis Solis in Terram dirigendam.

Admittendum tertio ex probatis de causa, & mensura reflexionis luminis Cap. XIII. & eo, quod experimur in Luna; corpus terminatum, & asperum, proprio lumine destitutum, illustratum à Sole in distantia Terræ à Sole, habere sphaeram reflexionis simpliciter, quæ ad distantiam, in qua est Luna à Terra, extendatur: siquidem Luna opposita Soli est, ex probatis, corpus terminatum, & opacum, atque, ex certò probandis, asperum in suis etiam partibus minoribus, ex quibus constant quæcumque sunt in illa à nobis notabiles; denique positum in multò maiori distantia à Sole, cui opponitur distans toto suo cœlo ab illo, quàm sit distantia Terræ à Sole, & nihilominus diffusum ad se lumen Solis reflectit ad Terram, quæ non plus à Luna distat, quàm Luna ab ipsa; nec reflexio luminis est proprietas cœlestis, sed corporis terminati, quod, quò minùs admittit, eò plus reflectit.

Ex his admittendis probatur propositum; Terra sic terminata, opaca, & aspera, est reflexiva luminis, & quidem ad distantiam, in qua est Luna, & per plures sui partes, quæ sufficiant ad illustrationem in ea notabilem; ergo exclusâ ab aliis corporibus aptitudine illustrandi sensibilibiter partem Lunæ, auersam à Sole, & conuersam ad Terram, & ostensâ tali aptitudine in Terra reflectente lumen Solis ad illam, albor seu pallor, in tali parte Lunæ nobis apprens, tribuendus est reflexioni luminis Solis ex Terra.

Confirmabitur hoc totum ex euidenti solutione paraoligismorum, qui tanquam demonstrationes Opticæ, in oppositum allati sunt,

Denique, aptitudo in Terra correspondens decrementis, & incrementis dicti alboris in Luna recedente à Sole versùs primam quadraturam, & accedente ad Solem à secunda, facîle cognoscitur, quia dum ille decrescit in Luna à Sole ad primam quadraturam accedente, in mutatione talis situs semper à minori, & minori parte hemisphærij Terræ à Sole illustrati potest ad illam dirigi reflexio; dum

verò crescit in illa ad Solem à secunda quadratura accedente, in mutatione talis situs semper à minori, & maiori parte hemisphærij Terræ à Sole illustrati potest ad illam dirigi reflexio.

Sieges in hoc iuuare imaginationem, designa tibi circulum Terram referentem, & ad dexteram alio circulo referente Solem descriptio, iunge vtriusque centrum lineâ, ad quam assumptis per circinum hinc inde quadrantibus, habebis hemisphærium Solis illustrans, & Terræ ab illo illustratum. Tum minorem circulum Lunam referentem in vario, & vario situ ad circulum Terræ in modicâ distantia in gyrum dispositum appinge; & agnosces ad partes in sinistram dicti minoris circuli semper à paucioribus partibus hemisphærij Terræ ad Solem conuersi posse lineas rectas non secantes duci, quò ille assumitur propiùs ad meridianum, designatum per medium circulum terram referentem, & in maiori recessu à circulo pro Sole designato. Ex hac inspectione, intento benè concepto, in recessu Lunæ à Sole versùs situm, quem obtinet in prima quadratura, dum apparet nobis dichotoma, eleua chartam sic signatam, & inuerte, ut quæ tibi ad dextram, referentem positionem versùs Occidentem, fiant tibi ad sinistram referentem positionem ad Orientem, & eam expositam lumini inspice, & agnosces ad circulum paruum, Lunam referentem, quo in situ magis recedente à media diametro, designata in circulo Terræ, tanquam termino medietatis illustratæ à Sole, assumitur, & ita in situ propiore ad circulum pro Sole descriptum, eò plures lineas similiter duci posse ad illum à medietate circuli, hemisphærium Terræ à Sole illustratæ referente: ex quo iuuaberis ad concipiendum, quomodo in Luna à secunda quadratura ad Solem accedente, crescere possit reflexio luminis à pluribus Terræ partibus in eius partem à Sole auersam, directi.

Quòd verò albor in proportionato situ Lunæ ad Solem

appareat viuidior nobis eam spectantibus ad Orientem, in accessu ad illum à secunda quadratura, quàm appareat spectantibus Occidentem versùs eam in recessu à Sole ad primam quadraturam ; correspondet pariter dispositioni Terræ, in qua Orientem versùs, respectu nostrarum regionum, magna pars continentis in Asia extenditur, at verò Occidentem versùs, latè funditur Aqua in Oceano, quæ multum luminis à Sole recepti admittendo intra se, per refractionem, & varias intra se reflexiones velut absorbet multum ex suis partibus specularibus, vel secundùm magnas æquabilitates extensas, vel secundùm crispationes, veluti in ratione speculi interruptas, reflectit ad determinatas positiones, diuertens ab aliis, vt agnoscitur passim à spectantibus mare à Sole illustratum: illis epim in certa directione splendor viuidior oculos ferit, dum passim partes latè circumfusæ videntur nigricare : immò si totus Oceanus, velut magnum speculum æquabiliter fustum, occuparet totum hemisphærium Occidentis, & secundùm angulos angulis incidentiæ æquales fieret reflexio luminis ad Lunam, valdè à modica ipsius parte lumen in Lunam dirigeretur, vt facili designatione assequeris, istis corporibus per circulos in proportionato situ designatis, si in superficiem maris occupantis speculariter hemisphærium ad Solem conuersum deducas radios, & attendas æqualitatem angulorum incidentiæ, & reflexionis. Aliquid de hoc distinctius infra, vbi specularem superficiem à Luna, ad Terram Solis lumen reflectente, excludemus.

Confirmationem autem causæ hîc assignatæ variij incrementi & decrementi alboris notati à nobis in Luna ad Orientem, & Occidentem nostrum spectata, expecto ex Brasilia, & Noua Gallia, in quibus cum ad Occidentem Terra continens latè extendatur, ad Orientem latè fundatur Oceanus, deberet oppositum apparere spectantibus Lunam ante primam, & post secundam quadraturam.

*Reflexionem luminis Solis à Terra ad Lunam
legibus Opticis non aduersari.*

NE & ego arguar, quòd multa cum negligentia in Ca-
toptriciis Theſibus, & Theorematis verſer, ab
eo, qui aſſertionem propoſitam, & ſolidè probatam, vt
cœleſtibus iniuriam, in Phyſica, & Optica conuincere ſe
proſitetur falſitatis, oſtenſiones Opticas ab eo allatas hîc
expendam, vbi monuero, me non ſolùm agnoſcere Ter-
ram in medio Mundi conſiſtentem, licèt ad Lunam lumen
Solis reflectentem, cuius temperiei, & fœcunditati in
gratiam hominis ſeruiant quæcumque lucentia, vel illu-
ſtria voluntur in cœlo: ſed etiam conatum eſſe id pro-
bare in Philoſophia Magnetica, quam ſub nomine diſſer-
tationis de primo magnetico, ſuis ritè digeſtam partibus
per propria, & vniuerſalia in ſuo genere principia tradi-
tam, & ad prima reuocatam, appoſui Nouæ de Machinis
Philophiæ.

Prima Oſtenſio Optica. Corpus reflectens lumen Solis
hinc ad Lunam eſſet validiſſimum ſpeculum, vt patet ex
magna diſtancia Terræ à Luna: at Terra nullo modo eſt
validiſſimum ſpeculum, cùm ſit corpus aſperum ſine multa
duritiæ, & ſine politura in ſuis partibus prominentibus; quæ
ſunt conditiones prorsùs oppoſitæ iis, quas Optici com-
muni conſenſu requirunt in corpore ſpeculari, ex quo fit
reflexio notabilis: ergo Terra non eſt corpus reflectens lu-
men Solis ad Lunam.

Secunda [operoſior, inquit, & me iudice prorsùs effi-
cax] in qua, licèt pariter ſupponat ad talem reflexionem
Terram debere eſſe ſpeculum: videtur tamen reiicere
quancumque reflexionem luminis Solis à Terra ad ma-
gnam diſtantiã: quia ex tali reflexione ad altitudinem
52. milliariorum Italicorum, ſequeretur lumen crepuſcu-
lorum perſeuerare ad quartam vſque noctis horam, quod

nemo dixit, & observatio arguit esse manifestè falsum. Sequelam probat, quia pro elevatione poli gr. 43. min. 40 Sol in *Æquinoctio*, per 60. gr. in *Æquatore* quatuor horis assignatos, infra horizontem constitutus, si dirigeret radios ad punctum Terræ positum in horizonte (quem ibi constituit per eiusdem centrum transeuntem) reflexio tali hora inde per angulum æqualem facta, pro tali distantia 52. milliariorum ita. extenderetur intra aërem vaporosum, ut arcus aëris vaporosi illustrati supra horizontem extaret; ex quo proindè haberetur lumen crepusculorum pro tali hora.

Tertia post aliquot paginas habetur, qua (admissâ, inquit, aduersariorum hypothesi, quòd Terra vim speculi ad reflectendum obtineat) probat Theoremate I. per æqualitatem angulorum reflexionis à Terra, cum angulis incidentiæ radiorum à Sole, non posse ad Lunam cornicularem circa Nouilunium peruenire radium reflexum ab vlla parte Terræ, quæ contineatur primo quadrante hemisphærij illustrati à Sole.

Quarta, Theoremate II. & III. per eandem æqualitatem angulorum reflexionis, & incidentiæ probat, neque à reliquo quadrante hemisphærij Terræ à Sole illustrati, posse radios ad Lunam pro tali situ dirigi; nisi per arcum complectentem min. 48. sec. 21. concluditque [patet sanè ex his, quàm negligenter sint catoptricâ scientiâ vsi: supponunt enim in Nouilunio dimidiam Terram & maiorem dimidiâ Lunæ obuerti; adeò ut radiis reflexis Solis possit eam illuminare:] cum tamen ex solis minutis 24. sec. 13. possit ea reflexio fieri.

Non descripsi omnes eius designationes catoptricas, & probationes digestas calculis, & ex Trigonometria firmatas: quia, ut modò agnosces, extra rem prorsus adducuntur à paralogizante ex falsis suppositis: sola designatio pro 2. ostensione in Fig. XII. apposita.

Ostensio igitur 1. 3. 4. ex mero falso opposito procedunt.

dunt, quòd reflexio radiorum Solis à Terra ad Lunam, debeat fieri tanquam à speculo, secundum leges angulorum incidentiæ, & reflexionis æqualium in partibus à nobis distinguibilibus in Terra, quam tamen constat esse corpus asperum, & in omnibus huiusmodi suis partibus retinere asperitatem; vt proindè, dum à Sole illustratur, ex quacumque positione conuertamus oculum ad illas, appareat in illis illustratio à Sole, quod esset impossibile, si secundum determinatum angulum reflexio fieret ab illis sic integrè sumptis; sicut quia ita fit à speculo, non nisi ad vnam, & non ad alias positiones dirigetur illustratio ab illo.


Cùm ergo quælibet pars à nobis in Terra internoscibilis sic à Sole illustretur, vt pro quacumque positione spectetur, appareat illustratio in illa, euidentis signum est, ab illa ad quacumque positionem reflexionem dirigi, ad quam ab illa non est impedimentum directè interpositum, quocumque tandem sub angulo assumatur lumen integrum ad illam à Sole diffundi. Quare cùm ab hemisphærij in Terra, à Sole illustrati, partibus ad Lunam in Nouilunio sine extendibiles in directum radij, sequitur euidenter ad nullum determinatum quadrantem illius, & in quadrantibus ad nullum certum situm restringi reflexionem luminis Solis ad illam.

Secunda ostensio confundit horizontem astronomicum cum physico, ac si liceret eos ita sumere in ordine ad vapores exhibentes lumen crepusculorum, sicut sumuntur in ordine ad corpora cœlestia lucida vel illustrata, quæ voluuntur in tanta distantia à terra, vt terræ semidiameter quæ distat horizon physicus ductus supra superficiem, vbi spectator adest, ab horizonte astronomico per centrum terræ ducto, non censeatur in dimetiendis eorum circuitionibus facere differentiā notabilem, cùm tamen è contra vaporum exhibentium lumen crepusculorum distantia 52. milliariorum Italicorum, vt supponitur à Terra respectu semidiametri Terræ quæ dicitur continere millaria Italica

3035. sit tam modica, vt proportionaliter cenſeri poſſit non importare notabilem differentiam ab ambitu Terræ & eius ſemidiametro, ac proindè diſtancia horizonſis phyſici ab Aſtronomico per gradus 90. circuli terreni per aſtronomicum tranſeuntis, tanta eſt, vt aduerſarius ope-roſiore, vt ait, ratiocinatione oſtendens arcum in atmoſphæra designatum, ad cuius extremum radius à terra reflexus ab ipſo deducitur, eleuari ſupra horizonſem aſtronomicum ad ſummū per gr. 20. (ſic enim debet legi correctis numeris malè impreſſis & ſectionibus ad gradum integrum in fauorem eius perductis, ſi vere Angulus CTP, ab eo inuentus eſt gr. 19. min. 24. ſec. 27.) oſtendat per 70. ferè gradus infra horizonſem phyſicum iacere; vnde ſi atmoſphæra volueretur in gyrum circa terram, deberent pluſquàm quatuor horæ expectari, vt illi vapores, dato quod retinerent in ſe illuminationem, dum ſurſum voluerentur, poſſent lumen crepuſculorum exhibere quartà horâ noctis.

Sed præſtat in gratiam lectoris magis exercitati, calculum malè in impreſſis notatum renouare, & figuram oſtentioni ſecundæ ab ipſo adſcriptam recognoſcere.

Datis angulo ICK, ſeu PCK, gr. 38. min. 47. $\frac{1}{2}$ latere CK, ſemid. Terræ 1152. latere verò CP, ſemid. 1. Anguli ad baſim KP, ſimul ſumpti ſunt gr. 141. min. 12. ſec. 45. horum ſemiſſis gr. 70. m. 36. ſ. 22. &c. quare vt aggregatū laterū ſemid. 1153. ad eorum differentiam 1151. ita ſemiſummæ angulorū ad baſim gr. 70. min. 36. ſ. 22. tangens 284062. ad tangentem ſemidifferentiæ eorūde angulorū ad baſim, hoc eſt ad 283815. $\frac{1}{2}$ tangentem grad. 70. m. 35. ſ. 26. ſemidifferentiæ addendæ ſemiſummæ gr. 70. m. 36. ſ. 22. ita vt totus angulus CPK, ſit gr. 141. m. 11. ſ. 48. & Angulus PKC, ſit gr. 0. m. 0. ſec. 56. cum vero ſupponatur angulus SCI, æqualis angulo ICK, latera vero vnius trianguli ſint æqualia lateribus alterius & reliqui anguli erunt æquales, Igitur in triangulo SPC, angulus SPC, eſt gr. 141. min. 11. ſec. 48. angulus PSC, gr. 0. min. 0. ſec. 56. Jam ducatur recta CT, in triangulo
CPT



CPT, datur angulus TPC gr. 141. m. 11 sec. 48. latus PC, mill. 3035. & latus CT, mill. 3087. Igitur ut latus TC, mill. 3087. ad latus PC, mill. 3035. ita sinus anguli TPC, 62665. ad sinū 61609. gr. 38. m. 1. f. 51. Ergo angulus reliquus PCT, gr. 0. 46. min. 20. f.

At quia ab ipso ponitur TP, mill. 52. P

C, mill. 3035. sicut horum summa 3087. ad eorum differentiam 2983. ita semisummae angulorum ad basim qui simul sūt gr. 38. m. 48. f. 12. hoc est gr. 19. m. 24. f. 6., tāgens 35219 ad tangentē 34625. gr. 19. m. 5. f. 56. semidifferentia, quae ablata est ex semisuma gr. 19. m. 24. f. 6. relinquit angulū TC, gr. 0. 18. m. 10. ac proinde CTP, est gr. 38. m. 30. f. 2. quae in impressis apud illum legitur gr. 19. m. 24. f. 27. sicut etiam arcus TV, aliquanto minor quam sit in vero calculo.

COROLLARIUM III

Lunam in suis partibus, vel situs vel illustrationis diuersitate à nobis internoscibilibus non esse specularē.

Lumen tamen Solis ad nos reflectere & in hoc cum Inferioribus conuenire.

PRima pars euidenter probatur, quia ex tam dissitis, & positione inter se diuersis Terrae plagis spectatores

passim aduertunt, & designant easdem partes in Luna à Sole recedente, radio illius ad eas pertingente, illustratas; & quidem in illustratione ab illis spectabili perseuerantes, facta mutatione sitûs ad Solem, & spectatores, dummodo ad illas Solis radius dirigi possit; ergo certum est in dictis partibus à nobis internoscibilibus, ad exhibendam, modo dicto, spectatoribus illustrationem à Sole, non seruari in reflexione, tam variè dispersa, & æqualitatem angulorum, cum angulis incidentiæ: Quamuis, iuxta dicta Cap. XII. Sect. III. de omni aspero, seruetur respectu minorum, & minorum particularum, quibus constant partes ex tam varia positione, & situ tam multiplici internoscibiles in tali aspero.

Reiciemus Corollario sequenti superficiem æquabilem in tota facie lunari illustrata à Sole.

Secunda pars probatur ex dictis loco citato, vbi probauimus non dari, præter lumen, speciem luminis ab asperis illustratis, vel à lucentibus diffusam. Neque negandum esse lumen reflecti ab asperis, quia non repræsentet dispositionem primi illustrantis, cum id aliundè proueniat, ut ibi probauimus; aut negandum à lucidis ad tantam distantiam, pro qua videri possunt, diffundi; quia medium, in quo aperitur oculus spectantis, censeatur tenebrosum cum ex vna parte, sphaera diffusionis luminis, tanquam repræsentatiui lucidi, sit omnium amplissima, ex alia lumine modico, & disperso existente in aëre, aër censeri potest tenebrosus comparatiuè, dum interim intra oculum, alio aliundè diffuso lumine non illustratum, illud modicum luminis ex refractione stipatum possit facere impressionem, quæ sufficienter determinet ad apprehensionem lucidi tanta distantia proposti.

Tertia pars probatur, quia ex vna parte in Luna cum lumine Solis reflexo potest aliquam sui tenuis coloris speciem propagare, ut Cap. III. diximus de omnibus coloratis, & ex professo infra dicemus de iis, quæ censentur al-

ba inter opaca : Ex alia parte dantur in inferioribus corpora illustrata à Sole, quæ ex valida reflexione luminis ex se, possunt aliud non minùs illustrare, & ex interposito alio opaco non minùs proiicere vmbra interdiu, quàm faciat Luna noctu ; quæ tamen interdiu visa, instar pallidæ nubeculæ, nullo artificio illustrationem alterius opaci sensibillem, multò minùs vmbra ex alio vlllo modo notabilem potest exhibere. Sit è regione fenestæ, non expositæ Soli, aliquid ex pariete illustratum à Sole æstiuo, per aërem serenum radiis ad illum dirigente ; & ex illustratione cubiculi ex eo prouenienti, & facili lectione intra illud ex tali illustratione, & vmbra ex interposito proiecta comparatis cum similibus, quæ noctu exhibet Luna per eandem fenestram admissa, statim agnosces propositam veritatem certo experimento stabilitam.

Neque dicas esse priuilegium Lunæ, velut corporis cœlestis, vt ipsa à Sole illustrata, ex se lumen diffundat, quod proiciat vmbra primam, illud autem quod inferiora illustrata, ex se effundunt non esse lumen ; neque vmbra, quam proiciunt ex opaco interposito, esse vmbra primam, sed secundam. Nam ista eadem facilitate reiiciuntur, quæ asseruntur, & ex suprà probatis arguuntur falsitatis.

COROLLARIUM IV.

De eleuatione notabili aliquarum Lunæ partium
supra alias.

*Datur inequalitas notabilis secundum eleuationem à centro
Lunæ inter partes eius; & licet maiorem referentes illu-
strationem magis eleuentur supra proximas, pallore suf-
fusas in maculis: non potest tamen talis eleuationis certa
mensura assignari; multò minùs aliquarum supra peri-
phoriam, corpori lunari assignatam, eleuatio deter-
minari.*

Prima pars probatur, quia Lunâ recedente à Sole non
procedit æqualiter illustratio: sed respectu eiusdem,
ut ita dicam, horizontis lunaris aliquæ partes latent, radio
Solis nondum pertingente ad illas, dum aliæ multò antè
apparent illustratæ: pariter ultra communem horizontem,
intra circumpositas latentes multæ apparent in apicibus suis
illustratæ: rursus intra margines, velut illustrationem in
gyrum exhibentes, diu perseverant umbræ, quæ sensim
descendente intra margines illustratione tolluntur; & qui-
dem priùs in parte remotiore à Sole, quàm in minùs remo-
ta; & sic in Luna decresciente opposito situ ei, qui serua-
tus est in crescente; immò in medio huiusmodi partium
inumbratarum intra margines apparet communiter vertex
illustratus, cuius illustratio perseverat etiam, dum ad cir-
cumiectas inumbratas peruenit illustratio.

Cùm igitur partes omnes sint capaces terminare radios
Solis, & exhibere se illustratas ab illo, ut euidenter agno-
scitur, quia vel priùs, vel postea ex inumbratis spectantur
illustratæ; dum inumbrantur, aliis in eadem proportionem

ad Solem conuersis exhibentibus illustrationem, & dicta non fortuito, sed constanter eueniant in simili conuersione hemisphærij lunaris ad Solem; necesse est aliquas esse in dispositione terminandi radij solaris, dum aliæ eâ destituuntur, & hanc non esse ex impedimento aliquibus fortuito præ alijs occurrente; ergo ex constanti positione, quam habent aliæ præ alijs, vt radius Solis ad eas perueniat, dum alias non attingit; quæ est eleuatio aliarum præ alijs in eodem horizonte hemisphærij lunaris.

Secunda pars euidenter probatur ex dictis pro prima, quia partes illustriores in apparentia respectu earum, quæ pallefcunt in maculis, cum quibus in eodem horizonte lunari disponuntur, citius illustantur, & apparent illustres, dum adhuc illæ inumbrantur. Inspice in Luna crescente, vel decresciente, margines aliquos notabiles maiorum macularum, & proximè ad illos validè illustratos aspicias umbram retriolem, dum longius ab illis partes eiusdem maioris maculæ videntur subillustres, quod euidenter ostendit marginem obuersum Soli, & illustratum impedire radios, ne pertingant ad partem maculæ iacentem sibi proximam, non sic ad remotiorem: maximè notabilis in hoc est inspectio maculæ magnæ ad rotunditatem vergentis, quæ inter maiores sicut prima apparet in crescente illustratione faciei lunaris, ita prima disparer in decresciente, in qua videtur velut aliquid à reliqua Luna separatum, dum eius parte occultatâ, aliam partem sublustrem ab illustri limbo umbra atra secernit.

Tertia pars probatur, quia esto à centro disci lunaris ad extremam circumferentiam determinaretur eius semidiameter, nihilominus cum ex vna parte ea extensio per summitates partium illustriorum incedat, occultatis ex situ cavitatibus intermedijs, vt agnoscitur in accessu, & recessu talium ab huiusmodi extremitate, in libratione Lunæ; ex alia parte cavitatum profunditas lateat, per quas radius Solis potest ultra horizontem, per alias partes extensum,

Penetrare; non potest inferri ex eo, quòd talis pars extra communem horizontem tunc illustratarum pro tanta distantia, vel mora temporis, ante alias in eadem secum directione dispositas illustretur, eam vel tantum supra proximas, vel simpliciter supra reliquas eleuari; quare possumus omittere consultius designationes pro mensuranda altitudine montium Lunæ.

Inæqualitas autem in eleuatione à centro lunari, non solum in media facie, sed etiam ad eius velut peripheriam extenditur, vt euincunt tales inæqualitates ad extremitatem translatae, per librationem corporis lunaris, & quæ dicemus Corollario V I. in probatione secunda partis secundæ. Ex inclinatione autem factâ ad marginem cavitates occultari, & editiora sibi mutuò occurrere possunt, vt tractum velut continenter extensum spectanti exhibeant.

COROLLARIUM V.

*Irrationabilis est apparentis globi Luna cum globo ex Terra:
 ff) Aqua integrato, comparatio, siue partes illustriores tribuantur humido, Macularum
 ruerò, corpori consistenti, siue
 è contra.*

PRimò quidem, quòd partes illustriores non possint esse corporis liquidi, probatur euidenter, tum quia, ex antè constitutis per apparentias, dictæ partes illustriores passim probantur consistere in maiori eleuatione à centro Lunæ præ obscurioribus sibi proximis, & intra eas contentis; tum quia, quæ semel clariùs illustrentur, dum continentur hemisphærio ad Solem conuerso, retinent eandem maiorem illustrationem apparentem respectu nostri
 per

per multos dies, & hoc constanter in omni lunatione, variato quantumlibet situ illarum ad nos, & Solem: hæc autem conuenire non possunt corpori fluido intra solidiorem ad commune velut centrum compacto, & in sua superficie aliquomodo speculari à Sole illustrato, vt clarè ostendit ipsa, quæ intenditur, cum globo ex Terra, & Aqua comparatio, iuxta suprà dicta de illis, Solis lumine illustratis.

Secundò, quòd partibus magis illustratis, Terram referentibus, pallidiores in maculis non sint ex corpore liquido Aquam referente, probatur; tum quia quæ permanent in hemisphærio apparenti, eundem pallorem à radiis Solis ad eas pertingentibus acquisitum retineret, in eadem dispositione respectu nostri per multos dies, quibus multum variatur earum situs respectu Solis, & nostri; nec vllos tractus maiorum illustrationum aliquando exhibent, aliquando occultant spectatori, proportionaliter, vt euenit Sole aquas maris illustrante; similiter transitum successiuum radiis Solis ad fundum vsque in magnis maculis intra margines illustriores contentis præbent, vt diximus in apparentiis, quod non euenit in liquido profundo instar aquæ, vt in aquis experimur etiam in multa vicinitate illustratis, quando notabilem habent profunditatem; tum quia constantem inæqualitatem illustrationis exhibent in horizonte lunari, & quidem, iuxta dicta in Appar. n. III. secundum magnam extensionem illustratam, intra reliquas partes nondum Solis radiis perfusas; immò aliquæ, Soli proximiores, alias sequentes in eadem maiori macula inumbrabant; huiusmodi autem conuenire non possunt corpori inconsistenti, & liquido aquam referenti, quæ tamen certum est conuenire aliquibus Lunæ partibus, ab omnibus inter maculas computatis.

Stabiletur magis doctrina huius Corollarij ex probatione sequentis.

COROLLARIUM VI.

Non eleuantur vi luminis Solis vapores è Luna, sicut eleuantur ex globo ex Terra, & Aqua integrato.

Neque datur circa Lunam sphaera vaporosa ulla, qualis circa dictum globum deprehenditur.

PRima pars probatur, quia ex vna parte in iisdem Lunæ ad Solem aspectibus constanter seruantur in partibus illius, eadem progressionēs, & consistentiæ illustrationum; & aëre nostro sereno, seruantur eadem comparabilitates claritatis, & siuationis illustrationum inter illas, pro determinato situ respectu Solis illustrantis, inspectas. Ex alia parte maximè notabilem mutationem apparentiarum faciunt spectanti Terræ plagas è longinquo, nebulae, & nubes, vt facillè animaduerti potest, & in variis itineribus mihi constitit ex editissimis Montibus subiectas valles, & planities prospectanti.

Secunda pars probatur, primò, quia non esset ratio cur dicti vapores semel admissi non cogerentur proportionatè vt circa Terram, ex quo sequeretur mutatio apparentiarum in probatione partis præcedentis improbata.

Secundò, quia circa Nouilunia, præsertim aliquot diebus à secunda quadratura, spectantur singulis lunationibus, si aër noster serenus faueat, apices lucidi ad acuminata cornicularis illustrationis, tenuissimo margine cum reliquo cornu continuati; immò Telioscopio longiori, vitris diligenter politis instructo, discernitur aliqua in longum tenui ductu extensa canitas, ad extrà vergens, in extrema periphæria propè apices illustres constituta, & hæc omnia cernuntur sub terminatione benè præcisa, & quieta; dummodo Luna sit in aliqua elongatione ab horizonte nostro,

in cuius vicinia tam Lunæ, quàm Solis margines, ex vaporum nostrorum fluctuatione, notabiliter trepidare aduertimus; & Telioscopium sit in sua extensione exactè pro tali obiecto constitutum, & vitrum superius, quantum satis est ad præcisionem dicti obiecti assequendam, ad minorem aperturam redactum: quæ omnia distinctè aduertenda censui, quia ex neglectu eorum magnis alioqui Viris decipi insigniter contigit in determinandis apparentiis.

Constat autem, quòd si aliquod vestigium dictæ sphaeræ vaporosæ deprehendi posset, dictarum partiùm offuscationem exhiberet: quia ibi in sua maximè notabili crassitie inter dictas partes, & oculum spectatoris interponeretur.

Tertiò, quia nihil est, quod suadeat illam in Luna dari: si enim in aliqua eclipsi velut centrali Solis, visus est lucidus Solis limbus ambire Lunam, inter Solem, & oculum interpositam, id non tribuendum refractioni luminis Solis in Atmosphæra lunari; cum rationabilius tribui possit maioriati Solis supra mensuram, quam illi assignarunt priores Astronomi, cuius maiortatis non leuia sunt argumenta: interim ex suprà probatis aduerte, quod ubi oculus adhibetur ad comparanda secundum magnitudinem obiecta valdè in splendore dissimilia, is valdè infidus est iudex, ob mutationem, quam in se patitur, magis minuendo in proportionem imaginem, & consequenter illustrationis repræsentationem in lucidioribus.

Quòd si in aliis eclipsibus extante cornu Solis lucido, & in sua extremitate trepidante, lunaris limbus, illi apparenter appositus, visus est alicubi notabiliter fluctuare. Is aduertere potuit, quòd tunc ob insignem mutationem ad constipationem, quæ fit in parte nostræ Atmosphære, eclipsi subiecta, ex tam notabili defectu illustrationis à Sole, potest non solum extremitas Solis apparenter tremere, & velut lacerari, similiter ac ob mutationem ad raritatem ei euenit exorienti: sed etiam extremitas Lunæ Soli subiectas, immò in illam ipse tremor extremitatis cauæ cornu solaris,

illi apparenter contiguae, ad fluctuationis apparentiam exhibendam redundare.

C O R O L L A R I U M VII.

Varietas, quæ in illustratis Luna partibus apparet, potest sine diuersâ coloratione, quæ illis conueniat ex propria natura; immò debet, explicari sine illa.

L **P**ARS probatur, tum quia varietas maioris, vel minoris obliquitatis sitûs ad illustrantem, in terminatis illi expositis varietatem illustrationis exhibet, iuxta suprâ probata, cum de differentia coloris in hyeme, & æstate; & apud nos paries eadem coloratione affectus ex sola maiori, vel minori illustratione, in aliquibus partibus videtur candicare, in aliis pallere, in aliis nigricare; tum quia maior, vel minor scabrities maiores, vel minores particulas inumbratas miscere potest illustratis, & sic illustrationis in partibus notabilibus diuersitatem exhibere.

Secunda pars probatur, tum quia facies Lunæ in oppositione ad Solem inspecta Telioscopio insignis longitudinis, & eximiæ in vitris polituræ, quali à multis iam annis vsus sum, apparet instar magnæ plagæ Terræ, niue conspersæ, quam variè in suis partibus situatam Sol illustret; facta autem aliqua mutatione sitûs ad illustrantem, remittitur in eis albor, quæ licet perseuerent in tali conuersione ad illum, quæ sufficit vt illustratio aliquomodo ad eas pertingat; suprâ tamen probatæ sunt depressiores præ aliis sibi conterminis, & præ illis minùs splendentes, quod dispositioni talis asperitatis tribuendum, ad cuius plures particulas in oppositione directâ perueniret illustratio, quam in obliquitate sitûs, pro qua variè miscendo inumbratas illustratis, exhibent huiusmodi mutationem apparentiæ; tum quia facta per aliquam librationem in corpore Iouis
mutatione

mutatione sitûs, zona, quæ notabiliter præ partibus sibi proximis videbatur antè nigricare, assimilata illis in appa-
renti albore quasi disparuit.

COROLLARIUM VIII.

*Varietas illustrationis, & colorationis apparens in facie
Lunæ eclipsatæ, sicut benè consistit sine aliqua luce pro-
pria illius, ita sine varia coloratione, quæ à prin-
cipis intrinsecis ei conveniat.*

PROBATUR sententia Corollarij, quia cùm ex vna parte Luna, quasi plena facie à Sole illustrata, successivè intret umbram, dum ex interpositione Terræ impeditur transitus radiorum solarium ad illam positionem, necessa-
riò priùs prohibetur illustratio ab aliquibus partibus sola-
ribus ad faciem eius illustratam, quàm prohibeatur ab alijs;
sequitur ergo maior debilitatio illustrationis in partibus il-
lius, dum à minoribus, & minoribus partibus Solis pertin-
git illustratio ad illas, antequam tota, vel certa portio il-
lius, pro mensura eclipsidis, plenius inumbretur.

Ex alia parte, cùm radij Solis Atmosphæram ingredien-
tes, & per illam vterius diffusi, tam in ingressu in illam,
quàm in egressu ab illa refringantur, & per refractionem
convergant, iuxta suprà probata de legibus refractionis; &
quidam plus, vel minùs ratione incidentiæ magis vel minùs
obliquæ: euidenter constat eos cõprehendere de spatio, ad
quod extenderetur umbra, si ipsi sine refractione extende-
rentur in directum; nec omnes intra spatium, à loqui umbræ
destinandum, coincidere in eadem distantia: sed post coin-
cidentiam magis convergentium, ubi illi disperguntur, alios
minùs ante convergentes concurrere, delatis per huius-
modi radios speciebus opaci atmosphæræ, mixtis lunarij

Solis, ut pluribus infra ostendemus. Quare, iuxta talem mixturam, variè in Lunam incurrentes, & ab ea reflexi, non est mirum, quod dum percurrit conum umbræ, eam exhibeant ut variè coloratam.

COROLLARIUM IX.

Tractus illustres, quibus aliqua partes in Luna videntur coronari, non sunt ex illis velut specularibus reflexiones, Neque per diaphanum diuersæ rationis refractiones: sed sunt partes in corpore lunari tali ductu assurgentes, & à Sole illustratae.

Prima pars probatur, quia in eodem situ, & directione ad alias partes Lunæ per multos dies perseverant, variato quantumvis notabiliter situ, & directione Solis ad eas partes, à quibus videntur diffundi: radiationes autem per reflexionem, & refractionem apparentes habent determinationem, necessariò pendentem à determinatione situs illustrantis, & illustrati; atque ita eo notabiliter variato, necessariò notabiliter variantur.

Quòd non pendeant ab alicuius medij crassioris, vel aliter varij casuali intercurso, ostendit constans, & cum certa determinatione reditus, & perseverantia apparentiæ illorum singulis mensibus, pro certo situ talis hemisphærij lunaris ad Solem.

Quòd non sint ex mera apparentia oculis illudente cognoscitur ex eo, quod Telioscopium, quale supra sæpius indicavimus, quod, intecto maxima ex parte vitro ad obiecta conuerso, detergit radios, quibus apparenter coronantur alij Planetæ, adhibitus ad hanc illustrationem, eam distinctius repræsentat, & diducit, sicut reliquas Lu-

na partes illustratas à Sole. Verum est quod Telioscopium quò potentius est, & in proportionata extensione ad tale obiectum exactè determinatum, eò magis apparentiam radiationis ab illis tractibus illustribus amouet, dum illorum dispositiones peculiare, & aliquas inflexiones, vel etiam interruptiones repræsentat, quæ non repræsentantur ab aliis.

Hac occasione placet adducere experimentum pilæ crystallinæ, aut vitreæ aquâ repletæ, quæ si in fenestra Soli exponatur, oculo in certo situ excipienti reflexionem luminis ab illius parte Soli obuersa, & simul intuenti splendorem in parte eius auersa, ex refractione radiorum diffusorum per illam, collectum, apparent ab illis partibus illustratis velut prodeuntes in aërem radij insigni, & illustri capillamento: verum si interponatur aliquod opacum inter oculum, & partes illas, quæ videbantur illustriores in dicta pila, statim disparet quidquid radiorum apparebat dispergi per aërem ab illis, estò inter talem aërem, per quem spargi videbantur, & oculum nihil interpositum sit. Quòd si ablato opaco inter oculum, & dictas partes, illæ respectu oculi detegantur; sed similis opaci appositione obtegatur oculo aër, dictas partes circumstans, statim reddit apparentia radiorum ab illis velut prodeuntium: sed illi videntur spargi supra impedimentum interpositum, sicut antè videbantur diffundi per aërem dictis pilæ partibus circumpositum: hoc autem conuincit id, quod repræsentatur non esse radios verè à dictis partibus pilæ, sic à Sole illustratis, in aërem circumpositum diffusos; sed meram apparentiam ex aliqua reflexione luminis, à dictis partibus diffusi, factâ intra oculum, ab vnea, sicut diximus de radiis apparenter coronantibus alia illustria Cap. 17. Sect. 5. Opposita autem prorsus eueniunt in nostra apparentia: nam dum videntur dictæ partes Lunæ, à quibus illi ductus illustres videntur deduci, interposito inter oculum, & situm apparentiæ illorum impedimento, & in to-

tum, & per partes, vt libet, illi possunt occultari; rursus interposito inter illas Lunæ partes illustriores, & oculum impedimento, ipsi perseverant. Et hæc sufficiant ad probationem Corollarij; non enim supersunt, nisi partes Lunæ sic dispositæ, quæ à Sole illustratæ, pro tali situ huiusmodi apparentiam cum dictis circumstantiis exhibere possint; atque ita esse dispositas & apparentiæ cooptatas validi Telioscopij, cum proportionata pro tali obiecto extensione in Lunam, multum supra horizontem eleuatam, directi, apertè ostendunt; simulque omnem cum fonte lucis assimilationem remouent ab ea parte Lunæ, quæ, inter partes illius velut rotundas illustriores, videtur longioribus huiusmodi tractibus illustribus circumpositis coronari; dum etiam apertè illi obscuriorem plagam, & quidem latiore, proximè circumpositam exhibent.

CAPITIS XVII. SECT. X.

De Apparentia partium in Cælo albescentium.

ALbores, in certis cæli partibus spectanti oculo libero constantes, Telioscopium dissipauit in multitudinem stellarum, multò minorum præ reliquis communiter spectabilibus; experiri statim poteris Telioscopio ad viam lacteam, vel aliquam ex stellis, quæ nebulosæ dicuntur, conuerso. Vt autem agnoscas, quare ex talium illustrium obiectorum, pro conuenienti distantia, invicem disgregatione & traiectione, representatiuorum per Telioscopium albor ille, velut illa in vnum obiectum continuum confundens, evanescat, recole quæ dixi Cap. 17. Sect. 5. dum explicarem vniuersè quomodo per Telioscopium detraheretur radiatio obiectis illustribus, quæ illis, libero oculo spectatis, apparenter circumponitur.

Hic solum quæ contra huius experimenti, & explanationis

tionis illius veritatem, in dictis partibus, in cælo albentibus, allata sunt dissoluenda: primum sit sub nomine Demonstrationis argumentum, ex præsupposito falso desumptum.

Per huiusmodi alborem Galaxiæ transparent stellæ maiores, ut stella Aquilæ fulgens, & aliquæ illâ obscuriores inter pedes Centauri; ergo albor ille non est stellarum congeries: quia stellæ non sunt diaphanæ, neque per ipsas quicquam transpicitur.

Solvitur detectâ falsitate suppositi, cui innittitur: falsum enim est, dictum alborem, & consequenter stellarum congeriem, in quam is à Telioscopio disgregatur, supponi dictæ stellæ fulgenti in Aquila, aut aliis, quæ intra viam lacteam videntur excurrere; sicut igitur dictæ stellæ libero oculo spectatæ intra alborem, versùs illas interruptum, videntur ingestæ, ita dicendum intra interruptam versùs illas congeriem minorum stellarum illius interponi; nec ista interruptio in via lactea videatur tibi repugnans dispositioni cælestium, cum faciliè constet spectanti, eam per multum sui velut vno ductu, consequenter verò velut tripartito extendi, alicubi latiore, alibi arctiore, nec eodem ubique tenore densitatis, & raritatis, seu maioris, & minoris claritatis disponi.

Secundum ex alio adductum, similiter ex falso supposito: nullum: Telioscopium in cælo similes congeries minorum stellarum repræsentat, ubi nullus oculo libero albor apparet: ergo ubi albor apparet, necessariò aliquid aliud ibi adest, præter minorum stellarum congeriem.

Solvitur pariter assignatâ falsitate suppositi: nullibi enim in cælo, ubi oculo libero dictus albor non appareat, spectatur per Telioscopium congeries minorum stellarum, tam vicinarum invicem, & illustrium, quorum utrumque requiritur ad exhibendam libero oculo apparentiam velut alboris continui; estò per Telioscopium multò plures stellæ, & communiter libero oculo visis minores, intra constel-

lationes,

lationes, & in spatiis intermediis spectentur.

Tertium est, quia cùm Telioscopium minuat, non augeat nobis apparentes magnitudines stellarum, non potest, nisi deceptorie alias, quæ oculo libero non sunt spectabiles, ad visibilem magnitudinem adducere.

Solutum hoc iam est antè, vbi prolarum est contra Iouis satellites per Telioscopium detectos, qui libero oculo nullo modo spectabiles sunt: sicut soluta alia, quæ antè proposuerat, & tandem velut coronidem disputationi de Apparentibus in Cælo per Telioscopium additurus adiecit, vt Telioscopij vsum in Cælestibus omnino deceptorium, & à constituendis illorum apparentiis remouendum ostenderet.

Ratio Dictorum.

Consulturus bono eorum qui de constitutione cælestium philosophabuntur in posterum, coactus sum hoc capite institutam scribendi formam, expositione, & comprobatione veritatis ferè contentam, immutare, non vt editorum ab eruditissimo viro, & de me optimè merito, censuram mihi arrogarem: sed vt præcauerem, ne tanti viri auctoritas, ipsi ex multis iure conciliata, veritati noceret. quem enim Physicum eius doctrina nomine Demonstrationum Astronomicarum, Opticarum, Catoptricarum prodiens, instructa designationibus, & ordinatis passim per Trigonometriam calculis, à vera constitutione cælestium agnoscenda non absterruisset, & ad iterandas secum veteres, licèt satis iam antiquatas, opiniones non impulsisset? Passim Physicus respondisset; non esse sui muneris apparentias constituere: sed ex constitutis iam satis ab Astro-
nomis philosophari; quare à veteri cælorum duritie, & Cælestium constitutione nullo modo recedendum esse, propter nouas apparentias, licèt dicantur ope Telioscopij à Viris acerrimo ingenio, singulari industria stabilitæ; quia
nouissimè

novissimè vir Physicæ , & Astronomiæ peritus in paucis, quique pluribus editis libris cum nouarum Apparentiarum primis, & præcipuis assertoribus congressus est, eas, vt meras deceptiones, falsitatis conuicit, non solùm ratiocinationibus Physicis, sed demonstrationibus Astronomicis, & Opticis, firmissimis Geometriæ fundamentis innixis.

Nouas igitur ope Telioscopij apparétias constituturus, vt quisque cordatus eas admitteret, & ex iis tutò philosopharetur, præter veritatis expositionem per experimenta ritè proposita, & rationes à natura petitas, debui solutionem eorum, quæ à tanto viro potissimùm in oppositum ex professo allata sunt, adiungere: solutionem, inquam, non singulorum, quæ in iis dicuntur, aut iis adiunguntur examen: hoc enim à me, & instituta disputandi ratione alienum censui, & de aliis, qui ante ipsum nouas Apparentias insectati sunt, paucis conquestus, eorum oppositiones à physico faciliùs solui, & veritati in posterum minùs nocere posse iudicaui.

C A P V T XVIII.

Quid conferant Reflexio, & Refractio ad mixturam Repræsentatiuorum, pro variis colorum apparentiis exhibendis.

S E C T I O I.

De mixtura, quæ fit etiam per reflexionem, interuenientem in Visione, quæ communiter vocatur Directa.

C Vm visio sequatur determinationem impressionis, factæ in organo, quod illi immediatè deseruit, sola

confusio repræsentatiuorum in ipso potest determinare proximè, & sufficienter ad apprehensionem plurium per modum vnius: licet enim semper fiat confusio repræsentatiuorum in qualibet parte medijs diaphani, intra sphæram actiuitatis visibilium propositi: nihilominus, vt suprà ostensum est, si propagentur vterius per foramen angustum, aut secundum refractionem in aliquo diaphano globoso densiori, distribui possunt ad consignationem imaginum aliquomodo situ distinctarum in opposito excipiente, quod si sit immediatum organum visûs, is determinabitur ad apprehensionem distinctam ipsorum visibilium. His non obstantibus.

Affero dupliciter fieri posse confusionem repræsentatiuorum in immediato organo visûs; primò, si in eodem prorsus signabili ipsius, in quo signatur vnum, consignetur & aliud. Secundò, si plura repræsentatiua consignentur quidem singula in alio, & alio signabili absolutè: sed talia signabilia non sint notabiliter inter se distinguibilia: & vtrumque satis esse ad mixtionem sensibilem, secundum quam plura, & diuersa apprehendantur, per modum vnius indistincti, quod aliquomodo vergat ad illa.

Probatur experimentis clavis; quia iuxta primum adhibitis ad oculum vitris coloratis, per quæ, secundum quid diaphana, traiciuntur intra oculum in eodem situ repræsentatiua obiectorum propositorum, cum repræsentatiuo coloris vitri, determinatur potentia ad apprehensionem coloris nulli illorum omnino conformis, sed aliquomodo vergentis ad illos plures, etiamsi cooperto reliquo vitro colorato, per exiguam illius particulam admittantur repræsentatiua obiectorum propositorum ad oculum.

Similiter, traiectis radijs Solis per vitra variè colorata in chartam, dum illa alio, & alio modo sociantur, apparent ad chartam excipientem alij, & alij colores mixti, vergentes ad plures colores eorum, quæ simul excipiendo luminij sunt apposita. Superpone vitrum flauum rubro, &
radij

radij per illa admissi exhibebunt colorem atreum; iunge flauum cæruleo, & exhibebunt viridem; vel cæruleum rubro, & exhibebunt purpureum, &c.

Quare cum in communi visione coloratorum non de se illustrium, necessario requiratur diffusio representatiui alicuius lucidi ad illa, à quo iuuentur ad propagandum representatiuum sui, iuxta dicta sub initium: ac proinde necessario veniant simul physicè ad oculum, pro eadem directione, representatiuum coloris lucidi reflexum à tali colorato, cum representatiuo talis colorati; sequitur apprehensio coloris mixti ex illis, si sit notabile, id quod tale coloratum exhibet de suo, licet communiter homines existiment id, quod sic apprehendunt in visione directa non lucidi colorati, esse colorem proprium illius.

Iuxta secundum modum fit mixtio colorum à pictoribus per confusionem substantiarum variè coloratarum, in paruas particulas redactarum, quarum singulae, vel in minori multitudine plures, non sunt de se discernibiles à vidente, sed solum cum particulis aliter coloratis, cum quibus constituunt quid discernibile, in quo proinde particulares colores confunduntur, & exhibetur quid medium ad miscibilia dicta vergens, secundum proportionem mixtionis, & potentie miscibilium.

Similiter in communi visione, quò maior est distantia, eò aprior est confundere sic partes extensionis vnius obiecti, vel aggregati ex pluribus, dum tantæ extensionis partes non sunt de se internoscibiles pro illa: quare respectu videntis ita distantis, sic plures constituunt velut vnum dignoscibile, in quo, si partes sint diuersimodè coloratæ, confunduntur apparenter colores illarum, vt velut color medius inter peculiare colores illarum apprehendatur, in supradicta proportionem ad illos vergens.

Ratio huius est, quia ex vna parte (vt non semel supra indicauimus, & infra adhibebimus ad explicanda plura, quæ videntes experimur, & vicissim illud per plura expe-

rimenta manifestabimus) passio quæ requiritur in organo ad excitandam, & sufficienter determinandam potentiam visuam ad expressionem vitalem obiecti, non est quæcumque; sed debet esse physicè notabilis tam in extensione, quàm in intensione: quare si illud quod in representatiuo impresso in organo, immediatè seruienti ad visionem, correspondet alicui parti obiecti representabilis, positâ tali constitutione oculi, deficit in intensione, vel extensione, talis pars obiecti non est de se representabilis per visionem illius: si verò sumptum cum representatiuo alterius, vel partis eiusdem, vel diuersi colorati, habet sufficientem extensionem, & intensiorem, constituet cum eo sufficientem impressionem in organo visionis, & id cui sic correspondet in obiecto, erit per visionem illius sufficienter representabile; quod si sit ex partibus diuersimodè coloratis, peculiare colores illarum, vt non discernibiles ab inuicem, confundentur in apprehensione coloris medijs, vergentis aliquomodo, secundùm proportionem suprâ dictam, ad illos.

Ex alia parte, cùm iuxta suprâ probata, in traiectione radiationum per foramen, & refractione per lentem diaphani crassioris, fiat illarum decussatio, per quam transferuntur à dextrâ in sinistram, & è contra; superiora in inferiorem partem eas excipientis, & è contra; & decussatio fiat sub tantò maiori angulo, quantò obiectum est foramini, vel lenti viciniùs cæteris paribus: euidenter sequitur, imaginem totius obiecti, quæ necessariò intra limites radiationum, prouenientium ab extremo illius, continetur, futuram tantò ampliorem cæteris paribus, quantò obiectum fuerit viciniùs; tantò minorem, quantò fuerit remotius. Poterunt igitur partes obiecti sub aliqua determinatione, vt digitales, habere pro tali distantia in imagine totius impressa, secundùm traiectionem per foramen vuezæ, & humorem crystallinum, in organo determinantè immediatè ad visionem, representatiuum sui sub nota-

bili

bili extensione, & ita esse internoscibiles in toto, ut spectator apprehendat propriam illarum dispositionem, atque ita agnoscat lacertam supra totum ascendentem, vel consistentem: quia in mensura digitali pro tali distantia importat variationem notabilem in toto proposito: illæ verò partes eiusdem in se mensuræ, remoto ad maiorem distantiam obiecto, & factâ consequenter minori imagine illius, quia non retinebunt in illa repræsentativum sui sub extensione de se sufficienti, quantumvis lacerta occultet huiusmodi partes digitales, pro sua tali præcisè mensura ascendendo, vel consistendo, oculus pro tali distantia non aduerteret.

Ex quo ulterius sequitur, quòd si singulæ partes digitales proprio sint affectæ colore, diuerso à coloribus aliarum, necessariò in apprehensione colores particulares aliquomodo confundentur in apparentia coloris mediij, illorum proportioni correspondentis.

Hic aduerte, debere necessariò esse aliquam maiorem proportionem in extensione, vel intensione radiationum cum aliis, quibus ad faciendam sufficientem impressionem in organo adiunguntur, ut causent cum illis apparentem mixtionem: nam possunt esse ita exiles, vel debiles, ut à fortioribus velut extinguantur, dum ita vigent in sensorio, ac si solæ adessent, & ipsæ organo sic affecto accedant, ac si non accederent, ut obuiis experimentis constat.

CAPITIS XVIII. SECTIO II.

De Mixtura reali representatiuorum, & apparenti colorum in Visione, qua agnoscitur communiter ut reflexa.

NE sim nimius in afferendis experimentis, sæpius à me iteratis non mediocri solertiâ, ut eruerem veritatem

rum effectuum, tum causarum, ex quibus proueniunt, proponam aliqua ex vitris coloratis postremò à me notata aliis tamen consentientia.

Experimenta ex perspicillis coloratis Soli expositis.

Expositis igitur Soli tum sigillatim, tum simul pluribus perspicillis, quæ à vitris aliorum, & aliorum colorum instructæ a paraueram.

I. Aliqua non agnoscebantur reflectere, in planum vocatum album, puta chartam, in umbra ex opposito constitutam, nisi orbiculum luminosum, sed aliquomodo infectum.

II. Alia, præter orbiculum luminosum, reflectebant alium, referentem eundem colorem, qui apparet oculo transpicienti per illa in apertum aërem, ex quo vitra dicuntur flaua, aut viridia, &c. coincidebat autem pro minori distantia plani excipientis, in aliqua sui parte cum orbiculo luminoso: & in coincidentia complementum illius non aliter discernebatur, nisi quòd ad eam mensuram, ad quam figura eius completa extendi potuisset, luminosus inficiebatur, reliquo illius apparente magis syncero: verum plano excipiente, longius semoto, dissociabantur, & in se iunctione alter totus dictum vitri colorem referebat, alter albedinem lucidam prorsus nitidam.

III. Si istis addebatur à tergo aliud alterius coloris, fiebat in anteriora ad dictum planum reflexio, eiusdem tincturæ cum secunda, de qua numero præcedenti, sed colore magis saturo.

IV. Orbiculus luminosus separatim reflexus, vt dixi experimento secundo, à vitris coloratis Soli expositis, vel à vitris communiter agnitis vt diaphanis, quantumuis mutaretur notabilissimè in densitate luminis, vel intensione pro variata distantia excipientis, vel dispositione illustrantis, vel mutatâ figurâ specilli reflectentis; nunquam ta-

men exhibuit diuersitatem colorationum, sed solum intra terminos magis, & minus, semper album aliquomodo illustre.

V. Si radij Solis viuiores incidebant specillo colorato, id quod ab intimo illius reflectebatur per ipsum, vel permeando post ipsum excipiebatur, apparebat intensius non solum in quantum vergebat ad lumen, sed etiam secundum infectionem luminis à mixtura eius, quod assumebatur ex tali opaco: Si verò ad orbiculum referentem tincturam ex peculiari conditione vitri, ab intimis sui reflexionem dirigentis in planum, directa fuisset reflexio nitida ab alio vitro, crescebat orbiculus in exhibenda maiori illustratione: sed prior tinctura diluebatur, nimirum aucto lumine, & non proportionaliter aucto representationis eius, quod est opacitatis in vitro, soluebatur crasis, talis coloris medij apparentiæ proportionata, & nimis præualebat illustrationis color.

Experimenta per Prisma Trigonum ex puro Vitro.

Exposui Soli tale Prisma, ita vt in vnâ ex eius superficiebus secundum longitudinem, aliquomodo erectam fieret incidentia radiorum secundum angulos hinc inde physice, vt ita dicam, æquales: & hoc sæpè, ac sæpius factum, & semper hæc, quæ adnotabo, vt peculiari animaduersione digna, euenerunt.

I. Quòd à tali superficie reflectebatur in anteriora exceptum plano, vocato communiter albo, in vmbra catetroqui sufficienter constituto, vt in eo illustratio internosci benè posset, semper exhibebat puram illustrationem in albo.

II. Quòd intra vitrum propagabatur, ex incidentia physice perpendiculari in distam faciem, deueniendo in duas reliquas facies Prismatis, coeuntes in angulum illi oppositum, partim diffundebatur per eas in proximum æ-

rem,

rem, & excipiebatur hinc inde ad latera eadem, plano conuenienter opposito; partim ab illis reflexum in anteriora cum prima illustratione, de qua numero præcedenti, variè situabatur pro varia in dictis duabus crustis ad reflectendum dispositione, & varia distantia dicti plani excipientis.

III. In omnibus his sæpiùs iteratis, licèt eiusdem Prismaticis, vel plurium, nunc hæc, nunc alia, & alia facies obuerteretur Soli, semper duæ illustrationes, exceptæ dicto plano opposito ad latera, apparuerunt sub flauo valdè diluto vniformiter tinctæ, quod agnoscebatur comparatione illustrationis nitidæ exceptæ per reflexionem à facie obuersa Soli, de qua numero I. at semper quod in anteriora reflexum, cum dicta illustratione nitida variè situabatur, flauo minùs diluto tingeatur, comparatione illustrationum exceptarum ad latera.

IV. Dum tegerem per transversum successiuè medietatem ad dexteram faciei Prismaticis, Soli expositæ modo dicto, tollebat. illustratio, quæ diffundebatur è latere sinistro Prismaticis: dum similiter tegerem medietatem eiusdem faciei ad sinistram, cessabat proportionaliter illustratio, quæ diffundebatur è latere dextro illius.

X. Rursùs, tegendo medietatem facierum ad latera diffundentium illustrationem, si tegebatur medietas proxima faciei obuersæ Soli, nihil de illustratione diffusa deperibat; secus tegendo medietatem proximam angulo, in quo coeunt: ex successiuo enim progressu impedimenti illam obtegentis tollebat. successiuè talis illustratio in plano, hinc inde excipiente.

VI. Illustratio, quæ excipiebatur per reflexionem à facie Prismaticis, ad angulos physicè rectos excipiente radios ab illustrante, erat notabiliter debilior illa, quæ exit ad latera, quam ostendemus esse per reflexionem ab interna vitri crusta, excipiente radios per faciem sibi obuersam modo dicto, & ita etiam oculo, excipienti radios à prima facie

facie Prismaticis, aliquomodo directè opposita obiecto illustri, vel illustrato, illud apparet debilius multò, quàm si spectetur exceptâ illustratione, quæ exit per latera Prismaticis. At verò si facies Prismaticis obuertatur obliquè illustri, vel illustrato, quò magis obliquè, eò reflexio excepta plano, modo dicto, est fortior, & obiectum per illam exceptum in oculo apparet viuidius; & in hoc facies Prismaticis, sic obliquè excipiens illustrationem, non solum in validiore illustratione vincit seipsam excipientem illam directè, sed vincit illas, quæ reflectunt illustrationes diffusas per latera, in quibus nimirum, licèt obliquè pariter excipientibus, minus est quod incidit, quia deest totum, quod reflexum est ex incidentia in faciem primò obuersam illustranti.

VII. Tam lumen, quod diffunditur per latera Prismaticis, Trigoni; cùm eius vna facies est directè obuersa illustranti, sub flauo diluto tinctum, quàm id, quod magis tinctum reflectitur in anteriora, pro varia distantia plani excipientis, variat: sed illud pro maiori varietate distantie, figuram primò arctam in ampliorem diducit; tum sensim exhibet accedentem ad rotundam, quam postremò in progressu vltiori magis distendit in longum.

VIII. Prismate secundùm costam conuerso ad illustrans, reflectuntur in anteriora illius, & excipiuntur plano similiter opposito duæ illustrationes sub flauo vniformiter tinctæ, sine tertia pura, quæ iuxta illas, aut inter illas apparet, quoties non costa, sed facies Prismaticis obuertitur eidem.

CAPITIS XVIII. SECTIO III.

*Corollaria ex experimentis pro confirmatione
assertorum in precedentibus.*

COROLLARIUM I.

Radius reflexus non prouenit ab impedimento.

Infertur confirmatio doctrinæ suprâ traditæ de reflexione; quòd nimirum, apposito impedimento, id, quod secundum eandem directionem semel captam, propagasset ulterius vel absolute, vel cum tali proportionata intensione repræsentatiuum; occurrente impedimento aliò diuertit propagationem illius, à progressu aliàs conuenienti impeditam. Hoc conuincit radiatio reflexa tam à prima facie vitri colorati quando separatur ab ea, quæ prouenit à secunda facie, quàm Prismatis ex puro vitro non deferens in planum album oppositum nisi synceram illustrationem: hoc enim ostendit propagationem reflexam non fieri cogente aliquo, quod pertineat ad impedimentum, vnde fit reflexio: illud enim proprio repræsentatiuo infecisset illustrationem, sicut euenit in reflexione; quæ fit radio reflexo transeunte per substantiam alicuius aliquomodo opaci, iuxta experimentum primum, & secundum in vitris coloratis, quando per reflexionem, quæ fit à secunda crusta, terminante vitrum coloratum, ac proinde per crassitiem illius transeuntem, inficitur vel in totum illustratio, si reflexio à secunda eandem prorsus directionem sequatur cum reflexione à prima; vel ex parte, si per aliquid spatij tantum coincadat. Pariter iuxta experimentum tertium in Prismate ex puro vitro.

Et certè quod in se recipit repræsentatiuum iuxta mensuram

suram, quæ recipit, est capax illius, & secundum illud ad eandem directionem diffusum, nisi impediatur; quod si impediatur, & sic cooperetur diffusioni ad aliam directionem, iam reflexio non provenit ab illo ut impedimento, & non pertinet ad impedimentum, ut impedimentum est, recipere in se qualitatem diffundendam: sed sistendo propagationem illius ad aliquam positionem, apponere conditionem, quâ posita productivum repræsentativi cœptam propagationem ad vnam positionem, dirigat ad aliam.

COROLLARIUM II.

Corpora tingentia radiationem reflexam, omnia ut diaphana secundum quid, admittunt aliquomodo intra se lumen; & multiplicancia distinctè reflexiones habent partem, saltem minus admittentem, præ compartibus, & sic impediendem aliquomodo propagationem ad cœptam directionem.

Est conforme experimento 2. & 4. in specillis coloratis, & 2. 3. 4. in Prismate ex puro vitro, & convincitur: quia, ex modò dictis, impedimenta aliquomodo colorata non tingunt id, quod reflectunt, impediendo ex primo occurso sui propagationem ad cœptam directionem: quamvis ex varia figuratione in extremitate, secundum quam occurrunt, possint esse occasio, ut secundum angulos, sub quibus fit reflexio, æquales angulis incidentiæ, illustratio ex maiori densitate collecta, aut raritate dispersa, viuidior, vel minus viuida appareat; ac proinde quod ex reflexione ab illis tinctum apparet, non potest esse præcisè ex primo occurso impediende cœptam propagationem, per sui extremitatem illi obuersam: sed supponit aliquid ex radiatione fuisse admissum intra tale coloratum, ut

adiunctione proprii repræsentariui illius possit tingi: coloratum autem, diaphanum secundum quid, admittens aliquam radiationis propagationem, in ea mensura, quæ deest reflexioni, si omnibus spectatis secundum eandem dispositionem vniformiter procedat, non poterit facere nouam reflexionem, multò minus si tendatur successiuè in magis diaphanum; quia cessat tota ratio nouæ reflexionis; faciet autem, si contineat partem præ reliquis suis compartibus minùs admittentem, vt conuincitur experimentis 2. 3. 4. in dicto Prismate ex puro vitro. Ex quibus probatur vtraque, sed magis determinatè secunda Pars Corollarij.

Totum lumen pertingens ad faciem dicti Prismatis Trigoni obuersam Soli, non totum pergit consequenter, nec reflectitur occursum illius totum: sed partim reflectitur, vt ostendit illustratio excepta in plano opposito ex occursum illius, & illà non occurrente prorsus in eo deficiens; partim intra vitrum propagatur, vt conuincunt illustrationes, quæ ex lateribus illius hinc inde diffusæ apparent in plano occurrente dictis lateribus, & remoto Prismate excipiente disparent.

Quod autem diffunditur per vitrum Prismatis, licèt ad angulos physicè aliquomodo rectos respectu faciei Soli obuersæ intret, peruenit ad alias duas facies, secundum valdè obliquos; & quidem dimidium ad vnâ, & dimidium ad alteram, cùm ambæ sub æquali inclinatione ad illam, per quam lumen intra vitrum ad angulos aliquomodo rectos diffunditur, occupent totum spatium diffusionis: sed neutra illarum lumen, sibi obliquè incidens à prima, diffundit in aërem, saltem notabiliter: sed vtraque nouâ reflexione reflectit illud vicissim ad alteram, in mediocritatem tamen illius remotiorem à prima; & sibi pariter ab altera transmissum, secundum angulos multò magis accedentes ad rectos, propagat ad aërem. Noua ista reflexio conuincitur, tum quia è regione incidentiæ luminis à prima facie in ipsas, nihil notabiliter diffunditur, neque ver-

stis angulum, in quem illæ coëunt, ad quem tamen lumen à vitro obliquè incidens in aërem, secundùm refractionem à perpendiculari deberet magis accedere: tum quia, ut dictum est Experimento 4. rectâ medietate ad dexteram primæ faciei, excipientis lumen è directo Solis, nihil deperibat de illustratione, quæ diffundebatur ab altera subiecta tali medietati pariter ad dexteram: sed peribat tota illustratio, quæ diffundebatur à facie ad sinistram subiecta alteri medietati, quæ sine impedimento vlllo obuersa Soli, multum luminis exceptum ad illam diffundebat, & è contra, ut habetur in dicto Experimento 4. Ergo quod à prima facie Prismatis Trigoni, obuersa Soli, incidit obliquè in aliam sibi subiectam, totum sensibilibiter dirigitur in tertiam, ex qua incidens illi, secundùm angulos rectis proximiores, diffunditur maxima ex parte in aërem proximum, ut constat ex viuida illustratione indè transmissa in planum, quod, alioqui latens, diffusionem illustrationis directam à Sole, eam tamen excipit, dum Trigono Prismati obuertitur ad latus.

Non fieret autem ista noua reflexio, præsertim tam viuida, nisi lumini pergenti per medullam vitri occurreret validum resistitium propagationi illius, secundùm ceptam intra illam directionem, quod est crusta illius extrema, secundùm maiorem crassitiem sui obliquè occurrens radiis, modo dicto; aërem autem proximum Prismati, etiam si dicatur aliquomodo plus densatus libero, non posse tamen multò minori reflexioni esse aptum, constat ex addensationibus aliundè procuratis, cum incidentia luminis in illas, sine simili reflexione, in hoc nostro experimento tam valida. Vide quæ diximus de crusta vitri Cap. 13. Sect. 2. & quæ infra Cap. 18. Sect. 5.

Non erit autem difficile admittere, quod in dictam vitri crustam, constituentem faciem subiectam ei, quæ directè Soli obuertitur, & correspondentem alteri similiter subiectæ, ex obliqua incidentia lumen habeat tantum impe-

dimentum ad pergendum ulterius secundum cœptam directionem, ut inde fiat tam valida reflexio; si quis experiatur quomodo ex maiori, & maiori obliquatione primæ faciei obuersæ illustranti, tantò maior, & maior fiat reflexio ab illa, & minor intra vitrum admissio.

Aduerte tamen in speculis terminatis, in quibus progressus radiationum, illis ad aliquam positionem oppositis incidentium, ad eam positionem simpliciter impeditur, si lumen incidat directè, & obliquè, in iis ex obliqua incidentia minorem fieri reflexionem, quàm ex directâ; quia in vtraque totum quod incidit reflectitur, & id quod incidit obliquè, dum in maius spatium dispergitur, debilitatur in incidentia, & in proportionata tali incidentiæ reflexione, ut suprâ dixi, cum de imminutione caloris ex lumine per hyemem differerem.

C O R O L L A R I U M I I I.

Præter representatum coloris illustris, qui est in corpore lucido, radius ad opaca illustranda diffusum dari representatum coloris opaci.

C Onfirmatur hæc doctrina initio tradita, quia ex allatis experimentis habemus, ex reflexione luminis aliquomodo imbibiti in opacis, non solum illud variari secundum magis, & minus, quomodo euenit ex maiori, vel minori eius intensione, vel densitate, aliter obuiis experimentis procurata: sed diuersificari integrum representatum, reflexum ab intimis, vel traiectum per intima talium opacorum; & consequenter apprehensionem, factam in oculo, ex vi determinationis ab illo. Recole experimenta in vitris coloratis 2. & 3. collata cum 4. & 3. in Prismate Trigono ex puro vitro.

C O R O L

COROLLARIUM IV.

*Representativum Coloris Opaci omninò dependere in sui
propagatione à receptione representativi coloris
lucidi intra illud.*

LVcido tanquam primo, & de se spectabili, & sine cuius conuenienti assistentia, reliqua non sunt spectabilia, debetur non solum quocumque modo primum, & de se sufficiens in genere representatiui, sed à quo per se pendeant reliqua representatiua. Concordant conuenientiae certa experimenta: nam specilla colorata, & vitrum solum diaphanum secundum quid, & consequenter etiam opacum secundum quid, non tingunt illustrationem, quæ ex illorum, licet coloratorum primo occurso, & immediatè impedita reflectitur; vide Experim. 2. in coloratis ad finem, & primum in Prismate; ergo non sufficit medium, ad quod diffundendum esset representativum opaci, vsque ad illud; esse illuminatum, ad hoc vt opacum coloratum diffundat representativum sui. Tingunt autem illustrationem, ab intimis sui partibus exceptam, vt videre est Experimento 2. & 3. in vitris coloratis, & 3. in Prismate Trigono ex puro vitro.

Rursus, multiplicato lumine ad opacum, id quod ab illius intimis reflectitur, viuidiùs exitit non solum in ratione illustrationis propagatæ à lucido, sed etiam representatiui diuersi ab illa, & insufficientis illam: quia opacum ab intensiore lumine adiutum, etiam ipsum intensius sui representativum propagat: crescente verò solum illustratione, non solum non crescit tinctura, sed euanescit, vt habetur in fine experimenti 5. in specillis ex vitro colorato, & confirmabitur experimento colorationis transmissæ ex Prismate Trigono ex puro vitro, exposito directè Soli,

li, secundum angulum connectentem duas facies: si enim crescat lumen incidens in illud, crescit totum transmissum per ipsum, etiam in ratione tincturæ; si verò in colationem ab illo exceptam aliundè lumen derivatur, statim in excipiente crescit apparentia illustrationis, evanescit apparentia prior in ratione tincturæ coloratæ.

COROLLARIUM V.

Corpora, quæ censentur opaca, & tingunt illustrationem à se reflexam, omnia esse aliquomodo diaphana, & admittere lumen intra se.

Sicut inferitur ex prædictis, ita ex prædictis habet probationem. Et de mixtis Physicus faciliè admittet, quæ saltem virtute continent aliquod miscibile diaphanum, & experientia docet in metallis, auro etiam, ad tenuissimas bractæas, sed non laceratas redactæ, vniuniformiter notari transparentiam aliquam. quòd si detur corpus prorsus opacum, nullo modo lumen intra se admittens, ipsum licèt illustanti expositum non spectaretur; sed ei tribueretur apparenter color corporis lucidi, cuius repræsentativum, inuento tanto obstaculo, sub tanta determinatione reflecteretur ad oculum, conuersum ad tale opacum: & si quis huiusmodi diceret esse puram Terram, illa licèt nigerri-
ma, illustrante eam Sole, appareret maximè alba: similiter videretur albescere, esto proximè in se ipso accederet ad nigerrimum, mixtum maximè participans de Terra, & ita aliquid valdè remissum repræsentativum sui propagans, prævalente interim maximè reflexione luminis secundum mensuram intensiõis non admissam ab ipso.

CAPITIS XVIII. SECTIO IV.

De mixtura reali repræsentatiuorum, & apparenti colorum, quæ fit cum refractione radiorum illustrantis Diaphanum secundum quid, peculiariter figuratum per artem.

Experimenta traiectionis radiorum per Prisma Trigonum ex puro vitro ad opacum oppositum excipiens.

ACcipe pro mea tenuitate, accurata, sæpè, ac sæpiùs iterata, & fidelissima: quòd si apud viros magni nominis propositis opposita inueneris, iteratis sæpè, ac sæpiùs experimentis propriis naturam excute, vt latentem tibi veritatem prodeat, & noli præcipitare sententiam.

I. Ex suprà dictis habes, dictum Prisma, secundum faciem aliquam ex tribus, directè obuersum ad Solem, admissū intra se lumen reflectere tū in anteriora, coloratione duplici vniformi subflauâ tinctū; tum ad latus vtrūque, coloratione vniformi vergente ad flauū, sed multò magis diluta. Habetur suprà Sect. 2. experimento 3. sed hîc repeto, quia talis coloratio euenit non cum sola reflexione radiorum Solis, intima vitri pervadentium: sed cum aliqua refractione illorum, ex aliquomodo obliqua intus de latere in latus incidentia, & consequenter ex diffusionem à vitro in aërem, vq̃ euincunt, quæ dicuntur ibidem experimento 7. cuius varietas, mutatis faciebus eiusdem Prismatis, & in aliis, atque aliis Prismatibus, provenit ex variâ dispositione crustarum internarū, faciebus exterioribus respondentium, dum illæ, in formatione Prismatis, ad formandas costas, variè comprimuntur, aut variè patiuntur in refrigeratione vitri. Similem illustrationem geminam sub

tionis Solis; & siue pars patens, occultatis reliquis, sit illa, quæ est tenuior ad angulum; siue quæ crassior in opposito extremo, siue quæ medio modo se habet in medio: ut prorsus aberrent, qui certæ parti totius faciei Prismatis materialiter determinatæ certum colorem assignant: est tamen inter partes diuersæ crassitie aliqua determinatio, de qua mox, & Cap. 19. Sect. 3. in particulari Assertionem 5.

V. Quomocumque facies Prismatis, illustrationi obliquè excipiendæ pateant, ex quatuor modis ante assignatis, semper illud quod patet, cum correspondente subiecto sibi vitro, est secundum maiorem, vel minorem crassitiem vitri, traicientis radiationem, distinguibile; ita ut color puniceus appareat semper ex traiectione radiationis, quæ sit versùs extremum, cui correspondet vitri pars tenuior; semper cæruleus versùs extremum oppositum, ubi vitrum est crassius; & certò scias aliter locutos deceptos fuisse, vel ex indiligentia obseruandi; vel ritè combinandi facies Prismatis, quæ ad excipiendam, & traiciendam eandem radiationem conueniunt; vel non distinguendi situm colorationum, in quo, traiectæ ex Prismate dicto, dispositæ apparent in plano excipiente, ab eo, situ, in quem ab oculo excipiente in oppositum per apprehensionem transferuntur, ut melius ex dicendis agnosces.

VI. Iuxta duas facies Prismatis excipientes radiationem Solis, & per tertiam oppositam diffundentes, exhibentur duæ colorationes integræ similes colorationi Iridis, altera in sinistram, altera in dextram tendens, si Prisma sit erectum; vel altera sursum, altera deorsum si Prisma iaceat; & in illis mûratur situs colorum, ita ut in ea, quæ in dexteram directæ est, cæruleus disponatur ad dexteram; in ea verò quæ tendit ad sinistram, disponatur ad sinistram; proportionaliter in ea quæ sursum dirigitur, cæruleus in integra coloratione obtineat partem superiorem, & in ea, quæ deorsum dirigitur, inferiorem.

VII. Excipiente plano radiationem traiectam ad ma-

iolem distantiam, si impedimentum subingrediens ad latum, incipiat aliquid ex parte à Sole illustrata regere, minuitur vigor, & amplitudo totius illustrationis; quod si progrediatur ad obtegendum reliquum, videtur tandem extinctio colorationis versùs extremum illius, quod correspondet extremo vitri, ad quod, in successiva occultatione eius, accedit impedimentum.

VIII. Ex dilatatione totius colorationis, procurata, siue per obliquationem, siue per aliquam elongationem plani excipientis, quæ pars radiationis exhibebat solum puniceum, dum secundum aliquid sui extenditur ad coincidentiam cum illustratione media, videtur secundum quid dilui, & in flauum, degenerare; quæ verò pars exhibebat aliquomodo flauum, coincidens secundum aliquid sui cum aliqua dilatatione cærulei, exhibet viridem; & ita in coloratione integra, exhibita per radios cum refractione traiectos per Prisma Trigonum secundum facies notabiliter inclinatas ad illustrantem, multiplicantur colores.

IX. Si prostant plura obiecta lucentia, vel insigniter illustrata, & clausis cæteroqui fenestræ hinc inde valuis, ad apertam in medio sufficienter rimam apponatur Prisma Trigonum, secundum costam aliquomodo directam ad medium, plures in planis, ut supra conuenienter oppositis, deducuntur, secundum multitudinem talium prostantium colorationes integræ, singulæ similes coloribus Iridis, & cum situatione partialium colorum inter se, habitâ ratione partium Prismatis vitrei, per quas deducuntur radiationes à talibus obiectis in dicta plana, simili ei, quam obtinebant in colorationibus per idem Prisma, à Sole illustratum, deductis in supra notatis.

X. Si planum, excipiens radiationes traiectas per Prisma Trigonum, secundum facies notabiliter obliquas per suam latitudinem conuersum ad Solem, sit inter dicta communiter alba, tegitur apparenter coloribus similibus iis, qui

qui libero oculo spectantur in Iride, nec agnoscitur vllum eorum præ alio disturbare: si verò vergat in proprio colore, quo solet spectari, notabiliter ad nigrum, variatur coloratio in eo apparens, singulis colorum ad atrum magis vergentibus; & si color niger sit in tali excipiente ex sua conditione validus, ita præualet, vt ipse potius appareat, quàm ei colores Iridis apparenter superinducantur.

XI. Existit apparentia colorum similis Iridi etiam si varientur notabilissimè anguli incidentiæ radiorum à Sole in facies Prismatis, nunc ad illum valdè magis, nunc valdè minùs obliquatas; dum minùs obliqua incidentia radiorum supra primam superficiem, expositam Soli, compensatur maiori obliquitate, secundùm quam, sic traiectioni per ipsam radij, incidunt ad aliam, per quam transmittuntur in aërem: & magis obliqua incidentia supra huiusmodi primam compensatur minori obliquitate, secundùm quam, traiectioni per ipsam radij, incidunt ad aliam, ex quâ diffunduntur in aërem, quod euenit ex tali situatione, qua sibi dictæ facies correspondent in Prisma Trigono.

XII. Similiter apparent, siue toti Soli exponatur Prisma Trigonomum, siue cuicumque lunulæ illius, iacens iacenti, erectum erectæ; etiam si, post corpus opacum interpositum, reliquum Disci solaris lateat, sextâ circiter tantùm eius parte supra facies Prismatis radios diffundente.

Experire ista diligenter, & expende: sic enim evanescent multa, quæ pro explicanda varietate colorum, ex radiis per dictum Prisma traiectionis, apparente, cum dispendio temporis, & veritatis chartis consignantur.

XIII. Adde vnum peculiare, multis aliis ex animaduersionibus vltro dimissis, quod in conuolutione dicti Prismatis Soli expositi adnotaui: Illustratio enim versicolor, apparens in circumposito excipiente, videtur aliquandiu in certo situ quasi persistere, dum illustratio vniformis, ad album vergens, velociùs excurrans per illam transit. Hu-

ius diuersitatis ratio videtur, quia in conuolutione mutatur situs superficialium reflectentium radios, talem vniformem illustrationem exhibentes, sine compensatione in oppositum, & sic ad alias, & alias partes excipientis successiue illustratio dirigitur: at dum mutatur situs primæ superficiali excipientis, & cum refractione notabili radios intra vitrum admittentis, ex quibus sic tandem emissis, & exceptis apparet illustratio versicolor; ex eius mutatione trajecti radij mutarent proportionaliter situm in excipiente, nisi mutaretur aliquomodo tantundem in oppositum facies, quæ exceptos ab illa radios, rursus cum refractione notabili, transmittit in aërem, & consequenter extremitas aëris eos cum tali refractione transmittentis ad planum: si enim, exempli gratiâ, superficies vitri in illo Soli exposita, quæ versùs angulum ad sinistram multum inclinata Solis radios, valdè obliquè sibi incidentes, excipiebat, erigatur versùs Solem, vt radios minùs obliquè excipiat ab illo, inferior superficies illi ad eundem angulum ad sinistram connexa, dum secundum partes ad eundem angulum vergentes concomitanter erigitur, necessariò ad excipiendos incidentes ab illa radios magis obliquatur, & cum ea extremitas adhærens aëris, in quem è Prismate diffunduntur: quare radij, qui in tali mutatione situs superficiali Soli obuersæ, ex minori in ingressu vitri, refractione, ad situm in plano alium à præcedenti fuissent diffusi; ex aucta tantundem in exitu refractione vergente in oppositum, facta compensatione sistuntur. Quod si fiat aliqua titubatio ex materiali imperfectione Prismatis, non ita adamussim formati proueniet. Iuuabis imaginationem, si ductis in charta lineis inuicem parallelis, ex cera, in pastillum tenuem redacta, super illas constituas angulum similem angulo Prismatis Trigoni; eleuando enim latus illius ad hoc, vt illi lineæ dictæ minùs obliquè occurrant, statim videbis ex opposito aliud latus magis inclinari, ad illas obliquiùs excipiendas.

Experimenta

Experimenta traiectionis representatiuorum cum Refractione per Prisma Trigonum ad oculum.

I. Transpicienti per dictum Prisma, secundum aliquam sui faciem aliquomodo directè expositum obiecto, illud apparet eâ ferè coloratione, quâ apparet aspicienti oculo libero: dixi ferè, quia si obiectum sit inter ea, quæ communiter dicuntur alba, apparet leuiter tinctum velut flauo valdè diluto: quod agnosces si simul, & semel, dum vno oculo per Prisma illud transpicias, altero libero spectes: comparatio enim statim tibi leuissimam illam tincturam patefaciet. Pariter iuxta duas facies Prismatis, per quas, tertia ad obiectum versa, potest transpicere, idem obiectum velut tibi geminabitur; in dextram quidem, & sinistram à suo situ diuertens, si Prisma sit erectum; sursum verò, & deorsum, si Prisma iaceat: quia radiationes per faciem obiecto expositam receptæ, diuiduntur in duas reliquas, ad geminam reflexionem ab altera in oppositam directas.

II. Prismate Trigono secundum costam conuerso ad obiectum, in oculo transpicienti tam lucentia, quam aliquomodo illustrata, sit ex refractione sufficiens mixtura repræsentatiuorum, ad determinandam apprehensionem colorationis variæ, similis aliquomodo colorationi Iridis; dum in medio libero Prisma illis expositum nihil tale exhibet in plano, alioqui exceptioni rectè opposito. Expositum tamen ad foramen in valuis fenestræ ligneæ, alioqui clauso per omnia cubiculo, ab obiectis illustratis prostantibus aliquam huiusmodi variam colorationem exhibet in plano huiusmodi occurrente. Iuxta autem duas facies obliquè expositas obiecto, binas huiusmodi colorationes oculus videbit, alteram directus ad dexteram, alteram directus ad sinistram dum admouetur tertiæ faciei erectæ, perquam ab utraque traiciuntur radiationes in ipsum, si Prisma sit erectum:

erectum : alteram respiciens sursum per partem superiorem, alteram spectans deorsum per partem inferiorem eiusdem tertiæ faciei iacentis, si Prisma iaceat. Sicut enim experimento primo radiationes vnâ facie exceptæ diuiduntur secundum diffusionem intra vitrum ad duas facies occurrentes, & ab illis existit gemina reflexio in duas positiones oppositas directæ; ita in secundo radiationes, hinc inde duabus faciebus exceptæ, per refractionem diriguntur hinc inde per tertiam faciem occurrentem in duas positionis differentias aliquomodo oppositas.

III. Prismate iacente, vel erecto ad oculum siue totum pateat, siue, reliquo tecto, sola pars quæ tenuatur ad angulum, siue sola media, siue altera opposita, vbi vitrum est crassissimum, semper oculus eandem integram colorationem aliquomodo concolorem Iridi transpicit in obiectis, & quidem multiplicem pro multiplicatione prostantium obiectorum.

IV. Quando transpicienti per Prisma apparent lucida, vel illustrata cum coloratione varia, Iridi aliquomodo concolori, singulorum extremitates puniceo, & cæruleo videntur tingi, media velut flauo: licet valida, vel debilis illorum lux, vel illustratio, aut obliquitas situs obiectorum respectu transpicientis, aut aliorum vicinitas, aliquam in singulis dictorum colorum, pro conditione illorum, varietatem exhibeat. Extremitates autem in obiectis coloratæ videntur diduci; & quidem magis, & magis cum maiori expansione colorationis, quò facies Prismatis, exposita obiecto, ad illud magis directè obuertitur; dum interim illa, per quam radiationes immediatè traiciuntur ad aërem, & oculum, magis ac magis obliquatur ad oculum.

V. Transpicienti obiecta cum coloratione per Prisma, modo dicto, obuersum ad illa, si versùs vtramque positionis differentiam oppositam transpiciat, colores aliquomodo mutant sicut apparenter in illis, vt cæruleus, qui transpicienti à sinistra versùs dextram, apparet in singulis obiectis

obiectis ad dextram aspicientis, appareat transpicienti à dextra in sinistram in singulis ad sinistram illius. Idem evenit proportionaliter cum iacente Prismate spectantur obiecta apparenter colorata modò per inferiorem partem illius versùs superiorem, modò per superiorem versùs inferiorem.

VI. Extremitates obiectorum, quæ colorantur iacente Prismate, non colorantur erecto; quæ colorantur erecto, non colorantur iacente: semper autem colorantur extremitates, quæ disponuntur secundùm longitudinem Prismatis, spectatam secundùm extensionem costarum illius, licet adhiberetur frustum, in quo extensio costarum in illo non excederet crassitiem massæ vitreæ, sed potius excederetur ab illa. Si verò Prisma, neque iacens, neque erectum, medio modo se habeat ad utramque situationem, colorantur extremitates obiectorum aliquomodo secundùm utramque dispositionem; sed magis secundùm illam, cui correspondens situs in Prismate prævalet.

VII. In obiectis quæ, Prismate secundùm facies ad illa obliquo, apparenter variè colorantur, si extensio correspondens crassitiei spectatæ à costa ad costam, modica sit, coloratio videtur totam perfundere; si verò notabiliter excurrat, media, inter extremà cum nouo colore apparentia, sub ordinario suo colore, sed leuiter tincto, spectantur.

VIII. Transpicienti obiecta lucida, vel illustrata per Prisma apparent in seriebus colorationum colores situ contrario ei, secundùm quem exhibentur recepti è Prismate in plano opposito; & ita cæruleus videtur disponi versùs angulum Prismatis ad partes vitri tenuiores; puniceus versùs partes vitri crassiores: intueri Lunam, flammæ, nubes illustriores; conforme autem hoc est ei, quod succedit in visione omnium obiectorum, siquidem per impressionem factam in dextera parte organi, seruienti immediatè visioni, spectatur pars obiecti, quæ est ad sin-

stram videntis, & è contra, per impressionem similiter factam in parte inferiori eiusdem, videtur pars superior in obiecto, & è contra.

IX. In corporibus illustratis videntur aliquando hi colores aliter dispositi, quàm hîc asserui: sed contingit vel quia colores, qui ad varias series pertinent, in vnam minùs cautè assumuntur, ex insigni distantia inter se eorum, qui ad vnam seriem pertinent; dum magna extensio inter extremos vix colorem, qui in ea libero oculo cernitur, immutat: vel quia ex nimis viuida illustratione proxima alicui colori apparenti, alij consequenter in eadem serie cum illo, notabiliter diluti velut disparent: sed inclinatione auctâ faciei Prismatis obliquè excipientis radiationes ab illis obiectis, donec colores in seriebus velut densentur, agnosces eos determinatè ordinari modo dicto.

X. Transpicienti Solem, etiam si sit valdè exiguum quod videtur de illo, coloratio similis dictis apparet in illo, & cum coloribus in serie integra similiter dispositis; sic transpicienti Lunam etiam dichotomam, & corniculatam. Pariter colorum series apparet in lucidis, & illustratis, siue facies, eorum repræsentatiua excipiens, sit maximè obliquata ad illa, siue multùm accedat ad oppositionem directam, vt angulorum incidentiæ in primam faciem, sufficientium ad apparentiam colorationis Iridi similis, magna sit latitudo: vide compensationem in egressu radiorum è Prismate suprâ num. 11. experimentorum traiectionis in opacum oppositum.

XI. Prismate secundum faciem conuerso aliquomodo directè ad illustre, per debilem reflexionem luminis, admissi intra vitrum ex internis crustis facierum supradictæ subiectarum, excipitur in oculo imago talis obiecti remissa, per quam illud apparet leuiter tinctum, & quidem flavo diluto. Dum enim tali faciei aliquomodo directè incidentes radij, per ipsam in vitrum diffunduntur, & deueniunt ad facies illi obliquè subiectas, & ex iis vicissim secundum

eundum angulos æquales reflexi in oppositam, per illam validissimè exeunt, non toti prorsus exeunt; sed aliquid ipforum refunditur hinc inde in eam ipsam, vnde proximè sunt reflexi, & ex vtraque in primam, quam primò intrarunt; per quam tandem illud exiguum deuenit in oculum, & in eo conuerso ad talem faciem, directè aliquomodo obuersam illustranti, causat dictam apparentiam valdè tenuem, & flauo diluto tinctam, ob aliquam partem repræsentatiui opacitatis vitri secum assumptam, toties vitri intima permeando: non tamen vario colore distinctam, quia, licèt notabiliter remittatur lumen, non variè dissipatur; sicut nec in tali apparentia obiecti subflauæ extremitates dissipantur, quæ tamen dissipantur in obiectis, quæ oculo variè apparent colorata, ex dissipatione luminis vi Prismatici: quæ ratio distinctè in sequentibus explicabitur. Existit igitur oculo sic constituto gemina apparentia obiecti, altera eodem colore, quo obiectum spectatur oculo libero, sed multò remissiore, quia existit per reflexionem aliquam factam ad ipsum ex primo occurso faciei Prismatici, sic illi directè obuersæ; altera tinctura subflaua, cum vltiori adhuc remissione, ob reflexionem triplicatam inter crustas interiores Prismatici, quam multiplicatis, & multipliciter variatis, & accuratiùs expensis experimentis mecum agnosces.

XII. Dum costa Prismatici conuertitur ad illustre per duas facies, in illam coeuntes, obliquè eidem expositas, ingressum lumen deuenit in tertiam, illis oppositam, ex qua licèt maxima ex parte diffundatur in aërem, & in oculum appositum ad apparentias variæ colorationis concoloris Iridi: aliquid tamen ex crusta interiori illius reflectitur hinc inde versùs duas facies illi obliquè superstantes, & oculo, hinc inde illis opposito, exceptum exhibet apparentiam tenuem illustrantis in sua conformatione, sed subflauo colore tinctam, ex assumpto aliquo repræsentatiui opacitatis vitri; sed non variè coloratam, ex remisso qui-

dem, & aliquomodo mixto lumine, sed non variè dissipato, vt similiter in præcedenti aduertimus: non exhibetur autem simul cum apparentia concolori obiecto, quia reflexio luminis ex primo occurſu facierum Prismatis, ex obliuatione illarum ad illuſtrans, prorsùs in oppositum dirigitur.

XIII. Dum costa Prismatis similiter obuertitur illuſtranti, duæ facies, in illam coeunt, eidem obliquè exponuntur, & lumen, per illas transmissum ad tertiam oppositam, non solum non totum exit in aërem, ad series variæ colorationis exhibendas; sed præter illud, quod reflectitur in anteriora ad apparentiam subflauo colore tinctam, vt diximus numero præcedenti, id quod reflectitur propiùs ad angulum, quem dicta tertia facies Prismatis constituit hinc inde cum alia sibi obliquè insidente, maximè obliquè incidit dictæ faciei, ipsi sic insidenti, & in in ea dissipatur, proportionaliter, vt dissipatur id, quod in eadem secum radiatione incidens propiùs ad eundem angulum, ex tali extremitate diffunditur consequenter in aërem; dissipationem autem inchoatam in tali facie, per reflexionem secundam ex illa prosequitur, & directum per tertiam in oculum, ad latus Prismatis constitutum, causat in eo apparentiam talis obiecti, cum varia coloratione, & extremitatibus variè coloratis peculiariter dissipatis, valdè tamen remissam. Rationes dictorum, & eorum, quæ dictis addi possent, ex sequentibus Sectionibus constabunt.

CAPITIS XVIII. SECTIO V.

De reali mixtura Representatiuorum, & apparenti colorum, per refractionem, & reflexionem simul in crassioribus Diaphanis.

Dari istam mixtionem ex reflexione, & refractione adiunctâ in puro vitro satis probatum est antè Sect. 3.
Corollario

Corollario 2. & 3. per experimenta ibi citata in Prismate Trigono ex puro vitro, ubi etiam præter dicta initio multiplicationis reflexionum, determinatè probauimus reflexionem secundam radiorum intra vitri crassitiem diffusorum, esse à crusta vitri crassiore quàm sit reliqua eius medulla, per quam ad eam illi perueniunt.

Nihilominus ad maiorem dictorum firmitatem, & eorum quæ similiter dicenda sunt de ista secunda reflexione in guttis aquæ ad colorum apparentias in iis explicandas, excludendus est vltèrius ab ista secunda reflexione aër attiguus.

Primò, quia secunda reflexio in Prismate est tam viuida, vt superet primam, quæ est ex facie primò obiecta, & quidem directè illustranti, & in illa impeditur sensibilis radiorum diffusio in proximum aërem, sicut in experimentis suprà ostendimus: nullo verò modo probabile est, quòd superficies aëris, esto obliquè excipiens radios, id præstare possit, vt in similibus incidentiis, aëre quantumvis densato procuratis, experiri licet; tribuentes autem halonem circa flammam lucernæ aëri, infrà euidenter refutantur.

Secundò, quia cùm aqua sit multò aptior reflexioni luminis incidentis, velut diaphanum secundùm quid, tersum, & multò densius; & aër quantò plus diaphanus, & rarus, & aptior admissioni radiorum intra se, tantò sit ineptior reflexioni: nihilominus, si facies secunda Trigoni Prismatis ex vitro, ad quam radiatio per massam vitream propagata obliquè incidit, superponatur aquæ, cum æquali inclinatione sui, & eodem situ ad illustrans, nullo modo aduertitur maior reflexio talis radiationis: ergo signum est, huiusmodi secundam reflexionem non fieri à diaphano contiguo Prismati.

Ne tamen adhibeas parùm cautus tali secundæ faciei Trigoni alia viscida; quia quò illa spectabiliora sunt per ipsum, tantò sunt aptiora talem apparentiam dictæ radiationis reflexæ ab ipsa inficere, & inficiendo apparenter imminuere.

Tertiò, dictæ secundæ faciei Prismatis, à qua diximus fieri reflexionem secundam radiationis per massam vitri ad ipsam transmissæ, suppone commune speculum, & perseverante eâdem inclinatione dictæ faciei cum prima respectu illustrantis, nullam notabis mutationem in dicta secunda reflexione, siue illud adsit, siue non; ergo signum est non à diaphano sequenti post dictam faciem fieri dictam secundam reflexionem: Neque dicas speculum non excludere penitus aërem autiguum, & eum esse, qui sufficit ad talem reflexionem. Nam si vdum sit, omninò excludet, & cum humido, quo vdum est, multò ipsum faciet validiorem reflexionem, quàm faciat tale humidum de se.

Hic pariter aduerte, apparentias aliquas tribui aëri reflectenti, vel etiam refringenti radiationes, quæ non nisi ab inconsiderantia experimentorum ei affinguntur. Vide quæ suprâ diximus de radiatione, quâ lucidâ etiam apud nos apparenter coronentur, nullo modo à circumposito illis aëre proveniente; & si aliquando halonem circumpositum flammæ lucernæ videris in hyeme, aut intra locum subterraneum in æstate, inter oculum tuum, & circumpositum aërem, hinc indè appone impedimentum, & modò per rimam pateat oculo tuo flammula, ei circumpositum halonem eodem modo spectabis, sed tali impedimento apparenter superextensum; & disce quàm multa sint in experimentis tentanda, quàm multa expendenda, antequam de causis feratur sententia: & consequentiæ inde inferantur ad præscribendas naturæ leges.

Dati istam secundam reflexionem notabilem cum adiuncta refractione experimur apertè in globulis vitreis, & in illis similiter ex crusta vitri, ad quam per medullam radiatio diffunditur, non autem à caua superficie aëris illos ambientis, dicenda est provenire, iuxta probata.

Experimur omninò similiter in guttis aquæ, talibus globulis omninò similibus; nisi quòd in illis est adiuncta durities: densitas tamen, & raritas in diaphanis ad propositum nostrum

nostrum attendendæ, non durities aut mollitudo. Quidni igitur dicamus in guttis pariter eam provenire à suæ superficie physica reliquam intus aquam includente, & aliis corporibus aliquomodo infensis proxima, & sæpè etiam ex motu proximè aliquem incursum sustinente, quæ proinde aliquomodo crassior possit radiorum ad intima illius diffusorum aliquam facere reflexionem, quibus, postea etiam in aërem proximum diffusis, nova accedat ex diuersitate diaphani, cui obliquè incidunt, refraction.

CAPUT XIX.

De constitutione colorum qui videntur in corporibus opacis.

SECTIO I.

Accipiuntur aliqua ex præmissis, & stabiluntur ad statuendum in re proposita.

Quia, saltem ut plurimum, ex iam constitutis à nobis per certa experimenta, & rationes à natura petitas, procedemus in determinandis, quæ videntur ab omnibus, & tamen passim latent, ne graviter feras, si aliqua dicta hæc ad intentum reuocentur in memoriam, ut clariùs, & certius constent, quæ ex iis inferenda sunt.

Assero primò. Nullum non lucidum esse sufficienter productuum sui repræsentatiui, nisi illustretur infuso lumine à lucido; cum hoc tamen reflexo ab illo, iungi proprium repræsentatiuum illius, ab illo productum.

Prima pars certis experimentis constat; nam nulla sequitur determinatio in oculo, quantumvis cæteroqu岸 disposito, si desit talis illustratio, & hoc euenit non solum in tenebris deficiente lumine à lucido propagato, sed etiam
vbi

vbi illud maximè adest; reflexio tamen illius fit ex primo appulsu ad opacum, non ab aliquo vltiori in ipso opaco, lumine perfunto; vt suprà constituit in experimentis factis in vitris coloratis.

Secunda pars pariter constat experimentis, quibus ostendimus, crescente infuso lumine, crescere reflexionem non solum in ratione luminis, sed etiam in ratione repræsentatiui talis colorati; quo modo non potest exhiberi à lumine sub quauis intensiōe maiori, vel minori, densitate, vel raritate illius aliter procurata. Adde quod eodem lumine directo ad subiectum, coloribus non suis, sed à Prismatico vitreo deriuatis, similiter in apparentia coloratum, non solum non crescit quod inde reflectitur, in ratione repræsentatiui talis coloris mediij: sed potius cessat, quia fuscedo concurrens ad producendum integrum repræsentatiuum, & consequenter in sentiente repræsentationem illius, non erat fuscedo talis reflexiui, ad quod lumen directum est: quare crescit repræsentatiuum totale indè reflexum in ratione repræsentatiui albi illustrantis, nullo modo in ratione repræsentatiui coloris prius apparentis in tali corpore; & sic ablata est in integro repræsentatiuo temperies, apta ad repræsentandum talem colorem medium: quæ tamen, si lumen illud directum fuisset ad corpus, quod solet censerì flauum, vel rubrum, &c. quando ipsum immediatè illustratur, vel ad idem Prisma Trigonum ex vitro, addendo illud incidentiæ, per quam antè illud minùs fuit illustratum, non solum fuisset seruata; sed vltius creuisset, vt indè talis color medius in sui ratione viuidiore appareret; vt passim obuiis experimentis certò comprobatur: quia nimirum cum lumine repræsentatiuo coloris illustrantis crescit in proportionem repræsentatiuum fusci coloris illustrati; quomodo, & non aliter, seruatur in totali repræsentatiuo temperies, repræsentatiua talis mediij coloris; quod ex consequenter dicendis etiam magis stabilietur.

Affero

Aſſero ſecundò. Id quod prouenit à lucido non eſſe lucis præciſè , ſed coloris in lucido exiſtentis repræſentatiuum : licèt quando uinidius eſt , alterando uehementiùs ſenſorium , non ſinat peculiare illius diſpoſitioneſ diſcerni.

Prima pars probatur primò à fortiori , quia quod dicitur lumen ab illuſtrante proueniens , inſuſum opaco , iuuat ad producendum repræſentatiuum coloris ſecum exiſtentis in illo , ergo etiam ſi lux à colore exiſtente in lucido dicatur diſtingui , lumen ab internis partibus lucidi diſfuſum per anteriores , iuuaret colorem in illis exiſtente , ut ſimul ſecum diſfunderet repræſentatiuum ſui à tali lucido.

Secundò clariſ experimentis , quibus iuxta flammæ tincturam , etiam ſi ea à fomite proueniat , diſfunditur repræſentatiuum ab illa , quod terminatum ad opacum repræſentat , vel uiride , vel flauum , vel rubrum , &c. ſicut oculo illud excipienti flamma uidetur , vel uiridis , vel flaua , vel rubra , &c.

Tertiò luminis à Sole diſfuſi per Tuboſpicilium inſignis longitudinis , cuius vitrum Soli obuerſum , craſſiore chartâ teſtum , aperiatur in medio foramen exiguum , & aptius ad intentum , ex altera parte pro vitro cauo ſit inſtructum lente conuexa : ſi enim prohibita aliundè illuſtratione , tale lumen excipiat vel oculo uergeto , vel aliquo plano ex communiter dictis albis , oppoſito in conuenienti diſtantiâ , ſpectabis Solem maxima ex parte uelut albeſcentem , alibi uelut nebula ſuffuſum , alibi nigricantibus , alibi puniceis , alibi rubris maculis conſignatum , pro varia conſtitutione eius , quod ſplendet in Sole ; alibi plagis inſigniter præ reliquo Sole candicantibus , & quidem ſeruata conſtanti diſpoſitione in facie Solis , etiam ſi vitra , alia , & alia apponas , uel eadem circumuertas ; immò ſeruato conſtanti motu talis integræ apparentiæ , ſecundum meridianos designatos in facie ſolari , uel etiam parallelos ; donec ſtatis diebus reuolutione facta aliqua ſeries è facie Solis excedat , alia proportionaliter ſuboriat : niſi quòd ex

maculis in albo apparentibus, aliæ per dies consequentes crescunt, aliæ decrescunt, mutatis coloribus à fusco ad album procedentibus; & dum aliæ in alborem splendendum desinunt, aliæ à nebula tenuiori ad tetriorem massam conglobantur. Quod apertè ostendit à nulla Solis parte ad nos prouenire repræsentatiuum lucis solius, & non simul repræsentatiuum alicuius coloris existentis in lucido.

CAPITIS XIX. SECT. II.

Quomodo omnes colores, qui non lucidis attribui solent, in particulari albedo, sint apparentes in illis.

A Ssero primò: omnem colorem, qui videtur in corpore terminato, & illustrato ab alio, in ratione talis coloris, secundum quam apprehenditur à vidente, & communiter denominatur, esse apparentem; licet communiter putetur, & dicatur color realis talis corporis: repræsentatiua tamen, quæ in organo immediatè seruienti visioni determinant ad apprehensionem talis coloris, esse realia, realiter in ipso existentia.

Tota assertio euidenter comprobatur ex constitutis: quia ab illustrato per reflexionem necessariò refunditur repræsentatiuum coloris; qui est in illustrante; & simul diffunditur repræsentatiuum eius, qui est in illustrato; & necessariò vtrumque simul recipitur in eadem parte organi, cuius passio determinat immediatè apprehensionem, correspondentem vtrique per modum vnius, ex qua apprehenditur, & denominatur vnumquodque taliter coloratum.

Assero secundò, albedinem, quæ in corporibus naturâ suâ non illustribus apparet in Vniuerso, non esse colorem proprium.

proprium talium, quæ dicuntur alba: sed esse colorem corporis ea illustrantis, qui per reflexionem ex non specularibus apparet ac si esset in eis.

Ad probationem assertionis accipio duo ex modo dictis. Primum est, cum lumine Solis, vel rectius, in lumine Solis diffundi repræsentatiuum coloris proprii corporis lucentis in Sole.

Secundum, quidquid in Sole insigniter splendet album esse, ut apertis constat experimentis supra adductis.

Addo ex abundanti: materiam, quæ in maculis Solis apparet nigra, successivè in rubram, puniceam, & flauam, tandem cum insigni dilatatione sui in splendidè albam commutari, acquisito in tali alteratione principio intrinseco lucis, & quidem viuidioris, quàm spectetur in reliquo Sole, cum inter reliquas Solis partes insigniter ex illa inter noscatur, ita ut aliquando traiectâ imagine Solis per Telescopium in chartam etiam in meridie, patente fenestrâ, notabilis esset in ea talis candor, splendens præ reliquis partibus circumpositis, cum insigni admiratione eorum, quos ad id spectaculi conuocaui: quod certum indicium est albedinem splendidam esse proprium colorem ignis in Sole lucentis, ad quam ab aliis coloribus, ad fuscum magis vergentibus, reducitur materia illa per inflammationem, cum in ea vis ignea maximè dominatur, ut sapienter euicit multiplicatis, & ritè expensis experimentis multorum annorum P. Christophorus Scheiner in Rosa Vrsina, reiectis euidenter aliis modis explicandi huiusmodi apparentias, cuius industria viam aperuit ad sacra oracula in proprio, & aperto sensu intelligenda, quibus de Sole dicitur Ecclesiast. 43. [custodiens fornacem in operibus ardoris.]

Probatur assertio, quia ex vna parte reflexio repræsentatiui albedinis lucentis in Sole, facta ab aliquomodo asperis, id est, secundum parua, & multiplicata, & ad varios situs conuersa reflectentia in sua extremitate dispositis, &

propterea obliterantibus ad sensum pro quocumque determinato situ figuram, & distantiam illius, & insignem eius fulgorem comprimantibus ex interruptione, & distractione radiorum ad varias positionis differentias, potest determinare ad apprehendendam huiusmodi albedinem velut fulgore spoliata, & tanquam existentem in ipsis; nisi notabilis admixtio repræsentatiui fusci coloris ad apparentiam mediij coloris determinet. Ita experimur corpora diaphana crassiora ex multiplicatione parvatum superficialium, secundum figuram, & situm ad huiusmodi reflexionem conformata, nullâ aliâ notabili in ipsis alteratione factâ, statim apparenter albescere, vt aquam in spuma, & niue; vitrum, glaciem, & similia comminuta, cornu, & similia per rationem.

Ex alia parte corpora, quæ censentur communiter insigni colore albo terminata, conuincuntur nullum sensibilem huiusmodi colorem verè in se ipsis obtinere, quia nullam notabilem faciunt per proprium repræsentatiuum mixtionem, quam tamen faciunt, quælibet alia, quæ multò debilius apparent colorata.

Experire, & per angustum foramen corporis opaci admittere intra locum, alioqui obscurum radiationes à corporibus illustratis prostantibus, quas excipe plano aliquo, communiter putato albo, & quidem quâvis excellenti albedine; tum quære per debitam distantiam à foramine, & appositum foramini vitrum, quale in conspiciiliis senescentium adhiberi solet, repræsentationem configurationis dictorum obiectorum: spectabis per reflexionem ex tali albo huiusmodi obiecta licet in multo minori extensione, & mutato situ, cum iisdem prorsus tincturis colorum, cum quibus apparent in aperto aëre omnibus, ea visione directâ aspicientibus: mox amoto plano albo, radiationes huiusmodi excipe plano alio, quovis colore secundum communem æstimationem tincto, quovis flavo, quovis viridi, quovis puniceo, quovis rubro, quovis cæruleo, &c. & ex illo

illo non nisi quid confusum, & turbidum per reflexionem spectabis, omnino variatis apparenter in noua mixtura tinturis colorum, cum quibus talia obiecta, libero in aëre, visione directâ conspici solent. Quare, ut dicebamus, putata alba nullam faciunt notabilem mixtionem realem per repræsentatiuum coloris, in ipsis existentis, cum repræsentatiuis colorum apparentium in aliis, ex quo nullam faciunt mixtionem apparentem cum coloribus aliorum; putata verò aliter colorata, sicut aliquid notabile, in reflexione radiationum exceptarum, realiter admiscet ex proprio repræsentatiuo; ita apparenter faciunt nouam mixturam ex proprio colore, & coloribus obiectorum, quorum recipiunt radiationes; quod multò potiori ratione facerent putata alba, si albedo esset proprius talium corporum non lucentium color, ut quæ tantò viuidior in ratione coloris, præ reliquis coloribus, apparet.

Adde confirmationis loco: quod dicta alba, quæ in tenebris alioqui constituta, iuxta allatum experimentum, non possunt oculis exhibere albedinem Solis per lumen à se reflexum, nec alio repræsentatiuo notabiliter infectam; sed solum colores communiter tributos corporibus illustratis ante foramen prostantibus, per radiationes, quas ab illis, receptas per foramen, reflectunt ad oculum; ac proindè non immutant sensibiliter apparentias, quibus talia corpora visione directâ sic censentur colorata: si ipsa in aperto aëre, in quo possunt reflectere repræsentatiuum albedinis solaris, misceantur secundum minutas sui particulas, ut sit cerussâ comminutâ, substantiis, quæ putantur aliter coloratæ, exhibet, alias & alias apparentias colorum mediorum ab illis diuersas, variè immutando eorum apparentias, pro varia sui admixtione; & quidem statim, etiamsi, sine alteratione ulla notabili aliter facta in illis, iuxta ponantur modo dicto: quod euidentis signum est, ipsa de se non habere tale repræsentatiuum proprii coloris, quo possint notabiliter immutare sensorium, & sic cum repræsen-

ratiuis aliorum directo ad oculum , notabiliter eorum apparentias immutare : siquidem ex ratione , & experimentis suprâ allatis constat , per coincidentiam omnimodam diuerforum repræsentatiuorum in organo visûs, aptius fieri apparentiam coloris velut medij inter eos, quorum illa sunt repræsentatiua , quàm ex iuxta positione illorum secundum paruas particulas , de se pro tali distantia minùs inter-noscibiles ab aliis sibi proximis : talis autem perfecta coincidentia interueniret in casu nostro repræsentatiui albedinis , si esset proprius alborum de se non illustrior color, cum repræsentatiuis aliter coloratorum illustratorum , per foramen ad illa transmissis , & ab illis reflexis modo dicto.

Reflexio autem repræsentatiui albedinis lucentis in Sole à corporibus apud nos putatis albis , quæ iuxta dicta, sufficit ad explicandam apparentiam albedinis in illis , eadem proportionaliter sufficere potest ad explicandam apparentiam albedinis in corporibus cælestibus, quæ lumine Solis reflexo splendent , qualia supra diximus esse reliqua astra , in particulari Lunam, quæ licet circa nouilunia in partibus à Sole auersis appareat subalbescere , aut aliter in suis eclipsibus intra umbram Terræ colorari ; huiusmodi tamen apparentias à lumine Solis , ad se variè per reflexionem , aut refractionem transmissis , & à se reflexo , probata est exhibere.

Quæ verò corpora in vniuerso per illustrationem ab aliis spectabilia , non tam apparent alba , quàm cinericij coloris , licet admitti possint , aliquid proprium , & notabile fusci coloris obtinere , cuius repræsentatiuum faciat notabilem mixtionem cum repræsentatiuo albedinis lucentis in Sole , sic ab ipsis ad oculum reflexo , ad causandam in oculo talem apparentiam ; neque id sit inconueniens admittere etiam in cælestibus, cum tam manifestè deprehendatur in corpore solari , vt constat ex materia, quæ ex eius massa latente egeritur , & variè in maculis , in disco illius apparentibus , coloratur. Nihilominùs talis apparentiæ in
illis

illis oriri etiam potest ex diuersa asperatione minorum partium, & diuersa situatione maiorum, quæ iuxta alias aptius receptiuas, & reflexiuas luminis solaris, ac proindè apparentiam maioris candoris in se exhibentes, videntur aliquo modo inumbrari; sic proportionaliter possumus variè conformatis partibus in argento apud nos experiri; cum tamen omnes in extremitate æqualiter dispositæ eandem possint albedinis in se apparentiam exhibere. Certè in maculis lunaribus maioribus, apparens vergentia ad fuscèdinem notabilior est, cum lumen Solis non nisi obliquius in sua extremitate, ratione talis suæ situationis, recipiunt; cum verò in Luna Soli opposita radios aliter excipiunt, Telescopio longiore, & meliore inspectæ, etiam ipse notabiliter videntur albescere, nec multò ab aliis partibus discrepare: sic ex mutato situ mutatur notabiliter, & velut disparet fuscèdo apparens in fasciis Iouis.

Affero tertio. Omnia corpora in Vniuerso, quæ alterius illustratione indigent, vt spectentur, habere connaturaliter aliquid coloris fusci, & præcisè ex tali coincidentia repræsentatiui coloris illustris, & repræsentatiui fusci existentis in illis, apparere omnes colores intermedios, quos in illis, aut per illa aliquomodo apprehendimus in aliis.

Prima pars assertionis probatur: quia ex vna parte, iuxta suprà ex claris experimentis, & deductis indè, constituta, nullo intensio, nulla remissio, nulla densatio, nulla rarefactio luminis, seu repræsentatiui coloris illustris à lucido propagati, de se sumpta, mutare potest apparentiam secundum speciem colorum: sed solum augere, vel debilitare ipsum in se, & in ordine ad operationem ipsi proportionatam, consistente tali varietate intra coloris speciem, iuxta communem apprehensionem, eandem, vt conuincitur variatis, & multiplicatis reflexionibus à speculis, & transmissionibus luminis per vitra conuexa, & caua, augendo illius intensiorem vterius, & vterius, aut remittendo,

zendo, illud plus, & plus restringendo, vel dissipando, sine mutatione apparentiæ ad aliam speciem colorationis. Quare necesse est ad tales apparentias, quas passim secundum tot diuersas colorum species experimur, iuxta cōmuniem existimationem, interuenire aliquod aliud repræsentatiuum, & sic alterius visibilis, intra oculum diffusum, cum repræsentatiuo coloris illustris ex tali corpore ad oculum reflexo; quod etiam suprà aliter experimentis stabiluimus.

Ex alia parte, quod ab aliis corporibus illustratis admiscetur repræsentatiuo albedinis lucentis in Sole, ab ipsis reflexo, vt mutet notabiliter apparentiam, cuius illud de se causatiuum est, eam cogit notabiliter ab albo ad atrum vergere, & quidem variè, pro varietate præualentiæ in mixtione cum illo.

Rectè igitur tale repræsentatiuum à dictis corporibus proueniens dicimus esse repræsentatiuum coloris fusci, & talem colorem in corporibus aliquomodo terminatis, & non illustribus existentem, fuscum vocamus, qui in illis plus, minúsve valet, & talis repræsentatiui fortioris, vel debilioris, miscendi repræsentatiuo coloris lucentis, productiuus est.

Secunda pars assertionis probatur, quia quoties habetur in naturâ causa apta ad aliquem effectum, & est in promptu applicatio illius ibi, vbi de nouo existit effectus, talis causæ tribuendus est talis effectus; sed huiusmodi sunt, respectu determinationis apparentiæ colorum mediorum, repræsentatiuum coloris illustris, existentis in lucidis, & repræsentatiuum coloris fusci, existentis in obscuris, variè contemperata, & semper in promptu adest coincidentia illorum in organo visus, quoties datur apparentia colorum mediorum; ergo ipsis sic coincidentibus ab illis in tali organo tribuenda est determinatio ad talem apparentiam.

Minor, in qua est tota difficultas faciliùs admittetur ab iis, qui præter qualitates extremè contrarias respectu ta-

ctus,

ctûs, non admittunt alias medias, & censent sensum fer-
noris, rigoris, teporis sufficienter saluari per determina-
tionem, quæ fit in organo tactûs, per propagationem ab
extremis variè contemperatam in illo. Similiter ab iis, qui
peculiari solertia miscentes secundùm variam proportio-
nem in minutis particulis substantiam putatam albam, cum
notabiliter de se fusca, exhibent varias apparentias colo-
rum mediorum, procurata non coincidentia vera, sed so-
la proximitate minùs distinguibili, repræsentatiuorum ip-
forum in organo.

Sed solidè probatur; quia non existente in diaphano se-
cundùm quid, & crassiori alio proprio colore, quàm ali-
quali fusco de se vniformi in intensione, ex quo prouenit
aliqua terminatio ipsius, secundùm quam, sicut multis ex
eo partibus in notabili mole superpositis impeditur notabi-
liter aliorum repræsentatiuorum transitus per illud, ita
exhibetur apparentia coloris omninò atrii: nihilominus re-
præsentatiuo albi lucentis in Sole variè addito, & con-
temperato cum repræsentatiuo talis fusci; & apè excepto
in corpore, communiter putato albo, exhibentur appa-
rentiæ colorum mediorum, vt constat experimentis suprà
allatis, & distinctiùs constabit ex dicendis consequen-
tèr. Ergo cum in organo immediatè determinante visio-
nem per impressionem receptam, adsit necessariò, dum
videntur obiecta de se obscura, repræsentatiuum coloris
illustrantis ab illis reflexum, sufficiet adiungere repræsen-
tatiuum coloris fusci in varia proportionè pro conditione
talium corporum, ab ipsis diffusum pariter ad illud, vt per
talem coincidentiam in illo contemperata determinent ad
apprehensionem mediorum colorum, secundùm quos ta-
lia videri solent colorata.

Collige ex his primò. Neque album, neque atrum co-
lorem, secundùm quod extremè sibi contrariantur, à no-
bis discerni, cum atrum videri non possit, nisi illustratum;
ac proindè apparere cum tinctura aliqua coloris illustran-
t

tis; album illustre non possit transmittere repræsentativum sui ad organum, immediatè determinativum ad visionem, nisi per diaphanum secundùm quid, ac proinde aliquomodo determinatum, & ita diffusivum cum lumine repræsentativi sui, in eadem directione.

Collige secundò: quando album minùs illustratum, comparatione magis illustrati videtur subnigrum, talem apparentiam sic notabilem non esse solam prinationem maioris illustrationis, sed permixtionem, quæ redditur notabilis repræsentativi fusci coloris existentis in tali corpore cum tali remisso repræsentativo illustrantis; quæ aliqui nimium prævalente diffusionem luminis ab illustrato, licet aliquomodo crescat, aucto aliquoqualiter repræsentativo fusci: non crescit tamen tantùm, quin ab illius nimio excessu sensibilibiter suffocetur.

C A P V T X X.

De contemperatione repræsentativorum realium ex traiectione per crassiùs diaphanum, peculiariter arte formatum, ad varietatem colorum mediorum apparenter exhibendam.

S E C T I O I.

Quid conferat ad illam artificium Prismatici Trigoni ex puro vitro.

Cum fuscus color, qui est in crassiore diaphano, sit multum in sui ratione debilis, ut constat ex modica terminatione, consistente cum magna diaphaneitate in illo; pariter is qui reperitur in terminato putato albo, ut constat

constat ex apparentia coloris illustrantis in illo, sine tinctura saltem multum notabili, ex vi representatiui coloris proprii illius: necesse fuit ad exhibendam apparentiam varietatis colorum mediorum, traiciendo representatiua vniformiter coloratorum, & in particulari lumen per tale diaphanum, & ad tale excipiens, ita singulariter, ad mixturem talibus coloribus mediis proportionatam, attemperari, quod singulari artificio, & successu mirabili præstat Prisma Trigonum ex puro vitro, vt ex dicendis constabit.

Assero primò: per incidentiam obliquam in faciem Prismatis Trigoni ex puro vitro notabiliter debilitari radios, intra crassitiem illius admittendos, & vterius traiciendos; tum ex dissipatione luminis in multò minori mensura sic incidentis in illam; tum ex validiore reflexione, quàm lumen ab illa sic occurrente aliò repellitur: radios autem id minimè præ reliquis passos ex prima incidentia in primam crustam vitri, id maximè pati ex incidentiâ in secundam.

Prima pars probatur ex suprâ constitutis de obliqua incidentia radiorum, cùm de diminutione caloris à Sole per hyemem ageremus; tum experimentorum in dicto Trigono attenta consideratione: certum est enim, Prismate sic per facies obliquatas exposito illustranti, non plus radiorum recipi in vtraque facie simul, quàm reciperetur in vnica illi directè proposita; siquidem spatium incidentiæ radiorum, quod vtraque in obliquitate dicta occupat, prorsus est æquale ei, quod vnica in expositione directa occuparet: quod statim agnosces, si illis cogitatione sublati, aut non refringentibus radios incidentes, cogites illos directè progredi ad tertiam faciem cuique ex illis æqualem, suppositam costæ, in qua duæ obliquatæ coeunt: ergo in incidentia obliqua ad vnâ faciem deficit ipsi rotum id luminis, quod in tali situ ipsius recipi potest in alia, quæ secum concurrit ad costam obuersam illustranti.

ita vt Soli costâ directè sic obuërfa, & sic faciebus in illam concurrentibus, vtrinque æquè obliquatis ad illum, lumen, quod colligeretur in medietate cuiusque in eius expositione directâ, dissipatur in ipsam totam sic obliquatam, reliquo, quod ad alteram eiusdem medietatem pertineret, ad alteram faciem secum pariter obliquatam perueniente.

Secunda pars assertionis probatur, quia multò validior est reflexio radiorum à tali facie cui obliquè occurrunt, quàm sit ab eadem, si directè occurrant, vt colligitur euidenter, non solum oculo, sed plano aliquo terminato, ad excipiendam reflexionem in opposita sitûs differentia, ad æqualem angulum, constituto: semper enim clarè deprehenditur talis reflexio, ex facie, obliquè radios excipiente, validior, quomodocumque aliæ duæ facies Trigoni ad alia, vel obscura, vel clara vtrâ posita conuertantur, quàm sit reflexio, quæ sit à facie eadem, lumen directum excipiente, etiamsi lumen, quod huic incidit sit duplo plus eo, quod incidit sic obliquè illud excipienti. Experire appposito oculo ad æqualem angulum ex opposito, vel opposito plano vocato albo, modo dicto.

Sicut autem posita minori reflexione radiorum à facie directè exposita illustranti, necessariò sequitur maior intromissio eorum intra vitrum, vt colligitur etiam apertè experimento transmissionis viuïdioris illorum per vitrum in aërem, & planum, vel oculum oppositum; ita posita imminutione, & dissipatione radiorum cum reflexione validiori luminis, sic occurrentis faciei Prismatis, obliquè expositæ illustranti, sequitur necessariò tantò minor intromissio luminis intra crassitiem Prismatis.

Tertia pars probatur: quia radij minimè obliquè incidentes primæ faciei, & sic intra vitrum refracti ad perpendiculararem sub minimo angulo, incidunt maximè obliquè crustæ secundæ faciei illi subiectæ, & ad illam patiuntur, quod ex simili incidentia passi essent incidentes maximè obliquè

obliquè primæ faciei, & aliquando incidentia in huiusmodi secundam crustam, ex nimia obliquitate ita debilitat vltiorem transitum radiorum, vt vix aduerti possit aliquid transire per illam, sed notatur validissima reflexio ex illa, vt dictum est Cap. 18. Sect. 3. Coroll. 2. §. *Quòd autem.*

Affero secundò: radios admissos per faciem Prismatis Trigoni sic obliquè expositam illustranti, ex refractione ad perpendicularem intra crassitiem illius vltiùs dissipari, & sic magis debilitari: coincidentiam autem radiorum ab vtraque facie obliquè exposita illustranti in eandem tertiam faciem illis subiectam, in ordine ad exhibendam apparentiam colorum mediorum, nihil radios roborare contra priores debilitationes.

Prima pars probatur; quia si radij, sic ab vna facie obliquè admissi intra vitrum Prismatis, pergerent sine refractione intra illud, non nisi ad partem tertix faciei, duabus obliquè eos excipientibus subiectæ, peruenirent, ex qua diffunderentur in aërem, relicta altera parte radijs, qui ab altera facie obliquè admitterentur, vt euidenter patet: per refractionem verò ad perpendicularem progredientes intra vitrum ita disponuntur; vt non sit physicè assignabilis particula in tota facie subiecta, quam in progressu ad aërem non occupent radij, ab vna qualibet talium facierum, obliquè expositarum illustranti, excepti; vt statim quilibet experiri potest, impedita prorsùs immissione radiorum, ab altera sic obliquè excipiendorum, & opposito proximè plano ad excipiendam illustrationem, quæ ab vnica facie, obliquè exposita Soli, per vitrum diffunditur, & ex tertia illis subiecta propagatur ad aërem: in charta enim tangente dictam faciem tertiam, notabit illustrationem ipsi prorsùs physicè æqualem: ergo tales radij, per refractionem ad perpendicularem intra vitrum Prismatis Trigoni, vltiùs dissipantur.

Secunda pars assertionis probatur: quia licèt, iuxta modò dicta, radij immisi per quamlibet duarum facie-

tum, obliquè eos excipientium, ita diffundantur per totam tertiam in aërem, vt pariter radij, ab altera obliquè admissi, diffundantur per totam eandem tertiam in aërem; ac proindè in dicta tertia vniantur radij ab vtraque illarum admissi: nihilominus ad exhibendam apparentiam colorum mediorum, perindè est ac si non vnirentur; siquidem vnaquæque coloratio similis Iridi, directæ ad certam positionis differentiam, oppositam ei ad quam dirigitur altera, perindè sequitur ex radiis ab vna facierum obliquè admissis, & in totam tertiam dispersis, si soli sint, ac si per eandem totam tertiam admissi ab altera pariter diffundantur; cùm intromissi ab vna, ad vnam colorationem exhibendam, nihil recipiant ab admissis per aliam, qui ad aliam exhibendam aliò prorsus diriguntur; nec vlla prorsus imminutio in qualibet dictarum colorationum agnoscatur, si regendo alteram facierum tollantur radiationes, per eandem tertiam directæ ad exhibendam alteram; nullum augmentum, si retegendo admittantur.

Affero tertio. Dum ex tali traiectione radiorum illustrantis per Prisma Trigonum vitreum, exhibentur colores medij, concolores Iridi, non haberi intra illud sufficientem contemperationem repræsentatiui coloris illustris cum repræsentatiuo coloris fusci, ad exhibendam eorum apparentiam; sed perfici extra illud, concurrente peculiari dispositione illius.

Facile constat: quia excepta radiatio traiecta ex ipso in oppositum album propius admotum, nihil mediorum colorum exhibet: sed meram illustrationem, quæ nec in suis extremitatibus tingitur; sed tinctura sensim apparet in illis, & perficitur per maiorem elongationem dicti excipientis à Prismate. Confirmabitur ex dicendis, & ampliùs declarabitur, præsertim secunda pars illius, & perficietur explicatio artificij Prismatis Trigoni ex puro vitro.

CAPITIS

CAPITIS XX. SECTIO II.

Quomodo perficiatur contemperatio realium representatiuorum, ad apparentiam mediorum colorum exhibendam, ex progressu, & terminatione radiationum extra Prisma Trigonum ex vitro.

A Sfero primò, perfici concurrente peculiariter ulteriori dissipatione radiorum in aërem prodeuntium ab extremitatibus vitri, per quod sic figuratum in Prismate, diffunditur illustratio.

Ad intelligentiam, & probationem assertionis censeo aliqua præmittenda illi opportuna, & ex se animaduersione digna.

Aduerto igitur primò: quoties per vnum, & idem medium, puta aërem, illustrans extensum immittit radiationes ultra extremitatem alicuius opaci, puta parietis, margines illustrationis, ultra illam exceptæ, sensim inumbrari magis, ac magis, donec ad vmbra, velut æquali tenore retrio, deueniatur: quia in tali situ omnes simul partes illustrantis prohibentur suos radios diffundere: recedendo verò à tali situ versùs extremitatem impediementi, aliquæ partes illustrantis diffundere possunt suos radios ultra illam præ aliis, quæ nimirum extenduntur magis ad oppositam positionem; sic respectu extremitatis impediementi, dispositæ ad dextram, se habent partes illustrantis, excurrentes magis ad sinistram, donec deueniatur ad situm pro quo radij ab omnibus partibus illustrantis peruenire possunt ad excipiens, ad exhibendam æquali tenore illustrationem in illo.

Verùm

Verum dicta apparentia non habetur in excipiente radios à tali illustrante, nisi notabiliter remoueat ab impedimento: propius enim ad motum, illustrationem, & umbram illi proximam æqualiter exhibet extensas; quia dum propè tale extremum impedimenti fit concursus radiationum ab omnibus partibus illustrantis; & à tali extremo incipit opacum, sistens radiationes ab omnibus illis; quare in toto illo sui, quod responderet aperturæ in opaco, illustrationem exhibet ab omnibus partibus illustrantis; & in toto sui, quod correspondet opaco, exhibet æqualiter umbram ab omnibus illis, pariter impeditis ab vltiori diffusionè radiorum. Quia verò ita propè extremum impedimenti fit concursus omnium radiationum ab omnibus partibus, prostantibus in illustrante, vt in vltiori progressu, pro varia directione illuc prouenientes necessario ad tale extremum decussentur, & pro vltiori decussatione recedant ab inuicem; ideo in remoto à tali extremo magis, ac magis plano excipiente extenditur ad oppositam positionem magis, ac magis exceptio aliquarum radiationum sine aliis, & sic languidioris illustrationis, antequam ad vni formem inumbrationem deueniatur.

Sicut autem stante vnâ extremitate opaci impredientis respectu excipientis illustrationem, si multiplicentur illustrantia cum notabili distantia inuicem, vt pro tali situ non coalescant sensibilibus in vnum, multiplicantur in excipiente illustrationes, cum suis inumbrationibus sensim excrecentibus; ita posito vnico illustrante, & multiplicatis impedimentis inuicem distantibus, cum suis extremitatibus; similiter fiet plurimum illustrationum, cum tali inumbratione singulis adiacente, multiplicatio, vt faciliè patet consideranti.

Aduerto secundò: in traiectione radiationum ab aëre per Prisma Trigonum ex puro vitro, & ex vitro illius consequenter per aërem, radiationes integras à Sole hinc inde incidentes duabus faciebus Prismatis sic illi oblique
expositis,

expositis, in ingressu vitri frangi ad perpendicularem, secundum angulos æquales cum dictis faciebus intra vitrum illis subiectum extensam, & ratione huius refractionis radiationem, incidentem faciei expositæ Soli versùs positionem dextram, intrando vitrum flecti ad positionem sinistram. In egressu verò à vitro Prismatis ad aërem frangi, recedendo à perpendiculari, quæ à tertia facie Prismatis, prædictis duabus subiecta, secundum angulos hinc indè æquales extenditur in aërem: nihilominus tamen ratione huius fractionis, quæ videtur diuersa à præcedenti, radiatio quæ cum inclinatione à dextra in sinistram directæ est vi præcedentis, vi posterioris vltèrius procedendo secundum cœptam inclinationem, magis flectitur pariter in sinistram; & quæ cum inclinatione à sinistra in dextram flexa erat, vi prioris fractionis, vi posterioris in vltèriori progressu per aërem magis pariter verget in dextram.

Idem proportionaliter dicas, faciebus Prismatis expositis obliquè Soli secundum sursùm, & deorsùm, de directione integrarum radiationum per geminas refractiones ad perpendicularem intrando vitrum, & à perpendiculari exeundo à vitro ad aërem, in diuersas positionis differentias ab iis, quas obtinent facies excipientes illas à Sole. Neque ad hoc percipiendum opus est alia designatione; aut subtiliori probatione; modò quis recordetur legum refractionis, & conspiciat situm radiationum, à Sole faciebus Prismatis Trigoni obliquè incidentium; immò, si experiatur, agnoscet experimentum, iuxta dicta, legibus refractionum conformari.

Aduerto tertio, quòd cum ex vna parte ad quodlibet signabile faciei Prismatis, sic expositæ illustranti, proueniant radiationes ab omnibus signabilibus illustrantis, ad quæ ab illo est ducibilis linea recta; ex alia parte pro vario situ huiusmodi signabilium respectu illius, necessariò radij in illud incidant cum varia inclinatione, apertè sequitur, dictos radios, coincidentès in idem signabile Prismatis.

constituere cum perpendiculari per illud extensa, varios angulos; & iuxta leges constitutas refractioni, necessario in progressu vltra tale signabile variè refringi; incidentes quidem sub maiori angulo cum perpendiculari, sub maiori pariter cum illa refringi; & incidentes sub minori, pariter habere correspondentem refractum, constituentem minorem angulum cum perpendiculari eadem: quod est dicere, in signabilibus Prismatis expositis illustranti necessario fieri radiorum coincidentium, & vterius propagatorum intersectionem; quæ licet non causet diuagationem statim notabilem inter illos; attamen quò longius recedunt à signabili, in quod cum varia inclinatione coincidunt, eò longius abscedunt à se inuicem, vt faciliè consideranti patebit, & ratio inserta dictis conuincit.

Aduerto quartò, iuxta suprà dicta in experimentis traiectionis radiorum per Prisma Trigonum in planum oppositum num. vltimo: ex radiis incidentibus in eadem signabilia faciei expositæ illustranti, eos qui maximè obliquè incident, facta refractione ad perpendicularem sub maximo angulo cum illa, sicut sub maximo fuit incidentia, necessario ex hoc disponi ad incidendum alteri faciei subiectæ minimè obliquè, & sub minimo angulo cum perpendiculari, extensa per signabile incidentiæ in illam, & consequenter ad exeundum in aërem cum refractione à tali perpendiculari, sub minimo angulo cum illa, comparatione reliquorum.

E contra verò, radios ab illustrante primæ faciei Prismatis dicti minimè obliquè incidentes facta refractione ad perpendicularem sub minimo angulo cum illa, sicut sub minimo cum eadem fuit eorum incidentia, necessario ex hoc disponi ad incidendum maximè obliquè alteri faciei subiectæ, & ex illa sub maximo angulo à perpendiculari, extensa per signabile incidentiæ in illam, exeundum in aërem.

Quare, quòd ad incidentiam obliquam, & debilitatio-

nem

nem radorum ex illa, in ordine ad progressum vltiorem, fit quædam compensatio inter radios ab illustrante directos in faciem Prismatis Trigonii ipsi oblique expositam; vti iis, qui illi maximè oblique incidunt, & inde ad ingressum in vitrum redduntur maximè debiles, pro minimè obliqua incidentia in secundam faciem, ex qua exeundum est in aërem, minima fiat debilitatio in ordine ad progressum vltiorem; iis verò, quorum ex minimè obliqua incidentia in primam faciem, fit minima debilitatio ad progressum per vitrum; ex maximè obliqua incidentia in secundam, maxima fiat debilitatio, in ordine ad progressum vltiorem. Et ex his fieri potest coniectura de aliis medio modo se habentibus.

Ac proindè secundùm id, quod obtinent in se, antecedenter ad exitum in aërem, non differant notabiliter radij, ab eodem illustrante sub quocumque angulo directi ad faciem Prismatis, illi oblique expositam, cæteris paribus.

Nihilominus dictæ radiationes tam variè incidentes primæ faciei Prismatis, & in ingressu per illam tam variè refractæ, comparatæ ad extremitates illius hinc inde oppositas, vbi vitri maxima tenuitas, & vbi maxima eius crassities terminantur, secundùm decussationes, quas patiuntur ex refractionibus intrando vitrum, & exeundo, non mutant decussationem, & dissipationem, quam passæ essent, si tales extremitates fuissent alicuius foraminis aperti in opaco, iuxta dicta animaduersione prima; sed in progressu per aërem consequenter ad eam diffunduntur: ratio est quia ad extremitatem vbi tenuius est vitrum, radius incidens à parte illustrantis maximè disposita in oppositam positionem, licèt, secundùm refractionem ad perpendicularem in ingressu vitri, videatur deflectere à diffusionem, secundùm quam, extremitate foraminis ibi existente extensus fuisset in directum ad partes medij, & plani excipientis, ad quas peruenire non po-

tuissent radij ab aliis partibus; nihilominus quia radij ab aliis partibus, dum sub minori angulo incidunt primæ faciei, & sub minori cum perpendiculari refringuntur intra vitrum, magis obliquè incidunt faciei oppositæ, & ex illa in aërem, sub maiori angulo cum perpendiculari, diffunduntur, necessariò magis recedunt in oppositam positionis differentiam, ac proindè non pertingunt ad partes medij, & plani excipientis, ad quas perueniunt à parte prædicta: quod pariter valet in aliis sic comparabilibus.

Ad extremitatem verò, vbi vitrum est crassius, radij incidentes à partibus illustrantis, ad oppositam positionem præcedenti dispositis, per refractionem ad perpendicularem intra vitrum videntur flectere ad diffusionem, iuxtà quam per extremitatem foraminis ibi existentem fuissent diffusi ad partes medij, & oppositi opaci, ad quas non pertingerent radij ab aliis partibus; & multò magis per incidentiam obliquam in secundam faciem Prismatis, atque ita cum maiore refractione à perpendiculari exeundo in aërem, ad eandem directionem notabiliter conuertuntur.

Ex his habetur euidentis probatio assertionis: siquidem probata dissipatione maiori radiorum ultra extremitates Prismatis prodeuntium, quò plus diffunduntur per aërem, constat eos sic aptiores reddi, vt accedente aliquo vteriori representatiuo fusci, ad quod accedunt; possint in reflexione ab illo ad oculum exhibere apparentiam mediolorum colorum.

Accedit confirmatio, quia crescente magis dissipatione radiorum, vel ex vteriori remotione excipientis, vel obliquatione illius intra certos terminos, colores medij magis saturantur, vt obuiis experimentis constat.

CAPITIS XX. SECTIO III.

Quæ causa varia colorationis in traiectione radiationum ex Prismate vitreo Trigono.

IAm remanet vltcrius inquirendum : vndè proueniat in duabus extremitatibus integræ colorationis tanta diuersitas , non solum à media , sed etiam inter se ; vt media præ reliquis illustri , illa magis accedat ad fuscum , quæ respondet extremitati eiusdem , in qua vitrum est crassius , quoties tota facies discooperta opposita , est illustranti : cum tamen facie Prismatis Soli exposita , & per superpositionem opaci ad medium illius , in duas partes , traiciendæ illustrationi aptas , distributa , duæ ex illa integræ colorationes , Iridi aliquomodo similes , ita exhibeantur ; vt post cæruleum primæ , quæ ex parte , inter duas discoopertas vergente ad angulum Prismatis , diffunditur , consequatur color , inter extremos secundæ minùs vergens ad fuscum ; & tamen ibi multò crassius vitrum existat , quàm ibi ; vnde radiatio diffusa pro præcedenti exhibebat cæruleum , magis vergens ad fuscum ; & planum , excipiens integras radiationes per Prisma diffusas , sit vniformiter in se coloratum ?

Aduerto igitur primò , quòd radius , cæteris paribus , per maiorem crassitiem opaci secundùm quid diffunditur , eum tantò plus secum assumere de repræsentatiuo fusci , quod est in illo : sic ratio conuincit , quia quancumque partem illius intrat , illam iuuat ad productionem sui repræsentatiui , & sic ad vltcriores pergendo , ad vltcriorum repræsentatiuorum productionem iuuat ; & totum , quod illo iuuante producit , ad eandem cum illo directionem diffunditur.

Conforme rationi est insigne experimentum ; si media pars faciei Prismatis exposita illustranti regula lignea, vel charta ad id præcisa obtegatur, ex illa interruptione transmissionis radiorum, ita existunt, iuxta antè dicta, duæ integræ colorationes aliquomodo similes Iridi, vt in ea, quæ prouenit à radiatione integra, diffusa per illam ex duabus partibus discoopertis, in qua gracilius est vitrum ad extremitatem proximam angulo, appareat color puniceus, cui ad alteram remotiorem ab angulo correspondenter videatur cæruleus; in altera verò traiecta per partem, vbi vitrum crassius, appareat pro puniceo sanguineus in vna extremitatum, cui correspondeat cæruleus in altera.

Certum est autem, talis sanguinei coloris apparentiam magis ad fuscum accedere, quàm punicei, & illam ex radiatione, maiorem multò crassitiem vitri peruadente, prouenire; istam verò ex radiatione, per vitrum maximè tenuatum ad angulum diffusa.

Aduerto secundò, quod licèt, iuxta suprà dicta, ad extremitatem vtramque faciei, discoopertæ ad illustrantem in Prismate Trigono ex vitro, fiat coincidentia radiationum sub varia obliquitate incidentium à partibus illustrantis, variè ad illas dispositis, & post coincidentiam decussatio illarum, sic in ingressu vitri sub alio, & alio angulo refractarum à perpendiculari, extensa per signabile coincidentia: Nihilominus versùs extremitatem, ad quam vitrum est tenuius, tam intra illud, quàm exeundo ex illo disponuntur radij, qui maximè obliquè inciderant præ aliis, & quidem cum minima dissipatione sui tam incidendo in secundam crustam vitri, quàm exeundo indè in aërem præparati ad exhibendam extremitatem colorationis integræ, vergentem ad talem extremitatem vbi vitrum tenuius est.

Convincitur vtrumque; primum quidem, quia dum radij maximè obliquè incidentes ad talem extremitatem, refranguntur, comparatione coincidentium, sub maiore angulo

angulo cum perpendiculari; necessario extra reliquos remanent maximè proximi tali extremitati, dum reliqui sub minori angulo refracti, & ita proximiores eidem perpendiculari, necessario magis recedunt à tali extremitate. Secundum, quia iuxta dicta in animadversione quarta prima Assertionem, dum intrando vitrum per faciem expositam illustranti, cui maximè obliquè incidebant, refranguntur, præ reliquis coincidentibus sub maximo angulo cum perpendiculari, necessario disponuntur ut alteri faciei illi subiectæ incident minimè obliquè præ dictis aliis, & ita exeundo in aërem, minorem refractionem patiantur à perpendiculari, & sic minorem dissipationem cum similiter refractis.

At versùs extremitatem, ubi vitrum est crassius, tam intra ipsum, quam exeundo ex ipso, disponuntur ultra alios, priùs coincidentes ad idem signabile faciei expositæ illustranti, radij præ reliquis minimè obliquè incidentes; qui consequenter cum maiori dissipatione præparantur ad exhibendam extremitatem integræ colorationis, vergentem ad eandem positionem, ad quam vergit extremitas, ubi vitrum est crassius.

Convincitur pariter utrumque; primum quidem, quia dum radij minimè obliquè incidentes ad talem extremitatem, intrando vitrum refringuntur sub minimo angulo præ reliquis corretractis, sunt præ illis maximè vicini tali perpendiculari, quæ cum ex dispositione faciei, cui primò coinciderunt, necessario vergat ad positionem, ad quam maior vitri crassities disponitur, etiam eidem maximè approximati in refractione, ad eandem cum ipsa positionem maximè convergent.

Secundum; quia dum, intrando per faciem expositam illustranti, cui minimè obliquè inciderunt, refranguntur sub minimo angulo cum perpendiculari, necessario disponuntur, ut maximè obliquè præ cæteris incident alteri faciei Trigoni illi subiectæ; & consequenter cum maxima
refractione

refractione sub maximo angulo recedentes à perpendiculari, per signabile talis secundæ faciei, extensâ in aërem, maximè recedant, & dispergantur à reliquis, in integra coloratione contentis ad eandem positionem, ad quam vergit maior crassities vitri, per quam diffunduntur.

Ex quibus infertur radios, qui ex minimè obliqua incidentia, vitrum fortius intrant, non solùm ex maximè obliqua incidentia in secundam crustam Trigoni, per quam exeunt in aërem, parem cum aliis, maximè obliquè incidentibus primæ faciei, debilitationem in secunda habere, sed præterea comparatione illorum, qui ad extremitatem integræ colorationis, vergentis ad angulum Prismatis, disponuntur, per maiorem multò crassitiem vitri transire; ad exhibendum medium colorem in opposita extremitate integræ colorationis, & in opaco excipiente magis dissipari. Quare ut ex præmissis concludam.

Affero secundò: In diffusionem à Prismate ad opacum, in ulteriori distantia excipiens, perfici contemperationem ad varietatem colorum mediorum in coloratione integra exhibendam, primò ex maiori coincidentia radiorum ad medium, vbi illustrior est apparentia tincta subflavo; & ex minori coincidentia ad extrema vbi colores magis vergunt ad fuscum.

Prima pars probatur: tum quia licèt radiorum tendentium ad medium colorationis, necessariò ex varia refractione fiat recessus à secum coincidentibus in eadem signabilia primæ faciei Prismatis: nihilominus ibidem ipsi occurrunt aliis destitutis ob eandem causam, vel distractis ab aliis primò coincidentibus; tum quia prævalente, ex tali coincidentia, illustratione, tantò minùs notabilis est apparentia tincturæ ex assumpto ulteriori aliquo repræsentatio fuscæ, ex incidentia in opacum oppositum, & reflectione ex ipso.

Secunda pars probatur: tum quia ad extrema colorationis, radij vel destituti ab aliis, secum in prima facie Prismatis

matris coincidentibus, sed ex maiori refractione in diffusionem per aërem, iuxta animaduersa secundò, recedentibus ad media colorationis; vel ipsi ex maiore refractione ultra reliquos progressi, non inueniunt ibi alios, à quibus sibi antè coincidentium defectus suppleatur; tum quia ipsis sic debilitatis in ratione illustrationis, notabilior in temperamento existit admixtio representatiui fusci, quod cum illis reflectitur ex opaco, in quod incidunt.

Affero tertio: inter colores in integra coloratione extremos temperamentum cærulei, & cuiusvis qui magis accedit ad fuscum, haberi quidem ex maiori debilitate radiorum ad talem extremitatem diuergentium, & notabiliore admixtione representatiui fusci ex vitro, per quod diffunduntur, & opaco, cui incidunt: nihilominus radios, cærulei, vel alterius ad fuscum magis vergentis, & visi ultra illum in extremo colorationis, apparentiam causantes, esse ex iis, qui ab illustrante minùs obliquè incidunt in faciem Prismatis ipsi expositam, & vitrum fortius intrant.

Prima pars assertionis probatur, quia iuxta constituta in Aduersione secundâ, & primâ, radij concurrentes ad apparentiam cærulei, semper incidunt ad extremitatem, ubi in extensione discooperta vitrum est crassius; & ita præincidentibus ad extremitatem, ubi vitrum tenuius est, plus assument de representatiuo fusci; & qui ibi minimè obliquè incidunt, dum sub minimo angulo cum perpendiculari refringuntur intrantes vitrum, necessario secundæ crustæ, per quam exeunt in aërem, maximè obliquè incidentes, cum maxima refractione sub maximo angulo diuergunt à perpendiculari in diffusionem per aërem, vnde maximè dissipantur; atque ita assumptum representatiuum fusci ex opaco occurrente, notabilius euadit, ex maiori dissipatione radiationis incidentis tali opaco, ex quo cum addito dicto reflectitur.

Secunda pars constat ex dictis pro prima, & distinctè explicatis in Aduersione secunda, & confirmabitur ex se-

Quentibus coherenter àfferendis, & probandis.

Assero quartò : ad alteram extremitatem integræ colorationis temperamentum coloris minùs accedentis ad fuscum, haberi ex minori debilitatione radiationum ad talem extremitatem diuergentium, & minori admixtione repræsentatiui fusci: radiationes tamen, ad talem apparentiam concurrentes, esse ex illis, quæ ab illustrante faciei Prismatis ipsi expositæ, maximè obliquè incidunt, & vitrum ipsius debiliùs penetrant.

Vtraque pars assertionis probata est, tum initio, tum fine Aduersionis secundæ.

Assero Quintò : quòd licèt nulla pars determinata faciei Prismatis Trigoni ex vitro sit certo colori assignata, cùm non solùm integra coloratio habeatur aliquomodo similis Iridi, si tota facies pateat illustranti; sed etiam quando, duobus tertiis, & eò ampliùs testis, residuum patet illustrationi; siue ad angulum, vbi vitrum est gracilius; si ad oppositum, vbi præ reliquo crassius; siue ad medium, vbi medio modo se habet; vt ad partem materialem vitri, per quam radiatio pro vno colore exhibendo transibat, transire possit ad exhibendum diuersum: nihilominus semper id, quod patet ad illustrans, ex conformatione Prismatis Trigoni, est distinguibile in extremitatem, ad quam vitrum est gracilius, comparatione ad aliam, ad quam est crassius, & mediam; & semper radiationes incidentes magis obliquè ad partem faciei expositæ, vbi vitrum est gracilius seruiunt colori ex extremis minùs fusco: incidentes minùs obliquè ad partem vbi vitrum est crassius, seruiunt colori ex extremis magis fusco.

Singula cum suis experimentis, & experimentorum rationibus allatis, constant ex dictis,

CAPITIS XX. SECTIO IV.

An, & quomodo certa partes illustrantis, & determinata incidentiæ radiationum ab illis in facies Prismatis Trigoni ex vitro, requirantur ad certos colores medios exhibendos.

Ingeniosus Lector ista facile ex se inferre potest ex constitutis Sect. 4. Cap. 18. in experimentis, & illatis in Sectionibus præcedentibus huius: non erit tamen molestum in re tam implexa, ea distinctè exposita recognoscere. Quod spectat igitur ad primò propositum.

Assero primò: apparentiam variorum colorum in coloratione integra, quæ habetur ex traiectione radiorum per Prisma Trigonum ex vitro, necessariò pendere ab aliqua extensione notabili partium illustrantis, secundum positionis differentias oppositas iis, in quas extenditur longitudo Prismatis, sed non sic à materiali determinatione certarum partium illius.

Prima pars assertionis habetur determinatè ex animaduersionis, & probatis Sect. præcedenti.

Secunda pars probatur expressis experimentis, quæ habentur C. 18. Sect. 4. n. 12. experimentorum traiectionis in planum. Si enim ab opaco, in aliqua distantia à Prismate, præteriretur occultatio cuiusvis medietatis Solis, immò pateat vna circiter sexta pars illius, siue ad vnam extremitatum, reliquo toto impedito à radiis in Prisma transmittendis, siue ad oppositam; siue ad medium, occultatis partibus ad extremitates vergentibus, habetur variae colorationis apparentiæ, sed colores, iuxta dicta, eadem Sect. apparent in sua specie debiliores; quod convincit à radiis

ex certa parte materiali illustrantis prouenientibus, nulum certum colorem determinatè pendere.

Affero secundò : data nihilominus de facto tali determinata extensione illustrantis non impediti, secundum differentias positionis contrarias longitudini Prismatis, illi debitè expositi, colorem cæruleum, vel alium ultra illum apparentem, & præ reliquis vergentem ad fuscum, determinatè pendere à radiationibus, prouenientibus ex partibus extensionis, quæ sunt dispositæ ad positionem contrariam ei, ad quam disponitur apparentia illius : colorem verò, in altera extremitate integræ colorationis minùs vergentem ad fuscum, determinatè pendere à radiationibus, prouenientibus ex partibus illustrantis, ad positionis differentiam prædictæ oppositam, dispositis : colorem inter hosce extremos medium ab omnibus promiscuè illustrantis partibus, radiantibus super faciem Prismatis, prouenire.

Tota assertio conuincitur ex dictis Sect. præcedenti. Si enim color, qui maximè accedit ad fuscum in coloratione integra, determinatè prouenit à radiationibus minimè obliquè incidentibus in faciem Prismatis ubi vitrum est crassius, necessariò istæ diffunduntur à partibus illustrantis, quæ sunt in illo ad positionem, maximè oppositam tali parti faciei Prismatis, & consequenter oppositam illi, ad quam talis color disponitur in extremo colorationis integre.

Econtrà, si color in extremitate opposita dictæ colorationis minùs participans de fusco, determinatè pendet à radiationibus maximè obliquè incidentibus parti faciei Prismatis expositæ illustranti, ad quam gracilius est vitrum, necessariò tales radiationes proueniunt à partibus in extensione patienti illustrantis ad contrariam maximè positionem dispositis.

Deniquè, si radiationes ab omnibus partibus prædictæ extensionis illustrantis, cui exposita est facies Prismatis, additis refractionibus in ingressu, & egressu vitri, tendunt

permixtum

permixtim ad medium colorationis, inter extrema, quibus diximus adesse puniceum, & cæruleum, vel aliquando ultra illum purpureum; constat colorationem mediam inter hos, ad extrema dispositos, ab omnibus promiscuè illustrantis partibus haberi.

Affero tertio, quod licet ad exhibendam per Prisma Trigonum ex vitro vi Solis illustrantis integram colorationem, aliquomodo concolorem Iridi, necessaria sit magna debilitatio radiorum illius ex obliqua valdè incidentia in crustas Prismatis; nihilominus est maxima latitudo graduum, per quos variari potest incidentia ipsorum in faciem Prismatis expositam Soli, perseverante tali coloratione integra.

Tota assertio ex allatis experimentis Sect. 4. Cap. 18. n. 11. & probatis Sect. 2. C. 19. Cum enim, ut ibi diximus, debilitatio radiationum, necessaria ad temperamentum huiusmodi mediorum colorum, fiat ex maximè obliqua incidentia in crustam vitri pertinentem ad secundam faciem subiectam primò expositæ illustranti, quando ex minimè obliqua incidentia ad primam non obtinetur; necessariò sequitur ut incidentia in primam faciem, sic contemperanda ab incidentia in secundam, possit sub maxima latitudine graduum fieri sufficienter ad temperamentum dictorum colorum, qui apparent in plano excipiente radiationes traiectas per Prisma Trigonum, modo dicto; & rationi prorsus concordant experimenta citata.

CAPITIS XX. SECTIO V.

*Vndè, & quomodo præter tres colores medios, ex
traiectione radiorum per Prisma Trigonum,
primo, & communiter spectabiles, alij medij
in opaco excipiente appareant.*

CONSTAT experimentis suprâ allatis, præter puniceum, flauum dilutum, & cæruleum, qui exceptis radiationibus ex Prismate dicto in plano vocato albo primi communiter spectantur, alios ex notabili obliuatione, vel ulteriori remotione excipientis, vel alia eius coloratione, aut illustratione aliundè incidente illis intercedere, aut etiam succedere: sic ex notabili obliuatione, vel remotione excipientis, extensis aliquibus in spatium antè occupatum ab alijs, videtur puniceus illustrationem mediam inficere, vt ex tinctura valdè diluta flauus appareat, flauo verò versus cæruleum expanso viridis, post cæruleum velut purpureus violaceus; sic radiationibus, ex quibus ad angulum Prismatis puniceus apparebat, traiectis per extremitatem intra Prisma determinatam, vbi vitrum est crassius, loco illius succedit aliquomodo sanguineus, & è contra radiationibus, ex quibus ad crassissimum vitri in Prismate cæruleus apparebat, traiectis ad extremitatem intra Prisma, tali occultatione faciei illius determinatam ad multò minorem vitri crassitiem, loco illius videtur succedere viridis.

Ad determinandum igitur vndè, & quomodo similia eueniant.

Affero: alios colores medios, qui tribus primò, & communiter apparentibus intercedunt, vel succedunt, nullo modo prouenire ex miscellâ illorum inter se, aut aliorum cum ipsis, sed ex mera coincidentia. repræsentatiuorum
coloris.

coloris illustris, & coloris fusci aliter, & aliter attemperata, præsertim ex varia dissipatione repræsentatiui illustris, aut adiunctione repræsentatiui fusci.

Prima pars probatur, quia verè tales colores medij, qui misceri possint ibi, vbi noua illorum, modo dicto, fit apparentia, non adsunt; neque illi ipsi, qui videntur de nouo ex illis, vel loco illorum apparere: siquidem nullam inducunt terminationem in subiecto, cum tam per vitrum, quàm per aërem intermedium aequè, ac priùs; quando nulli ipsorum apparebant, possint liberè radiationes ab aliis illustrantibus traici, & illustratione per reflexionem aliquo speculo directâ ad planum vocatum album, vbi apparebant, omnes dispareant.

Secunda pars constat ex probatione primæ, & suprâ constitutis de mixtione reali repræsentatiuorum, & apparenti colorum.

Tertia pars probatur, quia verè ex obliquatione plani excipientis, & vltiori remotione, apertè eandem radiationes ad maiorem extensionem opaci excipientis extenduntur, ipso in sua opacitate inuariato; nisi quòd, per extensionem talis radiationis ad nouas sui partes, illæ de nouo fiunt aptæ ad repræsentatiuum sui coloris fusci ipsi adiungendum; vt dum ipsa ex tali dissipatione fit debilior, repræsentatiuum fusci augeatur. Maiorem pariter, vel minorem notabiliter fieri mixtionem fusci, quod est in vitro, cum eodem repræsentatiuo coloris illustrantis suprâ probauimus ratione euidenti, & experimento, traiectionibus per vitrum notabiliter gracilius, vel crassius, etiamsi cætera sint paria.

CAPITIS XX. SECTIO VI.

*Vndè, & quomodo Prismate Trigono secundum
binas facies Illustribus, & Illustratis, obliquè
exposito; & oculo ad tertiam admoto, appa-
reant objecta coloratione peregrinâ tincta.*

PRimo hoc solet communiter censeri discrimen inter
traiectionem repræsentatiuorum per Prisma Trigo-
num ex vitro in opacum illas excipiens, & oculum illi ad-
motum; quod varietas in coloratione integra, Iridi ali-
quomodo simili, non apparet in opaco excipiente, nisi ab
objectis insigniter illustribus radiationes diffundantur su-
per facies Prismatis, illis obliquè expositas; at verò oculo
per Prisma prospectanti, objecta mediocriter illustrata si-
mili coloratione peregrinâ apparenter tinguntur.

Verum si diligens experimentorum obseruator aduer-
tat colorationes, apparentes in plano aliena repræsentati-
ua excipiente, dilui, & evanescere adueniente aliundè
super illud insigni aliqua illustratione; tum illa impedita
iterum apparere, & saturari; vt facile ei constabit, si re-
præsentatiua objectorum illustratorum, & prostantium ex-
cipiat per foramen exiguum, apertum in ligno, quo fene-
stra clauditur, in chartam albam; apparebunt enim in di-
ctâ charta colorationes similes illis, quas oculo libero spe-
ctare solet, ac si è rima aperta in eodem ligno radiatio in
idem aliundè dirigatur, statim dictæ colorationes viden-
tur dilui, & evanescere, quæ rursus rimâ obductâ, appa-
rent, & saturantur.

Is pariter aduertet ex Trigono in oppositum opacum ad
colorum apparentiam radiationes communiter excipi in
aperto aëre, aliundè illustrationibus peruiro, quare nisi re-
præsentatiua,

præsentatiua, quæ miscentur repræsentatiuo coloris illustris, & ita ipsum etiam tale repræsentatiuum per Prisma traiectum, fortia sint; ex illustrationibus aliundè aduenientibus, tollitur temperies ad apparentiam dictorum colorum requisita, sine quâ non potest ex illis fieri talium apparentia. At verò intra concamerationem oculi, solo patente foramine vuæ, inumbrata, in Retina ad fundum oculi exposita excipiuntur radiationes, etiam ab illustratis traiectæ per Prisma ad oculum. Quare si consimiliter ad exiguum foramen in ligno fenestræ apertum, faciem Trigoni obliquè exponat prostantibus illustratis, ex illo in chartam albam traiectis radiationibus, videbit consimiliter variam colorationem exhiberi.

Secundò: In traiectione radiationum per Prisma trigonum in opacum oppositum, colorationes extremæ, in integra exhibentur ex determinata incidentia, & traiectione illarum ad extremitates determinatas in facie Prismatis, siue tota pateat, siue ex parte aliquo admoto opaco contegatur, vt distinctè supra probauimus.

At in conspectu obiectorum, seu illustrium, seu illustratorum, admoto vbicumque oculo ad faciem subiectam aliis, obliquè expositis illustranti, videntur apparere in obiectis dictæ colorationes extremæ, nullâ habitâ ratione talis determinationis extremitatum in facie illustrata Trigoni.

Sed verè si quis aduertat ex vna parte in ipsa traiectione radiationum per Prisma in opacum oppositum, dictas extremitates determinari posse non solum in faciebus, primò expositis illustranti, sed etiam impedimento variè admoto ad tertiâ illis subiectam. Ex alia, admoto ad illam oculo, scelerotidem hinc indè opacam determinare non solum corneam ad tantam transparentiam, sed partem vitri, quæ transmittat radios intra illam, & per illam in oculum; agnoscet ex ipsa conformatione oculi admoti, sufficienter ad apparentiam dictorum colorum extremorum, deter-

minari extremitates ad tertiam faciem Trigonum.

Tertiò : Traiectis radiationibus , modo dicto , per Prisma vitreum in oppositum planum , communiter primò exhibetur inter puniceum , & caruleum viuida illustratio , flauo valdè diluto leuiter tincta : at oculo per Prisma prospectanti , semper obiecta alicuius extensionis notabilis in medio exhibent colorem , qui ordinariè in illis libero oculo spectari solet , cum aliqua leui tinctura , quæ ægrè discernatur in minùs extensis ; sed in multùm illustratis accedentibus ad album , inter extremos , qui apparent colores ad extremitates ipsius obiecti , vel flauus satur intermiscetur , vel in aliis recedentibus ab albo , ipsi colores extremi videntur immediatè iungi.

Sed huiusmodi diuersitas ex diuersitate materiali obiectorum prouenit , ita vt si eadem transmitterent radiationes sufficienter notabiles per Prisma in planum oppositum , & per illud in oculum , idem eueniret ; fieret enim similis contemperatio repræsentatiuorum coloris illustris , & alicuius fusci , quæ similem exhiberet apparentiam , qualis videtur oculo transpicienti per Prisma.

Communiter autem obiectis valdè illustribus exponitur Prisma , & in oppositum album radiationes illorum per ipsum traiciuntur ; quare , præualentibus ex coincidentia in eodem medio radiationibus , non est mirum , quod viuida illustratio , cum leui admixtione repræsentatiui fusci assumpti ex vitro , appareat.

At oculus admouetur Prismati vt plurimum ad prospectanda communiter illustrata , quæ sicut , ex temperatura reflexi repræsentatiui illustrantis , & repræsentatiui natiuæ fuscedinis illorum , apparent oculo talis coloris , à quo passim denominantur ; ita non est mirum , si idem color ex coincidentia , ad medium inter extrema , multorum huiusmodi repræsentatiuorum , per eandem radiationem , ex reflexa , & directâ constantem , appareat eiusdem colorationis , quæ in illis apparet oculo libero.

Quartò :

Quartò : Traiectæ radiationes ab obiectis per Prisma in oppositum opacum, esto pro vteriori distantia ex varia refractione variè figurentur; nihilominus per se non exhibent figuram illustrantis, quam tamen maxima ex parte exhibent oculo per illud prospectanti, licet, vt infra dicemus, secundum maiorem extensionem correspondentem longitudini Prismatis curuatam.

Ad agnoscendam rationem huius discriminis aduerte, quòd si facies Prismatis exposita illustranti esset foramen apertum in opaco, nullius illustrantis vsquequaque minoris se, posset figuram aliquomodo deducere in opacum, radiationes per illud excipiens: semper enim radiatio integra ab illustrante ad foramen, & ex foramine in vteriora, secundum maiorem amplitudinem, exiguitate eius multò maiorem, extenderetur vsquequaque; & ita semper necessariò plures imagines eius ad omnem positionem confunderet secundum dispositionem extremitatum foraminis.

At faciei maioris se, posset in proportionata distantia illustrationem aliquomodo similem consignare, sed nunquam exactè, iuxta suprà probata Cap. 14. Sect. 2.

Quia verò radiationes non procedunt directè per Prisma vitreum, sed refractè; & quidem refractione difformi, secundum quam radiationes: vt per longitudinem illius diffunduntur in aërem recedendo à Prismate coarctantur, vt diffunduntur per latitudinem in progressu dilatantur, sicut experimenta ostendunt, & infra dicetur, non possunt omnes radiationes, ab vno signabili illustrantis, incidentes super totam faciem Prismatis illi expositam, ad vnàm, & idem signabile per coincidentiam vltra Prisma deducere; quòd tamen ad consignandam debite imaginem totius necessariò requiritur, vt de se satis constat, & ex suprà dictis manifestum est.

At oculo ad Prisma appposito, quia ex vna parte non datur transmissio radiationum in oculum, nisi ex particula vi-

tri, quæ respondet cornæ illius, & sequitur angustum foramen vuae, per quod solum patet aditus illarum in oculum, talis angustia minoribus, & minoribus obiectis in simili imagine exprimendis apta est: ex alia parte refraction per illud exiguum vitri in tam modica distantia, pro qua excipiuntur in oculo radiationes ab illo, non potest notabiliter impedire, quò minus conformatio humorum oculi, quæ tam variè incidentes radiationes ab obiectis, pro tam vario situ prostantibus, ordinatè ad consignandas imagines illorum in Retina disponit, non disponat etiam incidentes per talem traiectionem ex Prismate. Si tamen multum obliquetur ad oculum facies Prismatis, ex qua is excipit proximè radiationes, & ita simul pro maiori spatio datur occasio, vt refraction maiorem inducat mutationem in ordinariam incidentiam radiationum ad oculum; deformantur configurationes obiectorum; licet coloratio integra in maiori extensione, & varietate colorum videatur perfici.

Quintò: In traiectione radiationum per Prisma in opacum, ex quo per reflexionem eas oculus excipiat, cæruleus semper correspondet parti in Prismate traicienti, vbi crassius est vitrum, puniceus verò parti, vbi in illo vitrum est gracilius.

At in transfectione per Prisma, oculo illi admoto apparet cæruleus ad partem in Prismate, ad quam vitrum est gracilius; puniceus verò ad partem, vbi vitrum est crassius.

Rationem discriminis intelliges, si recogites, quod sæpius dictum est, & infra suo loco probabitur, oculum per impressionem receptam in parte dextra Retinæ in apprehensione transferre apparentiam obiecti in sinistram, & è contra; per impressionem receptam in parte inferiori transferre apparentiam sursum, & è contra; quare in re ipsa conueniunt tam oculi Retina, quàm planum in situ exceptionis impressionis dictorum colorum, discrimen est solum in mutatione situs per apprehensionem;

Et ex his habetur ratio, & dispositio colorationum in apparentiis, quæ eueniunt prospectando obiecta illustria, vel illustrata per Trigonum debite conuersum ad illa; & quomodo tam oculus, quàm opacum in excipiendis radiationibus, per Prisma traiectis, ad nouas colorum apparentias conueniant, & de vtroque dicta se mutuò confirmant.

C A P V T XXI.

De Colorationibus occurrentibus in natura ex varia luminis contemperatione.

COnstituenda sunt aliqua, certis experimentis facilè notabilia, vt certiùs in apparentiarum causis assignandis procedamus; & inanibus commentis philosophantium, inconsulta natura, ex alienarum chartarum inspectione, vel suorum combinatione phantasmatum, aditus præcludatur.

S E C T I O I.

De apparentiis colorum Iridis in sparsis per aërem aquæ guttis, illustrante Sole.

Pura tentavi in eiaculationibus fontium, variè temperatis; modò compressis, modò laxatis foraminibus è quibus effundebatur aqua; & quidem quacumque horâ, quocumque situ; expositis etiam ad Solem præparatis fonticulis in vasis æreis, ex quibus, assario instructis, per anthliam immisus, & compressus aër aquam pro libito extruderet: adhibitis guttis aquæ, & paruulis globis vitreis, loco guttarum constitutis; vt certa colorum apparentia posset constantius exhiberi; & maioribus ex crystallo, vel ex vitro, aquâ intus repletis, ad progressiones radiorum

in fractione distinctius internoscendas; iteratis sæpius, & accuratè expensis experimentis.

I. Supponendum ex obseruatis, nunquam ex sola reflexione, sine refractione geminata, vi crassioris diaphani radios colorari. Constat enim experimentis suprâ adductis de reflexione à vitris coloratis, & Prismate ex puro vitro, & ratione ad idem comprobandum adducta; sola reflexione, ex occurrente primo impedimento, radios non colorari; ac proinde necesse est radios, aptè ad colorationem reflexos, tale corpus aliquomodo peruadere; quod cum ad rem nostram non faciant directè, sic enim non diuergerent ad oculum, necessario, tam in ingressu, quàm in egressu, refringuntur.

Vnum supposito huic videri potest experimentum ob stare, quod exposita Soli crystallina, & excepta oculo, alioqui in tenebris ritè illi vndique conciliatis constituto, ex eius anteriore viuida reflexione, apparet circa partem pilæ, quæ videtur illustris corona radiola, radiis mirâ colorum varietate tinctis; sicut apparet in parte postica, ubi ex refractione apparet collectum lumen viuidius splendescere. Sed verè non obstat, vt constabit ex infrâ dicendis de causa apparentiæ talium radiorum, & tincturæ illorum.

II. In integra coloratione vnus Iridis, quæ, illustrante Sole, variis & continuatis in se colorum zonis apparet distincta, infimum, seu intimum colorem videri violaceæ purpuræ; extimum seu supremum puniceum; medios inter illos sicut accessu in ratione coloris, ita situ variè disponi.

Dixi, quæ illustrante Sole sic apparet, quia in ea, quæ apparet illustrante Lunâ, etiam magis prope plenilunia, illi sæpius non ita bene discernuntur.

III. Quoties multiplicatur Iris, illustrante Sole, in seriebus integræ colorationis, notabiliter spatio diffusis, superior semper ordinem colorum inuertit, dum infimus, seu intimus videtur puniceus; extimus, seu superior purpuræ;

puræ violaceæ ; medij vt coloratione , ita situ , inter hos proportionata variatione dispositi.

IV. In Iride proximè nobis occurrente , vel ex aqua- rum fluminis ex alto decidentis , vehementius fractarum , aspergine , vel ex guttis aquarum variè eiaculararum in fontibus , per artem procuratis , apertè mihi constitit in guttis maioribus vnicam semper Iridem apparere , geminari in minoribus : sed caue deceptionem , ne in propioribus ad oculos aquæ guttis , dum quisque oculus suam videt , putes geminatam te Iridem videre , de qua loquimur : duæ enim Irides , quæ sic videntur , eandem exhibent colorum dispositionem , puniceo extimo in qualibet , & alterutro oculorum clauso , cessante Iride illi correspondente , vnica remanet.

V. In his omnibus Iridibus , ad quas licèt proximius accedere , & notare digito , vel baculo situm tum colorationum , tum guttarum , in quibus , pro tali situ , hic vel ille color appareat , varietas colorationum , immò apprens latitudo zonæ ad eandem colorationem pertinentis , non habetur ex refractione , & reflexione in huiusmodi diaphano crassiore , pro eadem à Terra elevatione , existentes ; cuius varia à Sole , & oculo elongatio seruiat , tum ad variandos colores , tum ad variandum situm apparentiæ plurium colorum , secundum fursùm & deorsùm , antè & retrò ; ita vt dum radij Solis vltèrius pènant intra vapidum diaphanum , & opacum secundum quid , ad colores , ex fusco magis participantes , apparentia transcat ; & in ordine ad aspectum , colorem ex vltèri penetratone magis fuscum , velut infimùm , seu intimum exhibeant ; ex breviori luminis transitu clariore , & clariore , & simul velut superiores , & extimos : sicut spectanti trabes , in eadem à pavimento , in quo consistit spectator , elevatione constitutas , remotiores ab oculo apparent inferiores , dum proximiores videntur superiores . Sed subiectum , reflectens radios , sic præparatos ad apparentiam Iridis , eundem

dem re verâ situm tenet, quem exhibet apparentia talis coloris, ad quem concurret, & pro varia à centro & axe Iridis elongatione apparentium colorum, subiectum ita verè constitutum est; ita ut guttæ, in quibus color intimus, & infimus apparet, sint refractiæ & reflexiæ radiorum in tali situ intimo, & infimo, comparatiuè ad alias, sic concurrentes, & terminantes apparentiam superioris, & extimi. Experire mecum, & hanc veritatem digito, baculo tanges; ita ut guttæ varientur, dum in locum continenter decidentium aliæ succedunt, nihilominus quæ succedunt, non deseruiunt tali colorationi, nisi cum ad situm digito, baculo notatum, à quo priores recedunt, ipsæ deuenerint.

VI. Apparentiæ Iridum aliquomodo in gyrum conformatur, & similiter subiectum immediatum peculiaris apparentiæ; est tamen sæpius iuxta illud subiectum pariter aptum, ut in eo spectetur ab aliis, vel ab eodem variante situm, eadem apparentia; ita ut non sit connexio figure apparentiæ cum figura subiecti apti ad illam apparentiam: attamen si aliquæ partes Iridis ad latera spectentur, sine curuatura superius continuante, aut aliquid superius extensum, sine cornibus ad latera demissis, fragmenta materiæ aptæ similibus huiusmodi fragmentis consequentibus destituuntur. Tanguntur ista digito dum apparentia videtur proxima spectatori.

SECTIO II.

De coronatione integra, Iridi aliquomodo concolori, quæ circa lucida, vel insigniter illustrata apparet, colorum zonâ continuatis.

I. **I**Ntra cauernas, cum in illis frigidum, & humidum ambiens dominatur, apparet circa flammulas lucernarum corona, zonis continuatis variorum colorum contexta.

texa; dum illas, licet formâ oblongâ lucentes, circumfusus in orbem flauus valdè dilutus proximè ambit, cui immediatè succedit zona punicea, post hanc viridis, denique purpuræ violaceæ. Sic euenit in illis per æstatem frigido & humido ex antiperistasi collecto, & dominante; corona sensim minus apparente, dum pluuiis autumnî refrigerato externo aëre, cauernæ incipiunt incalescere; sicut detento intra illas pluribus annis Thermoscopio apertè deprehendi.

II. Apparet similis corona circa dictas flammulas, extra cauernas positas, dum subfrigidus, & humidus aër est, certis ventis dominantibus. Immo quotiescumque humido aliquo adhærescente vda est cornea oculi; ita vt humore deteriso corona dispareat, eo rursus superfuso redeat apparentia; & hoc experimentum quouis tempore succedit laborantibus suffusione.

III. Oculis ita dispositis ad Lunam notabiliter splendentem conuersis, circa Lunam pariter talis corona apparet, deterisis disparet, aëre alioqui sereno.

IV. Apparet huiusmodi corona, etiam si ambiens, circumstans flammam, totum lateat, interposito opaco inter oculum, & prostantia, in quo sit apertus aditus Soli flammæ; & siue illud accedat ad flammam, & pro tali situ cuiuscumque alterius ipsi proximi prospectum impediat; siue aptetur, vt idem præster admotum propius oculo; semper supra opacum, sic interpositum, diffunduntur apparenter zonæ colorum continuatæ; sed si augeatur distantia oculi à candelæ flammula, fulgor medius, qui videbatur continuari spargitur in tennes radios.

V. Circa Solem verò & Lunam, aliudve astrum illius strius micans coronæ apparent; sed communiter vnicui colore distinctè obseruabili rubro circa Solem, subalbido circa Lunam; aliquando tamen vario, præsertim circa Lunam; sed hæc omnes, interposito etiam opaco inter luminare, & oculū, non disparer; immò distinctius internoscitur.

VI. Geminatur huiusmodi corona aliquando circumflammam lucernæ, dum cornea abundat humido superafuso, sed inter primam, & secundam non est interstitium, sine colore apparenti; contiguntur enim apparenter colores, additis coronæ ordinariæ, zona viridi ad cæruleum magis vergente, & alia violacea magis diluta.

VII. In corona multicolori series colorum ex opposito disponuntur, atque appareant in Iride, semper enim intimus est puniceus.

SECTIO III.

*De apparentiis variae colorationis in Corona integra,
sed in radios dissipata.*

I. **T** Alis corona varios colores exhibens, sed non vno ductu singulos, nec plures contiguos in zona versicolori, verum sparsis in orbem radiis, singulis versicoloribus, circumfusa apparet Solis particulis in umbra inter arborum folia intermicantibus.

II. Eadem etiam circa totum Solem, paruo foramine aperto in opaco, & oculo admoto, spectatum apparet, si aliunde prohibeatur oculus illustrari: & aliquando quidem post zonam continuo ductu subalbido Solem ambientem, si tale sit foramen, aut oculi admotio, ut præter Solem aliquid circumiecti spatij pateat; aliquando immediate velut capillo versicolori ipsum ambit, si ferè solus pateat prospectanti per foramen.

III. Eadem videtur circa Solis partes modicas in longum extensas reliquo Sole post opacum, in aliqua ab oculo distantia, occultatum; sed non æqualiter circumfusa; nam longius sparguntur radij, & coloribus magis saturis, versus opacum, reliquum Solem contegens.

IV. Denique apparet circa Solem, ex virida reflexione in pilâ crystallinâ, vel vitreâ aquæ plenâ, spectatum ab oculis

oculo; si aliunde in eum illustratio prohibeatur; immò similiter circa fulgorem, qui, coëuntibus radiis ex refractione, circa fundum eiusdem videtur colligi; oculo verò, in aëre illustrato, constituto, apparet ille fulgor in vitro, radiis circumcinctà promicantibus, sed vniformi illustratione albâ tinctis.

V. Radij huius coronæ in apparentia versicolores, in ordine colorum, nec in se semper, nec cum aliis eundem situm seruant; nam eiusdem coloris particulas, aliis immixtas, sæpius replicant, nec eas certo ordine, nec in eadem distantia à lucido.

VI. Impedito aspectu ambientis à Sole illustrati, tales radij apparenter sparguntur supra opacum impediens; & quidem magis saturis coloribus tincti, quò illud opacum melius impedit omnem apparentiam illustrationis aliunde, quam à spiramine aperto; immò huiusmodi colorum apparentia vegetior est, cum subalbidus ille fulgor, Solem cingens, non apparet, qui sua apparentia radiorum colores videtur diluere.

VII. Si lucidum, vel illustratum, cui talis radiofa, & versicolor corona apparenter circumfunditur, pateat oculo, aliunde non illustrato, nihil occurrit, quod illius apparentiam impediat; si verò inter illud, & oculum aliquid interponatur, statim tota disparet; etiam si maxima ex parte, oculo pateat spatium, per quod radij illius antea videbantur extendi.

VIII. Lucido, vel illustrato languido, corona non circumfunditur versicolor, esto in parua quantitate spectato in aliqua distantia, vt alibi diximus, circumfundantur apparenter aliqui radij, illi velut concolores, qui videntur eius magnitudinem augere.

De coloribus seorsim apparentibus, ex varia traiectione radiorum per vapores.

I. **M**Anc instante die, cùm modica est radiorum Solis traiection per aërem vapidum, ita ut inter illum, & oculum multum illius super sit, cum aliqua illorum reflexione penetrandum: ex multa repræsentatiui fuscæ admixtione fit apparentia coloris cærulei ad atrum vergentis: tùm crescente intensiue, & extensiue traiectione radiorum incipit apparentia rubri, seu rosei: eadem ulterius aucta, roseus in flauum transit: denique insigniter propagata, & præualete, reliquis disparentibus, subalbido videtur aër huiusmodi vapidus suffundi; licet, defæcariore existente aëre, colorum intermediorum apparentia minus discernatur, & in cotenuiores halitus, qui in superiore parte existunt, radio feriente primi albescant: tum paulò crassiores, ad quos sensim radij perueniunt rubescant.

II. In crepusculis vespertinis, vaporibus à Sole magis attenuatis, & in primo eius à nobis recessu maxima adhuc ex parte radio perfusis, aër vapidus subalbescit; tum verò crescente, ex defectu illustrationis, vapidi densitate, & ex recessu Solis, imminuta extensiue simul & intensiue traiectione luminis per aërem nobis viciniorem, vanescit albor, & fuscum præualet; nisi adsint vapores instar nubium sparsi, qui sublimiores admissos radios, sui fusci repræsentatiuo mixtos reflectant, exhibendo ruborem, aut alium colorem clariorem.

III. Interdiu passim ex varia dispositione, qua receptum lumen reflectunt nubes, contemperatum cum sui fusci repræsentatiuo, nunc albescent instar congestarum niuium, nunc pallent, nunc rubent, nunc velut attinguntur.

IV. Aliquando integra nubes dum in suis partibus non uniformiter radiis perfunditur, eundem colorem alicubi magis, alibi minus viuidum exhibet; immo in variis partibus aliquomodo oppositos, dum albescit in aliqua, vel rubescit, in alia impedito lumine, velut atra apparet; sed certam figurationem colorum aut varietatem, aut floridam venustatem qualis apparet in Iride non exhibet, communiter saltem; an possit exhibere, infra videbimus Cap. 23. Sect. 3. n. 7.

V. Spectatus aliquando ad multam noctis horam velut albor in medio cælo, quo radij Solis tunc nulla refractione peruenire poterant, & reflexi ab astris tali apparentiæ minus sufficiebant, qui ordinariè in minori densitate vaporum non ita sistuntur, vt sensibilibiter mixti, fiant spectabiles; & densitate in illis inuenta, non ita præualet fusco; quare, iuxta suprà dicta, quod calida & sicca etiam occasione alicuius antiperistasis densata, lucet, videtur rationabilius huiusmodi alborem sublucidum tribuere exhalationi in magna copia contentæ, & densatæ intra vapidum, cuius fuscedini præualet suo fulgore; licèt ab illa is aliquomodo temperetur.

VI. Spectantur aliquando interdum ad latus vel supra vel infra Solem extensiones variis coloribus seriatim tinctæ, aliquando videntur velut multiplicari Soles.

C A P V T X X I I.

De causis prædictarum Apparentiarum.

Licèt ex supra adductis & probatis certò constet, ex mixtura reali repræsentatiuorum coloris, splendentis in lucido illustrante, & fusci in opaco illustrato, provenire apparentiam colorum mediorum, qui variè ad hos extremos accedant pro varia mensura, secundum quam

horum repræsentatiua miscentur. Similiter, ex determinatis per certa experimenta, & rationes conuincentes in Prismate Trigono ex puro vitro, habeamus ad illam conducere debilitationem, & dissipationem luminis incidentis diaphano secundum quid; & ita aliquomodo opaco, ex tali incidentia, refractione, & reflexione, & dilatatione pro tali distantia, & occurso ad terminans. Multum tamen adhuc superest laboris in applicanda communi doctrina peculiaribus effectibus, & in agnoscenda conuenientia, & disconuenientia effectuum inter se; tum causarum ad illos concurrentium, & peculiarium conditionum, quibus talibus effectibus, pro talibus circumstantiis, causandi tales determinatæ causæ applicantur; ne aliqua conuenientia, cum multis discrepantiis sociata, in errorem inducat; spero tamen ex particularium diligentiori explicatione doctrinam, generaliter traditam, confirmandam, & ex particularibus effectuum conditionibus vnumquemque melius agnoscendum, dum alterius ab eo discrepantia distinctius proponetur.

SECTIO I.

De causis colorum apparentium in Iride, etiam multiplicata.

CVm huiusmodi apparentiam per aquam in guttas dispersam, à Sole illustratam habeamus, ita sæpè pro libito proximam; ut eius materiam, dispositionem, situm, colorationem certò teneamus; plurimum proderit ad causarum cognitionem conuenientias & disconuenientias inter Prisma Trigonom ex puro vitro, & guttas siue ex aqua siue ex vitro in excipiendo lumine Solis, & ad colorum apparentias præparando, expendere, recolendo dicta de causis similium in Trigono; sic enim difficiliora in hac materia facilius, & certius constabunt.

I. Conuenientia cum disconuenientiâ, in præparatione radiorum ad colorationes, inter Prisma Trigonum, & globum ex crassiore diaphano.

Videntur conuenire Prisma Trigonum ex puro vitro, & globus ex diaphano crassiore; quod excipiendo obliquè radios in superficie, obuersa illustranti, ex vi talis exceptionis admittunt aliquatenus dissipatos, vt suprà ostendimus agentes de Trigono; & per validam, ex primo cursu, reflexionem maxima ex parte alio diuertunt; vt in multò minori intensiōe intra se admittant, quod pariter euicimus in Corollariis, ex experimentis factis in Trigono.

Sed disconueniunt in hoc ipso, quod Trigonum potest secundum faciem obuerti directè illustranti, & eius radios, ex incidentia directâ collectos, & in minori intensiōe aliò reflexos excipere, in densitate & intensiōe validiores. At verò globus ex crassiore diaphano, ex simili in omnibus suis partibus inclinatione, eodem semper modo excipit radios, sic ex obliqua incidentia dissipatos; & ex valida aliò reflexione in intensiōe notabiliter debilitatos admittit.

Ex quo sequitur Trigonum secundum quamcumque sui partem expositum illustranti non esse aptum præparare lumen ad variam colorationem exhibendam; sed solum in certa sui, per costam, expositione ad illud, vt suprà experimentis, & ratione euicimus: globus verò ex crassiore diaphano, quacumque sui parte obuertatur ad illustrantem, æqualiter aptus est id præstare; vt statim infertur ex dictis, & experimentis ostenditur; esto aliqua heterogeneitas materiæ, in illo contentæ, faciat aliquam variationem, vt constabit expendentia experimenta.

II. Conuenientia cum Disconuenientiâ.

Videntur conuenire, quòd admissum intra se lumen ex
crusta

crusta vltiore, per quam diffundendum esset consequenter in aërem, ad aliam positionis differentiam ex parte reflectunt intra sui crassitiem, per illam similiter aliò dirigendum, vt experimentis & ratione suprà euicimus agentes de Trigono; sed probatio ex vi sua non restringitur ad Trigonum; & in globo præter reflexionem ex primo occurso suæ superficiæ conuexæ, apertè notabis aliam ex fundo ipsius, per quam aliquomodo in interiora lumen refunditur, & per quam oculo perspectanti geminatur apparenter illustrans intra illum.

Sed in istis reflexionibus ab vltiori crusta, notabile est ad rem nostram discrimen; quod nulla reflexio ex tribus prioribus, allatis pro experimentis in Trigono, est apta præparando lumini ad variam colorationem, vt suprà in illis experimentis diximus; & ratio indicata ibi, sequentibus autem Sectionibus explicata & stabilita, conuincit; & experimenta concordant.

Sola vltima quæ habetur experimento 13. immediatè antè Sect. 5. Cap. 18 est apta exhibendo obiecto cum varia & peregrina coloratione, oculo ad latus Trigoni Prismatis constituto; sed coloribus languidis, licet de proximo prospectanti.

At verò reflexio multiplex, seu potius in gyrum, quæ fit ex caua crusta globi, luminis, illi obliquè incidentis, & dirigitur aliquomodo in anteriora, mediocris est in remissione, & in dissipatione sufficienti, atque in sua mediocritate varia, vt ex dicendis melius constabit; ideo apta exhibere variam colorationem, satis viuידam, etiam pro maiori distantia prospectanti.

Ex quo sequitur, vt globus expositus illustranti, possit oculo, interposito aliquomodo inter ipsum & illustrantem; per lumen reflexum ab intimis suis, exhibere aliquomodo in gyrum variam colorationem; vt experiri possumus multiplicato in gyrum globo; aut vnico stante globo in tali positione, & in aliqua distantia moto aliquatenus, siue ad la-

tus illius, siue supra, siue infra illum, oculo; vel oculo stante, & globo pariter in vario situ ad oculum proportionaliter constituto. Verum est, quod si Trigonum formaretur in gyrum exhiberet obiectum illustre sub varia & peregrina coloratione, oculo ad illud successiue in situ conuenienti aliquomodo in gyrum conuerso; aut in consueta forma si circa oculum debite transferatur; idem proportionaliter præstabit sic ad latus illius successiue prospectanti.

Sed talem apparentiam in arcum aliquomodo conformatam exhibere simul non potest, etiam si in consueta forma multiplicatum simul in arcum disponatur; quod tamen præstant globuli multiplicati, pro tali situ existentes; neque si sit vnicum, in maiori extensione continuata flexum: quia in vtroque casu deberet removeri à prospectante in anteriora illius, pro qua remotione non solum nimis languescerent radij debiliores, qui ad illam exhibendam reflectuntur; sed sub angulo, sub quo reflectuntur, non pertingerent ad oculum: cum globuli & sufficientem vigorem retineant in radiis validius reflexis; dum eos minus transmittunt, oblique in cauam crustam incidentes, quos multo magis transmittit Trigonum incidentes in planam; & eundem angulum, sub quo transmittunt radios huiusmodi reflexos in vicinia, possint pro maiori & maiori distantia retinere respectu eiusdem situs oculi prospectantis, vt claris experimentis constat, & in sequentibus distinctius explicabitur, dum de configurationibus propriis apparentiarum, & earum causis agemus. Disconueniunt præterea, quoddam reflexio per Trigonum colorigena est geminata intra illud, à facie subiecta Costæ, quæ est conuersa ad illustrans, ad faciem illi oblique insidentem, & ex illa ad oppositam, per quam exit in aërem, cum gemina refractione radiorum in ingressu, & in egressu: at radij, ex globo cum vnica reflexione ex caua crusta illius, refracti in ingressu & egressu, possunt exhibere apparentiam varie colorationis.

III. *Conuenientia cum Disconuenientiâ.*

Conueniunt Prisma Trigonum, & globus, quod radios obliquè incidentes admissos intra se cum refractione, pariter cum refractione transmittunt in consequenti progressu ad aërem, aptè ad variam colorationem, vt licebit experiri, ex oppositis partibus faciliè traiectis Solis radiis per globulum aliquanto maiorem, & exceptis pro aliqua distantia in opaco dicto albo, ad quod prohibeatur aliunde illustratio, saltem clarior, pertingere; at passim multò minori diligentia obtinetur illis per Prisma Trigonum traiectis.

Sed in hoc ipso multum disconueniunt; quod, iuxta supra probata, ex refractione ad perpendicularem in ingressu Trigoni, & refractione à perpendiculari in egressu ad aërem, traiecti per illud radij dissipantur, & ex tali dilatactione sensim aucta præparantur ad exhibendam variam colorationem. At ex refractione ad perpendicularem intrando globum, & refractione à perpendiculari exeundo consequenter ex globo in aërem, vt suo loco de causis refractionis agentes ostendimus, radij sic immissi, & transmissi densantur; donec deueniant ad cuspidem illustrationis, postquam cognoscitur fieri totius illustrationis dilatio tanta; vt in proportionata distantia consequenter pergendo, multò magis dissipentur radij, vltra globum traiecti, quàm traiecti vltra Prisma Trigonum, ex qua tandem dissipatione præparantur ad exhibendam variam colorationem.

Præterea disconueniunt, quod radij, ex duabus facibus Prismatis Trigoni obliquè expositis illustranti, traiecti cum dictis refractionibus, per tertiam diriguntur ad duas apparentias integrarum colorationum, cum varietate in se exhibendas determinatè in duplici situ inuicem distantis traiecti verò sic per globum radij coloriferi magis in gy-

rum;

rum, ad maius spatium consequenter occupandum disperguntur.

Ex quo sequitur, quod in planum oppositum viuaciores per Trigonum colores Iridis traiciantur, & quidem simul spectabiles in duplici coloratione integra, inuicem disincta; & per globum traiciantur languidiores, & simul ad quatuor positionis differentias velut continuati.

Ex dictis verò in hoc, & præcedenti numero sequitur variam colorationis apparentiam exhiberi posse oculo, tam ante guttas aliquomodo, quàm similiter post illas constituto; ac proinde siue prospectans ab illustrante auersus conuertatur ad guttas, vt fit in ordinaria Iridis apparentia, quam inter Solem, & cadentes guttas constituti videmus; siue ad illustrans simul & globum conuertatur, eo aliquomodo inter vtrumque existente; sed quò lucidum est potentius, tantò facilius oculo pariter ad se conuerso, per vberiore illustrationem directam in illum, potest impedire contemperationem requisitam; ac proinde, si aspectus illius directus per interpositum opacum impediatur, tantò melius & facilius exister talis apparentia colorationis variæ.

IV. Conuenientia cum Disconuenientia.

Conueniunt Prisma Trigonum, & globus ex diaphano crassiori; quod in vtroque ex radiis colorigenis, qui minus obliquè incidunt, & fortius intrant, præparantur ad maiorem debilitationem proportionatam colori, qui in integra coloratione maximè ad fuscum vergit.

Sed in hac conuenientia maximè disconueniunt, vt agnosces si memoriâ teneas, quæ paulò ante diximus Cap. 20. Sect. 2. Assertionem 3. euenire in Trigono, & conferas cum his, quæ mox subiungam euenire in globo.

In globum siquidem radij incidentes magis directè, & fortius penetrantes, magis & magis in aërem diffunduntur.

tur; quare multò minùs ex illis à tali crusta caua reflectitur in anteriora, & hoc ipsum, in reflexione, per maiorem crassioris diaphani extensionem transit præ reliquis, qui, ex magis obliqua incidentia in conuexam superficiem oppositam illustranti, magis obliquè incidentes cavitati oppositæ, ex illa per angulos æquales fortiùs in anteriora reflecti, per minorem crassitiem globi diffunduntur in aërem.

Ex his cohærenter philosophando, consequuntur aliqua singularia experimentis simul & rationi conformia.

Sequitur primò radios ex globo crassioris diaphani reflexos aprè ad apparentiam coloris magis fusci inter colores Iridis, præ reliquis concurrentibus ad apparentias aliorum colorum, esse proximiores medio globi, vt infertur ex modò constitutis, & experimenta confirmant.

Sequitur secundò, quod licèt guttæ aquæ, in quibus apparet Iris, non solùm occupent spatium, illius arcu consignatum; sed etiam contentum intra illum; ex nulla tamen reflexione à guttis intrà contentis, fiat spectanti apparentia colorationis proportionatæ, quæ arcui adiungatur; & nihilominus illæ ipsæ guttæ, quæ respectu vnus spectatoris in certo situ intra arcum latent, respectu alterius, magis in dextram, vel sinistram, vel aliter constituti, colorationem Iridis in arcu exhibeant; dum interim quæ exhibent priori, lateant ipsum, intra consignatas arcu ipsi apparente, constitutum. Quia respectu cuiuscumque spectatoris, radij oppositis guttis valdè directè incidentes, & fortiùs penetrantes conuexum illarum, maxima ex parte, ex simili incidentia in cauam crustam oppositam, diffunduntur in aërem; ac proinde non reflectuntur ad positionem, in qua est illustrans, & prospectans, nisi valdè debiles, & per crassitiem guttæ, respectu debilitatis notabilem; ac proinde ad conuenientem cum repræsentatiuo fusci mixtionem, pro exhibendo medio colore cum aliis notabili, ineptam; atque ita donec deueniatur ad situm, in quo radij cum sufficienti obliquitate incidentes guttis, &

ex illis consequenter minus in vltiora diffusi, reflectantur à caua crusta, per minorem crassitiem illatum, ad prospectantem, non sit contemperatio proportionata representationi alicuius ex coloribus, notabilibus cum reliquis in Iride. Talis autem situs proportionatus necessario disponitur in gyrum respectu prospectantis, quia est secundum quandam æqualitatem distantie guttarum à medio, designato per lineam à centro illustrantis per oculum spectatoris deductam, vt etiam infra dicemus de causa configurationis Iridis. Latentibus igitur mediis intra arcum coloratum, fit apparentia Iridis circa illas.

Sequitur tertio, quod Iridis vel solius, vel intra aliam apparentis intimus color sit is, qui maximè ad fuscum vergit; tum vltiores, qui successiuè magis vergunt ad album illustrantis: ratio est, quia post latentes intra arcum guttas, pro tali situ respectu talis spectatoris, pro quo non apparent similiter coloratæ, ex non sufficiente vigore, & contemperazione luminis, tanta debilitate reflexi, cum representatio fuscæ; sequuntur quæ, pro tali situ vltiori, excipientes lumen viuidum satis, & cum proportionata admixtione fusci, ex transitu per minorem crassitiem sui, possunt illud exhibere ad colorem medium, sic notabilem; post quas, in vltiori adhuc situ, succedunt quæ viuidius lumen cum minori admixtione fusci, ob transitum per minorem crassitiem aquæ, reflectere possunt ad eundem oculum, magis illis ad latera constitutum; ex quo disponitur consequenter apparentia secundum colores plus ad colorem illustrantis accedentes, vsque ad puniceum.

Non extenditur autem ad multiplicandos vltiùs colores, de albo lucidoq; magis participantes, in diuersa specie coloris medij; licet vltiùs supersint consequenter aliæ guttæ magis distantes à centro apparentiæ, exhibitæ tali spectatori; quia cum coloris medij, in tali specie, crassus & apparentia non consistat in indiuisibili, sed sit capax latitudinis, secundum quam peculiaris color, intra ean-

dem speciem, vel diluitur, vel saturatur, necessario importat etiam latitudinem extensiuam in subiecto, secundum quam potest, cum maiori, & minori vigore, & assumendo plus, vel minus de repræsentatiuo fusci, lumen reflecti; quare talis subiecti sic limitati, apta colorationi exhibendæ, extensio terminatur, antequam terminentur species colorum mediorum, quæ intercedere possunt inter album lucentem & atrum.

Nec est in oppositum, quod puniceo terminante colorationem integram vnus Iridis, aliquando in guttis ultra illas, ex quibus apparet puniceus, alia consequenter Iris appareat: nam neque immediata existit apparentia secundæ post puniceum primæ; cum per notabile spatium distent inuicem; neque color, qui primò, ultra puniceum terminantem primam, apparet in secunda, magis vergit ad album; sed ut diximus, nouam incipit colorationem inuerso ordine; rationem multiplicatæ aliquando Iridis infra afferemus.

V. Conuenientia cum Disconuenientia.

Conueniunt quod, secundum radiationes, in oppositis sui partibus exceptas, possunt seruire ad exhibendas colorationes similes Iridi ad oppositas positiones, dum radios, sic exceptos ad dextram, dirigunt coloriferos ad sinistram; & è contra; & sic exceptos sursum, coloriferos dirigunt deorsum, & è contra, ut ex supradictis euincitur in Trigonum, & experimenta conuincunt pariter in globo vitreo; nam impedita eorum incidentia obliqua ex vna parte, impeditur determinatè correspondens reflexio, & apparentia colorata ad oppositam: & ratio conuincit obseruatâ æqualitate angulorum incidentiæ & reflexionis.

Sed in hoc ipso non solum disconueniunt, quod insignes colorationes integræ per Trigonum exhibentur radiis ex illo cum sola refractione traiectis; at per guttas similes
colorationes

colorationes in Iride exhibentur radiis ex illis refractis, & reflexis; sed, quod facit ad rem nostram de causis apparentiarum, Trigonum ad exhibendas hinc inde apparentias colorationis integræ, concoloris Iridi, radios ita dirigit, ut hinc inde se mutuò respiciant, & proximè sint, qui ad puniceum in integris colorationibus exhibendum deferuiunt; qui verè ad exhibendum cæruleum, vel etiam aliquomodo purpureum seruiunt, hinc inde extimi sint & à se inuicem maximè distent, inter alios, qui ad integras plurium apparentias concurrunt.

At verò ex globo refracti, & reflexi aptè ad apparentiam Iridis ita diriguntur; ut qui seruiunt exhibendo cæruleo, vel purpuræ violaceæ simili, proximè ad medium globi hinc inde, præ aliis colorigenis, disponantur, qui autem exhibendo puniceo deferuiunt, disponantur extimi hinc inde ad latera, præ aliis colorigenis, à se inuicem maximè distiti; ut constat ex dictis de præparatione radiorum in globo diaphani crassioris per refractionem, & reflexionem ad tales apparentias; & conuincit experimentum ordinariæ, & inter multiplicatas semper primæ, Iridis, in qua intus hinc inde color est aliquomodo purpureus, per radios à partibus medio proximis in oculum directos; sed in guttis ad dextram, à partibus medio proximis ad sinistram; in guttis ad sinistram, à partibus medio illarum proximis versus dextram.

VI. Conuenientia cum Disconuenientia.

Conueniunt quod radiationes colorigenæ per aliquas certas & multiplicatas reflexiones ex illis prodeunt, per quas ex illis apparentia colorum ordine inuerso immutatur.

Constat primò hoc experimento in Trigono: costa eius obuersa ad illustrans excipe radiationes, obliquè incidentes duabus faciebus, in dictam costam coeuntibus; & dum illæ, cum refractione diffusæ per vitrum in tertiam faciem, ipsæ

ipsis subiectam, exeunt cum refractione ex eadem consequenter in aërem, ad exhibendam colorationem variam, conuertere oculum ad latus Trigoni tibi ante faciem constituti, & tenta in tali directione aliquas, modicè varias, situationes, donec appareat tibi illustrans cum varia coloratione; exhibebit enim tibi inuersum ordinem colorum ab eo, quo apparent oculo transpiciente per faciem, obuersam costæ conuersæ ad obiecta.

Talis autem apparentia nullomodo potest provenire ex reflexione radiorum à prima superficie Trigoni, obliquè exposita illustranti, & simul oculo; illa enim, ex supra probatis, radios non tingit; neque immediatè à sola tertia facie subiecta duabus coëuntibus in costam obuersam illustranti; quia apparentia perseverat oculo ad latus eius, & aliquomodo etiam à tergo constituto, ad quem situm reflexio ab illa immediatè nullo modo pertingere potest; neque ex radiis cum sola refractione traiectis; quia illi per tertiam dictam consequenter in aërem directi ad duas varias colorationes, aliquomodo post ipsam exhibendas, communiter animaduersas, & plano appposito excipii solitas, diriguntur; & nullo modo ad situm, pro quo hæc tertia ab oculo spectari perseverat, deuenire possunt: durat enim, oculo non solum ad latus prorsus dictæ faciei constituto; sed aliquo modo etiam ante illam posito.

Est ergo ex multiplicatâ reflexione radiationis, quæ ex primâ incidentiâ in faciem, oculo proximam, obliquè conuersam ad illustrans, dissipata (impeditâ enim in totum illustratione alterius correspondentis, tota apparentia perseverat) rursus per incidentiam cum refractione in faciem totam, illi subiectam, distracta; & per diffusionem ex in illa aërem, secundum maiorem sui partem, imminuta in intensiope; secundum tale tantò minùs residuum suæ intensiois, bis distracta, reflectitur, ut diximus experimento 13.

Constat secundò in exiguo globulo diaphani crassioris,
ritè

ritè radiis Solis exposito ; oculo enim inter vtrumque aliquomodo constituto , si à directione , per Solem & oculum transeunte , remoueatur globulus in dextram , vel sinistram ; vbi ad aliquem situm peruenit , incipit fulgorem coloratum exhibere , cuius colorem variat , pergente vltèrius per aliquod interuallum remotione , ab aliquomodo purpureo , ad viridem , & puniceum transeundo : cessante tandem apparentia , etiamsi pergat remotio ; quæ tamen post aliquod spatium , crescente remotione , redit cum duplici discrimine à præcedenti ; quia à puniceo incipiendo ad alios transit , viridem medio situ , vltimo violaceum exhibendo ; & quæ in prima à partibus guttæ mediis versus extremas , à Sole auersas , coloratio videbatur procedere ; è contra in ipsa à partibus propioribus extremo , ad Solem conuerso , ad medias videtur accedere.

Talis autem apparentia non potest , vt dicebamus de præcedenti , prouenire à prima reflexione guttæ , occurrentis radiis ; quia ista non colorat illos , præsertim vniformi coloratione sensibiliter expansa , & speciem coloris variante , pro varia remotione , vt euenit in tali casu.

Nec solum ex vna refractione in ingressu , & vna reflexione à fundo guttæ , & alia refractione in egressu ad aërem & oculum : cum iste sit modus quo exhibetur à dextris , & sinistris guttæ primus progressus colorationum à partibus vicinioribus medio versus fundum guttæ auersum à Sole , incipiendo à violaceo & desinendo in puniceum : vt non solum diligens obseruator notabit , eandem guttâ , modo ad dextram , modo ad sinistram oculi , constitutâ , sed etiam simul & semel spectando eam , ad vnâ positionem constitutam , pro situ , quo auctâ remotione mutat species dictas colorum , & constituto ex alia parte speculo , ex cuius reflexione radij , ad partem ab oculo auersam præparati conuenienter ad eosdem colores exhibendos , reueruntur in oculum , & geminant easdem colorationes cum proportionata mutatione , iuxta augmenta eadem re-

motionis. Neque potest eadem remotio ita multiplicare istum modum apparentiæ respectu oculi prospectantis; vt vna reflexio ex vno latere guttæ, dirigat radios ad oculum in tali situ pro tali remotione; alia reflexio ex opposito latere, pro taliter aucta remotione, rursus dirigat ad eundem in eadem situs positione ad guttam consistentem; siquidem reflexio ex opposito latere euidenter radium diriget ad oppositam positionem.

Sicut enim radius, obliquè notabiliter incidens in partes guttæ, ad sinistram constitutas, ex refractione ad perpendicularem peruenit ad partes cavitatis in fundo illius, pariter ad sinistram, ad medium magis accedentes (non enim refractione tanta est, vt fiat intersectio radiorum, intra guttam, aut in fundo illius) atque inde partim exit in aërem, post guttam constitutum, partim necessariò per angulum æqualem reflectitur ad dextram eiusdem guttæ, & ex ea diffunditur in aërem: non enim in sinistra posset arcum æqualem secundùm angulum æqualem inuenire, vt exercitato statim euidentis est; atque ita radiatio incidens notabiliter obliquè in dextras partes guttæ, quantumvis ex refractione accedat ad perpendicularem, deuenit ad partes in fundo propiores quidem medio, sed in dextram pariter constitutas, & secundùm reflexionem per angulum æqualem ab illis necessariò reflectitur ad sinistram. Ergo progressus radiationis per vnā reflexionem inter duas refractiones non potest in oculum ad eandem positionem existentem dirigi ab vtroque latere guttæ.

Est itaque ex multiplicata reflexione radiorum intra guttam, vt exempli gratia loquamur de progressu radiationis, incidentis ab illustrante, cum notabili obliquitate ad dextras partes guttæ; est enim ei prorsus correspondens progressus radiationis sic incidentis ad sinistras, Radiatio, cum notabili obliquitate incidens ad dextras partes guttæ, cum notabili etiam refractione intra guttam deuenit ad cavitatem illarum; & dum aliquid ex ea diffunditur

ditur in aërem subsequenter, residuum illius per angulum æqualem reflectitur in partes sinistras cavitatis guttæ, cum simili obliquitate dispositas ad ipsam, ex quibus partim exit in aërem subsequenter cum proportionata refractione, & pertingens ad oculum, in tali positione constitutum, seruit primæ apparentiæ coloratæ, multiplicatis colorum speciebus, pro variata notabiliter obliquitate incidentiarum, iuxta suprà dicta partim reflectitur secundo intra guttam sub angulo simili præcedenti, & per talem reflexionem dirigitur versus partes dexteræ guttæ, ex quibus diffunditur in aërem; quomodo per geminam reflexionem potest radiatio peruenire ad oculum, à dextris talis guttæ consistentem, pro secunda apparentia colorata, sed tenuiori, ad quem pro prima validiori peruenierat radiatio incidens ad partes sinistras guttæ, & directa per vnā reflexionem in dexteræ, & per eas ad dictum situm oculi inde prospectantis.

Hanc dispositionem plurium reflexionum intra guttam, ne gratis consistam putes ad assignandam aliquam causam secundæ apparentiæ coloratæ; expone Soli globum ex vitro maiorem, intus aqua plenum; & ad dextram illius consiste aliquomodo inter ipsum & Solem, donec vno oculo videas intra illum imaginem Solis geminam; alteram ex prima reflexione à conuexo globi, cui occurrunt primò radij; alteram ex caua crusta eiusdem, cui diffusi per aquam occurrunt secundo, & istam deduc ad marginem globi, moto tantisper globo, vel oculo; tum aliquo opaco tege auersum à te latus successiuè, & deuenies ad partem, quæ, determinatè per incidentiam radiorum in se, exhibet talem partem imaginis oculo ad oppositam positionem constituto; quæ proinde, ea determinatè tecta, oculo disparebit: notata tali parte, remoue opacum ab illa, & idem tenta in latere altero, ad quod conuersus est oculus, & successiuè illud obtegendero, deuenies ad partem, ex qua determinatè prodit radius ad

tuum oculum ; siquidem impedimento inter illam determinatè , & oculum interposito , cessat talis determinata apparentia.

Quia verò certum est , incidentiam & reflexionem ad cauam crustam fieri secundum angulos incidentiæ , & reflexionis æquales , & consequenter radium , intra globum contentum ab ingressu ad terminum incidentiæ , esse æqualem radio à signabili reflexionis ad signabile diffusionis ex globo in aërem ; similiter arcus , quorum illi sunt chordæ , inter se æquales ; loquendo iam determinatè de radio seruiente colori puniceo , qui , inter seruientes aliis coloribus , breuissimis viis per globum incedit , iuxta dicta de prima apparentia integræ colorationis : sequitur necessariò , quod cum integer arcus , à signabili incidentiæ primæ in globum ex vno latere ad signabile vsque diffusionis radij reflexi ex opposito , deprehendatur accedere ad duas tertias circumferentiæ , per tertiam illis æqualem additam accedetur ad complementum circuli , & ductis tribus chordis ad terminos horum arcuum tertia accedet ad signabile , vnde prima incipit.

Rursus quia radius reflexus ad signabile in opposito latere , per quod diffunditur in aërem , cum eadem obliquitate incidit , cum qua radius primò ingressus per conuexum globi incidit in cauam crustam illius : sicut ex hac obliqua incidentia in eandem crustam , facta est velut diuisio intensiōis radij , parte illius diffusa in subsequenter aërem post globum , parte reflexa ad oppositum latus globi , vt apertissimis constat experimentis ; ita ex simili obliqua incidentia radij , reflexi in latus globi , fiat velut diuisio intensiōis , quæ remansit in illo , parte diffusa in aërem ad latus constitutum , parte reflexa per angulum æqualem ad aliud signabile in ambitu globi ; & quia in hoc quoque incidit crustæ cauæ , eiusdem rationis , cum eadem obliquitate , fiet quoque residuæ intensiōis in illo proportionalis diuisio , & sic deinceps progrediendo semper per æquales
chordas

chordas ad determinationes arcuum æqualium; sicut perseverat æqualitas eadem inter angulos incidentiæ & reflexionis in gyrum intra eundem ambitum globi.

Aduerte autem, quod radij incidentes in globum vicinius tangenti, dum, ex nimia obliquitate, maxima ex parte aliò reflectuntur, per nimis exiguum, quò intrant, non sunt apti ad sensibilem apparentiam.

Sint igitur pro tribus chordis tres ductus radij, seruientis apparentiæ punicei coloris, modo suprà dicto extensi à prima incidentia ad primam reflexionem, ab hac ad reflexionem secundam in latere opposito, ex ista propius ad situm primæ incidentiæ.

Ex his manifestè sequitur primò per secundam reflexionem radium punicei reuerti ad latus, per quod primò ingressus est guttam; & illud secare, & in egressu ab illo ad aërem, refractum à perpendiculari, ex centro guttæ per signabile talis egressus extensâ, necessariò tendere ad intersectionem cum radio pro simili apparentia ingresso latus oppositum guttæ, & ex illo per primam reflexionem directo ad intersectionem eiusdem lateris ab ipso secti; ex quo pariter, cum simili refractione à perpendiculari magis inclinatur vicissim ad coincidentiam cum ipso.

Sequitur secundò radios pro coloribus magis vergentibus ad atrum, quorum incidentiæ sunt in eodem latere cum incidentia radij pro colore puniceo; sed propiores perpendiculari incidentiæ in guttam, necessariò extensos per chordas longiores ad reflexiones intra illam, redire ad latus primæ incidentiæ, & illud secare, vltra signabile egressus radij, seruientis puniceo; & quidem eo magis vltra, quo magis vergunt ad colorem atrum; sunt enim eorum proportionaliter longiores primæ chordæ à prima incidentia ad primam reflexionem, iuxta suprà dicta, ex quibus mensurantur correspondentes chordæ consequenter dispositæ.

Quare si omnes dicti radij habeant vim colorigenam,

poterunt ab oculo ad eandem positionem existente excipi radij pro gemina apparentia colorum Iridis; nimirum tam illi, qui incidentes lateri ad positionem oppositam, per vnā reflexionem ad latus illi obuersum diriguntur; quā qui incidentes lateri ad eum conuerso, licet per primam reflexionem in oppositum tendant, per secundam in idem versus ipsum redeunt.

Cum hoc tamē discrimine, vt qui post vnicam reflexionem excipiantur, multo validiores primam apparentiam viuidiorem exhibeant; at excepti post mutuam intersectionem, situm & ordinem colorum inuertant, occurrente primò puniceo in secunda apparentia, qui vltimus erat in prima, vt euidenter sequitur ex præmissis.

Sicut autem in spectaculo Iridis, stante oculo, plures guttæ, positæ singulæ in vario situ, qui complet successiuam remotionem vnius guttæ ad exhibendam variam colorationem, ipsæ talem colorationem variam simul exhibent, velut ad tales varios situs continuè extensam; ita si completo spatio pro prima apparentia colorum primæ Iridis, in situ consequenti, proportionato vltiori remotioni, pro qua gutta incipiebat secundam apparentiam, post aliquod spatium, distantem à prima, adsint similiter aliæ guttæ, illi conformes; illæ simul & semel, post aliquod spatium à prima, exhibebunt apparentiam secundæ.

Sed in paruis guttulis tam radij primæ seriei, ex vna reflexione intra guttam in oculum directi; quā radij secundæ seriei, post secundam reflexionem ad eundem diffusi, retinent vim notabilem ad exhibendam apparentiam huiusmodi colorum variorum, vt constat experimento supra adducto num. 6. sub initium. Ergo in parculis guttulis à Sole illustratis conuenienter, obrationem à nobis allatam, geminabitur Iris, & quidem ordine colorum inuerso, vt de facto semper mihi euenisse dixi Sect. 1. num. 4.

Quod autem in maioribus non succedat videtur esse tractatio radij sæpius intra illas reflexi per multum talis opacæ secundum

secundum quid; sicut enim supra agentes de Trigono probauimus, quod illius parte tenuiori obiecta, radij, per crassiorem solam incidentes, in exhibenda varia coloratione, pro puniceo sanguineum exhibent; ac proinde, in longiore progressu per tale opacum secundum quid, assumunt secum plus de representatiuo illius, & simul languescunt; sic euenire potest in traiectione per maiores guttas, & globos vitreos; vt reddantur minus apti, geminata reflexione inter illos, ad exhibendam iterum apparentiam variæ colorationis. Adde quod ex maioribus guttis, dum pro prima Iride & prima corona, ob minus curuam terminationem excipientium, validius diffunduntur; tantò remanet debilius, quod reliquum est, pro vltiori diffusionem, dirigenda per secundam reflexionem in latus idem, in quod primò incidit ab illustrante.

Ex his statim habes in materia difficillima regressum demonstratiuum; ex determinatione apparentiarum inferendo, dispositiones radiationum colorigenarum; ex dispositionibus illarum inferendo determinationem apparentiarum. Neque obstat quod mensuram arcuum, & consequenter chordarum, tam incidentiarum, quam reflexionum acceperim circino; cum determinationes ipsæ refractionum similiter sumantur, & huiusmodi, quæ in experimentis physicis fundamentum habent, necessariò mensuræ physica adhibita explicentur; sed hac supposita, per probata passim, & admissa apud Geometras progressus sum, quæ Physicus, designationibus minus assuetus, sine illis proposita facilius percipiet, exercitatus in geometricis illis non eget, & si quis libentiùs eas habeat, faciliè sibi procuret ex primò suppositis.

CAPITIS XXII. SECTIO II.

De Causis varia colorationis in Coronâ, siue illa colorum Tonis continuatis, siue in radios dispersitis, appareat circumposita lucidis, vel insigniter illustratis; dum illa præcisè oculo patent.

PER experimenta proposita Cap. præcedenti, Sect. 2. & 3. certò constat aliquas huiusmodi colorationes circa lucida, & insigniter illustrata apparere, etiamsi interposito opaco prohibeatur omnis transmissio radiationum à circumposito illis ambiente, vel alio corpore illis vicino, & solis radiationibus à tali lucido, vel illustrato aditus pateat ad oculum; dum ad illorum præcisè extremitates possunt deduci rectæ lineæ ab oculo, per extrema opaci sic interpositi: è contra prorsus disparere, solo huiusmodi corpore lucido, vel illustrato contacto, per huiusmodi opaci interpositionem inter ipsum, & oculum; etiam si omnia ipsi circumposita, vel vicina liberè transmittant sua representatiua ad oculum.

Alias verò apparere quantumvis recto lucido, vel illustrato, dummodò circumposita illis corpora liberè corradient in oculum; & è contra impedito circumpositorum corporum prospectu disparere, quantumvis lucidum, vel illustratum oculo pateant.

Quòd ad primas: Afferò primò, eas solùm apparenter adesse corporibus; quibus videntur circumfundi; & apparentias ex sola oculi prospectantis affectione provenire: continuatas quidem ab humido cornæ superfuso, sic radios refringente; dispersitas in radios à reflexione radiationum;

tionum in tunica vœa, foramen pupillæ circumstante, & ad illud inclinata.

Prima pars assertionis probatur, quia interposito quolibet opaco inter oculum, & corpus ambiens, vel aliquomodo vicinum lucidis, & illustratis; tales colorationes pergunt illa coronare, & diffunduntur apparenter supra tale opacum interpositum; etiam si diligentius prohibeatur supra illud illustratio aliunde deuenire, quæ possit ex illo in oculum per reflexionem notabilem dirigi.

Confirmabitur ex dicendis pro secunda & tertia.

Secunda Pars probatur: tum quia quocumque tempore sit huiusmodi humidum affusum corneæ, vnde cumque illud proueniat; quomodocumque inter oculum sic affectum, & huiusmodi lucidum, vel illustratum opacum interponatur, siue propius ad illa, siue vicinius oculo, modo pateat aditus illustrationi ab illis supra corneam sic affectam, sequitur talis apparentia: si verò humidum omnino abstergetur à cornea, statim cessat omnis apparentia; quod si ex nimia humidi viscositate adherentis corneæ, illud perfectè non possit abstergi, vel ex abundantia in medio, licet abstersum statim affundatur, eo nihilominus imminuto, etiam colores in apparentia dileuntur, sicut crescente saturantur: tum quia apparentia, quoties adest, sequitur potius conformationem in gyrum corneæ, quam ullam aliam, quæ sit in lucido, & illustrato, vel in extremis opaci interpositi; nam horum in longum extremitatibus productis, apparentia nihilominus circinatur.

Tertia pars probatur: tum quia quocumque tempore, quacumque constitutione ambientis, & dispositione externâ corneæ, si debito modo, iuxta dicta supra in experimentis, admittatur radiatio à lucido insigni, & sic illustrato ad oculum, sequitur apparentia radiosa, quæ variatur, illis eodém modo persistentibus, si detur occasio dilatationi, vel restrictioni vœæ per variam applicationem, aut ad proximum foramen distinctè internoscendum, vel

dignoscenda per foramen, longiùs posita, vel aliter: tum quia vniformis dispositio corneæ tali dispersioni, in radios sic inuicem dissitos exhibendæ, inepta est; aptissima verò dispositio vuet, iuxta dicta Cap. 17. Sect. 6. Assertio-
ne 6. in re simili.

Confirmabitur ex dicendis pro Assertione sequenti.

Affero secundò, dispositionem in se, & inuicem variorum colorum in dictis corónis, secundum zonas cuique proprias continuatorum, prouenire ex tali varietate refractionis radiorum à lucidis, & illustratis incidentibus in corneam, humido crasso superfusam.

Probatur, & explicatur simul assertio, quia ex vna parte radij minùs obliquè incidentes crassiori diaphano minus refringuntur, & cum maiori intensione penetrant, è contra magis obliquè incidentes magis refringuntur, & debiliùs intrant; sicut ex suprà allatis occasione Prismatici trigoni ex vitro constat: in huiusmodi autem dispositione, qui sunt sensibiliter similes ex conformatione corneæ, cui conformatur aliquomodo tale superfusum humidum, cum aliqua latitudine in gyrum tendunt; & licet huiusmodi varietates incidentiæ, & refractionis in sola cornea notari aliquomodo possint; nihilominus ex iis tales variæ colorationes non apparent circa lucida, vel insigniter illustrata in visione ordinaria; quia radij à singulis particulis in totam incidentes sufficienter ex figura illius, & humorum consequentium colliguntur ad illas singulas pingendas in Retina, vi cuius picturæ ipsum obiectum apparet, & non aliud pro aliqua distantia ipsi circumpositum; & quia representatiuum fusci, quod ab ea sola assumitur, debilius est, & in proportionem radij per eam fortis oculum intrantes, dum nimis prævalent, eius mixtionem reddunt insensibilem. Ex alia parte humidum crassum superfusum corneæ, dum auget representatiuum fusci, quod assumitur, & aliquomodo obstat lumini in oculum intranti, potest mixtionem reddere sensibilem, & ex tam notabiliter varia
refractione

refractione, secundum variam notabiliter obliquitatem incidentiæ, variare species, & situs mediorum colorum: quare ista crescente per tales notabiles recessus à medio, exhibentur zonæ mediorum colorum magis & magis vergentes ad fuscum.

Accedit quod huiusmodi corona notabiliter apparet circa huiusmodi lucida, & illustrata, quando è regione illius non est aliud visibile, insigniter prævalens ad determinandum oculum ad visionem sui pro eodem situ, & lucidum non est ita vicinum oculo, ut eius fulgor in ipso nimis præualeat: hæc enim seruiunt ad diluendam, atque per suum nimium excessum abolendam huiusmodi apparentiam.

Denique ex varia conformatione corneæ, quæ nec cum eadem crassitie, neque cum eadem configuratione accedit ad continuationem cum tunica alba, vestiente reliquum oculi, non solum provenire potest; ut qui ratione refractionis à partibus remotioribus à medio deberet apparere color post cæruleum purpureus, aliquomodo redeat ad puniceum, propius ad medium oculi apparentem; sed etiam ut finitâ serie, quæ solet disponi ex obliquiori, & obliquiori incidentia; & consequenter maiori, & maiori refractione, notabiliter minuat crassities & mutetur dispositio corneæ in descensu ad coniunctionem cum Alba oculi; atque ibi humor sufficienter disponatur ad novam velut seriem, novâ zonâ cærulei, cum subsequente zona violacei, inchoandam: sed id raro evenit, & cum apparentia multò dilutiori.

Affero terriò, In coronis per radios dispersitis varietatem colorationis in singulis radiis provenire ex tali dispositione tum striarum, secundum quas aliquomodo assurgunt, & deprimuntur partes vuae, tum colorum variorum in particulis illius, ex quibus radij incidente, à notabiliter lucido vel illustrato, reflectuntur intra oculum, cum tali notabili admixtione representativi propriæ fusce dinis illarum.

Reiectâ reflexione à pilis palpebrarum, vel à læuore in extremitatibus ipsarum, ad quas pili inseruntur; tum ob alia, quæ attulimus Cap. 17. Sect. 6. cum de circumpositis radiis lucido, vel notabiliter illustri ageremus; tum ob conformationem illorum, quæ non potest exhibere apparentiam in gyrum benè dispositam, vt statim patet consideranti, & ibidem dictum est.

Reiectâ pariter reflexione, quæ diceretur esse à fibris in extremitatibus foraminum, per quæ transeunt radij à talibus lucidis vel illustratis; siquidem variata licet foraminum figura, in gyrum circumponitur apparenter corona, secundùm radios variè coloratos; immò vbi nullæ fibræ nullum foramen, vt manifestè constat ex huiusmodi apparentia ex illustratione pilæ crystallinæ à Sole, quæ exhibetur oculo, ad quem aliunde prohibeatur illustratio deuenire.

Probatur, & simul explicatur assertio; quia ex vna parte, vtex tenuissima membrana, constituens Iridem oculi, & innatans humori aqueo, talis est, vt possit modò versus medium pupillæ cum suo foramine coarctari, modò dilatari, cum valdè insigni mutatione, vt constat euidentibus experimentis in alieno oculo directè inspectis, vel in proprio per reflexionem à speculo, & quidem communiter nullo dolore; immò imperceptibili exercitio, nisi dictis industriis spectaretur; ac proinde non potest id euenire, quòd ea, in situ suo naturaliter distenta, vltèriùs cogatur notabiliter distendi, iuxta exigentiam visionis exercendæ, & applicationem potentia conformatiua organi ad conuenientem receptionem representatiuorum; sed quia instructa est tenuibus plicis, secundùm quas facillimè accedere ad se inuicem, vel à se inuicem recedere possint eius particulae, præsertim versus foramen; accessui autem ad medium, & recessui à medio sufficienter prouisum est ab auctore naturæ per motum processuum ciliariorum, ad quorum radices ipsa connectitur, & ad quorum nutus ipsa

sic facillè mutatur. Ex alia parte non solum in aliis, & aliis hominibus dicta membrana variè tingitur, sed in eodem homine variat colores in eadem longitudine, à circumferentia Iridis versus medium deducta: quare si radius incidens sit viuïdus, vt debite prouocet non nimis præualens, ne suffocet suo nimio excessu repræsentatiuum fusci, quod variè distenditur in ductibus vucæ versus foramen, fit reflexio intra oculum huiusmodi radij cum tali varia mixtione dicti repræsentatiui, & quidem in gyrum, quæ potest huiusmodi coronæ radiolæ, modo dicto variè coloratæ, apparentiam exhibere.

Facillè ex suprà dictis, & in similibus alibi, modò attendas, habebis solutionem plurium quæ occurrunt in tali genere; vnde in radiatione circum-dispositâ à maiori lumine extinguantur colores, qui, conciliatis aliunde tenebris oculo, vel valido illustrante ex parte per interpositionem opaci impedito, apparent in corona radiosa; vnde ab aliquibus illustrantibus non sufficienter prouocetur, ex quo accidat, vt eidem spectatori, in eandem coronam intento, reliquis extra oculum inuariatis, ipsius radij producantur, decurrentur, variè murentur, &c.

CAPITIS XXII. SECTIO III.

De causis colorationis continuatæ, in apparentia circa lucida & insigniter illustrata perseverante, etiamsi talia oculum lateant.

ASsero primò, posse huiusmodi colorationem circumponi lucidis & insigniter illustratis ex refractione luminis in diaphano crassiori, amplâ, & velut continuâ extensione in figuram aliquomodo inclinatam disposito, &c.

inter illam oculumque debitè constituto; ex varia verò dispositione serierum refractionis radiorum in illo, notabiliter dissimilium, prouenire varias zonas colorationum, & certum ordinem inter illas.

Probatur Assertio experimento variaz colorationis apparentis circa flammulam lucernæ, ex varia refractione radiorum in humido superfuso tunicæ corneæ oculi aspicientis, de quo diximus Sect. præcedenti: licèt enim ea ex interpositione opaci inter oculum, & flammulam disparcat; id tamen euenit quia tunc simul prohibentur, non solum fortiores radij, per foramen vucæ directi ad pingendam in retina cum proportionata figuratione lucernæ flammulam; sed etiam qui ex maiori refractione debilitandi, & miscendi in circumfuso humido, circa illam appinxissent zonas variorum colorum.

Confirmatur, quia non minùs variaz series angulorum similium, sub quibus radij deueniant ad oculum, disponi possunt in gyrum vi refractionis, si medium crassioris diaphani sit debitè collocatum, quàm disponantur vi reflectionis; vt statim constabit exercitato; & Physicus iuuare poterit imaginationem, deductis ab eodem termino filis per foramina, in aliquo secundum circuli peripheriam aperta, & illis ad alium terminum collectis; dummodo tales termini, & centrum circuli sint in linea recta; & circulus ita dispositus, vt fila à termino ad foramina sint æqualia & à foraminibus ad terminum; reputando terminum, à quo fila, velut illustrans, à quo radij; id, in quo foramina, instar vaporum, per quæ illi deflectunt ab incepta directione; denique terminum ad quem instar oculi, qui per eosdem radios, non flexos in foraminibus, sed velut in directum extensos, dirigens apprehensionem, coronat apprehensiuè illustrans.

Asserto secundò colorationes coronantes lucentia in Cælo non apparere ex refractione luminis in vapore continuatè extenso; sed viciniore illis ex tali refractione in
guttis;

guttis; siue illæ sint diuersicolores, siue peculiariter circa Solem, solum rubræ: remotiores verò subalbidæ, atque adeo omnes vicinioribus additas, ex reflexione in guttis; sed illas ex reflexione in guttis minutioribus, & ex tenuiori materia.

Prima pars probatur, quia non est facile fingere conformationem in vaporibus in aëre natantibus per quam determinentur radij, qui dicantur physicè æquales in incidentia & præcisè secundum angulos certos refractionum inter se æquales, & non secundum alios; per talem, & non aliam refractionem, deuenire ad oculum spectatoris; ita ut illum determinent ad apparentiam, lucentibus illis in gyrum circumpositam: cum talia lucentia, communiter ad horizontem inclinata, longè distent à vertice spectatoris; atque adeo vapores, qui, si apparentiæ viderentur posse seruire per axem irrefractum, & radios circa illum, secundum angulos æquales, in ipsis fractos; eam aliò prorsus dirigerent, longè ab oculo talis spectatoris: præterea confluxu casuali materia, in statu præternaturali adunata, non geometrizat, & respectu spectantium è vario situ, secundum alias & alias sui partes inter ipsos, & lucentia; immo, flante vento, inter ipsa, & eundem oculum, perseverante apparentia coronæ, interponitur.

Hæc probatio, quæ continet apud exercitatos in similibus vim habitura, melius constabit etiam apud alios ex dicendis de coloribus nubium Sect. sequenti; & sequenti capite de causis figuræ talis in Iride, & Corona.

Secunda pars probatur: quia sicut in apparentia Iridis in guttis aquæ tumultuario cadentibus, colorationes exhibentur oculo cuiusvis spectatoris, sub determinatione figuræ arcus, ex determinata cum refractionibus reflexione ab illis in certo situ respectu lucentis Solis, & oculi videntis constitutis, quantumvis prioribus ex illo situ decidentibus succedant aliæ; & quantumvis totum aggregatum guttarum cadentium variet figurationem; ut euidenter

denter constat procuratâ apparentiâ Iridis in guttis deciduis, per eiectionem fontium pro libito temperatam.

Ita possunt ex tali refractione, vel etiam reflexione ex guttis pro certo situ inter lucida, & oculum interpositis, dirigi radij ad oculum, per quos apparentia circa lucentia non solum in arcum, sed in gyrum conformetur; dum talis sit; & guttæ in illo non solum in arcum, sed in gyrum eadem facilitate, qua in arcum, possunt, respectu lucentium, & oculi spectatoris; habere vniformiter determinationem, per quam ab ipsis, & non ab aliis ad talem eius locum radij dirigantur.

Secundò, Quia sicut, licet radij incidant etiam guttis pluuiæ intra arcum Iridis contentis; nihilominus ex ratione allata Sect. præcedenti, non spectatur per reflexionem ex illis coloratio, quæ cum zonis Iridis adunetur ad integram colorationem illius, in maiori latitudine ad medium situm intra arcum, expandendam; ita, licet à lucentibus apparenti coloratione coronatis incidant radij in guttas, contentas intra seriem illarum, quæ pro tali situ exhibent coronationem; nihilominus illi non sunt, pro tali situ medio respectu spectatoris, & lucentis spectati, apti ad notabilem colorationis apparentiam exhibendam; tum quia tales radij magis directè, & sic fortius, & cum minori refractione, iuxta suprà probata, guttas penetrantes, minùs recipiunt in illis sufficientem contemperationem ad colores medios, cum aliis spectabiles in integra coloratione in talibus circumstantiis apparenti; tum quia non solum fulgor primarius, secundum quem in retina oculi pingitur imago viuidior lucentium, impedit ne multò debiliora representatiua faciant notabilem impressionem in partibus vicinis, per quam sufficienter potentia visua determinetur ad ea discernenda; sed etiam fulgor, qui in aëre vapido appareat circa talia lucentia, ad aliquam distantiam; sicut passim experimur in Luna, quâ validius radiante, non solum dum illius corpus illustratum oculo patet & discernitur;

nitur; sed etiam quando interposito opaco occultatur, per multum spatij circumiecti, stellas fixas in sereno & nocturno Cœlo, licet suos radios diffundentes, non discernimus, quæ, Luna non sic radiante, vel remotiori ab illis apparente, benè internoscuntur. Quare cum tale impedimentum circa lucentia æqualiter physicè loquendo succedat, & ad tantum spatium, iuxta vigorem illorum in talibus circumstantiis, extendatur; non est mirum, quod non spectetur alia coloratio intra medium coronæ, quæ in gyrum talibus lucentibus apparet circumposita.

Sicut quia Sol tantò potentiùs præ reliquis in cælo lucet, non solum excessu sui fulgoris non sinit impressionem à mediis guttis factam in oculo esse notabilem; vt evenit etiam in iis, quæ mediæ sunt, apparente corona versicolore Lunæ circumposita, sed remotiores etiam à medio impedit, ne sufficienter determinent ad apprehensionem medij coloris, & ita delet intimum utrumque suæ coronæ colorem, alioqui appariturum, & abolito ad sensum puniceo, coloris apparentiam ad situm remotiorem reducit, in quo radij ex guttis prodeuntes per maiorem crassitiem illarum transeunt; quare plus de repræsentatiuo fusci asfumentes sanguineum exhibent; vt in simili suprà, de Prismatico Trigono ex vitro agentes, explicauimus, & probauimus: reliquus verè color cæruleus, si quis est, præuallente radio Solis magis quàm aliorum lucentium, cum diluto cæruleo circumfusi ambientis illustrati confunditur: vt Corona circa Solem unicolor, & velut rubra aliquando conspiciatur. Quod supererat explicandum & probandum ex parte secunda Assertionis.

Quomodo possit materia apta tali refractioni, & reflectioni reperiri in sublimi habebis Sect. sequenti.

Confirmantur prædicta ex probatis Sectione prima de traiectione radiationum per globulos ex crassiore diaphano, cum varia & sufficiente admixtione repræsentatiui fusci ad colores medios exhibendos.

Confirmabuntur ex mox dicendis de causis dispositionis colorum inter se in serie integra, & Cap. 23. de causis configurationis Iridis, & Coronæ.

Dices dispositionem in gyrum apparentiæ coloratæ, versus lucentia visæ, relata esse in guttas aquæ, adhibita ad id probandum proportionem Iridis, quæ apparet ex aduerso lucentium, oculo interposito, vi luminis contemperati in guttis pluuiæ, & reflexi ab illis; cum tamen Iridis, & coronæ colorum dispositio diuersa sit; nam Corona prima versicolor colorem, magis vergentem ad colorem illustrantis, semper constituit intimum in serie colorum; extremum verò eum, qui magis vergit ad atrum: cum prima Iris ex vi dispositionis luminis in guttis, vt probauimus Sect. 1. semper colorem magis fuscum constituat intimum, puniceum verò, proximiorum albo illustrantis, extremum constituat. Solutio instantiæ guttas stabiliet in possessione prædictæ apparentiæ: cum enim experimentis, captis in globulis crassioris diaphani, iuxta supra dicta, ex professo discussis, certò constet, eos vt secundum quid opacos, ex tali dispositione admissum intra se lumen ita ex parte reflectere, vt ex parte traiciant, & utroque modo esse aptos ad illud præparandum pro variæ colorationis apparentia: iam si ostenderimus id per primam reflexionem, & primam traiectionem fieri, prorsus aptè ad inuersum ordinem colorum in apparentia per istam exhibendum in corona, comparatione eius, secundum quem exhibetur per illam in Iride, vt de facto experimur; firmabitur ex hoc subiectum assignatum experimento, & talis peculiaris conditionis in experimento ratio reddetur.

Radij proximiores iis, qui cadunt aliquomodo physicè perpendiculares ab illustrante in guttam, sicut minùs obliquè incidunt conuexo guttæ, ita fortius eam intrant; & sicut minùs obliquè deueniunt ad cauam crustam eiusdem, ita per illam fortius traiciuntur; & utrumque euenit cum minori refractione ipsorum. Ex quo, sicut sequitur id,
quod

quod de similibus radiis à caua crusta guttæ antrorsum reflectitur, esse debilius, & plus de repræsentatiuo fuscæ comparatione suæ debilitatis secum assumere, ad causandam propius ad axem Iridis apparentiam coloris magis vergentis ad fuscum: ita sequitur, quod ex illis per guttam consequenter traicitur, esse fortius, & cum minori refractione traici in aërem. Quare radij qui sic inde proximius axi traiciuntur, præ reliquis fortiores sunt, ut minus inuicem ex minori refractione conuergentes tardius, & sub minori angulo se intersecent, præ reliquis magis obliquè incidentibus cauæ crustæ guttarum, & debilius per eam cum maiori refractione traiectis; ac proinde post intersectionem prius oculo spectatoris occurrant illi, præ talibus reliquis, vterius ex refractione sub maiori angulo traiectis, & præterea comparatione illorum fortiores, primum colorem apparentem exhibebunt, præ aliis maximè vergentem ad colorem illustrantis.

Immo cum ex tota intensione radij incidentis, isti tantò fortius traiecti, apud ad hanc primi coloris apparentiam in corona, de illustri magis participatis, relinquāt reflexioni è caua crusta guttæ tantò debiliores, qui iuxta supra cõstituta seruiunt apparentiæ primi coloris versus axem Iridis; eadè ratioquæ in causanda apparentia primæ Iridis, per radios illustrantis contemperatos in guttis aquæ, primum colorem & intimum ostendit debere esse, præ reliquis in integra coloratione ordinatis, minimè participantem de albo illustrantis, illa ipsa ostendit in Corona prima, cuius apparentia causetur per tales radios, in similibus guttis contemperatos, primum colorem & intimum, ex ordinatis in tali integra eius coloratione, debere maximè participare de albo illustrantis.

Tertia Pars Assertionis probatur primò, quia coronationes subalbidæ necessariò proueniunt à radiis incidentibus in tenuiores diaphani guttas; nam in illis non recipiunt admixtionem repræsentatiui fuscædinis, sufficien-

tem ad causandam apparentiam coloris medij talis, quales sunt qui videntur in Iride, & multicolore corona, quæ circa plenilunium Lunam aliquando coronat: guttæ autem tenuiores diaphani, in tali situ remotiores, non possunt per solam refractionem dirigere radios ad oculum spectatoris, pro vlla sensibili apparentia colorationis; siquidem refractione sufficiens ad dirigendos radios ad oculum, in tali situ spectantis coronam circa Lunam, quando est à crassioris diaphani guttis; licet sit sub maiori angulo recedens à perpendiculari; autamen determinat situm viciniorum ad Lunam talibus guttis, ut ab eis radij sic fracti possint deuenire ad situm spectatoris; ut constat in Corona versicolori.

Secundò quia corona remotior addita primæ non potest per solam refractionem prouenire à tenuioris diaphani guttis, ut modò diximus; neque ab æqualis crassitiei cum illis, ex quibus prouenit, apparentia primæ vicinioris; quia in situ talis vicinioris terminata est directio radiorum ad oculum spectatoris, per refractionem ab æqualibus: nec denique à guttis crassioris diaphani, quia radij cum sola refractione ab illis prodeuntes, post incidentiam à lucente, facilius recipiunt in illis admixtionem repræsentatiui fuscedinis, ad apparentiam mediorum colorum coronæ multicoloris, & sparguntur in orbem, ut dictum est Sect. I. quare sub maiori angulo refractione ab illis posset quidem extendere ad maius spatium colorationem inchoatam à refractione ex tenuioribus guttis; sed non, relicto notabili spatio inter vtramque, nouam colorationem tantò ampliorem ad distinctam coronam adiungere.

Tertiò quia à guttis remotioribus radij incidentes à lucente notabiliter, possunt variè à caua crusta illarum reflexi ad oculum dirigi, consistentem eodem loco, pro quo recipit radios per solam refractionem à vicinioribus, dum videt multiplicem coronam; vel pro quo reciperet ab illis, si adessent, quæ non adsunt, cum solam tantum
remotiorum

remotiorem à lucente apprehendit ; variam quidem pro varia admixtione repræsentativi fuscædinis , quam recipiunt radij in illis , pro varia conditione talis crassioris diaphani ; & ipsa non solum remotio maior , sed interuallum inter coronas plures , dum simul apparent , concordat cum transitu à refractis solum radiis in traiectione per guttas ad reflexionem cum refractione illorum in guttis.

Non adiungo designationes radiorum cum fractionibus in guttis , quia qui dicta à me in superioribus attendit , agnoscat ita esse potius physicæ considerationis , in qua ratione materiæ datur aliqua latitudo , quàm præcisionis geometricæ , quam qui norunt , non requirent , qui ignorant ex ea potius confunduntur , quàm proficiant. Vnum moneo ; communiter illos , qui in similibus designationes linearum aduocant , fucum facere lectori , dum pro libito sibi materiam fingunt , & collocant , inconsulta natura , per experimenta attentè considerata , & sæpius iterata ; cum tales effectus in sui determinatione potius mutantur , sequentes conditionem , & situm materiæ , à qua radij incidentes variè disponuntur , quàm designationes voluntarias ; quod agnoscat melius eruditus Lector , qui aduertit designationes linearum , quæ in vaporibus ad rem propositam communiter afferuntur , ita disponi , ac si axis irrefractus , incedens à lucente per vapores , immineret vertici , & perueniret ad oculum cuiuslibet spectatoris , cum radiis solum in certa distantia circa illum æqualiter fractis : aut vapores constituerent umbellam cuique suam , cuius velut manubrium ad spectatorem quemlibet conuerteretur , ipsa sic in gratiam cuiusque inclinata , & aptè conuersa ad lucentia , obsequente materia vaporum designationibus , nulla ratione habita dispositionis , quam fert secum illius naturalis conditio.

Si aliquid occurrerit in oppositum , aliquomodo concernens magnitudinem , aut figuram huiusmodi apparentiarum , opportuniùs satisfaciet Capite sequenti , ad quod similia referuantur.

CAPITIS XXII. SECTIO IV.

De causis colorum, sine certa serie, & sine figurâ, à subiecto vapore diuersâ, apparentium.

PRæmitto aliqua: vt de omnibus vnica determinatio-
ne, iuxta probata, & in natura facile agnoscibilia
concludam.

I. Præmitto primò, ex variâ densitate medij, & vapo-
rum, illi innatantium, varias fieri refractiones radiorum à
lucentibus incidentium.

II. Cùm vapidum omne, sicut & diaphanum crassius,
sic opacum secundùm quid, fieri ex illis radiorum inci-
dentium reflexiones, per quas deuenire possunt radij ad
oculum, constitutum extra situm, ad quem pertingere
possunt ex sola refractione in illis.

III. Aliquam vaporum massam posse esse tenuiorem,
& tamen opaciorem; sicut è contra aliam densiorem, &
magis diaphanam.

Ad intelligentiam primi aduerto, non posse ex situ,
quem obtinent vapores in sublimi, determinatè inferri eos
cum medio, in quo innatant pro eadem à terra distantia,
eiusdem esse tenuitatis; aut tenuiores aliis vaporibus, qui-
bus supernatant, aut sibi densiores superioribus. Siquidem
ex admixtione halituum subtiliorum potest substantia gra-
uior, & densior innatare, & supergredi minùs graui, &
tenuiori: sic etiam imperiti norunt, ex interpositione sub-
eris, plumbum innatare aquæ, & multò minùs grauibus
supernatare: sic peritiores norunt, quod licèt in integra
massa aquea partes aquæ frigore constipentur, vt fiant den-
siores aquâ, ante congelationem soluta, & illa ipsa, cui
glaciata

glaciata massa innatat; nihilominus ex antiperistasi, quæ fit halituum tenuiorum, partibus aqueis admixtorum, operante frigore in massam integram ad congelationem, non solum in talibus halitibus sequi maiorem cum tenuitate dilatationem; sed in ipsa massa tota, ita ut aqua congelata maiorem locum occupet, quàm soluta, & solutæ passim innatet, ut distinctè apertis experimentis euici in prima Epistola Magno Amico inscripta, quam addidi Nouæ de Machinis Philosophiæ, & cum illa edidi. Certum est autem vaporibus aqueis multum huiusmodi exhalationum esse admixtum; ex quo euenire posse censeo, ut illi, in minutas guttas non raro constipati, adhuc per aërem ferantur, & velut in illo subsistant, non descendentes sensibilter: ut expertus sum conscensis altis montibus, in quibus pro nubibus, in speciem fumi ex planitie visis, deprehendi me intrare magnam congeriem guttularum aquearum, quas non solo madore adhærente, sed visu notante discernere.

Ad stabiliendum secundum, non solum placet aduerte-
re ex suprâ constitutis de diaphano, & opaco, & de ratione determinatæ reflexionis; quidquid opacitatis impedit aliquod corpus, ne sit simpliciter perspicuum, impedire etiam aliquomodo transitum lumini; & totum illud luminis, quod, qualicunque opacitate impediante, in directum per tale corpus non transmittitur, reflecti.

Verum etiam monere ut caueas fallaciam, quæ multos decipit, qui oculo ad aquam, vel vitrum pellucidum conuerso interdum nihil notantes, nisi quod vltra illorum crassitiem reperitur, putant in aëre illustrato esse transparentia, non autem reflexiua; ab umbra verò à tergo vitri constituta aliquantulum ipsa recipere terminationem, & consequenter vim reflexiuam; quia noctu, passim constituta candela intra cubiculum, vitra in fenestra constituta distinctè, non solum illam, sed reliqua ab ipsa illustrata per reflexionem repræsentant; cum tamen semper eandem
vim

vim habeant reflectendi; sed à viuaciori imagine, ab illis, quæ trans sunt, & transparent, oculo impressâ in eâdem directione, impediatur notabilis determinatio ad sensationem à debiliore multò, quæ per reflexionem pariter in oculum dirigitur, & experientia ostendit, quod si in aliqua distantia nigrum occurrat è regione vitri, etiamsi medius aër diurno lumine perfusus sit, videntur distinctè per reflexionem, quæ cis vitrum sunt, colore ad album vergente, spectabilia.

Ad agnoscendam veritatem tertiam, sufficit in inferioribus attendere aquam feruentem, multò tenuiorem frigidâ, ex admixtione fusci terrei, turbidiorem; frigidam verò eximiè perspicuam; & non dubia coniectura assequi, posse idem euenire in vaporibus à terra eleuatis, in quos radij solares incidunt. His præmissis.

Asserto colorum, qui in vaporibus variè per aëra diffusis spectantur, sub eadem figura cum illis, eandem esse rationem, quæ est colorum, quos apprehendimus in asperis inferioribus; eos nimirum apparere ex reali mixtione talis representatiui fusci subiectorum vaporum cum representatio coloris illustrantis in organo, interuenientibus refractione, & reflexione luminis in illis.

Assertio constabit recolenti dicta in superioribus capitibus de coloribus, qui apud nos spectantur in asperis, & ea, quæ præmissimus hîc, de variis conditionibus vaporum, in quibus non solum huiusmodi colores non apparent, nisi lumine Solis, vel alterius insigniter illustrantis, perfundantur, & quidem tenuiores secundum maiorem profunditatem; sed etiam debilitata notabiliter, vel aucta illustratione; sicut constipatis notabiliter, siue tenuatis vaporibus, speciem apparenter mutant; ita vt expendenti ista faciliè sit de causis determinare singulorum in peculiaribus apparentiis.

C A P V T XXIII.

De configurationibus propriis colorationum apparentium, & causis illarum.

C Onstat ex supradictis in aliquibus colorationibus, quæ nobis apparent, tam in corporibus crassis, & asperis, quàm in attenuatis in vapores, non notari figurationem propriam, diuersam à figura sui subiecti; in aliis verò semper adueriti certam figuram, non alligatam subiecto in quo apparent: hanc vocamus propriam coloratæ apparentiæ, quam in præcipuis per accurata experimenta determinabimus; tum causas ex propriis singulorum assignare curabimus.

S E C T I O I.

De quibusdam insignioribus experimentis configurationum in Apparentiis per Prisma Trigonum ex vitro; & causis illarum.

I. **Q**uoties obiecta per Prisma Trigonum ex vitro spectantur cum eadem coloratione, quâ videntur oculo libero, figuram notabiliter non mutant; sed eandem videntur retinere prospecta per illud, quâ apparent sine illo.

II. Quoties per illud transpicienti apparent obiecta peregrinis coloribus tincta, cum aliqua notabili extensione, siue in longum ut vocant, siue in latum, etiam si sint directæ secundum illam, semper apparent in arcum inflexa; & licet secundum istam plana sint, videntur aliquomodo

sphæricè inclinata. Curuatura autem semper apparet in partibus, quæ extenduntur ad illas positionis differentias, ad quas extenduntur costæ Prismatis.

III. Prisma Trigonum traiciens radiationes illustrantis multò maioris se, siue eas tingat vniformiter flauo valde diluto, siue coloratione varia Iridi concolori, primo illas exhibet in longum extensas; tum sensim eas decurtando in rotundum aliquomodo inclinat, denique consequenter in vltiori elongatione rursus producit.

IV. Traiciens verò radiationes illustrantis multo minoris se, quoties illas flauo valde diluto tingit, eas in plano opposito exceptas, in longum notabiliter extensas exhibet, iuxta directionem ad quam extenduntur costæ in illo, quoties autem eas exhibet variè coloratas, toties in arcum inflectit.

Vt melius percipias horum causas, recole quæ suo loco dixi de huiusmodi experimentis.

R A T I O I.

Talis apparentia, quando est ex sola reflexione à prima facie Prismatis, obuersa obiecto, est velut à speculo plano, in quo sic ordinantur radij incidentes, & ab illo in oculum reflexi; vt variato solo situ, obiectum in reliquis eodem modo appareat, quo apparet oculo libero, vt experientia passim manifestat, cuius infrà, agentes de visione, causam distinctè afferemus. Quando verò est à radiis, qui incidentes primæ faciei, expositæ directè illustranti, vltius vitri crassitiem permeant, & incidunt obliquæ alteri faciei illi subiectæ, ex qua, per angulum æqualem reflexi, exeunt per tertiam faciem ad oculum conuersam; licèt radij obiecti, secundum extensionem in longum notabiliter maioris, provenientes in primam faciem, ingrediendo vitrum infringantur ad perpendicularem; refractione tamen, deferentium peculiariter imaginem talis longitudinis

gitudinis obiecti, est secundum longitudinem Prismatici ad eandem positionis differentias, ad quas dirigitur etiam longitudo obiecti, & eius similitudo in imagine, & consequenter in apparentia. Quare licet à partibus dicti obiecti, quæ versus extrema extensionis illius magis distant à Prismate, radiationes magis obliquè incidentes magis refringantur ad perpendicularem in ingressu, quàm radiationes à partibus, quæ magis è regione Prismatici conuersi ad illas, disponuntur; ista tamen maior, aut minor refractio, sicut & illa, quæ fit proportionaliter à perpendiculari in egressu à Prismate, non diuertens ad alias positionis differentias ab iis, ad quas longitudo obiecti, &c. diriguntur, non potest inflectere, saltem notabiliter, apparentiam; & ferè est perinde ad rem nostram, siue radij transeant ad talem secundam faciem Prismatici à prima, per crassitiem Prismatici, & à secunda per eandem crassitiem dirigantur in aërem & oculum; atque si secunda facies esset Speculum planum, expositum simpliciter obiecto, & reflectens ad oculum.

R A T I O I I.

Radij pro tali apparentia deuenientes ad oculum, modo dicto applicatum, prodeunt determinatè à partibus Prismatici, secundum proportionatam inflexionem, designabilibus; quare cum simili determinatione pupillam intrantes, cum qua intrant radiationes immediatè ab obiecto sic inflexo prouenientes, non est mirum quòd imaginem similiter intra illam signent in Retina, & potentiam ad similis configurationis expressionem determinent. Quod autem cum tali determinatione prodeant, agnosces euidenti experimento; tegendo enim vel simul, vel successiuè partes Prismatici è regione talis apparentiæ, impediendo illam vel simul, vel successiuè, oculo in eodem situ persistente; partes etiam Prismatici tali impedimento admoto cum pro-

portionata inflexione signabis; iis autem per impedimentum quacumque sub directione signatis, nunquam succedet, vt vel simul, vel continuè successiuè designat talis apparentia. Rursus signato per impedimentum, sub tali inflexione, Prismate, existentibus obiecto, & Prismate in eodem situ, quo prius, & oculo ad partes à tergo Prismatis, ad quas antè substiterat, restituto, quantumuis omnes aliæ partes Prismatis liberè transmittant radiationes, nihil tibi apparebit talis variæ colorationis sic inflexæ. Quod si oculo situm mutes, accedendo ad partes superiores, vel inferiores Prismatis; vel modò ad vnā, modò ad alteram costarum illius, quæ terminant faciem, ex qua ad ipsum prodeunt radiationes coloriferæ, mutabis simul situm apparentiæ dictæ, & partes Prismatis secundùm dictam inflexionem designabiles, ex quibus determinatè, pro determinato situ oculi, prodeunt ad ipsum radiationes, determinantes ad apparentiam variæ colorationis sic inflexæ, vt eodem experimento conuincitur.

Ad completam huius Problematis solutionem reddenda modò est ratio talis determinationis in partibus Prismatis, quæ secundùm inflexionem in illo, & non aliter designabiles, seruiunt cuiuslibet dictarum apparentiarum; cum tamen quodlibet signabile in obiecto sic directo, cui obuertitur costa Prismatis, diffundat suas radiationes in omnes partes illarum facierum, quæ, in dictam costam cōeūtes, illi obliquè exponuntur, & per quamlibet dictarum facierum in tertiam, illis subiectam, cui, ad captandam talem apparentiam, oculus admouetur.

Determinatio secundùm aliquam inflexionem in partibus Prismatis, per quam sic dispositæ, & non aliæ seruiunt ad exhibendam apparentiam peregrinæ & variæ colorationis, prouenit ex duplici capite: Primò ex tali dispositione obiecti respectu Prismatis, ratione cuius à suis partibus transmittit radiationes cum varia inclinatione supra illud, quæ consequenter traictæ per illud exeunt in subsequenter

quentem aërem cum proportionatis inclinationibus respectu faciei illius ex qua prodeunt. Secundò, ex tali situ, pro quo oculus in tanta distantia admittit in pupillam traiectas per Prisma radiationes, ad quem situm deueniunt ex dictis radiationibus solùm illæ, quæ sub tanta inclinatione transmittuntur à certis & sic dispositis partibus Prismatis, quod sic ostendo.

Obuersa aliquomodo directè costa Prismatis ad extensionem obiecti directam, quæ cum peregrina coloratione apparet inflexa (sicut obuertendam pro tali apparentia experimentis, & ratione suprâ probauimus) necessariò duæ facies Prismatis in illam coeunt, maximè obliquè conuertuntur ad eandem extensionem directam obiecti. Quare à signabilibus in tali extensione obiecti variè distantibus à Prismate, & partibus illius, incidunt radiationes dictis faciebus obliquè, tam secundùm longitudinem illarum excurrentem cum costa ad duas positionis differentias, ad quas dirigitur extensio obiecti, quæ apparet variè colorata; quàm secundùm latitudinem earum extensam à costa ad costam: ac proinde sic inclinatæ supra tales facies, intrando vitrum, patiuntur refractionem mixtam ad perpendicularem; & refractionem à perpendiculari, dum exeunt è vitro ad aërem; & sic supra faciem, duabus prioribus subiectam, ex qua prodeunt, inclinantur tali inclinatione mixta, tam secundùm longitudinem, quàm secundùm latitudinem; ita vt sic deorsùm dirigantur ad partes inferiores illius, & ita proportionaliter ad alias positionis differentias.

Ex his sequitur, quod cùm radiationes à partibus obiecti, notabiliter remotioribus, magis obliquè notabiliter incidant, atque cum maiori inclinatione supra faciem Prismatis, conuersam ad oculum, exeant, necessariò egeant longiore viâ à signabili in dicta facie, ex quo prodeunt ad pupillam, positam in tanta distantia à Prismate, vt eam intrare possint; radiationes verò à partibus minùs, & mi-

nus remotis incidentes, & exeuntes cum minori & minori obliquitate supra dictas facies, requirant vt à signabili, ex quo prodeuntes tendunt ad oculum, in eadem distantia situm, sit breuior & breuior via: euident enim est, quòd radiatio minùs inclinata supra faciem Prismatici, ex qua prodit ad oculum, breuiori tractu peruenit ad tantam distantiam ab illa, magis verò inclinata longiore tractu. Rursus, quod vbi est breuior tractus ad aliquam distantiam oculi à Prismate, necessariò requiratur maior angulus radij cum Prismate, vt illam attingat determinatè; vbi longior, ibi minor: ad hanc verò varietatem necessariò requiritur in Prismate, vt non solùm signabilia secundùm accessum in longitudinem, sed etiam secundùm latitudinem disponantur, ita vt possit in progressu mixto secundùm vtramque angulus variari.

Verùm hic progressus mixtus à partibus Prismatici remotioribus ab oculo per viciniore, tam secundùm longitudinem, quàm secundùm latitudinem, potest saluari in designatione rectâ, hinc inde à tali signabili, sic etiam secundùm latitudinem remoto, inchoatâ, & ad oculum vsque deductâ; & nihilominus secundùm huiusmodi designationem radiationes determinatè prouenientes per Prisma ad oculum, determinarent illum ad apparentiam talis extensionis obiecti cum varia coloratione inclinatam in angulum versus oculum, non sinuatam in arcum, vel portionem globi, vt de facto euenit: cur ergo talis progressus radiationum mixtus à signabilibus remotioribus per vicina ad oculum, non per inclinatam in angulum rectas, sed per continuatam inclinationem disponatur in gyrum?

Certum est, & iam demonstratum, quoscumque duos progressus, secundùm propriam inclinationem aliquomodo oppositam, concurrentes; si singuli in propria mensura vniformiter procedant, ordinari posse secundùm latera rectanguli, sub cuius diametro fiat progressus mixtus ex illis; & si progressus mixtus disponatur secundùm lineam rectam,

fectam, quæ assumatur in diametrum alicuius rectanguli, necessario latera illius continere proportionem progressum, ex quibus ille mixtus existit; & alterum ad alterum sumi posse correspondentem in partibus secundum proportionem, quæ est totius ad totum. Exemplificemus in re nostra.

Dispositio partium faciei Prismatis, conuersæ ad oculum, seruientium apparentiæ multicolori alicuius extensionis directæ in obiecto proposito, incipiat à signabili superiori costæ ab oculo remotæ, & terminetur ad aliquod signabile inferius in altera costâ opposita, cui è regione illius accessit oculus prospectans, & ducatur linea recta iungens talia signabilia, à cuius extremis ducantur lineæ, quæ incidant perpendiculariter costæ, singulis oppositæ, & cum dictis costis assumantur, vt latera constituentia rectangulum, cuius diameter erit linea, à tali signabili superiori in costâ remota ab oculo, deducta ad aliud inferius in costâ, cui è regione illius accessit oculus.

Iam in tali rectangulo lineæ à costâ ad costam mensurant totum progressum secundum latitudinem, secundum quem excurrit in dictâ facie Prismatis transmissio radiorum ad oculum in tali situ, pro tali apparentiâ variè colorata extensionis directæ in obiecto proposito; lineæ verò ex costis assumptæ, inter priores interceptæ, mensurant progressum in longitudinem, secundum quem à partibus superioribus Prismatis ad tales inferiores, è regione oculi positas, descendit transmissio radiorum, quæ seruit eidem apparentiæ partium, in prædictâ extensione obiecti remotiorum ab oculo, ad partes vsque in eadem, è regione oculi constitutas.

Si igitur isti progressus in se de facto ita disponantur, vt proportio quam habet totum ad totum, habeatur inter partes sibi correspondentes in totis; necessario progressus mixtus fiet iuxta talem lineam diametralem dicti rectanguli, in facie Prismatis ad oculum conuersa designati; quolibet

libet enim signabili assumpto in tali linea, & ductis ab illo lineis duabus, quæ ita duobus lateribus rectanguli perpendiculariter incident; ut partem talis diametri intercipient, semper fiet circa diametrum aliud rectangulum, cuius latera erunt inuicem in eadem ratione, in qua sunt latera primi, cuius ipsum est complementum; atque ita demonstrabitur continuatio dicti progressus mixti, secundum dictam lineam diametralem, cum eadem proportionem ad extremum usque dictæ lineæ diametralis.

Quod autem exemplificatum est in determinatione partium faciei Prismatis, transmittentium radiationes, determinatiuas oculi in tali situ, ad apparentiam variè coloratam partium extensionis obiecti, extensarum ad talem differentiam; proportionaliter applicandum & pro determinatione seruientium repræsentationi partium obiecti, extensarum ad differentiam positionis, ei oppositam. Quod si fiat, agnosces ad oculum, prospectantem ex aliquo situ intermedio Prismatis, constitui angulum à duabus huiusmodi lineis diametralibus rectangulorum, ad oppositas hinc inde respectu oculi positionis differentias designatorum; & ita radiationes cum tali determinatione transmissas, oculum determinaturas ad apparentiam extensionis directæ in obiecto, ordinari in partibus Prismatis secundum extensionem inclinatam quidem, sed flexam in angulum, contra experientiam. Ratio igitur, quæ ostendet progressum mixtum in partibus Prismatis, dictæ apparentiæ seruientibus, non posse disponi per diametrum rectanguli, cuius latera contineant proportionem particularium progressionum, secundum longitudinem, & secundum latitudinem Prismatis deductarum ad oculum, ostendet simul cur disponantur flexione continuata in gyrum.

In accessu secundum longitudinem ad partes Prismatis proximiores oculo prospectanti, radiationes à partibus in extensione directæ obiecti vicinioribus, incidunt secundum angulos consequenter semper maiores, ut euidenter
patet,

patet, existente præsertim tantò maiori, præ longitudine Prismaticæ, extensione directæ obiecti, ex qua deuenient dictæ radiationes, sub determinata inclinatione super illam, ad oculum: cui progressui proportionarentur anguli semper maiores; in accessu secundum latitudinem, per partes eiusdem Prismaticæ, eidem oculo viciniore; si tantò minori excessu sequentium supra præcedentes crescerent, pro tanto spatio, respectu excessus, pro spatio æquali, sequentium angulorum supra præcedentes, ratione longitudinis dispositos; quanto maior est distantia extremi longitudinis ab oculo, quæ tali maioritate angulorum sensim ad oculum vsque supplenda est, modo supradictò, quàm sit distantia extremi latitudinis, quæ per sic maiores angulos incidentiarum secundum latitudinem pariter supplenda. Quod totum eueniret, & progressus, sic ex illis mixtus, disponderetur etiam secundum diametrum rectanguli, cuius latera continerent inuicem proportionem, quæ esset inter tales duos progressus, si in angulis secundum latitudinem nulla alia fieret variatio, nisi quæ importatur per incidentias à partibus, minùs & minus remotis in obiecto, ad partes oculo viciniore & viciniore in Prismate, secundum latitudinem illius; sicut nulla alia interuenit variatio in augmento angulorum incidentiæ à partibus proximioribus & proximioribus in obiecto in partes Prismaticæ viciniore & viciniore oculo secundum longitudinem.

Sed ex peculiari dispositione facierum Prismaticæ ad inuicem (quam suprà exposuimus agentes de peculiari conditione, & situ colorum in integra coloratione quæ apparet ex traiectione radiationum per Prisma in planum appositum) perturbatur dicta proportio inter progressus augmentorum in angulis inclinationum radiorum; quia dum in faciem Prismaticæ obliquatam ad extensionem obiecti, quæ apparet variè colorata, incidunt ab illa radij sub maiori angulo secundum latitudinem, atque ita intrando vitrum minùs refringuntur ad perpendicularem, necessario

cum tali minori refractione incidunt faciei illi subiectæ; magis obliquè; & ex illa exeuntes in aërem versus oculum, cum maiori refractione à perpendiculari, inclinantur, tendendo ad illum sub minori angulo supra faciem Prismatis ad illum conuersam. Quare iuxta constituta paulò ante, ut perueniant ad tantam distantiam à Prismate, pro qua debent intrare, tali situ existentem, egent longiore via, quàm sit illa, quæ ad eandem pupillam inibi consistentem deducitur à signabilibus ordinatis in facie Prismatis, secundum rectam diametralem rectanguli, modo dicto: longior autem via à tali signabili ad oculum ducens non est nisi deflectendo à rectitudine.

Immò talis deflexus, necessariò importatus ab imminutione angulorum in radiis exeuntibus supra faciem Prismatis, conuersam ad oculum, quæ ex incidentia secundum latitudinem, sub maiori angulo, supra faciem Prismatis conuersam obliquè ad obiectum, videbantur in alia proportionem maiori augendi, non solum longiorem viam assignat augmento angulorum, secundum latitudinem deducendum à partibus Prismatis remotioribus per viciniore ad oculum; sed etiam ex necessaria connexion in tali progressu, mixtio longiorem pariter viam determinat pro augmento angulorum secundum longitudinem, similiter à partibus remotioribus Prismatis per viciniore deducendum ad oculum; ac proinde progressus, qui præcisè ratione sui pro tanto spatio, secundum proportionem maioris augmenti in angulis sequentibus, vltra præcedentes, fuisset maior in chorda, minor existit in arcu, ad maius spatium pro minore substitutum extensus.

Confirmatur ratio allata ex solutione alterius Problematis in tali apparentia maximè notabilis.

Dum ex maiori conuersione faciei Prismatis ad extensionem obiecti, varia coloratione apparenter tingendam, radiationes ab hac illi minùs obliquè incidunt secundum latitudinem, & sic, secundum illam minùs refractæ ad
perpen-

perpendicularem, vitrum intrant; quæ duo potius minuerè variam colorationem, & eius inflexionem deberent, quàm augere, iuxta suprà dicta de illa; quia tamen iis positis sequitur vt radiationes magis obliquè incident faciei, quæ priori subiicitur, & ita cum maiori refractione à perpendiculari ex ea prodeant in aërem & oculum; & consequenter super eam sub minori angulo inclinentur; ideo cum augmento colorationis egent necessariò longiore via, vt ad situm oculi prospectantis perueniant. Quare magis curuato flexu in partibus Prismatis designato, & consequenter ad apparentiam variæ colorationis magis curuam, intra oculum deueniunt. Quod totum experimentis, & rationi, quam de illis reddidimus, mirè concordat.

R A T I O I I I.

Licet Problema tertio loco positum simul proponat restrictionem illustrationis in recessu à Primate, siue ea sit delatiua in planum excipiens vniformis tincturæ subflauæ; siue delatiua colorationis integræ, concoloris Iridi: iure tamen de restrictione cuiusque talium illustrationum, vt ex diuersis causis proueniente, separatim respondendum.

Quod igitur spectat ad primam; reuoca in memoriam ex dictis præsertim Cap. 18. Sect. 3. Coroll. 2. huiusmodi illustrationis diffusionem euenire, quando facies aliqua Prismatis Trigoni ex vitro est aliquomodo directè, secundum longitudinem & latitudinem sui, exposita Soli; & radij vtrique medietati illius incidentes, sparguntur intrando vitrum, supra totam alteram faciem, hinc inde correspondenti medietati obliquè subiectam; ex qua, secundum angulos æquales reflexi, diriguntur ad medietatem inferiorem tertiæ faciei, per quam effunduntur in aërem. Experire.

His positis, cum erecta ex aduerso Solis facie Prismatis, radij à partibus superioribus Solis deducti ad inferiores il-

lius, & ab inferioribus Solis ad illius superiores, iis obliquè incident & quidem cum inclinatione versus extensionem Prismatis in longum; licèt in ingressu vitri refracti ad perpendicularem, per punctum incidentiæ extensam, imminuant talem inclinationem ad longitudinem Prismatis; non tamen eam omnino tollunt; cùm non coincidunt unquam, vi cuiuscumque fractionis, cum perpendiculari; multo minus eam immutant in oppositum: ac proinde cum dicta inclinatione deueniunt ad crustam alterius faciei Trigoni, obliquè subiectam priori, ex qua sub angulo omnino æquali reflexi, ita cursum progressus aliò dirigunt, vt deueniant cum eadem inclinatione versus longitudinem Prismatis ad crustam tertiæ faciei, ex qua prodeuntes in aërem cum refractione à perpendiculari, extensa per punctum incidentiæ, necessariò magis cum inclinatione versus longitudinem Prismatis, diriguntur versus medium illius; & ita hinc inde convergunt ad inuicem, & ex tali conuergentia; in vltiori progressu à Prismatico, necessariò restringunt illustrationem, donec interseccionem facta, in maiorem amplitudinem consequenter diffundantur, & sic eam vltèrius dilatent.

Idem proportionaliter euenire intelliges facie Prismatis iacente, sed aliquomodo directè, secundum longitudinem & latitudinem sui, conuersa ad Solem, consideratis radiis, prouenientibus à partibus in Sole vergentibus ad extremitatem illius sinistram, in partes longitudinis faciei Prismatis, vergentibus ad extremitatem eius dextram, & è contra: Pariter & in aliis designationibus factis in Sole, correspondenter situationi longitudinis faciei Prismatis, modo dicto conuersæ ad ipsum.

Quod spectat ad restrictionem illustrationis, delatiuæ variæ colorationis, quæ succedit, costâ Prismatis Soli ex aduerso aliquomodo directè oppositâ, & traiectis radiis per faciem illius, hinc inde secundum latitudinem obliquatam ad ipsum. Diu me torset contraria dispositio; quam

ex vna parte experimenta semper constantia ostendunt; ex alia leges progressionum constitutæ in radiationibus videntur exigere; cùm illa semper talem illustrationem in recessu à Prismate restringant; istæ semper amplient: cùm enim radij à partibus vergentibus ad extrema diametri solaris, correspondentis in situ longitudini Prismatis, aliquomodo directè conuersi ad Solem, deducti ad partes longitudinis Prismatis, vergentes ad extrema illius secundum oppositam differentiam positionis; nimirum à dextris in sinistra, &c. necessariò incidant in illas obliquè, cum inclinatione sui versus longitudinem Prismatis disposita, & tendentia versus extrema illius; licèt in ingressu vitri, ex refractione ad perpendicularem, talem inclinationem minuant; non tamen omnino tollunt, aut commutant in oppositum, vt in præcedente solutione dicebamus: sed sine reflexione, quæ in casu præcedenti cursum progressus aliò dirigebat, cum eadem inclinatione ad longitudinem Prismatis, & tendentia versus extrema illius, hinc inde disposita, deueniunt ad faciem, subiectam costæ directæ ad Solem, & per eam diffunduntur in aërem, cum refractione à perpendiculari; ex qua recuperant magna ex parte, quod imminutum fuerat in illis de inclinatione ad situm tendentiæ longitudinis Prismatis, & de tendentia versus extrema illius: ac proinde cum divergentia à se inuicem, & inclinatione ad contrarias positionis differentias diffunduntur. Quare recedendo à Prismate, ex vi sui progressus, semper diducunt illustrationem: proportionaliter vt euenit, traiectis radiis Solis ab extremis diametri illius, per extrema secundum oppositam positionis differentiam assignata in diametro foraminis; quæ in eadem directione correspondet diametro solari.

Sed tandem constituta tanquam certa, apparenti restrictione talis integræ illustrationis in recessu à Prismate, quam tories iterata & expensa experimenta ostendunt; & legibus progressionum non violatis; aduertit, quod ex vna

parte obliqua incidentia in facies Prismaticis, ita impedit ingressum radiorum in illud, & egressum radiorum ex illo; ut quò maior est, magis impediat, eousque, ut tollatur aliquando notabilis progressus illorum ultra impedimentum; sic aduertimus in casu præcedentis Problematis; dum radij per faciem Prismaticis, diuersè conuersam ad Solem, deuenientes ad crustam faciei, illi obliquè subiectæ, videntur ex ea reflecti ad tertiam, ut nullum notabilem per eam progressum continent ad eandem directionem in aërem. Quare cum radij à partibus vergentibus ad extrema Solis, deducti ad partes, secundum oppositam positionis differentiam, vergentes ad extrema Prismaticis, deueniant ad illas cum duplici obliquitate, in casu nostro obuertente constantem directè ad Solem; id est obliquè secundum latitudinem facierum, & obliquè secundum longitudinem, possunt ita impediri ab ingressu intra vitrum, & ab egressu è crusta illius, subiecta costæ; ut quod ex illis diffunditur in aërem, minus sit aptum ad notabilem apparentiam.

Ex alia parte dissipatio radiorum, & recessus à similibus minuatur etiam notabilem apparentiam radiationis; hoc ipsum euenit in radiis quorum progressus de se ostensus est tendere ad illustrationis propositæ dilatationem per recessum hinc inde.

Potest igitur vtrumque simul eò deuenire, ut tollat prorsus apparentiam notabilem in ipsis; & ita eam tollere in casu nostro euincunt experimenta restrictionis in apparentia dictæ illustrationis, dum progressus radiationum, modo dicto deuenientium ad partes Prismaticis, vergentes ad extrema illius, tendit, quantum est de se, ad dilatationem, post obliquitatem incidentiæ geminatam modo dicto; Progressiones verò radiationum à partibus, versus extrema Solis à medio excurrentibus, deuenientium ad partes Prismaticis versus extrema illius, sed ad eandem positionis differentiam dispositas, sicut ex obliquitate incidentiæ secundum longitudinem Prismaticis inclinantur versus extrema illius;

illius; ita vltiorem tendentiam dirigunt versus medium: & sicut per refractionem ad perpendicularem intrando vitrum non amittunt, iuxta constituta in solutione primi, talem inclinationem, licet minuant; ita vltiorem tendentiam non omnino diuertunt à differentia positionis, in quam dirigebantur: per refractionem verò à perpendiculari in egressu ad aërem, magna ex parte recuperant, quod tali inclinationi, & consequenter directioni progressus versus medium fuerat imminutum.

Ex quo aperte sequitur huiusmodi radiationes minus oblique incidentes, hinc inde, in egressu ad aërem, vergentes ad medium, inuicem conuergere; ac proinde illustrationem in vltiori recessu à Prismate, secundum extensionem in longum, constringere, donec completâ interfectione in maiorem & maiorem amplitudinem consequenter extendant. Econtrà verò quia, vt suprâ diximus, agentes de præparatione radiationum incidentium Prismati ad variam colorationem, incidentia obliqua radiationum à Sole in latitudinem facierum coëuntium in costam, directè conuersam ad ipsum, radiationes in ingressu vitri per refractionem ad perpendicularem dilatatas expandit in faciem costæ subiectam; & ex illa cum refractione à perpendiculari in aërem; inde fit, vt in recessu talis illustrationis à Prismate, dum ea secundum extensionem, correspondentem longitudini illius, restringitur, ampliatur semper secundum extensionem, correspondentem latitudini eiusdem; donec, redactæ ad quandam apparentem æqualitatem, exhibeant quasi rotundam colorationem variam in plano opposito.

R A T I O I V.

Prima dispositio Apparentiæ est velut luminis, à lucido multò minori, traiectione per foramen oblongum tantò maius: existit enim facie Prismatis directè conuersa ad illustrans multò

multò minus ipsa. Quòd si aliqua refractio radiationum ad perpendicularem, intrando vitrum, illustrationem aliquomodo restringit ab ea amplitudine, quam obtineret si talis facies Prismatis esset apertum foramen in opaco, & medium illustrationi peruium esset eiusdem rationis; subsequens tamen refractio eorundem à perpendiculari in exitu ad aërem aliquo modo restituit illustrationem ad progressum conformem incidentiæ in primam faciem. Denique cum tota series cuiusque refractionis integræ sit de se ad eandem positionis differentias directè disposita, non est vlla occasio inflexionis in tali Apparentia.

Secunda dispositio Apparentiæ evenit costa Prismatis directè opposita illustranti tanto minori, & faciebus in dictam costam coëuntibus eidem obliquè expositis. Quare cum radiationes ab illo in eas obliquè incidant tùm ratione longitudinis, tùm ratione latitudinis earum; necessario progressus mixtus fiet non directè ad positionis differentias, ad quas dirigitur longitudo Prismatis, sed inflectetur; neque ut diximus in reddenda ratione num. 2. inflexio fiet secundùm duas rectas ad se inuicem inclinatas in angulum; cum augmentum angulorum inclinationis radiationum supra faciem Prismatis, ex qua exit ad aërem & planum oppositum, non fiat in proportionem mensuræ latitudinis ad longitudinem, sed longiore progressu à recta linea statim deflectente in arcum, sub qua determinatione à plano opposito reflectitur.

Confirmatio accedit conformis ei, quam attulimus num. 2. & ex ea redditur ratio peculiaris experimenti; quanto enim facies exposita illustranti minùs obliquè recipit radiationes ab illo, tantò magis eas excipit obliquè facies illi subiecta; vnde augetur non solum expansio varix colorationis in opposito pariete, sed etiam curuatio.

CAPITIS XXIII. SECTIO II.

*De Configurationibus propriis Apparentiarum
coloratarum in humido aqueo.*

I. Spectatore constituto inter luminare & humidum aqueum, excipiendæ illustrationi aptè dispositum, apparet coloratio Iridis, sinuata in arcum, aliquando continuato flexu cornua hinc inde versus horizontem demittens, aliquando interrupto, & deficiente aliquâ portione vel ad medium, vel ad latus utrumque, vel ad alterum.

II. Luminari existente in horizonte spectatoris, & humido aqueo, in aliqua notabili distantia respectu eiusdem sufficienter illustrationi exposito, apparet Iris instar arcus semicirculi, sicut Sole supra horizontem eleuato in proportionem eleuationis Solis in suo arcu, deprimitur, seu potius deficit Iris in suo.

III. Spectatore verò supra horizontem altius eleuato, vel in edita Turri, vel in colle, cuius latera non extendantur latius in dextram, & sinistram illius, sic conuersi ad apparentiam Iridis, illa apparet notabiliter maior arcu semicirculi; sicut euenit quando humidum aqueum, illustrationem excipiens, ita propinquum est spectatori; ut eius statura, cui imminet oculus, habeat notabilem proportionem ad eleuationem Iridis; certè in aspergine per fontes procurata potest habere tantam; ut, Sole etiam altius eleuato, apparentia Iridis notabiliter excedat arcum semicirculi.

IV. Apparente Iride in humido aqueo, vltra apparentiam diffuso, si spectator notabiliter moueatur in dextram & sinistram, sursùm & deorsùm, sic mutatur notabiliter situs apparentiæ; & hoc facilius aduertitur in Iride procurata in aspergine fontium, vel in ea, quæ cadente

pluviâ demittit cornua versus arbores alicuius sylvæ: obequitanti enim sylvæ, mutant cornua arcus Iridis situm ad arbores, velut obequitantem subsequuta.

V. Pergens aversus ab Iride, si identidem conuertatur eam aspecturus, aliquando eam velut subsequentem spectabit; aliquando velut in priori loco apparentiæ persistentem, sed ampliorem effectam: semper tamen, licet cadentes guttæ velut perpendiculariter horizonti incendant, si Sol est notabiliter eleuatus, Apparentia Iridis inter illas inclinatur, recedendo secundum partem superiorem à vertice, vt notare est rorantibus guttis in vicinia spectatoris, & ratio huius idem euenire in quacunque distantia persuadet, vt paulò pòst dicemus.

VI. Sicut incidentiæ, refractiones, & reflexiones radiorum pro singulis speciebus colorum in integra coloratione, habent latitudinem physicam, discernibilem in zona cuilibet dictorum colorum assignata, & in plures guttas pro tali situ distinctas consignata; ita ex varia dispositione humidi aquei excipientis illustrationem, & reflectentis, sicut ex vario vigore illustrationis, datur quædam latitudo physica in maiori, vel minore expansione cuiuslibet peculiaris coloris in integra coloratione, & in varietate notabili nunc plurium, nunc pauciorum colorum, inter puniceum & purpureum; in maiori, vel minori expansione integre colorationis: denique determinatio in angulo, sub quo spectatur Iris, ad semirectum præcisè non sit alligata, non multum verò ab illo hinc inde abscedat.

VII. Coloratio integra, quæ spectatur circa lucida, ex vi humidi aquei inter illa, & spectatorem interpositi, & corona dicitur, nunc integro gyro, nunc interrupto apparet; id tamen, quod apparet, sinuatur in arcum: & sicut quæ vnicolor apparet longè excedit in sua diametro semidiametrum Iridis; ita multicolor circa Lunam longè deficit ab illa; cum ad 22. circiter gradus aliquando restringi à me notata sit; aduertendum tamen est, quod suprâ monui,

nui, vt in inspectione Lunæ diligenter oculi detergantur, & caueatur ne apparentia, quæ euenit ex humido superfuso corneæ oculi prospicientis, putetur esse ex humido in sublimi aëre, inter Lunam & oculum interposito.

CAPITIS XXIII. SECTIO III.

De causis configurationum propriarum in Iride.

QUod spectat ad configurationes proprias colorationum in Iride: causæ propriæ illarum ex dictis suprâ Cap. 12. Sect. 1. de causis colorationum desumendæ.

Dum apparet varia coloratio Iridis in humido aqueo, guttatim disperso; cum supposita tali conuersione guttarum, secundum determinatas sui partes, ad Solem & spectatorem, pro tali situ ex aduerso illarum constitutos, non possit à partibus mediis illarum iuxta dicta loco citato, fieri reflexio colorifera ad oculum, quæ sufficiat ad notabilem apparentiam coloris Iridis; sed solùm fieri possit à lateribus guttarum pro tali determinato situ circa media dispositis in illis: necessariò debent omnes guttæ coloriferae tali spectatori, cæteris physicè paribus, sub eadem determinatione remoueri à situ medio respectu illius, vt secundum eandem determinationem radiationes à lateribus illarum directæ cum eadem conuergentia, ratione eiusdem refractionis, conuenire possint ad oculum illius; sed dispositio secundum æqualem remotionem, sub eadem determinatione, à situ medio respectu illius, necessariò est secundum arcum circuli, cuius centrum sit in medio, & linea, à Sole per spectatorem ducta, tali centro perpendiculariter incidat: cum, secundum quamlibet aliam colorationem, necessariò sequatur difformis cum tali medio dispositio sic collocatorum: ergo apparentia colorum Iridis ex causis, ex quibus prouenit, supposito connaturali modo videndi,

disponi debet secundum arcum in circulo ad Solem , & spectatorem sic conuerso. Similiter cum ad extendendas, & variandas apparentias in coloratione integra Iridis, consequenter ad initia illius, nec non ad terminandas, debeant guttæ in proportionata vltiori remotione à medio æqualiter , & vniformiter disponi , euidenter sequitur , & omnes colorum zonas , & totius integræ colorationis terminationem disponi secundum flexionem arcuum in circulo, pro varia à centro distantia designatorem : & cum secundum remotionem ab oculo spectatoris , maiorem in anteriora sub eodem angulo , non mutetur situs, secundum quem deueniunt radiationes à gutta ad oculum ; sed per vltiorem remotionem ad latera illius , & sursum atque deorsum ; necessariò sequitur , quod tam extensio vnus zonæ coloratæ ad aliam , quam consequens omnium dispositio in Iride integra , non fiat secundum variam remotionem guttæ in anteriora spectatoris , sed determinatè ratione variæ remotionis secundum positionis differentias in dextrum & sinistrum , sursum & deorsum ; ita vt si sub eodem angulo remoueatut gutta ab oculo spectatoris , non mutetur ratio colorationis ; ac proinde dicendum sit eiusdem Iridis in materia apta sufficienter expansa , tam singulorum colorum zonas , quam integram ex illis colorationem in eodem circulo physicè disponi.

Quòd si non daretur , pro tali distantia ab oculo , materia sufficienter expansa , sed disponderetur seriatim pro vltiori & vltiori , vel viciniore & viciniore distantia ab eodem ; vt pro situ , quo aliqua deficit , consequenter inciperet extendi alia ; tunc integra coloratio Iridis haberet arcus , qui in variis circulis designarentur ; sed omnes illi haberent centra in eodem axe à Sole per spectatorem deducto , & omnibus illis perpendiculariter incidente.

Quia verò , iuxta variam humidi aquei dispositionem , & varium vigorem illustrationis guttarum à Sole , prout intermedium est magis vel minus purgatum ab impedi-

bus,

bus, possunt radiationes coloriferæ provenire à partibus vicinioribus, vel minus proximis medio guttarum, secundum quod sic expositæ sunt illustranti, & similiter à particulis magis, vel minus accedentibus ad fundum hemisphærij in illas à Sole aversi; licet hæc varietas medium, & communiter pro varia tempestate variam latitudinem habeat; constat non posse tam exacta præcisione determinari angulum, secundum quem à circulo, in quo disponitur aliquomodo materia, & apparentia Iridis, radij transmittantur ad oculum spectatoris; videtur tamen, ex observationibus factis, circa semirectum proxime contineri; concurrente ad talem determinationem gemina refractione, altera in ingressu ad tale latus guttarum, altera in egressu ex opposito in aërem, & reflexione intra guttam in caua crusta illius ab vna positione versus oppositam, iuxta dicta loco citato initio Sectionis.

I. Ex his sequitur quod licet, pro vario situ deficiente materia, deficient partes in Iride, quæ appareat, vel continuatione mediæ inter cornua destituta, vel altero cornu, vel utroque, aut variè interrupta; quidquid tamen illius apparet, est velut fragmentum arcus, qui continuaretur ordinata flexione circa centrum, si ad illam materiam apparentiæ, alia consequenter esset disposita.

I I. Quod etiam si guttæ cadant ad horizontem velut perpendiculariter; nihilominus pro varia eleuatione illustrantis supra illum, inclinatur arcus Iridis recedendo à situ perpendiculari, & consequenter à vertice spectatoris; dum semper à Sole inter oculos spectatoris deducta linea incidit perpendiculariter in centrum circuli, in quo disponitur Iris.

II I. Quod tantum distet spectator à centro circuli, in quo disponitur Iris; quantum distat ab eodem arcus Iridis, qui sub angulo semirecto videatur à spectatore: data enim incidentia perpendiculari lineæ, extensæ à spectatore, in dictum centrum, necessario angulo semirecto incidentiæ

radij à spectatore ad arcum deducti, respondet alius semirectus incidentiæ eiusdem radij ad axem ab arcu; sic enim complentur duo recti, quibus sunt æquales tres anguli cuiuslibet trianguli; & consequenter latera opposita dictis duobus angulis semirectis sunt æqualia; axis nimirum à spectatore ad centrum talis circuli, & linea à centro ad arcum extensa.

I V. Guttarum decidentia, hinc inde ad apparentiam Iridis extensa, aliis spectatoribus hinc inde ad latera videntis Iridem dispositis, suas cuique proprias Irides apparere: eodem verò spectante consequenter moto, Iridem pariter è directione illius successivè promoueri, quia variato spectatoris situ, necessariò proportionaliter ab aliis & aliis guttarum aggregatis ad eum veniunt radij coloriferi, qui à guttis ad spectatorem, vniuniformem necessario, pro simili apparentia, seruant directionem.

V. Si guttæ minùs stipatæ inuicem decident; vt detur transitus radiis Solis ad vltiorem distantiam intra pluuiam; sicut Iris pergente versus illam spectatore recedet; ita illum ab ipsa recedentem, & identidem retrospicientem videri poterit comitari; dum proportionata Iridi radiorum reflexio ad ipsum, necessariò cum ipso, præsentem materiã apta, locum mutat; seruata semper tali distantia spectatoris à centro circuli, transeuntis per guttas seruientes Iridi, qualis est eleuatio arcus Iridis à centro illius.

VI. Cadentibus pluuiæ guttis propius ad vnum latus spectatoris, potest sub eodem angulo propius ad ipsum apparere vnum cornu Iridis, altero in remotioribus guttis in maiori distantia viso, quod faciliè aduertitur, si notabilis sit diuersitas situs in locis, quibus cornua Iridis apparenter insident. Verè tamen cornu quod propius accedit, est fragmentum alterius Iridis, quæ pro tali distantia consequenter extenderetur; si pro tali distantia, materia tali apparentiæ proportionata, esset consequenter extensa.

VII. Non posse disponi apparentiam Iridis per reflectionem

xionem ex vapore instar nebulæ, vel nubis expanso, & Soli, spectatori que obuerso. Vel enim huiusmodi expansio vapida erit per modum corporis asperi; & nullam seruabit legem æqualitatis inter angulos incidentiæ, & reflexionis luminis in suis partibus notabilibus, & sic in se tota exhibebit colorationem, proportionatam mixtioni luminis illustrantis cum repræsentatiuo sui coloris fusci; vt euenit in ordinaria nubium illustratione à Sole, & apparentia colorationis in istis non habet certam determinationem, & configurationem propriam, vt distinctius paulo post ostendetur.

VIII. Non posse disponi apparentiam Iridis in vapido, se habente per modum corporis terfi, & velut speculari reflexiuo luminis cum determinatione æqualitatis inter angulos incidentiæ & reflexionis in partibus suis notabilibus: Nam si sit planum, nullum radium Solis Coloriferum reflectere poterit ad oculum in situ persistentem, pro quo spectatur Iris: siquidem, præter lineas à Sole extensas ad partes, quæ respectu spectatoris essent in medio Iridis, ex quibus constat nullam reflexionem coloriferam dirigi ad oculum illius; omnes radij hinc inde incidentes constituunt cum nube versus spectatorem angulum acutum, obtusum verò ad positionem ab illo digredientem; reflexio autem sub angulo æquali cum angulo incidentiæ non potest esse ad partem anguli acuti; sed necessario disponitur ad partem anguli obtusi; ac proinde diuertit radium à spectatore, vt statim consideranti euidenter constabit, & physico designanti apparebit.

At verò si nubes dicatur caua, & per modum speculi caui opposita Soli; sicut à speculo cauo fit reflexio, deferens apparentiam non solum ad partes extremas illius, sed ad medium; idem eueniret in nube sic figurata ad arbitrium tribuentis sua commenta naturæ, quod est contra experimētā; nec posset simul & semel pluribus spectatoribus, inuicem recedentibus ad latera, Iris apparere, vt de facto apparet,

apparet, aut respectu eiusdem spectatoris, situm mutantis notabiliter, perseverare, ut de facto perseverat; etiam si in alterutram positionem abscedat à primo situ, pro quo eam spectavit, vel in anteriora versus nubem progrediat, aut in oppositum recedat. Siquidem speculum cauum radio, reflexos dirigit ad determinatum situm, ad quem convergunt, secundum æqualitatem angulorum reflexionis, iuxta determinationem angulorum incidentiæ radio- rum ab illustrante, tali situ constituto, in speculum; ut suprà diximus agentes de reflexione præsertim Sect. 5. Cap. 14.

Quod si aliquis color ad fuscum magis accedens dicatur, pro sua apparentia, requirere tantam penetrationem radij intra nubem, & talem situm spectatoris, ad quem sufficiens repræsentativum integrum talis coloris deveniret; ex quo sequatur, talia requisita æqualiter in omnem partem respectu spectatoris, disposita, necessario tam materiam Iridis, quàm apparentiam in aërem inflectere & hanc esse causam propriæ configurationis, sub qua videtur Iris.

Iuxta hanc positionem; cum ex minori penetratione radiorum intra vaporem, appareant colores minùs ad fuscum vergentes, apparentia Iridis exhiberet primò, non nisi casu talem colorem medium sic vergentem ad fuscum in integra coloratione; cum alij & alij minùs vergentes absolute dari possint. Pariter cum in serie colorum mediorum non sit ex natura sua ultimus is, qui dicitur terminare integram colorationem in Iride, & provenire ex ulteriori penetratione tanti luminis intra vaporem, non nisi casu tali colore terminabitur integra coloratio Iridis. Quare incerta prorsus erit in natura inceptio & terminatio seriei integræ colorum in Iride; cum nulla possit assignari ratio cur ultra illum, qui ultimus dicitur videri; & circa eum, qui primus, non spectentur alij in eodem vapido; cum ulterius in utramque positionem mixtio luminis cum fusco fieri passim valeat ex natura miscibilium, at nos (si piget iterum,

iterum, rem in hoc genere singularem relegere omite) in guttis determinationem naturalem assignauimus in inceptione, quia ad media guttæ, radij incidentes propius ad perpendicularem, fortius penetrantes, exeunt ex gutta in aërem maxima ex parte; & ita debilius est quod à caua crusta guttæ reflectitur, & per plus crassitiei guttæ debet diffundi ad reflexionem in anteriora, & ita non facit mixtionem notabilem luminis cum tali repræsentatiuo fusci; recedendo verò in tali mensura à medio, lumen obliquius incidens cauæ crustæ minùs diffunditur in aërem, & in proportionem habet minorem crassitiem guttæ, per quam in reflexione debet diffundi, & ita notabilius est ad faciendam mixtionem, secundùm quam color sit discernibilis à circumiecto ambiente; cùm verò singuli medij colores habeant aliquam latitudinem in accessu, & recessu respectu extremorum, & consequenter in extensione subiecti, in qua secundùm maiorem & minorem contemperationem miscentur, non est mirum quod desinente modica extensione guttæ, pro qua disponuntur contemperationes repræsentatiui coloris illustrantis cum repræsentatiuo fusci talis subiecti, fiat terminatio seriei integræ colorationis in Iride, antequam perficiatur series colorum, qui possunt vltierius disponi in tali progressu, loquendo absolutè de illo. Hæc nos suprà.

Præterea cùm nubes, in qua apparet Iris, agnoscatur in suis partibus variam à Terra habere eleuationem, poterit esse in eius partibus maioribus heterogneitas notabilis in densitate, subsidentibus densioribus minùs densis in altiori loco extensis: ac proinde in superioribus, tanquam tenuioribus, requiretur profundior penetratio radij intra illas, ad contemperationem exhibentem latitudinem alicuius coloris, medij inter extrema, quàm sit ea, quæ sufficiet ad illam in partibus inferioribus, & simul crassioribus nubis. Et consequenter talis nubes est inepta, vt in ea disponatur coloratio Iridis, quæ semper apparet flexione vniformi

mi, & æquali continuatâ ad extrema vsque cornuum arcus; immò cum vrgentibus ventis, aut ascendentibus expirationibus collectum vapidum passim in suis partibus habeat variam opacitatem, vt agnoscitur in nubibus à Sole illustratis exhibentibus varios colores, extensione etiam intra se inæquali ex varia contemperatione proprij fusci cum incidente lumine, tam variè illas penetrante, non erit capax nubes, vt in illa constanter disponatur textura colorum Iridis secundùm zonas æquali ductu continuatas.

Denique cum spissiore existente vapido, illud proportionaliter, vt propius ad nos experimur in nebula, egeat minore extensione ad apparentem terminationem, multò maiore cum est tenuioris; in representatione colorum Iridis, quam diceretur exhibere ex tali terminatione, quam obliquit oculo, varietatem notabilem inducet extensionis, tum in integras, tum in partiales colorationes, pro varietate densitatis nubium, contra id, quod de illis experimur.

Et ex his agnoscitur deesse tali vapido omnem rationem exhibendi colorationes constanti, & æquali remotione ab axe Iridis, & sub æquali obliquitate ad spectatorem, sub quibus aliquomodo verisimiliter dici debeant determinari colorationes, & propria illarum configuratio, quæ spectantur in Iride.

Quæ autem determinauimus de apparentiis, & apparentiarum causis in Iride, ex guttis aquæ, à Sole illustratis exhiberi apud nos solita, omnia ex principiis, & experimentis certis inuicem consentientibus constituta, vt quæ ea recusent admittere conuincantur negare esse possibilia, quæ de facto passim existunt.

CAPITIS XXIII. SECTIO IV.

*De causis configurationis propriae in Corona
& Pareliis.*

EX ante dictis, de causis colorationum in corona, facile est determinare causas configurationum in eadem.

In corona proximè spectata radiis dispersitis circa Solem siue zonis colorum continuatis circa alia lucentia, statim patet in gyrum disposito tali reflectente in vicia oculi, vel refringente in cornea humido superfusa, radiationes mixtas, huiusmodi colorationum representatiuas, ita transmitti intra oculum; ut necessariò in fundo illius, circa imaginem illustrantis, radij consignati, disponantur in gyrum, atque ita ad similem apprehensionem determinent.

In corona verò circa Solem rubente, aut vario circa Lunam colore tincta.

Constat in radiis penetrantibus validiùs, secundùm incidentiam magis directam, medium guttarum, in illis iuxta situm, quo ad illustrans, & spectatorem conuertuntur vtrinque designatum, non deferri contemperationem representatiuorum pro coloribus mediis ad fuscum magis vergentibus, & ita in medio illustrato discernibilibus. Quare non nisi à partibus in illis tali determinatione recedentibus à medio illarum haberi contemperationem representatiuorum sufficientem ad talem apparentiam: ac proinde conuerso oculo spectatoris directè ad illustrans, non nisi à guttis recedentibus vniformi remotione ad latera, transmitti radiationes illi exhibendæ proportionatas, ad illum: rursus à validioribus radiis ab illustrante directè traiectis in oculum, vel modica refractione per tenuè vapidum, ante oculum proximè ad directionē illustrantis diffusum, impediri, ne alia radiatio vel aliquo modo similis, sed multò lan-

guidior, vel in sua dissimilitudine valde debilis, faciat impressionem notabilem in Retina, per quam, in confinio tantò validioris, sufficienter determinetur potentia ad discernendum tale obiectum debilius.

Quare pro tanto recessu à validiore multò impressione, facta intra oculum, & ita aliquomodo in gyrum impediri ne impressio tantò languidior, etiamsi deferret contemperationem de se proportionatam apparentiæ alicuius coloris medijs, sufficienter determinet ad illum, proximè ad tale validius illustrans, discernendum.

Similiter non nisi pro tanto recessu mediarum partium cuiusvis guttæ, ac proinde in gyrum disposito, incipere ab illis intra oculum sufficientem impressionem ad internoscendam colorationem mediam, talia illustrantia coronantem. Desitionem verò secundum circumferentiam æqualiter à media directione remotam disponi, quia devenitur ad traiectionem radiationis contemperatæ à talibus extremis partibus guttarum; quæ cum sit prorsus secundum æqualem dispositionem guttarum respectu axis, ab illustrante ad spectatorem designati non potest aliter disponi.

In corona modicè albescente, & ampliore gyro apparenter circumposita illustrantibus validioribus respectu nostri, quam diximus esse ex reflexione radiorum à tenuioribus guttulis, præter animadversa in superioribus coronis, de impedita sufficiente determinatione sensorij pro tanta distantia à multò validiori impressione facta per radios magis directè immisos à dictis illustrantibus; adverte quod dum in tali materia plures reflectentes luminis in tali situ respectu videntis, sufficienter adunantur ad sensibilem, & terminatam repræsentationem alboris, æqualiter etiam disponuntur, ac proinde in gyrum respectu illius; disturbata faciliè tali apparentiâ, ex impedita convenienti dispositione materiæ.

Quod spectat ad spectra Soli conformia, secundum quæ sit apparentia in Pareliis, videntur ea esse in duplici differentia.

rentiâ valdè notabili; aliqua enim ita Soli assimilantur, vt videatur idem Sol, velut multiplicatus in illis; alia verò designationem subalbidam, Disco solari solùm in expansione velut circulari conformem exhibent.

Prima non possunt exhiberi per reflexionem: nam tale speculum, quod validiùs sistat, & reflectat radios Solis, ad tam viuïdam apparentiam, & ita conformem ei, quæ obtinetur per radios à Sole directos in oculum, non potest dari in natura, sine notabili constipatione, & terminatione materiæ, qualem non admittit vapor, aut nubes rorans, nec vniuersè consistentia in tali situ. Exhibentur autem ex refractione radiorû Solis, secundùm quam, ex occurfu talis vaporis refractui inter spectatorem, & situm proximum directioni Solis ad ipsum, non solùm veniunt ad oculum ipsius radij à Sole directi, secundùm quorum impressionem Sol ordinariè, & validissimè apparet, sed etiam in tali vapore refracti, nec multum debilitati, quibus, sensorium in alio situ consignandis imaginem Solis, prouocatur potentia ad aliam Solis pro alio, & alio velut situ existentis apprehensionem.

Viderunt alij, & eiusdem apparentiæ testis accedo: Solem iam infra horizontem progressum, iterùm ex crassiore vapore intercurrente inter spectatores, & situm ad horizontem è regione Solis inclinatum, apparuisse velut subsilientem; dum radij, qui rectâ procedentes à Sole supra spectatores fuissent extensi, ex refractione deflexi ad oculos illorum deueniunt. In quo casu si radij directi à convexitate Terræ non impediti, deuenissent simul & semel ad eisdem oculos, secundùm directionem geminæ impressionis in sensorio, conspectus fuisset simul & semel in gemino situ velut multiplex: tale autem impedimentum non adest, quando Sole supra horizontem eleuato, talis vapor ad situm, proximum directioni à spectatore ad Solem, interponi potest; & quidem ad variam positionem multiplici apparentia, vt plures quasi Soles simul videan-

tur; dum idem simul & semel in multiplici situ videtur, ex varia, & conuenienter disiuncta impressione facta à radiis eiusdem Solis tùm directis, tùm variè inclinatis per multiplicem refractionem ad eundem oculum.

Dixi vaporem debere esse crassiorē, quia nisi talis sit, radiis ex aëre in vaporem, & ex eo in aërem diffusi, non patientur notabilem refractionem, qualem indicat, & requirit differentia sitûs apparentis inter Solem, spectatum radio directo, & spectatum secundum refractos. Neque opacitas maior in vapore sine densitate notabili supra aërem quidquam prodesset ad talem refractionem, ut constat ex suprâ dictis de legibus refractionum, & sine illis præstituto.

Quomodo autem vapor densior aëre possit intra aërem tenuiorem suspendi suprâ diximus Cap. 22. Sect. 4. n. 3.

Spectra secundo loco memorata, tum ex tali apparentia, valdè ad latera Solis, pro notabili distantia, disposita, & subalbida, licèt configurata Disco solar; tum ex situ apparentiæ, non videntur esse ex radiis per solam refractionem in oculum directis; ad reflexionem verò, per quam, nulla habita ratione figuræ reflectentis, imprimatur oculo imago, præcisè configurata faciei illustrantis, videtur prorsus ineptus vapor fumidus, ut qui lumen combibens & variè reflectens, potiùs per modum corporis asperi apparenter coloratur, sicut passim euenit in nubibus; quam illustretur per modum speculi, seruata in suis maioribus partibus validâ reflexione, secundum æqualitatem anguli reflexionis cum angulo incidentiæ, per quam, sine alligatione ad terminationem subiecti, imprimatur sensorio imago configurata faciei illustrantis.

Superest nubes densata dum dispergitur in pluuiam, sed eius guttæ in illa multitudine dissociata, & tumultuario, ut casus tulerit interruptè situata non videntur primo aspectu constituere posse æquabilem superficiem integri speculi apti ad apparentiam illorum. Verùm cum ea nunquam
cueniar,